

رواية

بتوقيت جريتتش

رانيا الطنوبي

دار اكتب

CPVW

بتوقیت جرینتش

بتوقيت جرينتش

رانيا الطنوبي

الطبعة الأولى ، القاهرة 2018م

غلاف : أحمد فرج

تدقيق لغوي : خالد رجب عواد

رقم الإيداع : 2018/ 4681

I.S.B.N: 978-977-488- 570 - 9

جميع حقوق النشر محفوظة، ولا يحق لأي شخص أو مؤسسة أو جهة إعادة إصدار هذا الكتاب، أو جزء منه، أو نقله بأي شكل من الأشكال، أو وسيلة من وسائل نقل المعلومات، ولا يجوز تداوله إلكترونياً نسخاً أو تسجيلاً أو تخزيناً، دون إذن خطي من الدار.



دار اكتب للنشر والتوزيع

العنوان : 12 ش عبد الهادي الطحان ، من ش الشيخ منصور، المرق الغربية ، القاهرة ،

مصر

هاتف : 01111947957

بريد إلكتروني : daroktob1@yahoo.com

جميع الآراء الواردة في هذا الكتاب تعبر عن رأي كاتبها، ولا تعبر بالضرورة عن رأي دار النشر.


بتوقيت جرينتش

رواية

رانيا الطنوبي



دار الكتب للنشر والتوزيع



إهداء

إلى صاحبة الفضل بدعواتها ورضاها، إلى أُمِّي بَارِكَ اللهُ فِي
عِطَائِهَا، وَإِلَى مَنْ عَلَّمَتْهَا فَكَانَتْ صَاحِبَةَ الْفَضْلِ عَلَى كُلِّنَا،
جَدَّتِي رَحْمَةُ اللهِ عَلَيْهَا.. وَإِلَى أَبِي وَزَوْجِي الْحَبِيبِ وَإِخْوَتِي
أَحْمَدَ وَإِيمَانَ وَدَعَاءَ آيَةٍ.... أَهْدِي سَطُورَ تِلْكَ الْحِكَايَةِ.



قبل مرور عام

كان يجوب الغرفة ذهابًا وإيابًا يُمتَي نفسه بمجيئها، ولكنها كعادتها تأخرت، نظر لساعته وزفر ثم فرك يده وتوجّه للنافذة المظلة على ساحة الجامعة ووقف بها شاردًا يتساءل بقلق: هل وافقوا على إجراء التجربة؟

وعلى الرغم من عشقه لـ "ربما"، فإنه هذه المرة تمنى أن يكون موقفهم حاسمًا.

وقبل أن يتلاعب به الشك قرر التأكيد لنفسه بثقة.

أنت عارف أبو العزم وهم يعرفون ذلك جيدًا، يعرفون الرجل الذي لطالما جعل من "ربما" مبدأه ليفتح معها فضاء الاحتمالات على مصراعيه لكل فكرة يتردد أي عالم في تنفيذها.

فلولا "ربما" ما كانت أحلام البشر، وما كان هو ليهاجر منذ عشرين سنة تاركًا كل شيء خلف ظهره ليدرس الطب الإبحائي وعلوم البرمجة العقلية ويصنع جهازه الذي سيغير مجرى حياة البشر.

وأخيرا وصلت إيميلي، صومًا الحاد انتشله من أحلامه التي كان ينسجها عن نجاحه وغناه، وبمكتبها كان اجتماعهما لتخبره ببرود الإنجليز أن بحثه وتجربته قد تم رفضهما، سعى للمناقشة لكنها حسمت الأمر بصيغة قاطعة:

"إنما مجرد نظرية مبنية على افتراض، أضف إلى ذلك أن القوانين لن تسمح لك بالتلاعب بعقول البشر".

ترفع عن الجدال وغادر حائقًا وبمكتبة الكلية انزوى، شاردًا لا يدري من أين البداية حتى أتاه همس آدم يقطع عليه شروده:

- ما أكثر العاديين يا عارف.

- ربما.

قالها بضيق وقد بدا مُشوَّشًا، فرد آدم بثقة:

- ربما هنا ليس مكانهم.

- محتمل.

- حاول وستجدهم.

وعندها تبادلًا النظرات. وقد استوقفت ابتسامته عارف متسائلًا: أهى لحنه على المجازفة أم أنه يعرض المساعدة؟ وبغض النظر عن السبب يكفيه أنه قد حسم أمره بـ "ربما" تنجح التجربة.

قبل التجربة



(1)

إرساء القواعد

القاعدة الأولى

(إذا أردت أن تبيع الوهم سوق له بشكل جيد)

"أن تكون نفسك".

"أن تعرف من أنت".

"أن تدرك ذاتك الحقيقية".

كلمات قد تكون عنوانًا لدورة تدريبية، أو مقدمة كتاب كُتب على غلافه:

"الهري الأكثر مبيعًا في تاريخ البشرية".

ولأنه يدرك كم هي براءة كلمات التغيير قرر أن تكون هي مدخله، فما أسهل إقناع البشر بأن تحقيق الأحلام هين، وبأن ثمة طرقًا بسيطة لا تحتاج لتعب وعندها لن يصدقوا وحسب بل جميعهم سينفذون ما يُلقى على مسامعهم حتى لو بدا غير منطقي.

عاد عارف للقاهرة بعدما انصرم عام قضاءه في التخطيط لعودته لتكون استثنائية ومبهرة، وصل مطار القاهرة، حاملاً أغراضه وقفصين وبكل قفص "قرد".

ليبدو كمشهد من أحد الأفلام، إلا أنه قد بدل في صورته فحتى لو كان عائداً من بريطانيا فهو لم يمسك بيده "pipe" يدخنه، ولم يتحدث بكلمات ما بين الإنجليزية والعربية، بل بدا رجلاً في بداية الخمسين من عمره وملاحمه مصرية بامتياز.

رت مصر يا فندم.

لها ضابط المطار وقد مدَّ عارف يده بجواز سفره وعندها تابع: -
حضرتك بروفيوسور؟
- أيوه.

- وإيه اللعب اللي معاك دي؟ دي قروود؟
وقبل أن يرد عارف نظر الضابط لزميله وعُقب بتأكيد: صناعة
لعب الأطفال في العالم كله اتطورت، أول إمبارج كانت واحدة
جاية معها قطعة، شيء خيالي يا أخي متفرقهاش عن الحقيقة، أه وربنا.
ثم بادر بسؤاله لعارف:

- ودول بزميلك ولا بريموت؟
بابتسامة ساخرة أجابه:
- لا دول بيشغلوا بالتصقيف تصقف القرد يتنطط، وأول ما
تبطل تصقيف يطل تنطيط.
وجاءته الإجابة بانبهار:

- لا مش ممكن، طيب تسمحلنا نتفرج.
وهذا ما حدث، صققوا معًا والقرد قفز، وعلت بعدها التمتمة.
"الغرب دول عليهم حاجات يا أخي، أنا في الأول كنت فاكرهم
حقيقين، ودول حضرتك جايهم لين هنا".

- لولاد أختي أصلهم قرود برضو.

- ما شاء الله ربنا يخلي، لا حضرتك نورت مصر والله وأنا سعيد
إني شوفت حضرتك.

وقبل رحيله رجاء:

- طيب تسمحلنا بس بصورة سيلفي مع القرد.

وبالتأكيد وافق، ثم أنهيت أوراق عارف، وغادر بعدها لتبدأ
التمتمة، فالجميع حوله ما بين هامز ولامز، محور حديثهم جملة واحدة:
"شوفت القرد".

لكنه لن يبالي، فكل ما يرجوه الآن هو أن يبدأ بحثه عن العاديين،
وسؤال واحد يشغله هل سيجدهم؟!

هو كملايين يحلم، وأحلامه ليست معضلة أبداً، يريد أن يبذل
حالة شقته من إيجار جديد لتمليك حتى لا يكون تحت رحمة مالكيها،
أن يضمن لزوجته وما تحمل بأحشائها غداً خالياً من الديون، وهامشاً
لا بأس به من الرفاهية، لعل حماته المصون ترضى عنه ذات يوم، تلك
التي رحلت منذ ساعات بعدما أفسدت عليه يوم إجازته كعادة كل
جمعة تأتي فيها لبيته لتساعد ابنتها كونها بالشهور الأخيرة حملها.

بغرفة صغيرة بمزله يسميها مجازًا غرفة مكتبه، دون اسمه
ساخرة على آخر خطاب كتبه والذي سيقوم بإرساله غدًا

"مسعود سعيد أبو السعد"

فهل سيتحقق حلمه يومًا بالسفر؟

ربما

فتح بريده الإلكتروني ليؤكد أنه لم يصله ردٌّ من أي شركة
راسلها، فزفر ثم نظر للخطاب الذي قرَّر إرساله بريدًا، ومنى نفسه
أن يتحقق حلمه بأي الطرق، أغلقت درة التلفاز ونادته لينام، فقام
بعدما تتأهب وجاورها وقد تمدَّد واضعًا كلتا يديه أسفل رأسه يطالع
سقف الغرفة بشرود متسم، مستسلمًا للذة أمنية من فرط الرجاء
باتت غالية، تقلبت زوجته في نومها فظن أنها ما زلت مستيقظة،
فالتفت ليسألها بشوق:

- أنت نمتي يا حبيبتي؟

والرد جاءه من يدها وهي تتقلب مرة أخرى وقد صفعته دون قصد،
صفعة كاد يردّها من فرط غيظه إلا أنها كانت بالفعل مستغرقة بالنوم،
فلم يملك إلا أن يوليها ظهره وهو يلعن الزواج، ليكون الرد منها
ركلة باغته فسقط معها أرضًا ليقف ويزعق عندها:

- وكمان بترفضي، ده إيه العيشة دي يا ربي!

ولم يملك إلا اتخاذ أريكة الصالون ملاذًا لينام ما تبقى من ليلته،
فلا اعتراض على أي تصرف لدرة يعني حزنها ومحاضرة مُطوّلة من
حاته بأن الحامل لا بد أن تنعم بجوٍّ من الراحة وخصوصًا زوجته كونها
حاملًا بتوأمهما والويل له لو نسي.

وفي الصباح كان منها العتاب بفراط أسي، لزوجها الذي ما عاد
يجبها وما هي البداية: نائم في الريسبشن، دي آخرتها، يتدور على أي
فرصة عشان تبعد عني.

ومقصدها الحقيقي كان إظهار الضيق من فكرة سفره، هو يريد
الغربة وهي لا تريدها، هو يريد تحسين ظروفهما وهي ببساطة راضية.
ولم تصمت بعدما وضعت الفطور، بل ظلت تتبرم بكلمات مفادها
لعن السفر والغربة والفرار لتفرض عليه الرد معترضًا:

- يعني عجاكي عيشتنا؟

- إحنا أحسن من غيرنا؟

- أهو ده كلام الناس الخيبة، اللي معندهاش طموح ولا بتفكر
لبكرة، وكفاية بقى عشان أنا زهقت وعايير أروح شغلي.

أكمل هندامه وتناول فطوره في صمت ثم رحل بعدما حسم
النقاش ببتوه، يكفيه ما يتلاقاه بالمترو حين يرتقي بجسده في خضم
التلاحم البشري، تكاد تنهشم نظارته إذا لم يكن قد حدث هذا مرتين
من قبل، وبين أمنية "سكة يا أستاذ، قدام فاضي على فكرة".

مرورًا بـ "ما نساعي بعض يا جماعة، ما كلنا عندنا أشغال".

يسند جسده على أحد الأعمدة المعدنية، تطوف على محياه
ابتسامة أسمى وهو ينظر لنفسه، اتسخ حذاؤه لكن ملابسه نجت
ونظارته وبفضل الله لا تزال سليمة.

ومن مسعود لحايب الرجا كما تنعته زوجته:

"عبد الشكور رسمي عبد الصبور"

بنفور رددت المدرسة بالحضانة المتميزة اسمه وكأنها تريد السخرية،
مستغربة من اسم زوجته رنا وابنته كترى والتي لم تجب عن أسئلتها
التي طرحتها على مسامعها باللغة الإنجليزية لتنتهي المقابلة التي سعت
لها رنا برفض الحضانة لابنتها "الفاشلة".

فينقلب اليوم رأساً على عقب، لن تكتب على حسابها بالفيس
بوك أن ابنتها بحضانة منتسوري كبقية أصحابها، وبالتأكيد عبد
الشكور هو السبب كونه رفض اقتراحها بأن يتحدثا بالإنجليزية أمام
ابنتهما كي يتحدثها بطلاقة:

"نعم".

هتف بها وكاد يشق ملابسه وهو يكمل:

- يا شيخخة اتقي الله ده كنت باجيب فيه درجة النجاح.

زاد غضبها فردت:

- ما أنت لو سمعت كلامي كان زمانك fluent.

ولم يكن يعرف معنى الكلمة فشعر بالحرج، لكنه قرّر تدارك الموقف والرد بثقة:

- مش أنا الراجل اللي يقبل حاجة زي دي على نفسه.
ظنته يمزح فزفوت وهي تضرب قدمها اليسرى في الأرض من الغيظ ثم تركت له الغرفة، جلس على طرف السرير ثم تنهد بأسى وشرّد، هل سيتحقق حلمه يوماً برضاها؟

ربما!

هو يبذل قصار جهده ليوفر لبيته كل ما يستطيع لكن اللعنة على راتبه الذي ينقضي قبل نصف الشهر، ورغم هذا هو لا يقدر على كسر خاطرها ورفض دخول ابنته لحضانة تكاد تقترب مصروفاتها من نصف راتبه أو أكثر لكنه لا يملك حيلة أمام إلحاحها.

"ربنا يهديكي يا رنا".

تمتم بها وهو يُمني نفسه عدوها عن الفكرة لكن مع صباح اليوم التالي تفاجأ بها وقد أعدت طبقاً به "كيس كرواسان" بجوار علبة عصير، ثم وضعت قبلة دافئة على خده، وإذا عرف السبب بطل العجب؛ حضانة أخرى بمميزات أكثر وقد عددت مصروفاتها أقل بكثير من اللي قبلها ومدرسين على أعلى مستوى، قلت إيه يا شيكو

- شيكو تعب وربنا.

وبدا لها حين خرج أن دلالها قد فقد أثره بينما هو بسيارته زفر،
من تظن نفسها لا يدري، ألم تنظر بعين صادقة ولو لمرة واحدة
لإمكانياتهم، لسيارتهم الـ 128 التي ورثها عن والده، تلك التي
تكرر أكثر منها تمشي، وما هي قد فعلتها ثانياً "كركرت"، فأخرج
رأسه من النافذة، وهتف بأحد المارة بعشم مواطن مصري: زقة بس،
معلش.

وبين انعدام المبالاة مروراً بجملة: يا أخي هي ناقصاك ع الصبح، لم
يجد عبد الشكور بُدّاً فنَادَى على بواب منزله:

- معلش يا لؤي إيدك معايا.

فأتجه إليه واضعاً جلبابه بين أسنانه ليدفع سيارته التي يكاد يجزم
أنها من مخلفات الحرب العالمية الثانية، بينما هو يكاد يجزم أنها أدمنت
السير بقوة الدفع لا البرزين.

إلى أحد شوارع الحلمية وقد بدا صباح مختلف، فقد طففت
المجاري ليلاً فلم يملك الأهالي إلا رصّ قطع من الطوب ليتمكنوا من
السير فوقها، عندها شمر عن ساقيه مقرراً الوثب فوقها لتفادي المياه.

"فهل يفعلها عم إسماعيل؟

وكاد لولا أن انزلت قدمه فسقطت أرغفة الخبز من يده
وسقطت عصاه وتعالى هتاف بائعة الجرجير.

"يا بشير الحق جدك وقع في المجاري".

فركض مُسرِعاً ليجد جده يزق بمن وقفوا حوله:

- دي رصة طوب يا بهائم، مش اللي يرض الطوب يرصه عدل

سعى لإسناده لكنه وكزه بعصاه ليعده عائداً لمزله، فجده كعاداته
يأبى الاعتراف بما خطه الزمن ويُصر أنه لا يزال كما هو، وما إن
وصل حتى احتدم الشجار بينه وبين ابنته، أصرّ أن يجلب الفطور
فأتلف الخبز، ووقف بشير كالعادة بالمنتصف ساعياً للتهدة.

لكنه لم يملك حيلة قط مع عنادهم، وبالنهاية انزوى جده بغرفته

مقررًا

"لن يفطر".

وبعد نظرة عتاب من بشير لوالدته اتجه هو للفرد للجليب خبز
بديل، ثم إلى محل الفول والطعمية المجاور ثم عاد، أعد صنية الفطور ثم
طرق الباب وهتف:

- والله يا حاج إسماعيل لو ما فطرت ما هافطر.

وأمام جملة رضح جده فقبل جبهته ليسترضيه وعندها ابتسم
إسماعيل وسأل:

- جيب طعمية؟

- سخنة ومحشية ومنسيتش المخلل.

- طيب اقعد خرينا ناكل عشان تلحق تروح شغلك.

رضاه بالتأكيد الأهم، حتى لو كان الثمن التأخير على موقف
الميكروباصات وإيجاد ما توقعه.
"مفيش ميكروباصات".

جملة تحمل بين طياتها أسوأ التوقعات، فإما نصف المسافة أو أجرة
مضاعفة، هذا إن أتى ميكروباص بالأساس، وانتظر فهو لا يملك
خيارات أخرى حتى أتى واحد وهتف سائقه:
- الأجرة بقت خمسة جنية يا بهوات.

ولم يعترض أحد، بالنهاية مقعد عن طريقه ستصل لوظيفتك، بغض
النظر عن شكل جلستك، أما هو فقد انحسر بالأريكة الأخيرة وسط
رجل وامرأة.

وتعالت المهمة ففهم منها أنها دعاء على السائق المستغل وهنا
اعترض أحدهم:

- يا جدعان متدعوش عليه، استنوا أما نزل الأول.

"ونعم الأخلاق!"

هي الوصف الأدق لكل ما دار حوله بل أنها تأكدت حين
اكتشف بشير أنه لا يحمل بمحفظة إلا ورقة نقدية واحدة من فئة
الخمسين جنيهاً ولا يحمل غيرها.

لأتية من بعدها التعليقات تباعاً ابتداءً بالسائق الزاعق لأنه لا
يملك فكرة، مروراً بالركاب وتعليقاتهم.

"مكونتش قادر تفك من أي كشك - شكله كل اللي معاه
خسنيات وميات - الله يحسن عليك يا عم".

- وربنا ما معايا غيرها.

وصوت انتشل الجميع وفرض على السائق أن يُوقف العربى فجأة

"فاضي يا أسطى؟"

- طبعاً يا آنسة اتفضلتي.

وتناسى الجميع أمر الخمسين جنيهاً وساد الصمت لدقائق يتابعون
فيها الآنسة التي ما إن لحها بشير حتى تمنى لو انشقت الأرض
وابتلعته، رُحماك ربي إنها صبا، زميلته في العمل و....

سته أشهر يتابعها في صمت وأول موقف يجمعه بها يكون هنا،
انكمش في مقعده أكثر وفي نيته لن يشعرها بوجوده، لكن هيات
فالسائق قرر نزوله ما دام لم يدفع أجرته، ثم نظر باتجاه صبا وأعطاه
نقوده لتعطيه إياها، وحانت الالتفاتة لتكشف أنه بشير مسئول قسم

الحسابات، وما إن مد يده ليتناول النقود ويتجه للزول حتى هتفت هي:

- الأجرة عندي يا أسطى.

أدفع نيابة عنه؟ عرفته بالتأكيد، ذلك المرتبك الذي يتفادى دومًا النظر لوجهها ولو نظر يكاد يغرق في تصبب وجهه بالعرق، انكمش أكثر وشعر ببالغ الأسى، أهذا هو الموقف المنتظر؟

أبعد كل هذا من الممكن أن يتحقق حلمه وتكون زوجته؟

"ربما؟!"

صُدِم إلى حد أنه آثر الصمت دون شكرها. بينما المهممات عادت من حوله للحد الذي فرض على من جلس أمامه أن يلتفت إليه ولسان حاله يكاد يهتف "يا ريتني كنت أنا يا أخي".

متى يكبر؟

سؤال تسأله كل أم تُمني نفسها برؤية ابنها رجلًا.

لكن ماذا لو كان هذا الرجل يبدو لها بكل تصرفاته طفلًا؟

بالأمس نام حتى المغرب كعادته بيوم إجازته، وعندما استيقظ طلب شايًا بلبن، ثم خرج برفقة أصدقائه على المقهى وتناول شايًا بلبن

ثم عاد وجوارها مساء وتفادى الحديث معها بعدما أنهى يومه بكوب شاي بلبن، وها هو الآن ينهي هندامه أمام المرأة وقد أغدق على ملابسه نصف زجاجة العطر ثم انطلق ليجازرها ليتناول فطوره المعتاد شايًا باللبن وبقسماطًا بالسمن، وعندها علا هتافها بضيق: برضو هتسقي يا عيسوي.

ودون تعقيب واصل التهام البقسماط اللين بتلذذ، وهو يغمض عينيه ليعبر عن مدى اشتهاؤه لما يأكل، والابتسامة تعلو شففيه، أتراها تصمت وتتركه؟! لن تفعل وراحت تعيد ذات حوار الأمس الذي قُرب منه سائلة:

- كلمت عماد؟ -

زفر بشدة ثم وضع البقسماط من يده وهتف:
- يا ماما حرام والله هو ليل همار مقيش موضوع ممكن نتكلم فيه غير جوازي؟

لوت شفيتها بضيق وعقبت:

- مش أنت اللي قلت هتكلمه عشان يحددلك ميعاد مع بنت خالتك.

زفر ثم قرر أن يريها فأجاب:

- حاضر يا ماما، أول ما أوصل الشغل هأكلمه يحددلنا معاهم ميعاد، حلو كده؟

ابتسمت برضا ثم رفعت يدها بالدعاء:

- يا رب الموضوع المرة دي ينفع واخلص منك بقي.

- يا رب يا أم عيسوي.

وأسرع بالتقاط كوبه وشربه دفعة واحدة وسحب مفاتيحه وأسرع بالخروج وهو يُمني نفسه أن تتأسى مشيرة أمر زواجه.

فهل سيتحقق حلمه بأن تتركه وشأنه؟

"رعا؟!"

ركب دراجته البخارية وانطلق حتى توقف أمام مقر شركته، كانت الثامنة صباحًا بتوقيت القاهرة، لمح صبا تمشي بتمهّل وما كان هذا ليستوقفه إلا عندما لمح بشير آتيًا من خلفها فلمعت عيناه مقررًا أن يثير ضجر ذلك المتحذلق دائم السفسطة كونه معجبًا بها، فاقترب منها عند مدخل البناية وسعى خلف فتح أي حوار مفاده التلکؤ، المهم أن يمر بشير بجوارهما فيمنحه ابتسامة باردة تفرض على بشير الشعور بالغضب من ذلك المزعج العايب الفوضوي، وكونه خجولًا صعد الدرج تاركًا المصعد لهما.

أما عبد الشكور فبعد معاناة وصل، ركن سيارته وأسرع إلى عربة عم شلتوت ليشتري فطوره المعتاد - سندوتشات الفول والمخلل - وأسرع باتجاه الشركة، كاد يرتطم بذلك المهندس المتغطرس الذي لا يُلقى السلام أبدًا على أحد.

وما استشره مسعود عندها أنه تمالك نفسه بمعجزة حتى لا يصفع ذلك التافه المسمى عبد الشكور، أي كيس هذا الذي يحمله وكاد يلطخ به ملابسه التي نجت بأعجوبة من المترو، بادلا بعضهما البعض الصمت حين حملهما المصعد بينما اتجه كل واحد منهما إلى مكتبه، متمنياً مرور يومه دون مشكلات بالعمل، لكن ليس كل ما يتمناه المرء يدركه ويكتب عبد الشكور كانت البداية حين علا رنين الهاتف فأجاب: شركة الفيروز للإنشاءات والاستثمار العقاري، نحن من نصنع الفرق بحياتك، لسنا متفردين ولكننا مميزون.

- يا شيخ اتنيل.

انتصبت قامته وابتلع ريقه وهو يهتف:

- فيروز هانم صباح الخير.

- خير، هو اللي يعرفكم يعرف خير تعالي فوراً على مكنتي يا أستاذ، اتفضل.

أغلقت الخط ثم هاتف صبا سكرتيرتها تطلب منها إبلاغ الجميع بأن هناك اجتماعاً بمكتبها خلال عشر دقائق.

وما إن اجتمعوا حتى تعالي هاتفها بهم:

- ده اسمه استهتار يا أساتذة، دعاية للمشروع تكلفتها قُرب المليون جنيه وفي الآخر أراجع برشورات الدعاية ألاقي فيها أخطاء، إزاي ده يحصل.

حدقوا ببعضهم البعض، لن يمر اليوم على خير، عادت فيروز لزعيقتها نظرت لواحد واحد منهم وقامت بتوبيخه، دون فرصة واحدة لشرح الأمر أو تفهم أين الخطأ أو حتى الدعوة للبحث عن السبب، يكفيها أنها فرغت طاقة الغضب وأتمت كلامها بحذرة:

- أنا هأكتفي بتلات أيام خصم لكل واحد فيكم لكن أقسم بالله لو أتكمرت الغلطة دي مرة تانية هتكون النتيجة إني أقولكم بالسلامة، مفهوم.

بالطبع ومن هو الذي لن يفهم معنى حصوله على راتب أقل، مضافاً إلى ذلك بالغ شعوره بالحق لأنه لم يكن صاحب الدنب.

وهذا ما استشعره مسعود بالضبط وهو يصفع باب مكتبه خلفه ثم يركل بقدمه المقعد المقابل لمكتبه هاتفًا بحق:

- اللي اسمع عبد الشكور ده يتيل يغلط وأنا اللي أشيل قرفه.

وما زاد الطين بلة رنين هاتف لم يكن بوقته من درة ولم تصدق أنها صُفّعت بإحدى كلماته فقط لأنها سألت ببراءة:

"مسقعة ولا بامية".

أما عبد الشكور فازتمى على المقعد المقابل لمكتبه ببالغ الأسى، سيحملونه المسؤولية عما حدث، والحجة مسئول قسم التسويق، ولكن من المسئول عن المراجعة النهائية قبل أن يعتمدها، اليس هو ذلك المتفطرس والآخر الفوضوي؟ وكالعادة لن يجد من يشعر به، هو

يحترق ليجلب المال ويؤبّخ حتى لو أخطأ غيره، وبالنهاية أين رنا؟ فهي لم يعنها يوماً ما يتكبد.

وبشير يئنُّ بمكتبه، أين الخطأ؟ لكن ما الأهمية بعدما تحطمت آماله على إثر كل ما حدث؟

"هو يوم باين من أوله".

والأسوأ أن صبا كانت شاهد عيان على كل ما حدث.

وبالنهاية لم يكن عيسوي يشعر بالغيظ من شيء بقدر رنين هاتفه المتواصل، فقرّر ألا يجيب والدته، فلم تستسلم وأرسلت له رسالة مفادها:

"كلمت عماد".

عَضَّ كَفَّ يده من فرط الغيظ هاتفاً:

— والله ما هترتاحي إلا لما تشليني.

"طيب عماد جايلك في السكة أنا قلته يعدي عليك".

رسالة أخرى أكدت، لقد وضع لا محالة بخانة اليك، ولن تهدأ مشيرة إلا برؤيته بجوار المأذون.

عاديون؟

ربما؟!

مميزون؟

احتمال؟!

لكنهم بنهاية المطاف بشر، يملكون بعض الأحلام بجوار سؤال تنه
به عقولهم، متى سيتمكنون من تحقيقها؟

(2)

القاعدة الثانية

(اصنع لنفسك هالة، كن محور الأحاديث، والتزم

الصمت).

"شوفت القروء".

"بيقولوا حقيقيين".

"لا لا لعب أطفال".

"يا شباب ده فيديو أنا رفعتة على يوتيوب للدكتور أبو قروء،
مشاهدة ممتعة".

بوستات بوستات بوستات، تويتات تويتات تويتات، ألا أونا.. ألا
دوي... ألا تري.

ها قد بدأ المزاد!

ومر الأسبوع الأول على مجيء عارف.

بأحد المجموعة الأدبية كتبت منشورها ثم انتظرت الردود:

"غايزة رواية يكون فيها البطل اغتصب البطلة أو أتجوزها غصب
والآخر حبوا بعض، بسرعة بليز".

ثم اتجهت للمطبخ، أعدت مشروبها المفضل الشوكولا الساخنة،
وقطعة من المعجنات ولوح شوكولاتة، ثم عادت لغرفتها، فرحت

حين وجدت روابط تحميل بالتعليقات لروايات لم تكن قرأتها من قبل،
قامت بتحميلها ثم اهتمكت بالقراءة وهي تقضم الشوكولاتة ثم تحتسي
المشروب ثم تبسم تارة وتارة تنهد:

"هيسيح".

وتكمل، وطيف حلم يتصدر المشهد، فارس يشبه أولئك الذين
تقرأ عنهم، مواصفات بسيطة تتمنى أن تجدها في فارس أحلامها،
وسيم مؤدب أسمر وأشقر غيور وراق، ناعم وصلد عصبي وحكيم
وقح وجريء وبتاع بنات ، ملتزم متدين وبار بأهله".

توليفة ولا أروع، لرجل من زحل لكن رغم هذا هي تمتلك اليقين
بأنها قد تجد واحداً على الأرض ولو مصادفة.

"هيسيح مرة أخرى".

ثم دموع وبكاء قد يصل حد "الشحفة"، ثم ابتسامة وتنهيدة
وشرود بسؤال:

متى ستجد الحب؟

ولماذا لم يحالفها الحظ بعد، كانت تظن أن عملها كسكرتيرة
سيكون البداية، ستقابل رجل الأعمال الوسيم الناجح الذي قد ورث
شركته عن والده، لكنها صُدمت حين وجدت نفسها أمام فيروز،
وعدة موظفين عاديين جداً، بعضهم متزوج والباقي دون المستوى،
ولم يلفت نظرها أيٌّ منهم.

والدها يعلم ويحمل فوق صدره هم أب يخشى على ابنته
وبشدة، فالناس تغيروا إلى حد فرض عليه أن يطلب منها ألا تركب
سيارة أجرة أو تقود سيارة بمفردها.

عاد لمزله ولم تستشعر عودته فاكفى بالاطمئنان عليها دون قطع
شرودها، واتجه لغرفته وتمدد على سريره شاردًا بدوره، يتذكر ذلك
العريس الذي أتى منذ عدة أيام ويعتلي قلبه الحسرة.

- شاعر -

- شاعر يايه بالظبط.

- لا أقصد إن ده شغلي.

وطالع بعدها صبا مبتسمًا بينما زفر والدها ولوى شفتيه متممًا في
نفسه "أدي أخرة القيس ومجايه".

ثم عاد العريس ليكمل:

- أنا حتى كنت كاتب حاجة كده أتمنى تعجب حضرتك.

وأخرج من بنطاله ورقة وزادت الابتسامة وقد باغت والدها وبدأ
يقرأها.

"صبا صبا صبا يا صبا يا صبا صبا".

وأمام صدمة والدها تنحج ثم عاد وأكمل:

- صبا صبا يا صبا، تعالي يا صبا، خدي تعالي أنا عايزك، عايز
أقولك كلمتين، اتنين بس والله، أنتِ الحب يا صبا ودق القلب يا
صبا، وكل الكل مش بعض الكل وزى الفل، صبا يا صبا تعالي يا
صبا".

واندهش لا مما سمعه بل مما رآه، هل صفقت صبا واتسعت
ابتسامتها وخجلت:

- الله عليك يا أستاذ، رائع.

- متشكر جدًا.

وانتهت المقابلة بوعد منه بأنه سيفكر، وفي قرارة نفسه رفض بل
وانزوى بغرفته حزينا يريد لابنته رجلا يطمئن عليها في كنفه وهذا
ال- ... ماذا يملك؟

- عنده فلورز كثير ع الفيس.

قالتها وهي تشرح امتيازاته لوالدها، فهتف في حنق:

- والفلورز دول اللي هيصرفوا عليكم.

- يا بابا ده كتبه وأشعاره مغرقة السوق، وأعلى مبيعات له هو.

- هو الاستهبال ده كان شعر.

- اعتبرها خواطر.

- هي دي مشكلتك يا صبا.

وزفر حانقاً، لكنه اطمأن حين أخبرته أنها سترفضه، أراحه القرار
وأبعده السبب.

"أنفه كبير، وليس بقدر الوسامة التي تحلم بها".

تنهد بأسى وسؤال لاح بالأفق: "متى تكبرين يا طفلي؟"

أنهت الرواية وتقدمت على سريرها تحلم بعدما تشبع عقلها
بالخيال، أغمضت عينها ونفسها تشبث بالأمل، سيأتي بالتأكيد
وستتغير حياتها رأساً على عقب، سيضمها إليه حتى يكاد يهشم
ضلعوها، سيحملها بين ذراعيه ويجري بها في الشقة من دون سبب،
يقذفها بالوسائد ويتطاير قطنها، وكلاهما لن يفكر أن المنجد لم يحسن
عمله.

أليس هذا هو الحب؟

"ربما".

"هي إيه حكاية عارف أبو العزم دي؟ وإيه الحدوتة في أنه
بروفيسور وراجع مصر ومعاها أبحاثه وقرود؟ هو إحنا ليه بقينا أوفر
كده؟"

#قالك_شوفت_القرود

"إيه الطب الإيحائي ده يا أخوانا هو أي كلام وخلاص".

#قالك_شوفت_القرد

"يا جدعان كفاية بقي، أنتم متخيلين إن المهشاج ده أخذ أعلى
تريندا!"

#قالك_شوفت_القرد

بوستات بوستات بوستات، تويتات تويتات تويتات، ألا أونا.. ألا
دوي... ألا تري.

ها قد بدأ المزاد!

ومر الأسبوع الثاني:

كان القلق هو سيد الموقف، تطل برأسها من الشرفة تنظر للمارين
بخبية أمل ثم تعود أدراجها للمطبخ، تغسل عددًا من الأطباق، ثم تعود
للشرفة.

"فاطمة يا فاطمة"

— يووووه

"يا فاطمة يا فاطمة هو جرى إيه؟"

والتفت لتجد الثلاثة يحدقون إليها بدهشة، عبد الغفور وإلى
جواره أشجان وشجون، فعلى الرغم من إدراكهم أن فاطمة هي أحد

ملوك التراجيديا إلا أنها اليوم قد زادت الجرعة، هي قلقة دوما كأي أم ولكنه اليوم بالنسبة لها ذو نكهة خاصة.

"عريس يا خالتي".

تدوي في أذنيها منذ أن قالها عماد، وشجن لن تتوانى عن "تطفيشه"، لكن أتراه عاد إلى منزله على قدميه أم نقالة.

"ربنا يستر".

قالتها وقد زاد توترها، وعندها أتاها التعقيب من عبد الغفور: متقلقيش يا فاطمة، شجن بميت راجل.

وكأنه لا يدرك أن هذا بالضبط ما يقلقها ومن هو الذي سيتزوج برجل مثله؟

وأخيرا عادت شجن، بصعوبة تكتم ضحكاها كلما تذكرت صديق ابن خالتها وحالته وهو يغادر العيادة، ولم تدعها فاطمة تابعتها وأغلقت عليهما باب غرفتها وسألت:

- إيه الأخبار؟

زفرت بفراغ صبر وأجابت:

- مفيش نصيب.

- ليه، أوعى تكوني طفشتيه.

واللعنة على جملة لولاها ما كان ليضيع زهرة شبابنا:

"بس شوقها ما يمكن تعجبك".

تلك الجملة التي أوشكت على ضياع نصف شباب مصر،
وضيعت وبصدق النصف الآخر، وعلى كل حال تم إقناعه.

والحجة أنه سيراها بمكان عملها، زيارة يمقتها لشدة شعوره
بالافتعال، ولكنه لا يملك لإرضاء والدته خيارات أخرى، وتجنباً
للمواقف الحرجة قرر أن يحدد اسمها:

"دكتورة شجن".

ولن ينكر أنه امتلك فضول رجل يريد المطالعة بل التحديق لو
تمكن، وقف على عتبات الغرفة ينظر لمن أولته ظهرها ترتب أدواتها
المعدنية، نظرة من رأسها المغطى بوشاح أسود إلى أخصي قدميها
الختوية على كروكس أبيض.

ثم التفت لتصدمه، فوجهها قد ابتلع نصفه الأعلى نظارة كبيرة
وأنفها وفمها قد غطتهم بكمامة طبية.

"أنا شايقة أنك مكبر الموضوع قوي".

قالتها مشيرة بعدما انتهى من سرده فهتف: أنا.

— أه، بص لنص الكوباية المليان، ضروسك كانوا مسوسين، وهي
كثر خيرها خلعتهمو ملك تقوم تزعل ده بدل ما تشكرها.

وهذه المرة فقد إمكانية عض يده لألم أسنانه، فقرّر ضمها وضربها
بالخائط المجاور للسريير حيث مجلسه دون ردّ وعندها أردفت:

— إنا نرؤيهم البيت منه تشوفها ومنه تشكرها.

ولم تترك له أي مجال للرد، وهربت من أمامه واتجهت حيث قرار التنفيذ وقد قررت الاتصال بعماد.

أحد برامج التوك الشو، أحد المذيعين ونترك لكم ما قال:

"آه القرد، وشوفت القرد، وقالك شوفت القرد، فراااااااااااا غ فرااااا غ، قرد ايه اللي أنتم قالبين الدنيا عليه، لا واخلوها أغاني عشان القرد من بقية عليتكم القرد، قال القرد القرد خد أعلى تريند".

ولن تتعجب حين تجدها مدوية في المقاهي، أو تتردد مع سائقي
الميكروباصات.

"وأنا اللي كنت فاكركه الصاحب والصديق، استنى منه اللايك
يجيني بحق وحقيق، مطلعشي فلور ولا فريند، استخسرها فيا وادها
للي القرد".

~~~~~

والقرد القرد ..... خد أعلى تريند

إيه القرد القرد ..... خد أعلى تريند

"يا نهار أبيض يا جماعة هي وصلنت للأغاني".

"شير يا جدعان دي الأغنية جامدة فحت".

بوستات بوستات بوستات، تويتات تويتات تويتات، ألا أونا.. ألا  
دوي... ألا تري.

ها قد بدأ المزاد!

ومرَّ الأسبوع الثالث.

\*\*\*

وحين يكون جلدك إسماعيل اسمع نصائحہ ونفِّذ دون مناقشة،  
فالخبير حين يتكلم يعرف ما ينبغي فعله.

"طلما بتحبيها صارحها من غير لف ودوران، صبا أنا بحبك وعازيز  
أقابل والدك".

"طيب افرض...."

وافتح القوس وعدد، فحجج بشير لن تنتهي، وإسماعيل لا يملك  
له حيلًا، وأحيانًا يعذره، بل يعذر جيله بأكمله.

— خلاص لخلها، سهلة.

— طيب وموضوع مها، دي ماما مصرة.

- اتعلم تحسم، اتعلم تقول لا.

"طيب افرض.."

زفر إسماعيل عائداً لغرفته وهو يتمتم:

- أبو شكلكم كلكم.

دار بشير بغرفته والخرة ما زلت تتلقفه بين زميلة يحبها وقرية  
تُفرض عليه لا يُكنُّ لها إلا الاحترام.

والآن ماذا ستفعل مع صبا؟ سأستند على نصيحة جدي ولكن  
بطريقتي!

\*\*\*

ومع صباح اليوم التالي تطلعت صبا لورقة وُضعت على مكتبها  
حاولت فك الطلاسم المكتوبة بها لكنها عجزت.  
"ده خط بشير".

كاد يهتف بها من وقف خلفها يطالع بفضول الورقة ذاتها لكنه  
ابتلعها وصمت واستدرك يفكر وابتسامة هازئة تعبت بنغره.  
"هل يريد التقرب من صبا بعدة أبيات شعرية، من أي زمن أنت  
يا بشير حتى تكتب شعراً جاهلياً، ومن؛ البحتري، شعر أن عليه  
استغلال الموقف فهتف:

- إيه قلة الأدب دي، معقول حد من الشركة فكر يغلس عليك.

التفت للصوت وهي مستغربة شارحة:

- أنا معرفش مين حاطها، أنا حتى مش عارفة أقرأها ولا فاهمة إيه

ده.

وتناول الورقة من يدها وسعى لقراءتها ولم يفهم شيئاً فعقب:

- ده أكيد حد مش محترم.

ونال الغيظ من بشير المتواري عنهم للمراقبة، لحه عيسوي فزادت ابتسامته، بل يا لوقاحته يلتفت لينظر لبشير وكأنه يقرُّ بأنه قد فهم.

طوت صبا الورقة وألقته بسلة القمامة المجاورة لمكتبها:

"أحسن".

والكلمة كانت لسان حال عيسوي دون النطق بها.

والتفت بشير ليعود أدراجه إلى مكتبه ورغم طبيته غلبه غيظه فقرر الرد حين ثنى السجادة بطريق عيسوي وهو عائد لمكتبه، وصوت ارتطام أحدهم بالأرض أكد له أن ما أراده قد حدث، والباشمهندس عيسوي قد انزلق:

"أحسن".

والكلمة كانت لسان حال يشير وهو يستدير يتشف على صوت  
تأوه عبد الشكور.

"أنت كويس".

وكان السؤال من صبا حين زعق عبد الشكور بغضب:

- مين الحيوان اللي تنى السجادة كده؟

وبينما زاد غضب يشير كان عيسوي يكتب ضحكاته بصعوبة  
وعبد الشكور يستند على الحائط ليقف مُدركاً بأسى أن بنطاله تمزق  
لكنها ليست المشكلة.

"هل تمشم الـ "CD" الخاص بدعاية كومبوند مدينة نصر؟

وآه لو أن الإجابة نعم، نظر للعبة المحفوظ بها وأدرك أن الإجابة  
لا، فتركهم مسرعاً صوب مكتب فيروز والتي نادى صبا مطالبة إياها  
أن تخبر موظفيها بضرورة الاجتماع بمكتبها.

"استر يا رب".

وبمكتبها سألت عبد الشكور:

- ومين بقى اللي عملت الإعلان المرة دي؟

وبجدية أجاب:

- السيزون ده بتاع لوللا حضرتك

- لوللا.

وما إن أكدت فيروز الاسم حتى تطلع الأربعة بفضول للشاشة  
المواجهة لمكتب فيروز، حيث طلبت من صبا تشغيل الـ CD.

وما إن ظهرت لوللا حتى تسمر الجميع بمكانه وقد تعلقت  
أنظارهم بها، استقام مسعود واعتدل عبد الشكور بينما عيسوي  
وقف، وبشير سعى أن يرى متمنياً ألا تلاحظه صبا.

وصوت سقوط الصينية التي كانت تحمل فتجان القهوة من يد  
مدبولي الذي فتح الباب مندفعاً فرأى تلك الـ "لوللا" أمامه كان  
خير دليل لصبا، أن فارسها الذي يغضُّ بصره في الروايات لم يُخلق  
بعد على كوكب الأرض.

"حتى أنت يا عم مدبولي؟"

كادت تقولها صبا حينما زعقت فيروز به وأمرته أن ينظف ما فعله  
"ونعم الطلب".

بل إنه قد يتراقص فرحاً لأنه سيكون معهم في الغرفة بحجة  
التنظيف ليطلع الإعلان ذاته.

ظهرت لوللا، ويا له من ظهور! تقف وقد أولتهم ظهرها، نصفه  
عارٍ وقد ظهر لأن شعرها الأشقر كان قصيراً للغاية، شورت جيز لا



يكاد يصل إلى....."ما علينا"، وقد مالت إلى اليمين قليلاً ويدها اليسرى قد أسندتها على خصرها.

وحانت اللحظة واستدارت، ويا لها من استدارة! فالبلوزة التي ارتدتها يبدو أنها قد سترت صدرها بمعجزة!

"ممتاز".

قالها عيسوي وقد ابتسم ببلاهة:

- هوووووووش.

قالتها فيروز فأردف وهو يتحنن:

- الإعلان ممتاز جدًا.

هل ما يراه مسعود حقيقي، هل اندهش عبد الشكور بالفعل، أليس من حق بشير التخلي عن أخلاقه لمدة ثلاث دقائق فقط.

وأتاهم صوتهما الناعم المفعم بالأنوثة:

"نفسك تسكن قريب من النيل، في كمبوند يوفرك خدمات كتشيسير ومتدفعش إلا مقدم قليليل، والشقة بحيز كييسير".

"ده في مصباح علاء الدين".

"مين الفصيل؟"

هتف بما مدبولي حين اختفت الموديل الأنثوي ليظهر بدلاً منها رجل قد هتف بالسؤال، وما إن التفتوا له بـ "هووووش" جماعية، حتى صمت وعاد للتنظيف وقد عادت لوللا، وضعت يدها بيد الرجل الموجود معها بالإعلان وهي تشير إلى صورة إحدى العمارات وترد:

"يا حبيبي دي شركة الفيروز اللي بتعمل عروض ممتازة لكل عريس وعروس".

"لكن أنا منحوس".

"منحوس، أmaal أنا أقول إيه، حسبي الله ونعم الوكيل فيكي يا درة".

وكانت تمتمة مسعود:

"منحوس، ده أنت دقيقة وتبوس، حسبي الله ونعم الوكيل فيكي يا رنا".

وكانت تمتمة عبد الشكور:

"منحوس، روح يا شيخ، منك لله".

وكانت تمتمة بشير.

ولكن عيسوي غير، إذ علا هتافه:

— المخرج ده عامل شوية كلوزات ممتازة.

وحانت التفاتة غيظ من الجميع فأردف:

— للعمارة، ده أنا اللي مصممها ومع ذلك حاسس أنها بقت على  
إيده حاجة تانية خالص.  
"لكن أنا منحوس".

كان قد كررها فأكملت: أوعي تقول على نفسك كده يا بيبي  
"مع عروض شركة الفيروز، الكل هيسكن بأسعار زمان،  
وخدمات جنان، تسهيلات ولا في الخيال".  
"مستني إيه، قوم أحجز لك شقة، أو اتنين، بسعر مغري، والتقسيت  
على سنتين".

"مع شركة الفيروز، نحن نختلف عن الآخرين".  
انتهى الإعلان.

ومعه صدق الجميع أن العمارات التي صممها عيسوي، وأشرف  
على بنائها مسعود، وراجع حساباتها بشير، وسوّق لها عبد الشكور  
تحمل تلك الامتيازات التي يدركون حقيقة الإدراك أنها محض كذب،  
فالكمبونند ما هو إلا ثلاث عمارات متجاورة مُحاطة بسور والخدمات  
ما هي إلا دش مركزي وإنترنت مركزي فقط.  
"أنا مبسوطة".

قالتها فيروز برضا على حملة الدعاية التي ستأتي بمبيعات ممتازة، ولكنها لن تضيف لراتب أي منهم أي شيء، الميزة الوحيدة هي أن اليوم سيمر دون زعيق.

\*\*\*

(ولا يزال البحث مستمراً لحضانة جيدة لكثري).

مُضافاً إليها عدة نصائح أخوية من الأصدقاء والعائلة حول اختيار المدرسة، والخيرة تملؤه كأب يزيد لأولاده الأفضل ولكن كيف والعملية التعليمية باتت حسابية بحثة (ادفع لتجد ما يسرك).

"مستمعينا الأعزاء هنطلع فاصل مع أغنية الموسم ونرجع لكم مرة ثانية".

سمعها عبر الراديو وقد بدأت:

"آه لو لعبت..."

وعلق عندها بحسرة:

- آه لو لعبت يا زهر.

ولكنه صدم حين اكتملت:

"آه لو لعبت يا قرد وابتدلت الأحوال".

"قرد، قرد إيه هي ناقصة؟"

والاستغراب ارتسم على وجهه وهو يركن سيارته جانبًا لشراء  
البطيخ فتمتم: "حاولوا مع الزهر هنج جابوا القرد، ما هي دي  
أخرها".

أما هي فظلت طوال النهار تتابع إحدى جروبات الطبخ ساعية  
لعمل طبق المسابقة وتصويره بالخطوات، حتى انتهت من إعداد  
وحان وقت المنشور:

"دي كانت كل خطوات الفيتوتشيني ألفريدو وادعولي بقي  
تعجب جوزي".

"ماما ماما الحقي حاجة بتحرق".

انفضت على هتاف صغيرها فهتف: الفيتوتشيني.

رفعت القدر مسرعة عليها تلحق كمية ما لم يصيبها الاحتراق،  
وبأعجوبة نجت كمية لا بأس بها أزال آثار الخروق جملة طبق  
وتمت:

— كده كده عبد الشكور ميعرفش طعمه.

وما إن عاد حتى كان شجارهما.

البطيخة VS الفيتوتشيني

"إزاي تطلع بيها قدام الجيران كده".

قالتها بضيق بينما طالع هو ما أعدت باشمزاز معقبًا: إيه القرف ده، فين الغدا؟

وبدأ الزعيق بكونه لا يعرف بالطعام فالخشي والملوخية وتلك الأصناف باتت موضة قديمة.

- هو الأكل كمان بقى فيه موضة.

- أيوة هو ده الأكل اللي ناس بقت بتاكلوه

"يووووووووه".

هتفت بما كترى ثم تركت لهما المائدة وانزوت بغرفتها تلعب مع أخوها تيم بينما الشجار لا يزال مستمرًا.

\*\*\*

أيام قليلة وستضع توأمهما، كان القلق يعتريها وقد شعرت أن الموت بانتظارها، إنها المرة الأولى التي ستدخل فيها إلى غرفة عمليات وبالتأكيد تخشى اللحظة، بكت حتى أتعبها البكاء فقررت أن تنام.

بينما ظل هو شاردًا بمكتبه، ادخر حوالي أربعة آلاف جنيه بينما بقي ما يقارب ثلاثة آلاف أخرى عليه تدبيرها، فكر حتى أتعبه التفكير فقررت أن ينام، تجاوزا وكل منهما يولي الآخر ظهره.

هو يفكر في أخذ سلفة لاستكمال مصروفات الولادة وهي قطعت الصمت وسألت:

- لو مت هتجوز؟

سألت بأسى وقد شعر هو بقلق من ذلك السؤال المفخخ، فالتفت لها وأجاب بحسم:

- ربنا يخليكي ليا وميحرمنيش من وجودك أبدًا.

ابتسمت براحة وقد وضعت رأسها على كتفه ثم عقت:

- أنا باتكلم في حالة إني أموت، أكيد هتكمل حياتك طبعًا.

وتصميمها أكد أن الليلة لن تمر على خير، فانتقى رده:

- مستحيل، ده أنا يمكن أموت وراكي من القرد....

ثم ابتلعها وصحح:

من القهرة.

- بس أكيد مش هتقدر على التوأم لوحذك.

- فعلًا.

"فعلا".

من أين خرجت الكلمة بالظبط كونه كاد يرى أحبالها الصوتية

تتجلى أمامه، وكم عدد الوسائد بالغرفة لأنه شعر أن عددها قد

تضاعف بينما وجهه كان يتلقاها:

"أه يا صنف غرود، تاخذوا الواحدة لحم وترموها عضم".

ثم هدأت أو بالمعنى الأصح تعبت شعرت بدوار فرض عليها أن  
ترخي ظهرها، وألم بأسفل معدتها فهتفت:

- ألحقني يا مسعود شكلي هاوولد.

ولطم خديه بصدق كونه لن يجيد التصرف ثم هتف فيها بزعيق:

- يعني حبكت نناقش التعداد النهاردة.

- يا رب ما تتهنى معها يا مسعود.

ولم يملك ردًا وهو يُهرع ليتصل بوالدتها والطيبة بينما تعضُّ هي

إحدى الوسائد وقد تعرق وجهها وزادت صرخاتها.

\*\*\*

كان يجول شوارع القاهرة يصنع تحدياته بيده، يبحث عن  
الشخصيات التي سيقوم برسمها أو للدقة نحتها، ككاتب يكتب رواية  
ولكن في روايته لن تكون شخصياته على الورق، توقف أمام أحد  
بارات القاهرة، وهتفت نفسه:

"هنا بُغيتك".

فدخل باحثًا بغيبه يتفقد المكان جيدًا، بالتأكيد سيجد واحدة،  
لغويًا تسعى خلف زبون وبعض أوراق نقدية وليلة خاصة، أهذا ما  
يريده؟

بالطبع لا، هو فقط يطرح سؤالًا ويريد إجابته.



هل بإمكانك أن تحول عاهرة لسيده مجتمعة في خمسة أشهر؟

صعب جدًا ولكن لو تدربت.....

هل بإمكانك أن تحول عاهرة لسيده مجتمعة في خمسة أسابيع؟

قد تحتاج لمشقة.....

هل بإمكانك أن تحول عاهرة لسيده مجتمعة في خمسة أيام؟

- مستحيل.....

هل بإمكانك أن تحول عاهرة لسيده مجتمعة في خمس دقائق؟

- أنت بتستعبط يا جدع أنت؟

وانزوت الابتسامة على شفثيه على إثر سماع صوتها، التفت ليراها  
وكانت كما تمنى.

طالعها بهدوء وكان هذا كفيلاً لتقترب ذات الرداء الأسود  
المخملية القصير جدًا حد إيضاح الجوارب الدانتيل، أو ربما هي تظن  
أن جمع هذه الملابس الرخيصة بيديها فاتية، وكلما اقتربت بات  
واضحًا أنها ليست رخيصة، وحسب بل هي تجاهد حتى لا تصير بالية  
تمامًا كصاحبتها.

يريد النادل لفظها خارج المكان وهي تطالع الوجوه باستجداء  
واضح سعيًا خلف مشروب وعشاء، تسعى لإشعال سيجارة تحركها  
بفمها مستخدمة تلك الحيلة الغبية "قداحة لا تشتعل".

ربما يقترب أحدهم ويشعل سيجارهما وهذا ما فعله متعمداً إظهار  
قداحته الذهبية.

بداية جيدة عقبها جلوس كليهما أمام البار، ولم تنتظر سؤاله وهي  
من هفتت بالنادل:

- إزازتين بيرة مشيرين.

"مشيرين".

عقب عارف وقد زاد شعوره بالاشمزاز حين شربت زجاجة دفعة  
واحدة ثم تجشأت ثم ضحكت بوقاحة وسألت:

- هتعشيني فين يا أخ؟

"أخ؟"

وقاطعته بدورها هاتفة:

- يا عم ما تنجز، هتجيب حاجة نطفح ولا أقوم وأشوف غيرك

"rubbish".

لكنه في أمس الحاجة لوجودها:

- اللي تطلييه ومش هنختلف.

- حلاوتك يا اسمك إيه

ثم تساءلت:

- ألا أنت اسمك إيه صحيح؟

- مش مهم، أنت اسمك إيه؟

- نبيهة.

وتعالت ضحكاته ولا تدري السبب ربما هي سخرية القدر، لكنه  
استشعرها واضحة، لقد وجد بُغيته وها هي أمامه كما رآها وظنها  
والبداية بها.

وأخيرا

انتهت البوستات، انتهت التويتات.

ألا أونا... ألا دوي... ألا تري.

وانتهى المزاد.

\*\*\*

(3)

### القاعدة الثالثة

(إذا أردتَ النصر، فكل الطرق متاحة،  
الحب الحرب و....والنصب).

بينما كانت الميديا من حوله منشغلة بقصته، انشغل هو بإعداد منزله، بمنطقة نائية بأطراف القاهرة كانت فيلته، وجهاز بها معمله تحديداً "بالبدروم"، حيث استقر "توقيت جرينتش".

جهازه الذي قد يبدو عادياً كونه مكوناً من "ساعة، نظارة، سماعات وثلاثتهم تم إيصاله بحاسوب".

وفي الخلفية مكتبة بها عدة كتب وحاسوب آخر غير المستخدم بالتجربة.

هنا صومعة الأفكار والوجه الآخر لفضاء الاحتمالات، هنا لـ "ربما" البطولة المطلقة وهنا.....هنا العاهرة. "مُخدَّرة".

"مُتَوِّمة".

إثر جلسة تنويم إيحائي، لا يهم السبب، المهم أنها مسلووبة الإرادة، وهكذا سيبدأ عمله.

## خطوة (1)

كانت مصفدة اليدين والقدمين في وضعية الجلوس بالمقعد الخاص بجهازه.

## خطوة (2)

فوق عينيها النظارات الخاصة بإحلال الذاكرة البصرية، في أذنيها السماعات الخاصة بإحلال الذاكرة السمعية، في معصمها الساعة الخاصة بإحلال ذاكرة الوقت.

وجميعهم تم إيصاله بأسلاك في نهايتها أقطاب تعمل ذات الدور للأعصاب الحسية، ترسل نبضات استثارة عبر المخ للأماكن التي قرر عارف استهدافها بالفص الأمامي والصدغي والـ "hippocampus" - مركز الذاكرة - وكأنه سؤال كان ولا يزال محور تجارب شتى!

ما الشيء الذي إذا قررنا أن نترعه عنك نكون قد محوناك؟

ولتعد الكرة ثانيًا.

"أن تكون نفسك".

"أن تعرف من أنت".

"أن تدرك ذاتك الحقيقية".

ليست دومًا كلمات رنانة وحسب، ولا نظريات فلسفية، ولا أحد أوجه دراسة "نظرية الهوية الشخصية" وعارف يعرف كونه كان مولعًا دومًا بـ "جون لوك" و"ديفيد هيوم".

إنها آلية عمل الذاكرة، وحفظ المعلومات في المخ، ذلك العقل الغامض وكيفية السيطرة عليه، والآن هو يريد تسجيل براءة اختراع لفكرة هو أول من فكر بها.

مفادها:

"إحلال الذاكرة دون تدخلات جراحية، فقط بالإيحاء، سيكون صاحب البصمة في تجربته".

"ولن تكون نفسك".

"ولن تعرف من أنت".

"ومبارك عليك ذاتك الجديدة".

ماضٍ مختلف، حكايات ستجزم أنك عاصرتها، ربما لغة لم تنطق بها من قبل، وأناس هم أهلك وأصدقاؤك دون سابق معرفة.

ونبيهة البداية، تلك اللاشيء ستكون بعد خمس دقائق فقط.

بروفيسور "نانسي أبو العزم".

وبدأ التشغيل، وحدد الأماكن التي سيبدأ بمحوها.

"الذاكرة قصيرة المدى، الذاكرة طويلة المدى".

Done

"ذاكرة الصور، الذاكرة السمعية، الذاكرة الوقتية".

Done

"ذاكرة حفظ اللغة، ذاكرة حفظ المهارات، ذاكرة المبادئ والمفاهيم العامة".

Done

والنتيجة أنه بصوت صدر من حاسوبه

The mind you are working on is ready, Now

ولمعت عيناه بولع، حانت اللحظة التي كان يرجوها منذ زمن، عقل فارغ من هويته، وهو من بات يملك صك ملكيته، يملؤه وفق رغباته، خيراً أو شراً، علماً أو جهلاً، سعادة أو قهراً، فهو المنوط بكتابة تاريخه؛ ماضيه حاضره بل ومستقبله.

وأخيراً...

خطوة (3)

وكانت بتحديد كل المعلومات التي يريد وضعها بكل ذاكرة، وظهر مستطيل طويل كان يسجل النبضات الحسية بالتوازي مع إشارة ملء المستطيل المكتوب فوقه:



"loading"

باغته القلق وصوت أنين خفيض على مقربة، تتوجع تقاوم، وبطء  
مرور الدقائق يكاد يفتك به

"Done"

"All operations are completed successfully"

هل ما قرأه صحيح بصدق؟

نجح نجاح، هتف هتف هتف:

YES, YES, YES

دار رقصٍ صاح قفز، أينشتاين عصره ظهر، ونظر بإعجاب  
للمصفدة، فك الأصفاذ وضما إليه يرقص بها، أتراه اشتهاها، أم أنه  
فرح بدميته، ولحظة التملك هي سر نشوته:

"لم يكن يظن أنه سادي، لكنه اكتشف أن للسادية أوجهًا أخرى،  
نكهات أخرى، لم يعرفها إلا عندما قابلها".

وكما عبث بالعقل، قرّر أن ينتهك الجسد، صعد بها لغرفته، نالها  
بلذة، لذة مسيطر، باتت شهوته الأولى عشق السيطرة، وجوارها قرير  
العين بانتظار نتيجته.

\*\*\*

"شوفتوا القرد؟"

"بسم الله الرحمن الرحيم"

"الإجابة ..... نعم".

والمولد بعد الضجيج انتهى، كعادة وحال كل شيء في يومنا.

"خبر ضجيج كوميكسات فيديوهات تسليط ضوء حوار يتبعه صوت صرصور الحقل وكأن شيئاً لم يكن".

تلاشى القرد ولكن بقي أثره، سؤال يدور والجميع حوله:

"مين عارف أبو العزم بقي؟"

يقولك؟

بيقوله...

"يقولوا عليه بروفيسور كبير، في جامعة متشيجن".

"بس متقولوش بروفيسور، ده هي دبلومة وعادية جداً من السربون".

"أبو العزم ده مش محل جزم".

"عارفاه ده تخصصه مسالك وعيادته في روض الفرج".

أما هو فتركهم يقولون ما يريدون واكتفى بالمشاهدة.

ثأبت وحاولت النهوض من الفراش رغم التكاسل، تُرى أين  
اختفى عارف؟ اغتسلت، بدلت ملابسها، وطالعت المرأة وقد أقرت  
أن عارف بالتأكيد يُحضر لها الفطور كعادته.

وكان هو غارقاً في الشroud، يحلم بالنتائج، يطالع حديقة فيلته  
الجرداء عبر النافذة الموجودة بحجرة مكتبه، يدخن سيجاره الفاخر  
وهو يستعيد كل المعلومات التي وضعها بعقل تلك الساقطة..  
"نانسي أبو العزم".

تعرف إليها منذ خمسة عشر عاماً، جمعتهم الجامعة وعشق ذات  
الجمال، وأحبت عارف رغم أنه يكبرها بثلاثة عشر عاماً، وتزوجته  
رغم معارضة والدتها الإنجليزية التي كانت تكره أن تفعل ابنتها مثلما  
فعلت وتزوج بعربي، ولم تكن تحيد التحدث بالعربية على الإطلاق  
لذا أضافت إلى دراستها تعلم العربية الفصحى بأحد المراكز المخصصة  
لذلك، ومرت السنوات تدعم هي عارف بقدر ما يدعمها وكل  
ذكرى خطها بعقلها شاهد على ذلك.

سمع وقع أقدامها وهي تنزل الدرج فابتسم، ها هي نانسي قد  
استيقظت، زادت الابتسامة حدّاً تراقص القلب من شدة الفرح وما  
إن التفت لها حتى صُعق، وكاد يهتف بأسى لوعة حزن فزع، فما رآه  
أذهله..

"هل فشلت التجربة؟"

- عارف أين أنت يا رجل؟

والأداء بدا لعاهرة سقطت من فيلم "فجر الإسلام" لتوها، لغة  
الجسد لا تتناغم مع ملابسها المحتشمة ولا النظارة الطبية التي تتوسط  
وجهها مضافاً إليها فصحي مزرية كون مخارج الحروف تبدو ذات  
إعاقاة واضحة.

تتمایل تقترب تسحبه من رابطة عنقه وهي تعض شفيتها بأسنانها  
لإغوائه وكأنه "زبون الحانة المنتظر" ثم همس بدلال:

- ألم يتعبك الشوق؟

ثم تغمز بعينيها وتسال:

- أم نسيت ما كان بيننا بالأمس يا رجل.

تركته وتوجهت للمطبخ، فتحت الثلاجة وأخرجت منها زجاجة  
عصير، تجرعتها دفعة واحدة وبعد دقيقة تجشأت، ثم التفتت لتسأله:  
- أين الطعام فمعدني تنن من الجوع؟

مُسمر هو في مكانه لا يقدر على الحراك قيد أنملة، بينما تحركت  
هي تعبت بالمطبخ ومحتوياته، تخرج بيضاء، تبحث عن مقلاة، عيش  
جبن، وبمجرد أن انتهت جلست وهي تشير له أن يرافقها، ولأنها  
جائعة لن تنتظر، مزقت الرغيف وبدأت بالتهام الطعام بيدها عن  
طريق "التغميس" ولن تنسى لعق يدها بعد كل "لقمة" ولم يسع عارف  
إلا الركض للحمام والتقيؤ.



خرج طقم الكاسات وتوجه للمطبخ في لحظة تاريخية لن تكرر كون عريس ابنتها سيأتي اليوم.

فقد وُضع عيسوي بمأزق حين هاتفته والدته والدتها وقُضي الأمر وقُدِّر لهم اللقاء يوم السبت، مكره ذهب معها وقد أغلقت عليه كل أبواب الأعذار، فهي من أعدت ملبسه وهي من اشترت الحلوى وهي من حدّدت الموعد، وحين وجد أن كل خطته لإثرائها فشلت، قام بثني السجادة عند دخوله مترهم أسوة ببشير كي يضمن كارثة لو انزلت عروسه المصون بأكواب العصر.

أما هي فكانت بغرفتها وقد ضيقت فاطمة عليها الخناق كي تضمن كبح قهورها إلا أنها قد خبّأت عبلة من دواء "اللاكولوز" بملابسها، وما إن سمح لها بالخروج والتوجه للمطبخ حتى قامت بسكبها بدورق العصر كله.

— منورنا والله يا أستاذ عيسوي.

— ده نورك والله يا طنط فاطمة.

وبدا الانسجام واضحًا على حموات المستقبل حد التشديد على تذوق البيتي فور إلا أنه اعتذر بابتسامة وهو يؤكد:

— شكرًا يا طنط أنا مليش في الحلو قوي.

— طيب نعمل شاي بلبن ونجيب بقسماط.

قالها عبد الغفور مازحا وقد تعالت ضحكاته وزوجته بينما مطت  
مشيرة شفيتها وتمتمت بجواره:

- ده عماد حكاهم.

- خلاص يلا نروح.

- أقعد.

وأخيرا دخلت فرفع عينه وأبصرها، وجه ملائكي بعيد كل البعد  
عن تصرفاتها، وزرقة عينيها الواسعة تكفي.

- بسم الله ما شاء الله.

وكانت الجملة من مشيرة حين أطلت، يتبعها سؤال خرج ببلامة  
من فم عيسوي:

- مين دي؟

والإجابة من فاطمة:

- دي شجن يا ابني

- دي شجن، دي حلوة.

وكانت التمتمة منه وهو يهبط واقفاً إلى جوار والدته والتي وقفت  
لاستقبالها، خطوة أخرى وبعدها تذكر "السجادة".

"حسي".

قالها وهو يبعتها كي لا تسقط، لكنه لم يكن يعرف أنه قد فات  
أوان تحذيرها.

"طراخ طوخ تيسش بووم تيسش".  
"ابني".

وكان الهاتف من مشيرة:

"طقم الكاسات".

وكان الهاتف من فاطمة:

"شوفلنا إسعاف بسرعة، الواد سايح دمه".

وكانت زعقة عبد الغفور.

وشجن مصدومة مما فعله، لماذا جرى من مكانه ووقف في طريقها  
وحاول التقاط الصينية وكأنه يظن نفسه "عصام الحضري"، ها هي  
انفلتت من يدها وسقطت أكوابها الستة فوق رأسه، ولوحة عشوائية  
رسمت على ملابسه من امتزاج الدماء من جرح قطعي في منتصف  
جبهته مع عصير الجوافة بينما تتم هو...

"الله يجرب بيتك يا عماد".

ومنذ ذلك اليوم وحتى بعد مزور عدة أيام وجد نفسه رغم أنفه  
يفكر فيها بجدية؛ هل يعقل؟



معجب بوالدها؟

كونه أسعفه وذهب معه للمشفى ثم رافقه للمزل ثم انتهى المطاف بالكل وقد صمت:

"إيه حكايتك يا ابن حافظ".

شارد دائماً ولا يحتسي إلا الشاي باللبن، كل محاولاته للاتصال بعماد باءت بالفشل كونه قد تسبب بقطيعة رحم بين والدته وخالته على إثر تكسير "طقم الكاسات".

زفر وهو يدور بغرفته ثم طالع صورته بالمرآة، لا يزال هناك ندبة مكان الجرح القطعي، وأسنانه تعافت بعد التورم:

"أملك محتاجالك يا عيسوي".

لكنه رغم ذلك قرر مقابلتها، توجه نحو العيادة متحجباً بموعد استشارته ودخل:

- دقيقة واحدة وأكون مع حضرتك.

- براحتك.

وصوته فرض عليها الالتفات ليكون أمام وجهها وحسب دون كمادات أو نظارات، والجدية تليق بها، لحد جعله لا يصدق أنها ذات الشخص الذي سعى لـ "تطفيشه".

- أنت بتعمل إيه هنا، اتفضل اطلع برة.

- يا آنسة شش.....

ولم تمنحه أي فرصة اتجهت نحو الباب لتنادي أحدهم، إلا أنه حال بينها وبين فتحه معقباً بجديّة:

- الموضوع مش مستاهل كل ده، أنا جاي الاستشارة بتاعتي.

- بجد؟

والنبرة ساخرة يملؤها الغيظ، وكونه يتسبب بغيظها يتسم، ابتسامة فرضت عليها الزفر وهي تكمل:

- طيب اتفضل يا أستاذ عيسوي.

شعر بالانتصار وهو يجلس ولكن ابتسامته تلاشت حين خرجت وأتاه رجل، وأكد الباطو الأبيض أنه زميلها فلم ينتظر عيسوي وخرج، هرول وهو يتزل الدرج كونه أدرك أنها غادرت، رآها تسرع خطواتها تريد اللحاق بالأتوبيس فأسرع خلفها وما إن رأت الزحام حتى قررت أن تنتظر التالي فظن أن الفرصة قد أتت، إلا أن ركضه بجوار الأتوبيس جعل المتعلقين ببابه يظنون أنه يريد الركوب ويعفوية مصرية خالصة امتدت أكثر من يد وجذبتة من ملابسه ودفعوه للداخل بينما هو يهتف:

- أنا مش عايز أركب.

والرد صارم من كل من حاولوا مساعدته:

- ولما أنت مش عايز تركب بتجري جنب الأتوينس ليه؟

ولم يملك إجابة بقدر كتم غيظه، بينما شجن انفجرت في الضحك  
فهتف:

- والله لأوريكي يا شجن.

\*\*\*

صباح جديد بشركة الفيروز وقد سحت الفرصة لبشير حين  
وجد مكتب صبا فارغاً كي يضع ورقته على مكتبها، ثم التفت ليحل  
مسرعاً، إلا أن صوته استوقفه وقد خرجت لتوها من مكتب فيروز  
لتكلم محاولاته بما لم يتوقعه، حين جاهدت نفسها لتقرأ ولم تفهم فقرّر  
مساعدتها وأخذ منها الورقة وقراها، هل سيختلف الأمر اليوم

- فهتمت حاجة؟

ومع ابتسامة قرأ:

رمتِ القَوَادَ مليحة عذراء

بسهامٍ لحظٍ ما لمن دواءُ

مَرَّتْ أَوَّانَ العِيدِ بَيْنَ نَوَاهِدِ

مِثْلِ الشَّمُوسِ لِحَاظُهُنَّ ظَبَاءُ

فاغتالي سقمي الذي في باطني

أخفيتهُ فأذاعهُ الإخفاءُ

خطرتُ فقلتُ قضيْبُ بانٍ حركت

أعطافهُ بَعْدَ الجُنُوبِ صَبَّاءُ

- يعني عايز يقول إيه؟

- هه.

صمت بينما زفرت هي معقبة:

- مكش قادر يكتب حاجة أبسط؟

مهمة؛ لن تنكر فمن هي المرأة التي قد تغفل الاهتمام وهي له  
دوما تتطلع.

- هو.....

وحشته نفسه فتجراً:

- خلاص مش مهم.

- لا استنى.

تنحج واستجمع أنفاسه وأكمل:

- هو عايز يقول إن نظرة عينها زي السهم اللي ملوش دوا،  
وأفها في عينه استثناء لما بتكون وسط كل البنات اللي يشبهوها، وإن

حبه ليها ظهر لكل اللي حوالهم وكان واضح من كتر ما اتمنى أنه  
يخفيه جواه، وأنها....

- هه.

ثم أكمل ببالغ ارتباكها:

- يعني هو يقول أنها زي غصن البان لما بتتحرك بيحس أنها بتتحرك  
قلبه، بس كده.

واتسعت ابتسامتها حين فهمت المقصد لتحظى الورقة بمزلة  
أعلى، كونها توسطت حقيبتها، وما إن التفتت لتشكره حتى تبخر،  
خرج ولكنه اختبأ يراقبها بينما هي شردت تفكر بذلك التقليدي  
الذي يوم اختار الشعر اختار عنتره العبسي، تقليدي بشير؛ نعم لكنه  
تقليدي حد التفرد.

\*\*\*

"خلصتي السلطة يا مها؟"

جملة انتشلتها من الشرود حين هتفت بها اعتماد فانتبهت أنها أمام  
الطبق ولم تقطع شيئاً.

- اللي واخذ عقلك.

وكان اعتماد لا تعرف، وكأنهم لم يقرروا منذ الطفولة أن:

"بشير لها ومها لبشير" دون سؤالهما أو الرجوع إليهما،

لكنها ليست غبية.

يتفاداهما دومًا ويشدد على مسامعها أنها كأخته الصغرى، وجدها  
يدأوم على نصيحتها، لا تكوني إلا لمن يستحقك.

- لا ده أنت مش هنا خالص.

- هاخلص حاضر.

- طيب اطلعي هاتي من ع السطوح نعا.

طلبت منها الصعود لصومعة بشير؛ جيد، حيث مزروعاته ومكتبته  
وكتبه، وما إن صعدت حتى تناسبت أمر النعناع واتجهت لمكتبته،  
عبثت بكتبه وأوراقه وأقلامه، بل كشكول خواطره، وتوقفت عن  
العبث حين أدركت أن هناك اسمًا واحدًا بين الخواطر يتكرر:  
"صبا".

الآن فهمت!

\*\*\*

ترك لبناته المنزل واتجه للمقهى، مسكينة مها وليته قادر على  
إخبارها ومسكين بشير بدوره، فحتى لو ضمن صبا فاعتماد ستعلنها  
حرًا.

"حاج إسماعيل فينك معدش حد بيشوفك زي الأول؟"

- إزيك يا دعيس.

وكان السؤال من صبي المقهى والذي نادى جميع الجيران من حوله  
فاجتمعوا وكان الترحيب به والالتفاف حوله، كونه يمثل تاريخ المكان  
بحكاياته وقصصه، بصوت العود حين يبدأ بالدندنه، بجواره أحدهم  
يسأله أن يغني كما عودهم، ورغم اقتحام خلوته إلا أن هذا كان له  
على الدوام مفرحاً، يكفيه أنه بمرور الزمن لم يُنس، وصوت بشير  
أكمل المشهد، حين استوقفه وسحب أحد المقاعد وجلس إلى جواره  
ليسمع:

"شد الحزام على وسطك غيره ما يفيدك".

وللحالة ذكرى خاصة، ذكرى تفرض على بشير النظر لجده بفخر  
مطلق، هو حفيد هذا الرجل الذي داوم على دعمه منذ أن توفي  
والده في صغره، وصوهم فرض على دخيل أتعبته قدمه من كثرة  
السير أن يهوي إلى أقرب مقعد ليسترخ، ثم تطلع إلى الرجل العجوز  
وبالتأكيد سأل صبي المقهى عنه:

- ده الحاج إسماعيل، ده عايش هنا في الحلمية من قبل ما يعملوا  
مسلسل ليالي الحلمية.

ظل يُحدِّق إلى الجميع حتى سأله صبي المقهى:

- أجييلك إيه يا أستاذ.

- اتنين قهوة، واحدة مطبوطة والثانية للحاج إسماعيل وقوله أنها مني.

ذهب صبي المقهى ثم عاد بطلباته فأخرج من جيبه ورقة من فئة مائة جنيه وحدد:

- خد تمن القهوة وخلي الباقي عشانك.

هل يعرف كم سيتبقى؟

وهنافه جاء بصدمة بجوار صوت فوران القهوة.

- 80 جنية بقشيش.

والمبلغ ليس بهين، يكفي أنه من الممكن أن يشتري دجاجة كاملة، تابع عارف فرحة صبي المقهى ثم غادر، غاب عشر دقائق ثم عاد وعندها قرر أن يجلس بجوار المستمعين لإسماعيل في هدوء ثم...

"مش أنت بتاع القرد؟"

قالتها أحدهم فتوقف صوت العود، توقف الغناء، والتفت الجميع نحوه.

والغريب هو أن لا دعبس ولا أغلب الجالسين بالمقهى كانوا على دراية بالقصة من أساسها ورغم ذلك آثرهم الفضول لمعرفة المقصد من السؤال.

- إيه موضوع القرد ده؟



أول جملة جانبية.

- أه صحيح، بتاع المطار، هو أنت صح؟

ثاني جملة جانبية.

ثم همهمات من كل اثنين متجاورين، وكل واحد منهما لديه قصة تخصه، يحكيها وعارف بدوره يتسم ويسمع، ولم يتوقفوا إلا بهتاف إسماعيل:

- جرى إيه منك له؟

ثم نظر باتجاه عارف وأردف:

- متأخذناش يا أستاذ، حاكم احنا كده ما بنصدق نلاقي حاجة ونفقي فيها.

كانت القهوة قد أتت، وقبل إسماعيل نفحة كرم عارف برضا، هو رجل مدخله التقدير وعارف يعرف، يعرف أنه لو أراد الاستحواذ على الجميع عليه أن يبدأ بأهمهم والآن بعد القهوة والحوارات الجانبية حان دوره هو.

"صدقوني يا جماعة، القصة اتفهمت غلط خالص، أنا كان نفسي من زمان يكون عندي فرصة أوضح فيها الموضوع، وكويس أهما بدأت من عندكم".

وبدأ في السرد، والجميع يسمع، هو دكتور في التنمية البشرية.

- وده لما يوجعني إيه بالضبط أروحله.

والسؤال بهمس كان من إسماعيل لأذن بشير والذي كان يسمع  
باهتمام: ده متخصص ف... هابقي أقولك بعدين.

"والجهاز بتاعك ده يعني هيفيد الناس بإيه؟"

والسؤال جاء من أحدهم، وهنا قرر عارف أن يفكر جيداً وهو  
يحدق إلى الجمع الرجولي، لو قال الحقيقة سينفض الجمع في لحظة،  
ولأنه بنفوس البشر خبير، عرف بالضبط ما هو بحاجة إليه.

حين تحتاج المساعدة خاطب في الناس مصالحهم لا تعاطفهم

الجهاز ده مخصوص للرجالة، ساعة بتضاعف قوة الرجل اللي  
ييلبسها، أربع أضعاف القوة الطبيعية.

"في كل حاجة".

كان استفساراً جماعياً تابعه رد عارف بثقة:

- أكيد، خصوصاً علاقته بالجنس الآخر، وده كان واضح جداً مع  
القرود، لدرجة إن مفيش قرودة كانت قادرة عليه.

"هات للرجال ده فحفحننا يا دعيس".

والزعة كانت من صاحب المقهى، بالإضافة إلى ثلاثة قربوا  
مقاعدهم، وأربعة استوقفهم الجمع بالمقهى فدخلوا، وهنا قام إسماعيل

من مكانه وقرر الرحيل ولم ينتبه سوى عارف، فنظرة إسماعيل له ضايقة.

خرج وخرج بشير خلفه يهتف به عله ينتظره، وما إن جاور جده المسرع حتى سأله عن رحيله وكانت إجابته ببساطة:

- هذا الرجل يكذب.

- أهو كنا عرفنا حكاية القرد.

- يا شيخ اتيل، أنت عارف تخطب، ده أنت محتاس بين مها وصبا ومش عارف تاخذ موقف.

وبعد ثوان من الصمت أجابه وهم يتجهون للصعود نحو مترهم:

- هاخذ موقف يا جدي واللي يحصل يحصل.

وما إن وصلا حتى استوقفهم صوت زعيق اعتماد وأمنية وكل منهما باتت تكيل للأخرى، بينما مها هتفت فيهما:

- كفاية بقى حرام عليكم.

- فيه إيه يا غجر؟ صوتكم جايب آخر الشارع، إيه اللي حصل؟

والصمت بصوت إسماعيل حل، انتفضت مها دون النظر لأحد مقررة الرحيل ورغم زعيق إسماعيل فيهم كي يفهم إلا أن مها ترجمته أن يدعها الآن، هي تدرك أنه الوحيد الذي سيفهمها، ولكنها لن تشرح، وفي خضم الضجيج كما العادة أثر بشير الصمت، فهم أن الشجار كان بسبب أن مها قالتها قاطعة؛ لا أريد الزواج من بشير.

وهل امتلكت الجرأة؟

نعم، ورحلت بعدما سمعت آخر جملتين من خالتها ووالدتها  
ومفادهما قطيعة رحم واضحة ما دامت الزيجة لن تتم.

وانتهى الشجار فانزوى إسماعيل بغرفته بعدما صفع بابها بوجه  
بشير ووالدته والتي ربت على كتف ابنها وهي تؤكد:

- أوعى ترعل نفسك.

ورغم شعور بالراحة أن الأمر قد حُسم فإنه لم يفرح، تركها  
وصعدَ لسطح منزله، والعبث بكشكول خواتمه كان واضحاً،  
والفاعل ضميرها حين استيقظ من سباته وعرف الحقيقة المرة، فكانت  
هي من تصدى للمواجهة نيابة عنه.

حلَّ الليل ولا يزال جده بغرفته، ولم يخرج حتى ليأكل، قرَّر بشير  
جلب الطعام له وأصرَّ على الدخول.

فتح إسماعيل الباب ثم عاد ليجلس أمام حاسوبه، يتصفح صفحة  
الفيس بوك خاصته، دون النظر لبشير.

- طيب حتى كُل، أنت ماكلتش من الصبح.

قالها وهو يضع صينية الطعام من يده فكان رد إسماعيل:

- أنت مش حطيت الأكل، اتفضل بقى، عشان أنا بصراحة كده  
لا طايقك ولا طايق أمك.

- طب أنا ذنبي إيه؟

قالها ببالغ الأسى وبصوت متحشرج على إثر دموع هي على وشك الترول.

- امشي يا بشير.

وما كان له إلا أن يفعل، التفت ليرحل وقد بكى فعلاً، وقبل الخروج من الغرفة ناداه جده، وحين التفت ورأى دموعه أكمل:

- تعالى يا بشير، أنا عايزك.

جلس إلى جواره بصمت، نظر إليه وبعد لحظة دفن رأسه بصدر جده وبكى والصوت المتحشرج بالدموع قرر "القفضة".

"أنا مقصدتش أعمل في مها كده، والله ما كان قصدي".

"أنا مخنوق قوي".

فربت إسماعيل على كتفه وحثه ألا يبكي، فالرجال لا تبكي، لماذا، لأنها قناعة تم إقرارها، فالرجال أقوياء، وما علاقة القوة بالبكاء؟ البكاء ضعف، ما علاقة الضعف بالبكاء؟ البكاء بكاء، والضعف ضعف، إلا أن الخلط في كل شيء بات من المسلمات.

- ما تسترجل وتقول لأملك لأ.

- هو أنا لما أخاف على زعلها أبقى مش راجل.

ربت على كتفه وعقب:

- محدش قالك زعلها، بس دي حياتك أنت ولازم قراراتك تكون من دماغك أنت، فاهمني.

أوما رأسه بتفهم لكنه مدرك أن الأمر لن ينتهي بعد، ربت إسماعيل على كتفه وتناولا معاً الطعام ومن شروده قطعه فيديو ظهر على صفحة جده وعنوانه استوقفهما:

"فضيحة، لدكتور القروود بالحمية".

فلم يملك بشير إلا أن يعقب:

- شكل حد صوره ورفعه ع النت.

- ومين اللي هيقف يصوره، هنا الناس آخرها تسمع واحد زيه

حقيقة أدركها إسماعيل فرضت عليه أن يردف بعد تفكير:

- أنا حاسس إن الراجل ده وراه إن!

\*\*\*

(4)

### القاعدة الرابعة

(استعبد ضحاياك بمنحهم حرية اختيار  
أسلوب سيطرتك عليهم وعندها سيمدحون  
ديموقراطيتك).





هو رجل علمته الحياة، أهم دروسها: إذا أردت أن تلعب أي لعبة، وتكسب بل تسحق خصمك، قم بإرساء قواعدك بنفسك.

وبعد أن استأجر أحدهم لتصويره، جلس يُرسي قواعد جديدة وهو يحدد مكاسبه، مال وشهرة ونفوذ يتم تلاعبهم معاً من أجل إنجاح تجربته، ويكفيه أن الضحايا هم من ستأتي بهم رغباتهم، وبهار الخلطة هو إثارة الفضول.

الفضول طعم البشر الأكثر نجاحاً والأثمن صيداً، وعندها ستعلم كيف تستخدم الكلمات:

"فضيحة" "مصيبة" "كارثة".

وكيف تتلاعب بالمشاعر:

"رهيب" "جنان" "فظيع".

ثم ادفع بما تريد وتوار عن المشهد.

واكتفى بدور المتفرج، اسمع القذف في سمعتك واصمت، وبعد برهة ستجد من قرر تبني موقفك والدفاع عنك، كن صاحب الموقف

الغامض، ولا تصرح بحقيقتك، كن قدر استطاعتك مثيراً للجدل،  
وعندها ستضمن أن الجميع سيتحدث عنك، الطيب لظنه أن فيك  
خيرًا، والشرير سيكون أول المقدرين لقيمتك.

وكانار في الهشيم، كان الهشتاج الجديد:

#شوفتوا\_الراجل\_بتاع\_شوفت\_القرد

"مين عارف أبو العزم، اللي كل شوية نشوفه في حاجة ده".

"إيه حكاية الساعة اللي التجربت ع القروود دي".

"يقولك محمش قادر ع القرد".

وبالميديا ثمة خطوات عليك أن تعرفها، بإعلان الشوكولاتة يجب  
أن تستشعر ذوبانها بفمك، بإعلان المشروبات الغازية يجب أن  
تستشعر فورانها وكأن الكوب بيدك، وإعلانات الأطعمة دع كثرة  
الألوان تكون كفيلاً لشعورك بالجوع، ومشهد الدخان الصاعد من  
الطعام يفرض على عقلك تصديق أنها ساخنة، عيناك المدخل لعقلك ثم  
سؤال سيُطرح بعدها:

دوقتها؟ لا.

لازم تدوقها!

جربتها؟ لا.

لازم تجربها!

"بطعم وريحمة الزبدة الفلاحي وتحدي".

Cut

والتصفيق كان موازيًا لصوته: هايل هايل هايل يا مدام لوللا.

ثم الزعيق بالجميع: عشر دقائق وعازر اللوكيشن جاهز عشان إعلان شركة الفيروز.

وعبد الشكور بدوره يراقب المكان في صمت، عالم اعتاد رؤيته من خلف الشاشات، فإذا به يجلس ليرى بانبهار ما هو خلف الكواليس وهو يعقب:

- بتتعبوا قوي أنتم يا أستاذ هيثم

- أه طبعًا، ويا ريت الناس بتقدر، كفاية تعب مدام لوللا، تخيل أنما من الصبح مقعديتش، وكل شوية تغير لمشهد.

- مسكينة فعلاً دي مش بعيد يجلبها دور أنقلونزا.

والمسكينة أتت إليه، وقفت أمامه والتقدير لوجوده يشع من عينيها وهي تسأل:

- عجبك الإعلان يا أستاذ عبد الشكور؟

وهو بدوره وقف؛ أهو إجلال لجيئها، أم لأنه غير مصدق؟ والرد انساب من فمه:

- أكيد طبعاً، حضرتك موهوبة جداً.

- بجد يا عبد الشكور، سوري يعني إني شيلت الألقاب، أصلي دائماً باعتبرك أخ عزيز.

والجملة قيلت وهي تقترب منه أكثر، إلى حد فرض عليه التمتمة في سرّه بـ "أستغفر الله العظيم" وهو يعود للخلف بخطوات توازي اقتراها:

- الله يحفظك.

زادت ضحكها وهي تكمل:

- لا بجد أنت مشكلة، يا ريت لو كل الرجالة زيك.

ولم يجد كلمات يرد بها ولم ينجده من يدها إلا نداء المخرج باسمها، فاضطرت لمغادرته وهو يهتف من فرط تعرقه:

- روحي يا شيخة منك لله.

\*\*\*

"حبيبة قلب مامي تمت أسبوع الهاردة في الحضانة بتاعتها، والحمد لله حضانة ممتازة وبتطبق منهج منتسوري"

كبت أخيراً منشورها وقد أرفقت به صورة ابنتها وقد شعرت بالزهو لكثرة الإعجابات والتعليقات.

ثم عادت لمتابعة إحدى الصفحات التي على ما يبدو ستقلب مسار  
الفيس بوك رأساً على عقب؛ الصفحة الرسمية للدكتورة والمستشارة  
الأسرية نانسي أبو العزم.

كانت تقرأ المنشورات بتركيز وقد شردت رغماً عنها لتذكر  
كيف كانت بدايات حياتها مع زوجها وقد استعانت عندها بالمنتديات  
لتعلمها وقد كان.

"تعالى لما أقولك إزاي جوزك يبقى زي الخاتم في صباغك".

نصائح.

"بالصور، تعالوا شوفوا إزاي عملت لجوزي أحلى ليلة رومانسية".

فضائح.

وما بين الاثنين سؤال؛ هل نحن من نستخدم مواقع التواصل أم أنها  
هي من تستخدمنا؟

عادت لتكمل قراءة منشورات نانسي أبو العزم وقد زفرت  
بضيق، وهي تُسقط على عبد الشكور كل معلومة.

تغير؟!

أو هي قررت ذلك كونه بات مهتماً بإعلان لوللا بل يتحدث  
لكثري بفخر كونه يحضر كواليسه، ويوم المقابلة بحضارة ابنتها أبدى  
إعجابه بميش أيتن مدرستها.

شواهد جميعها تؤكد أن عبد الشكور في طريقه لخياتها إن لم يكن فعلها.

"يا لهوي!"

تمتعت بها وقد شعرت أنها بحاجة لمساعدة وبما إن الكثير من السيدات يتواصلن مع صاحبة الصفحة، قررت هي أن تفعل بدورها، فأرسلت رسالتها تشرح وتساءل:

- دكتورة نانسي أنا شاكة في جوزي ومحتاجة من حضرتك مساعدة، تقولي إزاي أخليه ميبصيش برة.

- قوليلي كل التفاصيل عنك وعنه وأنا هاعملك تحليل لشخصيته وأقولك إزاي تكسيه.

- بجد يا دكتورة؟

- طبعاً، أنا تحت أمرك.

\*\*\*

"يا أبو الغيال هاتلك شيال".

وأخيراً أصبح مسعود أبو السعد أباً.

- حور ونور.

قالها وهو يطالع الوجهين الملائكين لبنتيه وابتسامة سعادة تغلو شفتيه، وأخيراً أسرة هو ربها بعدما حرم طوال حياته من وجوده وسط أسرة كونه تربي في بيت عمه يتيم بعدما توفي أبواه.

- وماله اسم عطيات.

عقبت حماته فابتسمت درة وأجابت:

- احنا متفقين على الأسماء دي وبعدين يا ست الكل هو فيه زي عطيات.

مطت شفتيها وتركتهما بينما نظر لها مسعود بغيظ للحظة على إثر ولادتهما الخرجة ولكن الله سلم.

- حمد الله على سلامتك.

- الله يسلمك، كنت هأزعل لو طلعت ناسي اتفاقنا.

- مقدرش.

ثم قبل رأسها والصغيرتين وكى يتفادى مصمصه فم عطيات قرر أن يخرج لشراء احتياجات بنتيه، عدة أيام ستمكثها عطيات بمنزله لخدمة ابنتها لن تكون بالهينة أبدًا.

عليه أن يبدو كريمًا ويصرف ببذخ وإلا فلن يسلم من لسانها، وأنفق كل ما ادخرو واستدان حتى أتم "سبوع" التوأمين وبالنهاية رحلت عطيات ليتنفس الصعداء ويحاول تدبير ما يلزمه من مصروفات بالفترة التالية:

"ووووووو!!!! ووووووو!!!!"

حل المساء ففكرت عينيها الناعسة بأسى واتجهت حيث سريرها،  
وقفت تهدد حور، تربت على خصرها كي تتجشأ، قدأ تغمض  
عينيها فتضعها في السرير وتشاءب هي بدورها وتعود لسريرها، تمني  
نفسها النوم ولكن .....

نامت حور واستيقظت نور:

"عندي شغل الصبح والله ما ينفع كده".

والتعقيب من مسعود فرض عليها الاعتذار بينما قرر هو النوم  
على الأريكة الموجودة بغرفة مكتبه.

نامت نور، ولكن النوم جفا عينيها كونه يتذمر من أقل خطأ، فهل  
يتعلل كي يجد حجة ويسافر كما ينوي.

مرعوبة هي من تلك اللحظة، ورعبها هو المحرك، تُجاهد نفسها  
ألا تخطئ، تنظف، وترتب، وتطبخ، وتكوي، وتفعل كل مجهود  
مضاعف فقط لتفادي ضجره. تواصل الليل بالنهار ولا تريد تصفيقا  
أو انهيارا، فقط يرضى.

عاد من عمله وكانت بالمطبخ، شعرها أشعث وعيناها حمراوان  
وآثار الاجهاد تأكل ملامحها:

- ده أنت لو يتاخدي مخدرات، مش هيكون شكلك كده.

ولم تملك طاقة لترد فقط سألت:



- أحضرلك الغدا؟

جذبها من يدها وأخرجها من المطبخ حتى ذهب بها إلى السرير  
ودثرها، هل هو فخ؟

- نامي دلوقتي وأنا ها حضره لنفسى.

- مسعود.....

- ارتاحي بس الدنيا مش هتطير.

لم تصدق ولكنها لم تجادله، نامت حتى قبل أن ينهض من جوارها،  
وعندها اتجه لبناته وطالعهما مبتسماً وقد ابتسمتا:

"ماشي يا بنات مسعود".

وحملهم وخرج بهم حيث مكتبه، أعدّ لنفسه الطعام وكوب شاي  
وهو يفكر هكذا سيعتاد تحمل المسؤولية لو سافر وعاش بمفرده، لكن  
ثمّة أسي بنفسه كونه يدرك رفضها.

"وووووووووووووووووووو"

وصوت الصرخات أعلن عن بدء المواجهة.

مسعود VS التوأم.

هل هما بحاجة لتغيير الحفاض؟

- لا إحنا متفقناش على كده.



أيوه جااااااااااای."

والصوت مختلف فرض على إسماعيل الالتفاف ليسأل عن دعبي

## أين اختفى؟

والأمر في بدايته شغلهم، لكن بعد مرور عدة أيام انشغل كل شخص فيما يخصه، اعتادوا صبي المقهى الجديد، ولم يعد أحد يسأل، فالتاس تنسى وتلك القاعدة تنطبق على أهم من يُقابلهم فما بالك بالمسيون من أمثاله، بل هم أناس بصمتهم الأولى نسيانهم.

تَرَكَ إِسْمَاعِيلُ الْمُقَهِّيَّ وَانْصَرَفَ لِلسُّوقِ، قَرَّرَ أَنْ يَصْلَحَ مَهْأَدًا، فَاشْتَرَى الْعَنْبَ الْأَحْمَرَ خَصِيصِي لَهَا، وَبَدَأَ أَنْ هُنَاكَ مَنْ يَرِاقِبُهُ مُحَاوِلًا التَّقَرُّبَ مِنْهُ قَدْرَ اسْتَطَاعَتِهِ.

— عنك يا حاج إسماعيل.

قالها حسن الطيب بمستوصف الحي مُشدِّدًا على إسماعيل إعطاءه كل الأكياس التي كان يحملها، وجنت على نفسها براقش، حيث وجد نفسه يحمل كل ما اشتراه إسماعيل بالإضافة إلى تكوين اعتماد وأمانة.

— تعبت ولا حاجة؟

— تعبك راحة يا حاج إسماعيل..

قالها وهو يحاول السير بصعوبة بجواره، وكل هذا كان فقط من أجل الذهاب معه لبيت أمينة علّه يرى مها، ولأن إسماعيل يعرف قرر اختباره بطريقته حتى وصلاً لبيت اعتماد فعقب:

- بافكر أجيب بطيخة بالمرة.

هل سقط مغشياً عليه؟

- جيل طري.

وكلامه فرض على مها الضحك حين جمعتهم الشرفة، أمام لعبتهم المفضلة الطاولة، وقد آثرت الصمت رغم حثه لها على التحدث.

- وأخرتها؟

وما إن قالها حتى التفت تطالع وجهه ثم ردت: ولا حاجة يا جدو، هو هيتجوز صبا ويعيش معاها سعيد، وأنا هتجوز حسن وبس.

- الدكتور السميع ده!

والتعقيب فرض عليها أن تضحك مرة أخرى، بل تتذكر كل ما فعله جدّها فيه، منذ أن علم بأنه قد تقدم لخطبتها وأنه منتظر ردّها، فهل يختبره؟

وقبل جبهتها وهو يؤكد:

- المهم عندي أشوفك سعيدة.

— ربنا يخليك لنا يا جدي.

\*\*\*

بعد مرور أسبوع

بات المتوقع أن يجاوره كل صباح لتناول الفطور بعربة عم شلتوت، ورغم استغرابه لم يجرؤ أن يسأله عن السبب، نظر لمسعود ووجده مُخرجًا من طلب المزيد من الخبز فمدَّ يده برغيف إضافي دون تعقيب، تناوله مسعود وعاد يُكمل فطوره فإذا بعبد الشكور يعلق:

— المدام طالما ولدت بالسلامة عود نفسك أنك تهتفطر كل يوم

هنا.

شعر مسعود بالغيظ من الفضولي، فصمت عبد الشكور وقد ندم على حديثه معه، ساد الصمت لدقيقة قبل أن يسأل مسعود:

— هو أنت بقالك قد إيه متجوز؟

وصُنع عبد الشكور كونه يسأل، وردّ: حوالي ست سنين، وأنت؟

— نستنين.

— مستجد يعني، أنا برضو قُلت كده.

ولم يحاول مسعود الاستفاضة، نفّض بقايا الطعام عن يده مُقررًا الاتجاه للشركة، تابعه عبد الشكور مكتفياً بذلك الحديث المقتضب.

يوم روتيني بدأ بزعيق فيروز على أي سبب، وهذه المرة كان الزعيق من نصيب عيسوي الذي خرج من مكتبها يزفر بضيق ولكنه لم يعد لمكتبه فثمة أمرٌ مُلحٌ شعر أنه سيحتاج مساعدة بشير فيه، فقرر طرق باب مكتبه ودخل وجلس، ودون مقدمات طويلة قرر التودّد بل التحدّث بكل أدب:

- ممكن مساعدة؟

- خير يا باشمهندس عيسوي؟

وكاد يتوقف قلب بشير عندما قفز عيسوي فوق مكتبه وأمسك بيده مترجياً:

- أبوس إيدك يا بشير قولي كلمتين اكتبهولها، أنا مبقيتش عارف اعمل معاها إيه، دي هتجيب أجلي.

- مين دي.

- شجن.

- شجن مين.

- بنت عاوز أخطبها.

أمسك بشير بيد عيسوي يربت عليها ثم طالبه بالجلوس بمقعده، ولم يفهم مقصده إلا عندما حدد: عايز بيتين شعر من اللي محدش يفهمهم دول، يمكن تكون مثقفة وعميقة ويكون ده مدخلها.

- أيوه بس أنا مالي بحاجة زي دي، آسف يا باشمهندس معتقدش  
إني هأقدر أساعدك.

"بجد؟"

قالها عيسوي ببالغ الغيظ، وعقد ذراعيه أمام صدره ثم رفع حاجبه  
الأيمن وهو يُعَقِّب:

- ماشي يا بشير، بس متزعلش لو مدام فيروز عرفت أنك كبت  
بتكتب لصبا شعر وتخطيها على مكتبها.

والتفت لينصرف فهبَّ بشير مُسرِّعًا ناحية الباب ليستوقفه مُعَقِّبًا:  
- يا باشمهندس عيسوي، استنى يس الكلام أخذ وعطا.

- لا معلش أنا مش فاضي، وقت الشركة يا بشير، إلا الشغل،  
شوف أنا أضيع وقت أي حاجة إلا الشغل.

زاد ترجي بشير وأضاف:

- إنت فهمتني غلط خالص، أنا بس مكونتش عارف أنت محتاج  
إيه.

تصرف عيسوي بلامبالاة فرضت على بشير أن يمسك يده ليزيد  
إلحاحه فاستغل عيسوي الموقف:

- لا متبوشش إيدي يا بشير، لا يا بشير أرجوك، متبوشش رأسي  
طيب يا أخي، ما خلاص يا بشير كفاياك بوس يا أخي.

"بوس"؟

والزعة كانت من عم مدبولي حين دخل عنوة يطالع الاثنين  
وكأنه وجدتهما في حالة تلبس:

- أنتم بتعملوا إيه بالظبط؟

عدل كل واحد منهما من هندامه بينما وضع عم مدبولي الشاي  
من يده وهو يعقب بتأفف:

- أستغفر الله العظيم من كل ذنب عظيم، رايحة بينا على فين يا  
مصر؟

- خلاص يا عم مدبولي، حط الشاي عندك واتفضل.

ظل يطالعهما بنظرات الغيظ دائما قبل أن يخرج وهو يردد:

- قال بوس قال؟

- عجبك كده؟

قالها بشير بغيظ وهو يعود أدراجه لمكتبه، يتناول كوبه وقد زادت  
خيبة أمله، ودون استهانة بضيقه أجاب عيسوي:

- متخافش، محدش عارف غيري، ومحدش هيعرف.

قالها عيسوي واتجه للانصراف فاستوقفه بشير بهتاف:

- استنى.



التفت له فأكمل:

- معاك ورقة وقلم؟

انزوت ابتسامة على شفطي عيسوي فتابع بشير:

- يمشي معاك امرؤ القيس؟

- عميق ده؟

ولم يستطع كنم ضحكته وهو يرد:

- أعتقد أه.

بالردده كان عم مدبولي يحمل على صينية قهوة مسعود ونسكافيه  
عبد الشكور وقبل أن يتوجه لأحد مكتيههما تسمر لرؤيته "لوللا"  
وقد أتت للشركة

- مكتب الأستاذ عبد الشكور فين من فضلك؟

سؤال فرض عليه أن يشير فقط لمكان الباب، فلم تنتظر منه  
مساعدة، فقد طرقت الباب ودخلت وصافحت عبد الشكور بحارة  
بينما مدبولي لا يزال على ذهوله، هي المرة الأولى التي يتأكد فيها أن  
النساء التي تظهرن على شاشات التلفاز حقيقيات.

"وأنا اللي كنت فاكر إني متجوز ست؟"

قالها في نفسه بينما أمره عبد الشكور بالمغادرة لإعداد كوب  
عصير للضيفته ليتمتم عندها:

"هي الشركة دي مقيش فيها إلا المهندس مسعود؟"

قالتا وهو يفتح باب مكتبه ويضع له القهوة ليسمع عندها:  
"وصلني الرد منهم بالموافقة، خلال أسبوعين إن شاء الله هاكون  
متمم الموضوع، ومراي مش هتعرف إلا في آخر لحظة، أنت عارف لو  
عرفت هتقلب الدنيا، تحمد ربنا إني عدتلها اللي عملته، أنا ميتلويش  
دراعي أبداً".

ظل يطالعه باستغراب وهو يتمتم:  
"هيتجوز على مراته؟ هي الشركة دي مفيهاش حد عدل أبداً".  
قالتا وعاد للمطبخ يضرب كفاً بكفٍّ على حال من حوله:  
"هو أيه اللي جري للرجالة بالظبط؟"

وربما تتضح الإجابة لو تابع هو كما البقية وعلى رأسهم صبا،  
الصفحة الرسمية الخاصة بالموسم الثالث للبرنامج العالمي:

### {How to be a famous star?}

وقد ضغطت إعجاب على أولى منشوراتها:  
"دي الصفحة اللي هتدعم الموهبة اللي هتشارك من مصر، فريد  
أبو العزم، مستنيين دعمكم ودعواتنا لمصر بالفوز".  
وآه لو أدركوا حقيقته، وآه لو عرفوا أن نجم القيس بوك الصاعد  
وحديث نص فتيات مصر هو....دعيس سابقاً!

\*\*\*

(5)

### القاعدة الخامسة

(إذا أردت الاستدراج فاصنع طُعْمًا بمذاق  
ساحر، واحرص أن يتم تناوله بشغف).

"هل أخبروك يوماً كيف كان اللقاء الأول بين كيلوباترا ويوليوس قيصر؟ كان في قصره يعقد اجتماعاً مع قادته يناقش الخطط الاستراتيجية فإذا بتاجر يطلب الإذن للدخول على القائد العظيم ومعه هدية، سجادة مطوية وبحركة خاطفة يبسطها فتظهر كيلوباترا، تنهض أمامه بكامل زينتها فتسرق عقله عنوة، جراءة فرضت على القيصر أن يصعق، ولم يعد من بعد هذا اليوم كارهاً للنساء كما كان يُنعت، لقد وجد الساحرة التي أتقنت خيوط جذبه وعرفت متى تشدُّ ومتى ترخي، تماماً كشهرزاد مع شهريارها، وكلاهما وإلى جوارهما ألف قصة، فرضوا على كل حواء أن تتعلم الدرس الأكثر أهمية؛ لكل رجل مدخل إن استطاعت أن تدركه حواء صار لعبتها".

#اجعليه لعبة

#كوني استثناءه

نانسي أبو العزم.

ويوماً بعد يوم يزداد عدد المعجبين بالصفحة، وليسوا نساءً بل رجالاً أيضاً، يملؤهم الشغف لرؤية من تكتب تلك الكلمات التي تشير حفيظتهم.

آدم بكل سطوته وجبروته "دمية"، مجنونة معقدة أو على الأرجح ساذجة. ويدور السجال حد تراشق حواء مع آدم وهي تدافع عمن تمثلها، أما "عارف" فيطالع كل ما يجري بفرحة، يزفر دخانه فيغطي شاشة حاسوبه حد انعدام الرؤية لدقائق ثم يتلاشى الدخان ولا يتلاشى أثره.

"ستظل الرؤية مشوشة طالما كان اختيارك هو السوشال ميديا".

\*\*\*

"الراجل لو حس بالأمان ناحية مراته فأيه اللي هيمنعوا أنه يخونها، أوعي تكوني ست خاية، أوعي تحسسيه بالراحة أو تحطيه في حالة سلام نفسي فيدور على ست تانية، استترفيه، اتعبيه، انهكيه، وساعتها لا هيكون عنده وقت ولا طاقة يبص برة".

منشور فاق كل التوقعات في حصد إعجابات لا حصر لها، كونه طرق على ضعف حواء واستفزازها.

حالة انبهار قصوى بمن ستجلب لكل النساء حقوقها، ومن هي رنا لتقاوم وكل النساء قررن أن يكن كليوباترا بل بدأن في سرد تجاربهن عن تلك الليلة الخاصة.

#كوني\_له\_كليوباترا\_يكن\_لكي\_بوليوس\_قيصر

"دكتورة نانسي أنا سمعت أنها كانت بتستحمي باللبن، عندي نص كيلو قطع ينفع للحمى بدل ما ارميه؟"

"أه، طبعًا".

"أنا غسلت السجاجيد كلها وكل يوم هاستحي في واحدة".

"برافو".

وحسنت رنا أمرها، أودعت أولادها لدى والدتها، وبدأت خطتها.

غلالة قصيرة براقة ذهبية، مكياج بكل درجات الذهبي، وأخيرًا كيس جليتر بـ 75 قرشًا نثرته على شعرها وجسدها ووجهها وهي تُعقب:

- ملكة ملكة، يخرب بيت الإطالة.

والاختيار وقع على سجادة الصالون كونها الأكبر وتعقيب منها وهي تختبئ بها:

- يكش يطمر.

"معقول"؟

والتعقيب في عقل عبد الشكور وهو يقود سيارته بطريق العودة، يفكر في عرض لوللا المغربي:

"مدير أعمالها مقابل خمسة آلاف جنيه شهريًا".

ألا يستحق المبلغ التفكير، على الأقل سيملك القدرة على تدبير  
مصروفات ابنته المدرسية!

وحانت اللحظة..

عبد الشكور VS كيلوباترا.

دخل فوجد السجادة مطوية فأدرك أن رنا كالعادة تركتها هكذا  
كي يقوم بتنقيضها.

زَفَرَ واتجه ليلبد ملابسه بينما استعصى على رنا الخروج لتفاجئته،  
حمل السجادة واتجه بها للشرفة مستغرباً ثقلها وقد جلب المنفضة،  
تأثت، تلوت، وقد فهمت؛ عبد الشكور سيقم حفلاً لو عرف أنه  
على عتبات قدفها في الشارع.

"استنى استنى متفتحش السجادة طلعي الأول".

"بسم الله الرحمن الرحيم".

والصوت الخارج من داخل السجادة صدمه، ففرض عليه أن  
يتركها من يده فجأة لتسقط أرضاً:

"!!!!!!!!!!!!!!اه"

وصوت أنين قوي تبعه صوت لا يكاد يخرج، وبات واضحاً  
وضوح الشمس سر ثقل السجادة:

"حرامي"!

وجاء لقضائه فعبد الشكور قرر ضرب السجادة بكل ما امتلك  
من قوة، ضربت كيلو باترا بالمنقضة.

وحين شعر بالانتصار سحب السجادة للداخل وفتحها ليصدم  
حين رأى رنا وقد تورم وجهها وبدت الكدمات واضحة فصرخ:

- رنا؟

ارتمت أرضاً وقد كُسرت يدها اليمنى والتوت رقبتها وقرّر  
الطبيب أن عليها المكوث بالفراش مدة أسبوع.

\*\*\*

نسخت المکتوب بالمنشور ثم وضعته بالحادثة التي تجمعهما عبر  
"الفيس بوك":

"آدم اعتاد أن يضعه الجميع موضع المسؤولية، الجدية، صورة  
ذهنية عن الرجولة تحمل بين طياتها العقلانية، وكلمة السر هنا  
"الجموح" إذا استطاعت حواء أن تجعله بصمتها، عندها سيكون  
أسيراً لكلامها، وأفكارها، وأحلامها، حتى نبرة صوتها، شعور إلى  
جوارها بالخطورة هو لا يحيا معها المغامرة، بل هي مغامرته الكبرى".

- اعملي لايك لصفحتها يا شجن دي رهيبة، كلامها في الجول،  
يكفي أن الرجالة كلهم يشتموها، ولا كمية الريبوتات اللي على  
صفحتها، ادخلي اقري بوستاها بس، مش يمكن تنفع مع عيسوي؟





"ويلی یا ویلی من عیونہ السود اہ یا ویلی"

○ ||||| ○ ||||| ○ |||||

01111111111111111111 01111111111111111111

"هو الحب يا ناس كده ليه، أنا قلبي وقع ولا سموا عليه"

Figure 11 shows a schematic representation of a polymer chain. It consists of a long, wavy horizontal line representing the polymer backbone. At each end of this line is a small, distinct shape representing an end group. The central wavy line is labeled 'polymer' and the end groups are labeled 'end group'.

وإذا ذكر المسيح ذُكرت "صبا".

كانت تشاهد الفيديو ربما للمرة الخامسة، شاردة وتلاعب  
يأخذى خصلات شعرها، ولن تنكر أنه النموذج الأقرب لفارس  
أحلامها، بطوله وعرضه وارتفاعه وانقلاب مواقع التواصل لإجله.

وآآه من الإهمار، فهو ليس أحد أهم أيقونات الإقناع فحسب، بل  
أضف إليه أنك ستصدّق ما ترى حتى قبل إعطاء عقلك الفرصة  
ليفكر فيما يُبصر.

"عائزين أكبر عدد يكون مع فريد في المطار وهو مسافر للبنان، لأنه هيمثل اسم مصر، ويا ريت. واحنا رايحين ميكونش معنا غير أعلام مصر ويس".

ولم تملك إلا ضغط إعجاب على المنشور وفي نيتها هي أول من سيذهب.

## {Branding}

أو العلامة التجارية.

قالها فاستوقف طلابه ثم أردف:

- والموضوع ده مهم جداً بالتسويق، إزاي شركة أو تاجر يستخدم الدعاية لصاحه، وإزاي يملك علامة تجارية معتمدة.

ودون انتظار تعقيب من طلاب الفرقة الأولى بكلية الإعلام أكمل دكتور بغدادى الشرح:

"في البداية خلونا نتكلم عن أشهر البراندات اللي قدرت توصل المستهلك أنه يتعامل مع المنتج باسم الشركة وكأنه ده اسمه بالفعل

حد يقدر يقولنا أمثلة:

- كلينكس.

- تمام، إحنا بنقول على كل المناديل الورقية كلينكس رغم أن ده اسم الشركة المنتجة وليس المنتج، إيه تاني.

(بامبرز، رايسو، كوكاكولا).

وانتهى المطاف عند الدكتور بغدادى بتعقيب:

- تمام، وفي أمثلة أكثر ومن هنا هنسأل إزاي تعمل براند معتمد عن طريق الدعاية وهنتكلم عن الفرق بين {Neuromarketing} و

{Behavioral Marketing}، التسويق العصبي والتسويق السلوكي.

وبينما انهمك الدكتور بغدادي وطلابه، كان هناك من قرّر انتظاره بمكتبه!

"معنى كلام حضرتك يا دكتور إن في تجارب اتعملت بالفعل على مدى استجابة المخ للإعلانات والعلامات التجارية".  
ردّ الدكتور بغدادي:

- أكيد وأشهرهم تجربة لـ "ريد مونتيغ" اتعملت سنة 2003 واسمها "تحدي البيبي".

"التجربة مستوحاة من إعلان تلفزيوني قديم لشركة بيبي كانت تتطلب فيه من الجمهور المفاضلة بين عينات عشوائية من (بيبي) و(كوكا كولا) لكن من غير ما يعرفوا هما يشربوا إيه!

وحسب الإعلان كانت النتائج غالباً في صالح (بيبي).

الإعلان كان حيادي وفعلاً بتكرار التجربة بيبي دائماً كانت بتكسب لكن رغم كده عمر مبيعات (بيبي) ما عدت مبيعات (كوكا كولا) في أميركا.

ومن هنا جه السؤال اللي دفع الدكتور (مونتيغ) لإعادة التجربة "ليه الناس دايماً بتشتري الكولا مش البيبي رغم أنه وفق التجربة شافين طعمها أحسن؟"

اللي زاد المرة دي هو أنه قام بمراقبة نشاطات أدمغة الأفراد الخاضعين للاختبار وتسجيل معدلات تدفق الدم لأقسامها المختلفة بواسطة جهاز الرنين المغناطيسي والنتائج كانت كالتالي:

"في حال تجاهل هوية المنتج الأفضل طعمًا يكسب لكن في حالة إظهار هوية المنتج كان الإقبال على كوكاكولا تاريخي".

والتفسير كان باختلاف مناطق الاستجابة في المخ في حالة الإفصاح عن أسماء المنتجات، وده لأن المكان اللي حصلت فيه الاستجابة في حالة كوكاكولا كان المكان المسؤول عن الذكريات والمشاعر والعواطف، أما في حالة ييبسي فالمنطقة اللي استجابت كانت المكان اللي يستجيب في حالة الحصول على جوائز أو إتمام مهمة أو وجود حافز، ومن هنا نوصل لأهم نتيجة في الدعاية لأي منتج "كله بالحُب".

وتعالت ضحكاتهم ولكنه لم يضحك، قال الجملة التي لطالما كان يعقب بها على صبا وهي تقرأ روايتها!

كان إسماعيل ينتظره، يحتسي فنجانًا من القهوة وقد قرر أخذ الخطوة الأولى نيابة عن بشير عملاً بنصيحة مها:

"أنت حطه قدام الأمر الواقع واتعرف على أبوها وادخل رسمي".

ولأنها محقة كان هذا ما فعله، ليتفاجأ أنه أمام بغدادي، ابن جاره السابق بالحلمية فهتف بفرحة:



"صبا مواقفة".

وما لبث إسماعيل أن وضع الهاتف من يده حتى احتضنه بكل ما  
امتلك من فرحة:

"يااااه هيعيش وأشوفك عريس، بعد ما كنت بتعملها عليا!"

والفرحة فرضت نفسها وبقوة رغم أن بشير لم يكن يصدق  
موافقتها، حتى عادت الزغاريد لتدوي من حوله، لتؤكد عندها أمراً  
واحداً لقد أصبح عريساً.

\*\*\*

بعد مرور أسبوع

هل من الممكن أن يتغير الواقع، أو تتغير اللحظة، نعود للوراء  
عدة أعوام نغمض فيها أعيننا ونحلم، بل لا نستيقظ أبداً!!!  
"خلاص مسافر يا مسعود".

وحبست الدموع بعينيها وتظاهرت أنها لا تبالي وهي ترى تذكرة  
سفره مجاوراً لها الباسور وقد تحدد الموعد، صباح الجمعة القادمة  
وانزوت عنه لا تتكلم، وكلما حاول امتنعت، صامته بل مخروسة،  
وما زلت تحت تأثير الصدمة وغادر هو في الصباح متجهاً للشركة،  
إنه اليوم الأخير لمسعود معهم بعدما قدم استقالته منذ عدة أيام، مقرراً  
الوجود فقط بشكل صوري.

جَمَعَ ما تبقى له في حقيبة صغيرة، وقد حانت لحظة مغادرته،  
ليجد بشير وعيسوي وعبد الشكور وعم مدبولي على أعتاب باب  
مكتبه، وصبا لم تكن لتأتي لأنها تكره الوداع ولا تحبه:

"نشوف وشك بخير يا مسعود".

"هتوحشنا والله يا مسعود".

"إن شاء الله ربنا يكرمك ولما ترجع تنزل مصر ابقى خيلنا  
نشوفك".

محقة درة في أن الأمر ليس بهين، ربما هي المرة الأولى التي يستوقفه  
فيها إدراك أن غيابيه من الممكن أن يشكل فارقاً مع أحد، بل هي المرة  
الأولى التي تختبر فيها عينه رققة الدموع إلى حد تشويش الرؤية في  
نظارتها.

"ما تصلوا ع النبي يا جماعة".

وكان التعقيب من عيسوي حين رأى التأثير في عين الجميع  
وعندها تدخل مازحاً:

— بقولكم إيه، إحنا نتصور واحدة سيلفي مع بعض ونبقى نسميها  
"الموظفون في الأرض".

ووافقوا فأخرج عيسوي هاتفه الخلوي رفعه لأعلى قدر  
المستطاع، وكانت الضغطة والصورة والبسمة وذكرى أربعة باتوا  
ثلاثة.



كانت ليلته الأخيرة وما زالت درة غاضبة، أعدّ كل شيء وما إن انتهى حتى جاور درة ثم قبل رأسها، أشاحت بوجهها وقد انهمرت دموعها، فأمسك بوجهها بين يديه وعقب: متزوديهاش عليا يا درة، متوجعنيش قبل ما امشي.

- وأنت متحسسينش أني مهمة لأن الحقيقة مش كده، أنت لويت دراعي يا مسعود، حطيتني قدام الأمر الواقع وعازيني أفرح. قالتها وصمتت، وهو نكس رأسه ولم يُعقب حتى زاد بكاءها فقال:

- مش هاقول مين فينا غلطان، لكن فكري معايا، أنا بأعمل كل ده عشانكم.

ودون مقدمات ضمّ رأسها إلى صدره فلم تجد بُدًا من العناد فتهاوى كبرياؤها، حتى كان الصباح وكانا بطريقهما لمطار القاهرة، وكان الزحام على أشده.

- هو في إيه النهاردة؟

سألت فأتاها الرد من أحدهم:

- مستنين فريد أبو العزم

ورجل مسعود وزوجته لداخل المطار بينما وصلت سيارة فريد، علا الهاتف بمجرد وصوله وقد ارتدى فوق قميصه علم مصر،

الصحافة هنا تتابع عن كتب، وعارف كأب روعي هو من تحدث لهم  
وقد اقتضب في كلماته قدر ما استطاع.

وضع مسعود حقائبه للتفتيش وما إن انتهى حتى نظر لدرة قبل  
المرور من البوابة لإنهاء أوراقه.

"خلي بالك من البنات، في فلوس هتلاقيها في درج المكتب وأول  
ما اقبط هابعتلك، ادعيلي يا درة".

شدت عندها على قبضة يده وجاهدت ألا تبكي وهي ترد: سبق  
وقُلتك بطل تشيل الهم، ربنا هيدبرها، طمني عليك لما توصل، ده  
كل اللي يهمني.

- أنا بحبك قوي والله العظيم.

قالها وشدد عليها وسحب يده رغماً عنه والتفت راحلاً تتبعه  
عينها في صمت، اتجه للبوابة. وما إن التفت حتى أدرك أن درة قد  
تاهت في الزحام ومع التفاتته والتدافع سقطت نظارته، وسط جموع  
تسعى خلف فريد وجموع تسعى لحمايته، وما إن انحنى ليجلبها حتى  
دعسها أحدهم بقدمه فتهشمتم ولم يبال أو حتى يلتفت ليعتذر بل  
أكمل سيره بجوار فريد دون مبالاة بما فعل.

"أنت أعمى ومنش بتشوف".

وكلماته فرضت على عارف أن يلتفت مستغرباً، لكنه هز كتفيه  
بلا مبالاة ولم يعره انتباهاً ورحل، ولولا النداء الأخير لطائرة الرياض

ما كان لمسعود أن يصعد للطائرة، وبجوار النافذة كانت النظرة  
الأخيرة

"هنا القاهرة".

ولا يدري مسعود أمي نظرة عتاب أم شوق، أم هي بين الاثنين  
حائرة.

وبالطائرة المتجهة للبنان كان عارف بجوار فريد، يطالع ذات  
المدينة متسائلاً

هل ستنجح التجربة؟

\*\*\*

(6)

### القاعدة السادسة

(أعد صياغة الثوابت وفق أهوائك، فإن لم  
ينجح الخطأ يكفك تلاشي الصواب).

حين يبدأ العرض احرص على جذب الألباب قدر استطاعتك،  
اضرب الأرض بقدمك، حرّك كتفيك وذراعيك بتناغم مع وقع  
أقدامك، بعدها ارفع يديك لأعلى، ثم ابدأ في القفز ثم توقف.  
تصفيق تصفيق تصفيق.

"رقص الزومبا، غني الزومبا، عرض مبهر بل يزيد، صرخ أول  
صفق ثان وهذا يشيد، عرض رائع، عرض ساحر، عرض شديد،  
والآن اعل بصوتك، كرر، اصرخ، اهتف:  
"عايزين فريد، عايزين فريد، عايزين فريد".

أجواء فرضت على المطربة اللبنانية الوقوف والضغط على الزر  
الذهبي فتعالى الصراخ، ثم تحركت لتصعد على المسرح، احتضنت  
فريد، وقبلته ثم عيّبت:

- عن جد بتاخذ العقل، ما توقعتك هيك، يا زلمة، فريد وأنت  
فريد.

زاد التصفيق فحيا جهوره بعدما حصل على الزر الذهبي، وقبله  
ذهبية:

"اهي دي الستات بصحيح".

والتعقيب من عبد الشكور بعد تدقيق بفستانها الذهبي، فرض على  
رنا التعليق:

- سمعك، والله وجيالك.

والهتاف من رنا الموجودة بالمطبخ فرض عليه تغير القناة لبرنامج  
"مساء الأنوار" حقنا للدماء.

لكن بدا أن الليلة لن تمر بسلام كون كتري سألته عن أسباب  
حواره الجاني مع مدرستها أين بال لحظة التي أتت فيها رنا لتجاوره  
فابتسم وهو يتنحنح وربت على كتف ابنته هاتفاً:

- حباب بابي مش هيناموا ولا إيه؟

رمقته رنا بنظرة نارية فتمتم:

استر يا رب.

ثم سحبت الريموت من يده وأعادت برنامج المسابقات لتشاهد  
نجم الموسم معقبة:

"هيسح".

فالتفت لها بصدمة كونها هائمة بذلك الوغد "فريد أبو العزم":

- أنا مش فاهم، فيه إيه زيادة عشان الشو ده كله؟

- فيه أنه أرجل واحد في البلد دي.

- نعممم.

قالها مصدومًا فأكدت:

- شايف بيتصرف مع المطربة بتاعة لبنان إزاي؟

- دي تصرفات واحد سافل.

"هه"!

ضحكة هازئة فرضت عليه الضيق والغیظ لإدراكه أن زوجته باتت ترى الوقاحة والرجولة وجهين لعملة واحدة، فتركها وقد قرر حمل كترى وتيم إلى سريريهما وقد وضع قبلة على جبين كل منهما، ومع تمسك كترى بوجوده إلى جوارها جلس شاردًا وقد شعر بأن رنا قد توجهت للنوم، أيعقل أنهما صامتا رغم تفتيشها المتواصل بهاتفه وكل أغراضه، ألن تسأله عن مكالمة أيتن فيخبرها أن ابنتهما بالخصانة منطقية وتتصرف بعدوانية، أو مكالمات لوللا فيخبرها أنه وافق على عرضها وأنه الآن يعمل معها!

\*\*\*

هي موافقة أو هكذا يبدو، لذلك سيقنع عقله أن قهرها المتواصل منه خجل لأن الخطوبة لم تتم بشكل رسمي؛ لذلك حددوا الموعد وشدت هي على يوم الجمعة، والسبب صدم والدها، تتابع برنامج

فريد الخميس ولا تريد تفويت الحلقة، وأمام حاسوبها شردت في أحد فيديوهات فارس أحلامها، ولكن مَنْ هي لتقابل فريد أبو العزم أو تراه عن قرب، أو يحبها أو حتى يُعجب بها.

"الروايات نقرأها أه، نصدقها لاء".

والجملة من الدكتور بغدادي لابنته التي احتضنها، فكري واستخيري في موضوع بشير، بدون تسرع، لكنها حسمت الموقف بالرفض، فبشير أبعد ما يكون عن طموحاتها.

والتدخل كان للدكتور شكري صديق والدها وهو يضع صبا أمام الحقيقة المرة:

"كانسر وفي المراحل الأخيرة، ده غير إن باباكي رافض العلاج".

وأمام ذات المرض سعاد الكرة، ستقف صبا عاجزة لا تملك حيلة إلا دموعها، فَقَدَت والدها والآن والدها!

ولكي ترضيه وافقت وادعت أنها سعيدة لتسعده، وتم الإعداد للخطبة وقرر بغدادي أن تكون بالحلمية.

قرار أزعج بشير خشية أن تتضايق صبا وتفترض فيه البخل ورغم حرصه على رضاها، قلبها لم يخفق له بل شاءت الأقدار وخفق لغيره....فريد.

وها هي الحلقة الجديدة ولن تنسى صبا متابعتها، صَعَدَ فريد على المسرح وسط تصفيق حاد، وقد بدأ صوت الموسيقى في الخلفية، تجاوزه موديل وقد بدأ رقصه.



خطوة لليمين توازيها أخرى لليساار، ممسكًا بيدها لتدور، يبعدها  
يقرها وتكاد تتلامس شفاههما ثم تتباعد ثم تعاد الكرة، يحتضنها يحملها  
ويدور بها وهي بين يديه، حتى بالنهاية تقف فوق كتفيه.

تصفيق تصفيق تصفيق.

"رقص التانجو، غني التانجو، عرض مبهر بل ويزيد، صرخ أول  
صفق ثانٍ وهذا يشيد، عرض رائع، عرض ساحر، عرض شديد،  
اصبرخ اهتف من جديد:

"عايزين فريد، عايزين فريد، عايزين فريد".

- لو فاز هياخد مليون دولار.

قالتها اعتماد مع مصمصة شفيتها ليرد إسماعيل:

- ما احنا فلوسنا كتير مش عارفين نوديها فين.

ترك بشير كي بدلة عرسه والتفت ليطالع الشاشة موجهًا تعقيبه  
لجده:

- طيب أوعى تتريق عليه قدام صبا أحسن تزعل.

وتعليقه فرض الضيق على اعتماد فمطت شفيتها وكادت أن  
تعقب إلا أن نظرة إسماعيل النارية أجمتها فصمتت وهي تحدد:

- أنا رايحة أعمل شاي.

- أحسن برضو.

قالها إسماعيل ثم تابع الحلقة وأردف:

- بقى ده هياخد مليون دولار، ده دعبس يوم ما كنت اتعظم كنت.....

"دعبس"؟

وكلاهما هتف بما وقد حدقا إلى الشاشة، ثم حدقا إلى بعضهما البعض ثم عادا ليحدقا إليه:

- مش ده دعبس؟

- لا طبعاً، ده يبقى أخو الدكتور ده اللي.....

- بتاع القرد.

وكلاهما ملأه الاستغراب حد تعقيب إسماعيل وقد رفع حاجبه من فرط الدهشة:

- عارف.

\*\*\*

"تاني تاني تاني".

أخفض رأسه إجلالاً لتقدير المتابعين وقد ترقرت عيناه بالدموع وما إن تأكد أن وجهه سيبدو باكياً حتى رفعه وهو يضم يده اليمنى فوق قلبه ثم أشار بما إليهم فزاد هتافهم، كل لجنة التحكيم قد تأثرت والموقف بات محمومًا بالمشاعر، فاقترب من الميكروفون وقرر التحدث

عن العظيم الذي كان سبباً في نجاحه ودعمه، وعندها حانت لحظة صعود عارف على المسرح، وقد اقترب منه فريد مقررًا الانحناء حد قرار تقبيل قدمه، والتصفيق بات اللغة العليا والدموع ما عاد أحد يملك القدرة على السيطرة عليها، فمنع عارف رأسه من الانحناء، ثم دفعه إلى صدره بخنان أبوي مفرط، بكى فريد، بكى عارف، وبكت لجنة التحكيم.

وحين عرضت هذه الحلقة على التلفزيون بكى المشاهدون جميعًا.

\*\*\*

ليس كل ما تربينا عليه صوابًا، وليس كله خطأً لكن الكارثي بحق أن يتشوش كلاهما بمرور الزمن، علمونا بالمدارس أنه إن تذاكر، تنجح، وإن تجتهد تنجد، وهو الآن بات أمام الحقيقة العارية، ذاكر، تفوق، كد، كدح والنتيجة بلح.

وصراخه كان ملء السمع، المهندس المصري القادم منذ أيام يثير الشعب.

- أقسم بري أنا هنا يا قاتل يا مقتول، يا أما العقد اللي اتفقنا عليه من مصر ياما والله حطريقها على دماغكم.

قالها وهو يسحب كفيله من جلبابه ويجره، وأمام شعوره بالمهانة أمام عماله دفع بمسعود عنه وما إن عاود الوقوف قبالة حتى صفعه، ثم زعق فيه:

- كل تبن، كل هوووا، أجولها لك بالمصري حبك، أعلى ما في خيلك اركبه.

قالها وأولاه ظهره منتظراً من مسعود الخروج، ولكن إلى أين؛ إلى السكن الجماعي الذي وجد نفسه فيه بعدما كان الاتفاق على سكن مستقل، إلى الرضا والقبول بالعمل المؤقت كعامل لأنهم بحاجة إلى عمال لا مهندسين، بل المرتب المتور نصفه لأنه لم يعد المهندس، كل الأحلام تماوت لا بل الفمات، ثم اكتمل المشهد بمهانة:

"عجبك تعيش عجبك مش عجبك هويناً".

"خلاص يا مسعود، اعتذرله وبوس رأسه وهو هيسامحك، وكل عيش يا أخي".

والجمل كانت من حوله تتناثر من بعض الموجودين بمكتب الكفيل وقد أرادوا التدخل لمساعدته، لكنه شارد صامت واجم ويده مكان الصفة.

لَمْ طافت كل الذكريات المريرة على عقله الآن؟

دقيقة، اثنتان، ثلاث، ثم صوت صفعات توالى والتعقيب خرج من مسعود لكفيله متحدثاً:

- قلمين قصاد قلم.

\*\*\*

وتعالت الزرغاريد لتسمع كل الحلمية، أن اثنين من أبنائها باتا  
اليوم عروسين، حسن بجوار مها وبشير بجوار صبا.

فرح شعبي بالحلمية، بمواصفات أبعد ما تكون عن حلمية صبا،  
وها هو صاحب المقهى يقف لتحية أبناء منطقته. أجواء فرضت على  
عيسوي الذي أتى لتوه الضحك، وقد اتجه ناحية إسماعيل ليصافحه،  
وبجواره كانت والدته لا تبالي إلا بالنظر باتجاه كل البنات والسيدات  
علها تجد لابنها العروسة المنتظرة.

- بتدوري على حاجة يا هاتم؟

"هاتم"؟

والجملة فرضت على مشيرة الالتفاف لإسماعيل وتحيته وقد  
أسعدتها الكلمة، ليُعرف بعدها إسماعيل نفسه بل يسعى لفتح حوار  
معه فلم يملك عيسوي إلا أن يسعل وهو يعقب:

- إحنا مش هنقعد ولا ايه يا حاج إسماعيل

- ما تقعد يا ابني هو أنا مأسكك.

ثم أتت إشارته لمشيرة للتوجه ناحية بناته وتجلس إلى جوارهن،  
وحانت لحظة خاصة بإسماعيل حين صعد على المسرح الخشبي،  
سيثيت للجميع أنه قادر على التخلي عن عصاه بل الرقص بها أيضاً،  
إسماعيل لا يزال بعزّ شبابه، بل يعيد أيام الشقاوة، رقص بعصاه وبعد  
دقيقة جاوره بشير، وحسن ثم عيسوي، وأخيراً عبد الشكور.

"شوية رقص برقع مليون جنيه، حد يصورنا ويرفعها ع اليوتيوب  
بقى".

والتعقيب من إسماعيل فرض عليهم الضحك وهو يكمل:

— وأزعل وأقول: "إحنا في زمن الهلس".

والهلس إلى جوار المحن بالقرب من السهوكة حد المحلصة على ما  
يبدو قد باتوا أطراف المعادلة.

\*\*\*

تم رفض عيسوي والعريس الذي تلاه، ومن ثم تقدّم حسام لشجن  
وتمت الموافقة، زميلها بالعيادة التي تعمل بها والتي يملكها والده  
وأغلب الاتفاقات المادية راقت لفاطمة.

ولم تملك شجن إلا التظاهر بالموافقة لترتاح من إلحاح والدتها  
مقررة أنه بأقرب فرصة سيلحق حسام بمن سبقه.

وعيسوي عرف منذ اليوم الأول، من منشور كتبه حسام  
بصفحته لتغيير الحالة لتكون:

شجن المصري in relationship with

وأنهالت التبريكات من أقارب وأصدقاء وفلورز.

وكان المنشور هو مجرد بداية لما أتى بعده.

فباليوم التالي كان من نصيبها tag وعدة صور لمصوغات ذهبية  
وسؤال المتابعي الصفحة عن أفضل جواهرجي، لتدرك عندها أنها هي  
من ستموت كمداً من تصرفاته وهو العاشق لاستعراض تفاصيل حياته  
على الفيس بوك، ومشاركة الجميع كل ما ينشر، وها هو منشور  
جديد يضعه ولن ينسى مشاركة شجن.

"المتسابق الأقرب للفوز يتحرش بالمطربة اللبنانية".

"مصيبة، كارثة، فضيحة".

ومعها انقلبت مواقع التواصل الاجتماعي، وتولى الجميع أمر  
الدفاع عنه، وصبا كانت أولهم، بل لقد وصل الأمر للدعوات بتدخل  
السفير المصري لحل الأزمة.

"سمعة مصر من سمعة فريد، وأي إساءة لنجم مصر هي إساءة لكل  
المصريين".

وحمداً لله؛ فلقد وعد السفير المصري بأنه بالفعل سيتدخل.

"ابقى قابلي لو حد من السفارة عمملك حاجة، آخرك هتدخل  
وعمرك ما هتقدر تشتغل في السعودية مرة ثانية".

"في حد يضرب كفيله، كويس أنه مقتلكش؛ ولو جت ع  
الترحيل يبقى كده تحمد ربنا وتسكت".

وما زالت الآراء ذاتها تتناثر من حول مسعود، وهو يهتف فيهم  
بسؤال أين حقي، والإجابة عن سؤاله بسؤال عن أي حقوق تسأل.

والقنصلية بدورها قررت عقد مؤتمر صحفي، واجتمع الصحفيون  
وتحدث أحد ممثلي البعثة الدبلوماسية:

"فريد بريء براءة الذنب من دم ابن يعقوب، فريد محترم ولم  
يخطئ".

وتصريحات المطربة بدورها برأته، ليرتاح التراس النجم الصاعد  
كونه لا يزال بالمسابقة.

وأما عن مسعود فقد خرج من السكن الجماعي مُقررًا البحث عن  
أقرب سيارة ليتجه بها لقنصلية مصر بالرياض، لكن ثمة سيارة أخرى  
كانت تنتظره، انطلقت مسرعة واجتاحته بطريقها وعلى جانب  
الطريق كان غارقًا بدمه.

وبصباح اليوم التالي كانت المنشئات الرئيسية بكل الجرائد  
عنوانها:

"الأسطورة المصري لن يرحل".

وخبير جاني بجريدة هامشية:

"قصة جديدة من قصص دهس المصريين بالخارج والسبب  
مشاجرة".



(7)

### القاعدة السابعة

(لكل فعل ورد فعل جمهور، لن يرى فيه  
الاستثناء إلا عند استفزاز من اعتاد المتابعة  
في صمت).

ورغم التبرئة خسر المسابقة، والعجب كل العجب يكمن فإن هذا ما أراده عارف، قدّم فريد عرضه الأخير وخسر وبكى، وانسحب تاركًا المسرح خلفه، وأداؤه مثالي للحد الذي فرض على مواقع التواصل الاجتماعي أن تنقلب لتؤازر من خسر، والتأكيد بأن ما حدث مؤامرة، ودعوات باستقبال حافل بمطار القاهرة لدعمه وقد استجاب كثير، مشهد فرض على فريد الدهول وعلى عارف الابتسامة، اخسر كل شيء واكسب "التعاطف".

وآه من التعاطف الأيقونة الأخطر، فأمامه ستدفع للتصرف بقلبك لا عقلك.

وأيتن كآخرين انصهرت بالزحام تتابع بحزن مجريات الأمر، إلى أين سيأخذنا ذلك الرجل الغامض وزوجته وأخوه؟

حتى اقتطعها صوت هاتفها ليأتيها اتصال من بغدادى لتحديد موعد للمقابلة من أجل رسالتها للماجستير.

وما إن أغلق الهاتف حتى طالع التلفاز ليتابع لحظة وصول فريد للمطار والحزن يأكل قلبه لأن صبا بالتأكيد موجودة بالصقوف الأولى

غادر محاضراته ثم عاد لمكتبه، وكانت أيتن بانتظاره، قامت بتعريف نفسها، تعمل مدرسة بحضانة رغم تخرجها من كلية الإعلام، والسبب؟

- محدش بيتخرج ويشتغل بكليته، نفسي أكون صحفية بس حضرتك عارف مفيش شغل في جريدة كويسة إلا بالوسايط.

ورغم ذلك تتمسك بأمل أن الفرصة قد تسنح مع الدراسات العليا.

- وليه اختاري دكتور بغدادي أيوب، وليه اختاري موضوع الرسالة يكون عن "self-fulfilling prophecy"

- أنا كنت قرئت بحث لحضرتك في مكتبة الكلية، عن دور الإعلام في تحديد اختيارات الناس وتوجههم، والحقيقة اخترت نظرية التوقعات المحققة لذاأما بناءً عن بحث حضرتك، واللي فكرت فيه هو الاستفادة من وظيفتي.

نظر باتجاهها ولا إرادياً قارن بينها وبين صبا بينما هي أكملت:

- وفق النظرية دي لو احنا حطينا تنبؤات لجيل طالع في أي بلد أنه هيكون فاشل واديناله الميديا اللي تساعد على كده، هل ده معناه أن ممكن أرسم مستقبل دولة بحالها وأبدل هويتها 180 درجة.

سؤال استحق التأمل وفرض على بغدادى التفكير والربط، هل هذا ما يفكر به عارف أبو العزم:

- تحي نبدأ من إمتى؟

- من دلوقتي لو أمكن.

- تمام، وأنا هأساعدك بكل طاقتي لحد ما البحث ده يكمل ونوصل لإجابة سؤالك.

\*\*\*

وأخيرا أطلت على شاشة التلفاز في لقاء استثنائي للخيرة التي استوقفت العقول، نانسي أبو العزم ضيفة ببرامج "الدنيا كده" وقد اهتمت الاتصالات على الحلقة والكل يريد أن ينهل من علمها، ما الذي ينبغي على كل زوجة فعله؟

"عجيب أمركن أيتها المصريات، تتزوجن رجالاً لا يستحقون العشرة ثم تتأففن، تلقن بأنفسكن أنكن تستحقن الأفضل قومي وقفي أمام المرأة وقولي بأعلى صوتك:

"أنا أستحق الأفضل".

وصوت رنا وهي تهتف بذات الجملة فرض عليه أن يستيقظ وهو يضرب كفًا بكف على حال زوجته التي اقتربت من الجنون الرسمي:

"أنا أستحق الأفضل".

- ربنا يهديك يا رنا.

- أنا أستحق الأفضل.

- آخر عشرين جنية في الحفظة تأخذ بهم؟

- أنا أستحق الأفضل.

وظلت ترددها بينما سأله كترى:

- هي ماما ماها؟

ولم يملك إجابة لابنته وقد أته مكاملة من لوللا فرضت عليه أن يخرج، مقابلة مع المخرج تريد منه حضورها للاتفاق على حملة إعلانات ستؤديها لمركز السراب لتحقيق الأحلام.

- وده جد ولا نصب.

- واحنا مالنا، احنا لينا أنه يدفع تكاليف الإعلانات أنا وأنت ولوللا نقبض، حلو لنفسه وحش لنفسه.

والإجابة منطقية جدًا فرضت على عبد الشكور الصمت ليتابع بعدها المخرج:

- الجدة بقي منك تقنع لوللا توافق ع الفيلم اللي جايلها مع فريد أبو العزم، الفيلم ده لو اتعمل هنتقل ناقلة تانية خالص، أنا قلت للمنتج إن الموضوع في إيدك، قال لو عرف يقنعها له عندي الحلوة.

وطوال طريق عودته كان الحزن يؤرقه، بأي طريق وضع نفسه؛  
وضيقه ازداد بعدما قرأ عدة صفحات من الفيلم الذي يحكي عن قصة  
حياة بلطجي في حارة بالإضافة لعدة مشاهد ساخنة، هل حقاً  
سيقنعها؟ نظر للمبلغ المالي الذي حظى به للتو بأسى ثم تابع طريقه،  
متوجهاً لأقرب محطة بترين ليصدمه صوت لم يكن بحساباته:

"مسعود؟"

"أنت بتعمل إيه هنا؟"

والنظرة مكسورة بجوار دموع على ما يبدو تحجرت في عينه،  
أشاح بعدها وجهه متجهاً حيث مكان مسدس البترين للماء سيارته  
دون أن يتفوه بكلمة سوى:

- اتين وخمسین جنیه.

نزل عبد الشكور ليجاوره وسأل بقلق:

- طيب احكي لي إيه اللي حصل، إيه اللي عمل فيك كده وليه  
بتعرج برجلك؟

أشاح بوجهه مؤكداً: أنا كويس يا أستاذ عبد الشكور، متقلقش

وأفنى حواراه سريعاً وتركه مع حيرته، ومع انتهاء الوردية عاد  
لمقره، أخرج من كيسٍ يحمله سندويتش فول وأكله ثم وضع رأسه  
على الوسادة وأمنية غالية جداً قمتها بداخله، أن يستيقظ ميتاً، عله

ينسى كل ما جرى منذ سفره وحتى عودته، فحماته المصون كانت بانتظاره بالمطار متوعة بعدما عاد محملاً بخيبة الأمل، ولم تلمس له أي أعذار، بل راحت تهدده بخيار من اثنين إما أن يشتري شقة ويتمم وعوده لابنتها وإما الطلاق.

"يا فاشل".

أنهت بها حوارها وتركته ورحلت وكأنه ينقصها، حتى درة لم تحاول رؤيته أو مهاطفته وكان موته وحياته عندها متساويان.

لتبدل حياته، فيقرر إظهار أسوأ ما فيه، ومع التخلي عن نفسه ستلذذ أكثر بسيجارة تلوكها بفمك، أو مدية تضعها في بنطالك إن كنت ستعمل بوردية ليلية، والاسم مهندس والتصرفات "بلطجي". وهكذا يكون أخذ الحقوق وإلا فلا.

\*\*\*

ومنذ اللحظة الأولى اكتشف عمق الاختلاف بينهما، وكل مساعيه للتقرب منها تبوء بالفشل فيعود يجر أذيال خيبته، بينما كلما وقعت عينه على مها قدراً وجد أن حسن يتودّد لها وعلى ما يبدو هي سعيدة معه.

"ربنا يوفقك يا مها".

تتم بها وهو جالس كعادته بسطح منزله بجوار أضص مزرعاته ليتفاجأ بمجيء عيسوي لمنزله، فهل فعلها إسماعيل؟

قرّر التودد ليعسوي لأنه معجب بوالدته؟ قرار صدمهم عندما  
صرح جده؛ أنه يريد الزواج وبأنه يراها مناسبة!

ظل بشير يطالع عيسوي مندهشاً حتى جلس بقربه وسأله:

— أنت كويس يا ابني؟

زاد استغراب بشير وعندها أكمل:

— جذك فضل يتحايل عليا أجي وقالي إنك متخاف مع صبا.

وقبل أن يرد ظهر إسماعيل ممسكاً بيده صينية تحمل أكواب الشاي  
بلبن ثم سأل بشير بشغف مُصطنع:

— عامل إيه دلوقتي؟

هل يلعب إسماعيل الدينية؟

وقبل أي رد فعل وجد إسماعيل يجذبه من ذراعه ويتعد به عن  
عيسوي مطالباً إياه بمساعدته، الآن فهم، افعل إسماعيل موقفاً يجلب  
به عيسوي لمقره عله يوطد علاقته بحفيده ومن ثم تسنح له فرصة  
لطلب يد والدته، وأمام رجاء إسماعيل لن يملك بشير إلا المساعدة.

— أنا هانزل أجيلكم بقسماط مع الشاي اللي أنا عملته بإيدي.

قالها إسماعيل فسأل عيسوي:

— وأنت عرفت منين إني بحب الشاي بلبن والبقسماط.



- من صفحتك ع الفيس بوك، ده أنا حتى بعثلك الآد، باسم  
إسماعيل الفولالي.

وانفجر عيسوي في الضحك فعقب إسماعيل:

- في حاجة يا.... يا عيسوي؟

- لا أبدًا يا عم فولالي، هافتح الفيس وأقبله حالا.

تركهم إسماعيل فقرّر بشير التودّد لضيّفه فسأله:

- لقيت عروسة ولا لسة؟

تغيرت ملامح عيسوي للضحك وآثر الصمت متطلّعًا للمكان من  
حواله وعلق:

- حلو قوي بيتكم يا بشير.

قالها وقد بدأ يتحرك في المكان ثم أخرج هاتفه من جيبه لقبول  
طلب الصداقة فسأله بشير:

- إيه رأيك في جدو يا عيسوي؟

"شخص قنر حقير".

صرخ بها عيسوي ثم أكمل:

- إن ما وريتك يا حسام الكلب!

قالها وكسر أكواب الشاي ودفع بشير وهو يهتف:

- هاقتله، والله لأقتله.

ثم ركض مُسرِعًا وبشیر لُحق به وهو لا يفهم ما الذي دهاه ولا حتى إسماعيل بدوره.

- طيب بس حصل إيه لكل ده.

والسؤال من بشیر كان بلا إجابة وقد وجد نفسه خلف عيسوي فوق دراجته البخارية ليهتف عندها وقد انطلق:

- أبوس ايدك أوقف، أنا عندي قويا من الموتوسكلات.

لكن فات أوان ما أراده فعيسوي لم يكن ليسمعه، وما إن وصل حتى استوقفه أن والد شجن قد سبقه وبالشارع كانت المشاجرة.

فما إن صممت شجن على الرفض بل وضع الجميع أمام قرارها حتى قام هو بنشر منشور ومعه صور لمخادئات جمعتهن، وقد تم تزييفها، مع خاتمة مفادها:

"بنت قدرة، الحمد لله إن ربنا نجاني منها".

ودون بيّنة شارك منشوره كُثر وكان الطعن بسمعة شجن..

وما فكر به عبد الغفور هو بالضبط ما فكر به عيسوي، فثمة أشياء غير قابلة للتلاعب وعلى رأسها الأعراض، على الأقل إلى الآن عند بعض الرجال، فكان من نصيبه الضرب واللكم والصفع، وقد تكوّم حسام أرضًا بجوار حائط كان بشیر قد استند عليه يحاول

التماسك من شدة الدوار الذي أصابه، وقد زاد تقلص معدته فكاد يشير لحسام أن يتعد إلا أن الوقت لم يسعفه فتلقى حسام كل القيء فوق رأسه، هل اكتفى حسام ؟

على ما يبدو أن الإجابة لا، كون طفل صغير كان يمر بجواره أراد أن يقضي حاجته فتبول فوقه.

والزعيق كان بقسم الشرطة حيث والد حسام يتحدث للضابط:  
- افتح محضر واثبت حالة حسام، وكل اللي اتعرضله حتى البيبي والترجيع.

- حالة إيه اللي اثبتها بريحته دي، طلعه برة الأوضة، ولا اقعد بيه في الحمام.

- يا حضرت....

- خلاص خلاص.

والإشارة من الضابط للعسكري بفتح الحضر، ثم الإشارة لبشير ليتقدم مجاوراً الضابط الذي سأل عن اسمه وعنوانه، وكاد يجيب لولا شعوره بالغثيان الذي ما لبث حتى فرض عليه القيء فوق الحضر ليهتف أحد العساكر عندها:

- يا باشا ده من ساعة ما جه وهو مغرق القسم.

وهيته فرضت على عيسوي الاعتذار، بينما إسماعيل قد أتى وأحضر معه محامي الحلمية، فرصة وأتت على طبق من ذهب حين

اختلى إسماعيل بعبد الغفور مقرراً فهم القصة برمتها وما إن أغلق  
المحضر حتى قرر التدخل وخارج القسم بادر بطلب يد شجن  
لعيسوي.

ولن ينكر عيسوي انبهاره بإسماعيل:

- أنت إزاي كده يا جدو؟

- تاني هيقولي يا جدو، طب والله...

- ما خلاص يا جدو.

قالها بشير ثم نظر لعيسوي وأكمل:

- وأنت كمان يا أخي متقولوش يا جدو، جدو بيتترفز من كلمة  
جدو.

- هو زملكاوي ولا إيه؟

والاستفسار من عبد الغفور لم يجد له إجابة مع تأكيد بموعد جديد  
بمترل شجن وقد قرر مرافقتهم.

والدهشة كانت من نصيب بشير فسأل:

- وأنت هتروح معاهم بصفتك إيه؟

ولم يكن إسماعيل بحاجة إلى صفة، كونه قرر أنه سيكون ولي أمر  
عيسوي وبمترلة والده.

صباح جديد بشركة الفيروز بدأ بزعيق فيروز بالمهندس الجديد  
الغبي كما اعتادت نعته، معاملة أيقن أنها الأسوأ فقرر تقديم استقالته،  
ومع مغادرته فكر عبد الشكور بإخبار فيروز بعودة مسعود، مسعود  
كان بالفعل كفوًا ويكفي أن الشركة قد كبرت على يده.  
"نزلي إعلان، أما نشوف آخرها".

زعقت بصبا ثم نظرت لعبد الشكور وقد بدت كالعادة عصبية،  
فتراجع ولم يستطع إخبارها.

عاد لمكتبه وبطريقه كان عيسوي متجهًا لبشير فاستوقفه وبعد  
تردد عقب:

- في موضوع مهم يا عيسوي عايزكم فيه.

جمعهم مكتب بشير، وقد سرد عبد الشكور ما عنده ثم تطلع  
لوجههم بسؤال:

- قلتم إيه، هنساعده ولا لا.

وأغلب الاختبارات الإنسانية قاسية، مسعود لم يكن أخًا أو  
صديقًا هو مجرد زميل كانوا يروونه في بعض الأحيان متغطرسًا، أحقًا  
يستحق مسعود المساعدة؟

- طيب ما نجمع من بعض مبلغ ونديهوله، أصل موضوع نكلم  
فيروز ده شبه مستحيل.

والكلام من بشر تبعه التعقيب من عيسوي:

- مسعود مستحيل يقبل مساعدة، بالعكس ده هيعتبرها إهانة  
مننا.

ثم أكمل بوضوح:

- احنا نقدر نتجمع احنا الثلاثة زي ما قال عبد الشكور  
ونحسبها أننا عايزينه يرجع، وهي محتاجة مهندس فعلا فمسعود أولى  
من الغريب، هه؟

- تفتكر فيروز ممكن توافق.

والسؤال من عبد الشكور كانت إجابته قاطعة من المتردد:

- مين دي اللي توافق دي غالبًا هتفخنا، ده إذا خلطنا نكمل في  
الشركة.

ورغم القلق كان هناك رأيان ضد واحد، وبحكم الأغلبية توجهوا  
لمكتب فيروز، ليعلنوا طلباتهم، وعيسوي من تولى مهمة الطلب نيابة  
عنهم:

"خلصتوا؟"

والسؤال متهمهم وقد عقدت ذراعيها أمام صدرها غاضبة ثم  
أردفت:

- عاملين رباطية أنتم الثلاثة، بتجتمعوا وتتفقوا وتاخذوا قرارات،  
وييه كمان؟

- يا مدام فيرووز...

- بس يا بشير.

والكلمات بُتت على لسانه لتكمل بعدها:

- اللي عايز يشتغل عندي هنا يشتغل زي ما أنا عايزة، واللي  
مش عاجبه يمشي.

- يا فندم احنا شرحنا لك ظروفه، ثم هو أولى بشغل الشركة،  
والشركة محتاجاله.

- مش شركة الفيروز اللي تحتاج لحد يا عبد الشكور، الشركة  
دي هي اللي بتضيف لكم مش أنتم اللي بتضيفوها، أنتم من غير  
الشركة دي عواطلية، لا وظيفة ولا مرتب، ومصيركم من مصير  
مسعود، ويا ريت تفهموا ده كويس، أنتم ولا حاجة من غير الشركة  
دي.

وكادت تظن أنها أنهت كلامها، لكن رد عيسوي كان المؤكد أن  
ثمة بداية أخرى ستفرض نفسها عليها، حين فرض ما قالته على  
المتهور الرد على إهانتها:

- شركة ايه دي اللي بتضيفلنا واحنا من غيرها ولا حاجة.

والزعيق من عيسوي فرض على ثلاثتهم الدهول، ولسان حال  
عبد الشكور وبشير كان "اصمت" لكنه أكمل:

- حضرتك عارفة، إن الشركة محتاجة لضعف العمالة اللي فيها،  
وعارفة أن كل ما فينا بيعمل شغل بمقام اتين مش واحد، مرتب إيه  
اللي حضرتك بتمني علينا بيه، ده حقنا وأقل من حقنا كمان،  
حضرتك مش بتكرمي علينا، بالعكس أنت بتدينا مرتب أقل من اللي  
نستحقه.

- اخرس يا عيسوي.

- خلاص يا عيسوي اتكلم بقي.

"سيوه، وايه كمان يا عيسوي".

والزعقة من فيروز بصوت حاد ألجمت كليهما وفرضت على عبد  
الشكور الزعيق به:

"اسكت بقي الله يخرب بيتك".

- لا مش هاسكت، الشركة دي من غيرنا ولا حاجة ومدام  
فيروز عارفة كده كويس، ومن يوم ما مسعود مشى مش عارفين  
نجيب حد مكانه، كل اللي بييجي مش يستحمل يومين ويمشي، ولو  
استمرينا ع الوضع الشركة اللي هتخسر.

والزعيق يواجهه زعيق حين ضربت فيروز مكتبها بيدها وهتفت:



- أنت إزاي تسمح لنفسك أنك تكلمني بالأسلوب ده، كل ده  
عشان مسعود يرجع، طيب أعمل حسابك إن أنت وهما من اللحظة  
دي برة الشركة وابقى خلي مسعود ينفعكم.

والقرار فرض الخوف على عبد الشكور وبشير فحاولا التهدة  
علها تتراجع، فزاد زعيقها وهي تلعن وتسب حتى خرج الثلاثة من  
مكتبها، وجملة واحدة تتم بما عبد الشكور طول طريق عودته لمكتبه:  
الله يخرب بيتك يا عيسوي، أنا أستاehl ضرب الجزمة، أنا مالي ومال  
مسعود ما يتحرق مسعود على بشير، ما تتحرقوا أنتم الثلاثة.

والصوت العالي منه فرض على عيسوي أن يركض وراءه ليهتف  
فيه:

- أنا ممكن قصدي الأمور توصل لكده، هي اللي استفزتني لما  
أهانتنا.

- ما تنهان يا أخي، هي يعني جت عليها، يا فرحتي بكرامتي  
المحفوظة وأنا مش لاقى أأكل ولادي، ولا عارف أدفع مصاريهم،  
ولا أنت عشان مفيش وراك حد تقوم تضيعنا.

قالها وهوى لأقرب مقعد يسعى لبعض هدوء بينما بقايا دموع  
تتجمع في عينه، وعندها اقترب منه بشير محاولاً تهدئته مُعَقِّباً:

- هي متقدرش ترفدنا بالسهولة دي، لأنها مش هتقدر تجيب  
غيرنا بسرعة، خصوصاً أن معاد تسليم الوحدات قرب، ولو

مسلمتهاش في معادها في شرط جزائي هتدفعه عن كل يوم تأخير،  
والغرامة كبيرة؟.

- ولما هو كده مقولتش الكلام ده قدمها ليه يا عم الفليسوف،  
خفت مش كده.

ولم يجب لأنها الحقيقة التي يخشى الاعتراف بها.  
بينما فيروز بمكتبها تكاد تموت كمداً، موظفوها تمردوا وثاروا من  
أجل عودة مسعود ولو نجحت ثورتهم قد يتبع ذلك المزيد من المطالب  
لأنهم أدركوا قوتهم.  
"اللعة"!

لأن ذلك المتهور قد أظهر حقيقة موقفها الضعيف من دون تعمّد،  
هي في أمس الحاجة لوجودهم وعلى رأسهم مسعود نفسه، لكن ماذا  
ستفعل لو أدركوا لحظة أنهم أقوى.

وبعد أن هدأت جمعتهم وقررت:

- خلوا مسعود يجي يقابلني بكرة.

وثلاثتهم لم يكن يصدق حين خرجوا من مكتبها، هل نجحوا حين  
اتحدوا وكانوا على قلب رجل واحد أمامها، ودون الخوض في  
تفاصيل انطلقوا لمسعود يحملون له البشرى، بينما هي فكرت: هل  
من سبيل لكبحهم وترويضهم؟

\*\*\*

(8)

### القاعدة الثامنة

(لكل قاعدة شواذ، لكن لا أحد سيُغيرهم  
الاهتمام حتى لو كانوا على الحق، لأن القلة لا  
يعترف بها أحد).

اتجه للمترو يرمي نفسه على أقرب عمود معدني ليستند عليه،  
زعق بزملائه الثلاثة، وحسم أمره هاتفاً: "لا أحتاج للشفقة أو  
المساعدة"، استوقفه وجه لطفل صغير يحمله والدته، فكادت تدمع  
عيناه للذكرى درة وبنتيه، لكن تخليها عنه فرض عليه الجمود؛ هي لا  
تستحق!

بات لا مبالياً، حتى صاحب الشقة حين أدرك ظروفه قرر أن  
يكمل عليه بفرض مهلة شهر كي يبحث عن شقة غيرها، فماذا بقي؟  
وكعادة كل يوم افترض أنه سيتناول طعامه وينام كمدًا، إلا أن  
اليوم اختلف، صدمته رؤية درة جالسة على درجات السلم تجاورها  
الطفلتان وحقيبة صغيرة بما بعض ملابسها وقد غفت.

- درة؟

واحتضنته فلم تجد منه سوى الجمود بمكانه ومطالعتها بغیظ، أهي  
حيلة منها لطلب الغفران، أم زيارة لتأكيد طلب الطلاق وكسره،  
أولاهما ظهره بمجرد دخوله دون النظر لها أو لبنتيه فوضعتهم على  
الأريكة المواجهة لها، وقبل أن تتفوه بكلمة التفت إليها بزعيقة:

- جاية ليه يا درة، أنت مش طالبة الطلاق وقاعدة عند أهلك،  
متخافيش ورقتك هتوصلك بمجرد ما اجمع فلوس المؤخر، عايزة إيه  
تاني؟

صمت بعدما زفر ثم ظل يطالعها، كانت تبكي بلوعة غير قادرة  
على الرد، لكنه لم يشعر حيالها بالشفقة، بل هو من يستحق الشفقة  
على كل يوم مر كانت أعصابه تحترق؛ لأنه يُمني نفسه برؤيتها ولو  
على سنبل المصادفة، اقتربت لتمسك بيده فنفض يده عنها وابتعد  
فقررت هي الرد:

- قبل ما تظلمي السمعي، مسعود أنا كنت في المستشفى منهارة لما  
عرفت بالحادثة، وماما جمعت خلاني وعمامي بعد ما خرجت وقاتلتهم  
لازم نطلقها منه، بنتي مش هتعيش مع مسعود بعد الفاردة، أخذت  
مني مفتاح الشقة وتليفوني وقالتلي هو بايع وما صدق وعايز يطلق،  
حتى البنات أنت محولتش تشوفهم.

- أملك رفضت يا درة، وأنت بعيتي

- قُلتك أنا كنت لوحدي قصادهم، يا اخسرك يا اخسرهم.  
وأنت كلماتها منهارة وقد زاد بكأؤها، وهوت لأقرب مقعد  
تدفن وجهها بين يديها، وأمام حالتها كان رده:

- وأنا ميخلصنيش أنك تخسري أهلك عشان خاطري.

جملة فرضت عليها أن ترفع وجهها لتطالع وجهه بذهول وهي

تعقب:

- ده كل اللي عندك.

- احنا اللي بينا خلص، سيبك من الحب والكلام الفارغ ده  
وشوفي مصلحتك.

قالها وأولاها ظهره ليشعل سيجارة، وقد قرّر التحدث بنبرة باردة  
وغير مبالية:

- احنا مش أول ولا آخر اتين يطلقوا، وحقوقك هتوصلك.  
ولم يملك الاستطاعة بإضافة كلمة واحدة فصمت، فأدركت أن  
عليها الرحيل.

إلا أن صوت بكاء حور فرض نفسه، طفلتها جائعة والأخرى  
بدورها استيقظت وعندها سألت:

- ممكن بس أحضر للبنات رضعتهم وبعدها أنزل.  
- ممكن.

قالها واتجه لغرفة مكتبه صافعاً بإها خلفه، دقيقة أخرى إلى جوارها  
وبعدها سيرجوها باكيا كطفل يخشى رحيل والدته وهذا لا يليق به،  
بعد دقيقة مرت كدهر انفتح باب الشقة وأغلق؟

رحلت؟

فخرج مُسرِعاً يقف بوسط الصالة هاتفاً بأنين:

- درة.

لالتفت على صوت حور ومن ثم صوت درة وقد خرجت من  
المطبخ معقبة:

- كنت ناسية الشنطة اللي فيها حاجتهم ففتحت جيبتها.  
واللعنة على الجمود والكبرياء والتظاهر بما ليس في قلوبنا، ودون  
مقدمات وجدته يسحبها من ذراعيها ليضمها دافئاً رأسها في صدره  
وقد أرخى رأسه على كتفها، دون عتاب أو لوم.

ساد الصمت حتى قالت:

- بلاش تتخلى عني يا مسعود.  
- ومين قالك إني أقدر، أنا بس خايف أظلمك معايا.  
- الظلم الحقيقي أنا نسمح لحد يفرقنا.  
- هتستحملي معايا اللي جاي؟  
- أيوة، لأني مهما حصل بجبك.  
تأكيد كان في أمس الحاجة إليه، وقد أعاد له الحياة مرة أخرى.

\*\*\*

ليلة سعيدة بجوار زوجته وطيف أمل لاح في الأفق فقرر معه  
العودة لشركة الفيروز، وصوت مدبولي وهو يهتف باسمه فرض على  
البقية الهرولة لرؤيته.

عاد مسعود لموقعه، وانتصرت إرادتهم وعاد الرباعي البغيض  
لقواعده.

اجتمعت بهم فيروز بمكتبها وقد حددت لمسعود مهمة إن لم  
ينجزها بثلاثة أيام ستطرده.

ورغم التحدي نجح، عمل بجِدِّ بل أصلح أخطاء المهندس الذي سبقه، وفي اليوم الرابع كان اجتماعهم؛ وبشير من أدار الحوار يسرد النجاحات ويشرح لفوز أن كل أخبار اليوم سارة، فكان هذا هو الخبر الأسوأ.

نجحوا!

ولكي تتفادى ضجرهم تم إلهائهم بمكافأة، وحين خرجوا زاد غيظها، فموظفوها خرجوا عن السيطرة أو بالأحرى، ما عاد يمتلك الديكتاتور سبباً ليزعق.

\*\*\*

"مركز السراب لتحقيق الأحلام".

على مشارف الخامسة مساء كانت الاستعدادات لتصوير الإعلان وكالعادة لا يوجد أفضل من لوللا حين ترتدي جلباباً فضياً مُرصَّعاً بالترتر، مزوداً بفتحة طويلة من الجانبين تكاد تصل لخصرها، وموقع التصوير بات أشبه بسطح بناءة عشوائية، أمامها قارورة بلاستيكية كبيرة يوجد بها قطع ملابس والإيحاء بأنها تنظفها، بجوارها عدة فتيات هي تتوسطهم لتغني، والمتوقع أغنية لنانسي عجرم، والمسموع أغنية أخرى أكثر شعبية.

وسر المهنة:

"اكسر توقعاتهم"

"وياني ياني ياني ..... وهاروح لنانسي تاني"



"ياي ياي ياي .....مش بس أولانی"

هو با هو با هو با

آیت

أنا جوزي فاكرني طيشة... آه طيشة آه طيشة

وعاملي على راسه ريشة... آه ريشة آه ريشة

يبص هنا ويبص هناك ويقول عيشتك مش عيشة يبص هنا ويبص

هناك ويقول عيشتك مش عيشة

خلائي نزلته الشارع وحلفت ابدًا ماهو طالع

ماهو ياإماما يشوف عارف ياإماما والله ما هو راجع

قولوه دور قولوه دور قولوه دور

علی عاااااااااااااااااااا

عارف عارف عارف

وإياك تعمل مش عارف

ولا توجد لغة جسد توازي الرقص الشرقي من فائدة حين يميل

خَصَرَهَا، وَيَتَحَرَّكُ فَيُحَادِثُهَا مَعَ هُنَّ كَتَفِيهَا لِتَكْمُلَ بَعْدَهَا:

"مع سنتر عارف أبو العزم .... أنت في أيدي أمينة"

"سنتر عارف أبو العزم .... لأنك تستحق الأفضل"

**استووووووووووووووب.**

والتصفيق كان من نصيبها، أبدعت لوللا كعادتها، أبهرت طاقم

العمل، سحبت لب كل الرجال الموجودين بالاستوديو وفرضت

عليهم أن يحدقوا إليها إلا واحدًا ظل شاردًا يطالعه هيثم بغيظ كونه قال رأيه بصراحة بالفيلم فرفضت بدورها لوللا، فكانت تتممة هيثم وهو يطالعه:

— دورك جاي يا شيكو، ويا أنا يا أنت.

\*\*\*

إعلانات بالتلفاز وأغنية باتت نغمة للهواتف المحمولة، بجوار محاضرة ذات اسم براق "القيادة الاستثنائية"، والمكان "جامعة القاهرة".

"إزاي تكون قيادي مش بس لنفسك، لا ده أنت ممكن تقود أي حد حواليك".

وصبا من قالت لفيروز وقد قررتا الحضور بجوار آلاف وقد بات عارف، رمز النجاح والوعي والتقدم.

اتجه الدكتور بغدادي لمحاضرتة ليجد المدرج شبه فارغ إلا من قلة قليلة.

— أنتم بتعملوا إيه هنا؟

— منتظرين محاضرة حضرتك يا دكتور.

— محاضرة مين يا ابني، كل سنة وأنت طيب.

والنظرة كانت حائرة من بغدادي لطلابه، أحقًا لم يعد هناك فائدة؟ صمت ثم نظر لعيونهم، ولم يدر ما يقوله، فلا مهزلة توازي تعييب بالحديث عن الوعي، لا غسيل مُخَّ يَضاهي تشويش كل شيء، ولكن

أمام هذا، ما هو الدور؟ هل يجزؤ بغداددي أن يعلنها صراحة؛ مقيش  
فايدة أو يجوار ابنته ويسمع ما يقوله عارف:

"طبعاً في فائدة، المهم تبص جواك، تاخذ نفس عميق، وتقول  
اللللللله، يا سلام!!!!!!!!!!!!!!، هي دي السعادة، هي دي متعة الحياة".

"كلام حضرتك رائع يا دكتور عارف، هو ده الوعي اللي كلنا  
محتاجين إدراكه".

وبغداددي معذور في ارتبائه ولا يملك القدرة على إخبار طلابه أن  
ابنته بالمرج المقابل، لكنه قادر أن يقول ما يُمني نفسه أن يسمعه أي  
حد لعل أحدهم يعي:

"خلونا نتفق إن التلاعب بالعقل البشري خلال المرحلة الجاية  
هيكون أخطر سلاح بتواجهه أي أمة، يمكن حتى أخطر من قصفها  
بالنوي والكيماوي". بغداددي.

"خلونا نتفق أننا قدام عهد جديد وصلت فيه التكنولوجيا لتطوير  
كل شيء من حوالينا ولو عقولنا فضلت واقفة مكانها من غير ما  
نرتقي ونعلو ونوصل ونسود العالم يبقى منلومش إلا نفسنا، سيبوا  
عقولكم تدوق لذة كل تطور وتختبره وتعيشه". عارف.

"أوعوا تنسوا أن الأصل في وجود العقل إعماله". بغداددي.

"أوعوا تسمعوا للمتأخرين، دول بالذات هما سر التعاسة".

عارف.

"عقولكم نعمة".

"وقوفكم نقمة".

"فكروا أرجوكم فكروا".

"اطلقوا زمام أفكاركم بدون قيود أو ضوابط".

"مش كل المنمق من الكلام يستاهل، أوقات كثير بتكون  
الشعارات خديعة".

"الخديعة أن أحطلك حدود والكون بكل اتساعه قابل لتطويعك،  
إني أحجم قدراتك المطلقة تحت دعوات القانون أو الشريعة، أنت  
تقدر ودي أعظم حكمة لازم يدركها كل واحد فينا".

والتصفيق كادت تدمي معه أيديهم، ومن سيملك القدرة على  
منافسته وهو صاحب المعرفة والعزيمة.

ومع نهاية المحاضرة خرج عارف يتبعه جمهوره، وخرج بغدادي  
يتبعه طلابه، والأول حذق إلى الثاني وكان ليكون التحدي لولا ظهور  
صبا بالصورة ليدرك بغدادي أنا معركته الأولى ينبغي أن تكون  
"ابنته".

ومع تلاشي التزاحم تحركت هي حتى وقفت أمام سيارة عارف،  
سعت للتعارف، وتبادل أرقام الهواتف، وبالأخير عرضت عرض  
سيفرض على عارف التفكير فيه.

— تأخذ المبلغ اللي أنت عايزه مقابل تعلمني إزاي أسطر على  
موظفين شركتي.

والفكرة براءة، عدد من البشر سيدفع له المال في مقابل أن يكونوا

فتران التجربة:

- تحيي نبدأ من إمتي؟

- بكرة لو تحب.

أخرجت الكارت الخاص بها ومنحته إياه ورحلت فقراءه:

"فيروز عز".

"شركة الفيروز للاستثمار العقاري".

\*\*\*

(9)

## القاعدة التاسعة

(لا تكن الغاية ولا تكن الهدف، بل كن  
الغاية والهدف والوسيلة الوحيدة لأي إنجاز  
مُنتظر).

كان إلى جوارها مُبتسماً بينما هي شاردة، لو عادت والدتها  
سينقلب كل شيء للأسوأ، نظرت لمسعود فابتسم فوجودها هو رمانة  
الميزان بحياته ولكن هل فرحته بعدما عاد لعمله ستكتمل، هل  
ستتركهما عطيات بحالهم؟

وطرقها على الباب حمل الإجابة عن سؤاله، تجمع حولها الجيران  
بينما أسرع مسعود لفتح الباب وهيأته كانت كفيفة لإخبارها أنها  
أنت بالتوقيت الخطأ، دفعته للداخل واتجهت لغرفة النوم بينما الجيران  
يتبعونها لإرواء فضولهم، زعق وهو يدفعهم مغلقاً باب، بينما عطيات  
جلبت درة من شعرها تكيل لها نصيبتها من السباب:

- بتعصي كلامي يا درة بتنصفيه عليا.

- كفاية فضايح بقي.

- فضايح أنت لسة شوفت فضايح، لاقيتني سافرت ادخلت  
وأخذتها، وربي وما أعبد يا ابن نعمة لأفرجك وانهازدة قبل بكرة  
هتكون مطلقها.

- مش هاطلق وأعلى ما في خيلكم اركبوه.

قالها بكل ما نبع من داخله من غيظ، بينما درة وقفت خلفه وقد  
تشبثت بكتفه تبكي، أدركت عطيات عناده وتمسكه بابتها فقررت  
الضغط بالوسيلة الأسوأ "إهانته"، عايرته بفشله وعجزه عن توفير  
احتياجاتهم، أوجعته بأن صاحب الشقة سيطرده، وخلطت كل جملة  
بسبة ولم تصمت إلا عندما استشعرت أنها أجهزت على كل ما بقي  
من كرامته ورجولته.

ضمَّ يده بقوة واصططكت أسنانه ببعضها البعض من حريق ناشب  
بداخله، لو لم تكن أم زوجته لدفعت الثمن حياتها.

ولأنه لا يريد أن تكون هذه النهاية، تركهما واتجه لمكتبه وأغلق  
بابه بينما أصرت عطيات أن تجمع درة ملابسهما لترحل معها.

أخرج علبة السجائر لينفث فيها غيظه، ولم يدر كم سيجارة  
حرق إلا عندما وجد علبة سجائره فارغة.

فظواها وقذفها أرضاً مقررًا بعدها الدفع بكل محتويات الغرفة  
وتهشيمها، لتظهر عندها مديته، تلك التي كان يحتفظ بها في جيبه  
عندما كان عاملاً بمحطة البترين، خرج ليجدها جالسة على إحدى  
الأرائك دون حراك، وما إن ظهر حتى وقفت أمامه ترجوه:

- مسعود قول حاجة، أرجوك.

- امشي يا درة، خدي البنات وامشي.

صمت دهرًا ونطق كفرًا، هل انتهى كل شيء الآن؟

شعرت به لا يُبالي فقالت بكبرياء:



- تطلقني ودلوقتي.

وجملتها نزلت عليه كالصاعقة، ألا تعلم أنه لو كان يملك شيئاً  
لفعله، يخشى أن يطلب منها الانتظار فتعاندَه الظروف، فيجد نفسه  
وأثاثه بالشارع، قد يقبلها على نفسه، لكن هي وبنتيه...

ظلَّ صامتًا يطالِعها بقلة حيلة حتى عادت لتؤكد:

- طلقني يا مسعود.

"ما تطلقها يا تلم طلقها".

وها هي حماته تطرق الحديد وهو ساخن، عليها تحصيل على  
غرضها، زاد سبابها، زاد زعيقها ثم تلاشى كل شيء من حوله،  
باستثناء دموع درة وحرارة شفتي عطيات.

"قوليلها تسكت".

زعى بها وكورها ولكنها لن تمنحه أهمية حتى اشتعل غضبه، وفي  
لحظة لا يدري كيف بدأت كانت المدية مفتوحة ونصلها فوق عنق  
عطيات وقد أحكم قبضته على كتفها اليسرى وألصق جسدها  
بالخائط فشبهت رعباً بينما صرخت درة كي تبعده، لكنه ما عاد  
يسمع بل تدفقت الكلمات من لسانه وهو ينظر لها بحدة:

- عايزة بتك تطلق يا عطيات؟

"مسعود أنت اتجننت، أبعد إيدك عن ماما، أنت سامع أنا باقولك

إيه؟"

والصراخ من درة كان مع محاولة دفعه إلا أنه هو من دفعها بعيداً  
بينما عطيات ترتجف وهي تشعر بالنصل الحاد يكاد ينفرس في عنقها،  
حد قطرة من دمائها قد سالت فوق يده، لم تكن تدرك وهي تحضر  
شياطين مسعود بأنها أول من سيعجز عن صرفهم كونه أكمل زعيقه:  
مش هأطلق، فاهمة؟

- فاهمة.

- وعازيك تروحي تحضري الغدا، وأوضة درة عشان أنا هاقعد  
معاكي يا حماتي لحد ما أعرف أدبر مكان، مفهوم؟  
وما إن رفع يده عنها حتى أجابت بخوف:  
- بيتك ومطرحك يا أخويا.

قالتها فتركها فخرجت مسرعة ولم تستطع درة حتى النظر إليه  
وقد غادرت خلفها لتتركه وهو يطالع المدينة بأسى، وقد أخرجوا أسوأ  
ما فيه رغم أنفه.

\*\*\*

طالع قصر المنتج بكل استغراب، قطع كثيرة ليست متناغمة من  
الأثاث والتحف. لكن المشترك بينهم غلو ثمنها، وحتى هو نفسه كان  
مظهره مثل قصره، يزفر دخان سيجاره الغالي وهو يطالع لوللا وهيشم  
وعبد الشكور وقد خصّ الأخير بنظرة غيظ كونه تسبّب في رفض  
لوللا للفيلم، وحين بدأت المناقشات هتف في هيشم وقد أبدى ضيقه  
من كثرة اعتراضات لوللا:

- ما تقولها حاجة يا هيثم، إزاي احذف مشهد الاغتصاب ده  
أهم مشهد، دي الناس يمكن متدخلوش إلا عشانه، ويا سلام بقى لو  
هيثم يتزل في الإعلان الواد البلطجي وهو بيقطعلك الفستان!  
قالها بتبجح وهو يغمز بعينه ويضغط على شفتيه ففرض على عبد  
الشكور أن يضرب يده بالمنضدة بفرط غيظ وهو يهتف:

- يعني هو مفيش حاجة أحسن من كده تبدأ بيها، الفيلم مقرف  
جداً، بلطجة وضرب واغتصاب، أصلاً كفاية اسمه.

تعقيب فرض على المنتج أن ينظر لعبد الشكور بغضب ويكمل:  
- ماله اسمه بقى، ده حتى فيلم كله استوعاظ، ولا أنت عايز حاجة  
عميقة، بعدين ما أحمد زكي عمل حسن اللول، إيه يعني أما فريد  
يعمل توتو اللول، طالما هادف.

وقبل أن يُعقَّب قرر أن يؤكد:

- الفيلم عايز يقول أن أي واد توتو ممكن يبقى جواه لول.

- الله عليك يا معلم عتريس... يا معلم باسم، هو ده الكلام،  
احنا فعلاً مفتقدين الأفلام الهادفة دي.

- مستر باسم، خلاص ربنا تاب علينا من المعلمة يا سي هيثم.

ولم يُعقَّب عبد الشكور بأكثر من زفرة وآثر الصمت، استشعر  
عندها هيثم أن لوللا لا محالة سترفض، فقرر تنفيذ خطته البديلة،  
اصطنع أنه يشيح بيده، فدفع إبريق الشاي الصيني الذي كان يتوسط  
المنضدة المقابلة لهم لينسكب بكل ما به فوق ملابس عبد الشكور



وما إن وصلوا حتى جلبت أولادها من عند جارها واتجهت لشقتها، أخرجت حقيبة كبيرة وبدأت تضع فيها ملابسها، مشهد اعتادت كترى رؤيته آلاف المرات حتى باتت تألفه، لكن هذه المرة كانت تشعر صدقًا بالخوف ولا تدري سبيه، فوالدها واجهة غاضبة تقذف بالملابس دون أن تتفوه بكلمة ووالدها يقف على باب الغرفة يطالعها بغيظ، يجاهد كبح ثورة تسعى للطفو لكنه يخشى نتائجها.

تحركت لتخرج من الغرفة لكنه منعها وجذب الحقيبة من يدها وقذفها ليتناثر ما بها أرضًا، عندها تبادل الاثنان نظرات نارية فرضت على كترى الخوف، فهي لم تتجه لغرفتها كما فعل أخوها الأصغر، بل شعرت أنها يجب أن تعرف ما الأمر وعندها هتفت بخوف:

— هو في إيه؟

وبكت وقد زاد خوفها، طفولتها لم تسمح لها بعد أن تدرك أن الكبار عند الغضب عميان، ولم يستوعب والدها حاجتها للطمأنينة، جذبها من ذراعها ودفعها لتجلس على سريرها ثم زعق فيها وفي أخوها ليلزما غرفتهما صافعًا الباب خلفه.

ثم عاد لرنا مغلقًا باب غرفتهما وقد جذب ذراعها وزعق:

— إيه اللي وداكي فيلا باسم الصافي.

— وكمان ليك عين تتكلم بعد ما شوفتك معاها.

وصوتهما كان عاليًا بما يكفي ليخترق غرفة الطفلين، لكنهما لم يدركا هذا، بل زاد زعيق عبد الشكور وهو يعيد السؤال ليفهم وهي

قالت ما توقعت، خطط هيثم لبيعه، فأعد فخاً لزوجته وقعت فيه دون لحظة تفكير واحدة، والآن تصرخ فيه وتسب أخلاقه وأنه على علاقة بتلك الحقيبة الساقطة.

وفي لحظة فارقة لا يدري كيف بدأت هوت يده فوق وجهها بأقصى صفة، والشهقة لم تكن منها بل من كترى التي فتحت الباب عنوة لترى والدها يضرب والدها، وخط رفيع من الدماء انخرط من شفقي رنا، بينما نزلت دموعها بلوعة:

— كل ده عشان لوللا.

قالتها بينما جرت كترى واختبأت في رنا تبكي أكثر منها وتُعقب:

— خلينا نمشي ونسيه ده وحش ويضربنا.

وجملتها كانت الصفة الأشد لعقله، استفاق لينظر ليده ثم لرنا وآثار أصابعه على وجهها ثم لابنته التي تبكي بهستيريا وقد ضمتها رنا لصدرها وبكت بدورها، وقف بمكانه منكس الرأس ينقل بصره بين يده وبينهما بصدمة أكبر.

ولن تصدق أن الدافع كان غيرة وخوف من ذهابها إلى هناك ولكنه هو من فتح الباب للتعامل معهم، يوم وافق أن يكون مدير أعمال لوللا، يوم قرر ألا يخبر زوجته.

جاورهما يسعى لتخفيف حدة الموقف، وضع يده فوق رأس رنا مسح عليها فدفعتنه وهي تمثف:

— متلمسينش.

ففكر في تهدئة كترى فسحبها فصرخت وتشبثت برنا، ثم خرجت  
رنا تحمل طفلتها واتجهت لتنام إلى جوارها بينما هو أخذ يجمع الملابس  
ويُعِيدها للدولاب.

انتظرت رنا حتى نامت طفلاتها ثم عادت لحجرها، كان قد أعاد  
الحقيبة والملابس لأماكنهما فهتفت:

— أنت فاكِر إني ممكن أقعد معاك يوم واحد بعد الفاردة.

قرر أن يحتوي غضبها، فلم يملك إلا الترجي:

— بلاش تسيي البيت عشان خاطري، عشان خاطر ولادنا، مش  
كل مشكلة يا رنا لازم الكل يبقى عارف، مش كل خلاف تسيي  
البيت وتمشي

لم تعر كلامه اهتماماً، بل أعادت الحقيبة فأمسك بيدها مقررًا  
ضمها إليه عنوة، حاولت أن تدفعه لكن تشبثه بها كان أقوى. وقد قبل  
جبينها وظل يكرر:

— آسف أنا آسف والله، يا رب كانت تقطع إيدي قبل ما أمدها  
عليكي.

قالها وبكى وعندها استطاعت أخيراً دفعه عنها وهي تهذي:

— بعد إيه؟ بعد ما كترى شافتك وأنت بتضربني، بعد ما دخلت  
لوللا في حياتنا وخربتها.

وكأنه كان يملك فرصة أخرى ظل يشرح وهو يترجأها أن تفهم،  
كان يعمل مع لوللا وما حدث ما هو إلا فخ من هيثم، لكنها ردت  
بقوة، هي ليست ساذجة لتصدق كذبه

زاد رجاؤه حُدَّ التوسل، واللعة على كبريائه ورجولته لو كان  
ثمنهما خسارته لبيته، لكنها لن تعبأ وستكمل إعداد حقيبتها.  
لتجبره على الزعيق بأسى:

- هو أنا كنت باعمل كل ده عشان مين مش عشان أرضيكي،  
كترى لازم تدخل حضانة منتسوري يا عبد الشكور، حاضر، مفيش  
قدامنا إلا مدرسة خاصة ولازم تكون لغات، حاضر، أنا عايزة  
والولاد عايزين حاضر حاضر حاضر.

زادت حدة صوته وزاد معها أنيته: آسف إني اضطريت اشتغل  
معاه، آسف إني مرتبي مش مكفي، آسف إني مش معايا مصاريف  
مدرسة كويسة، آسف بجد آسف

هوى بجسده على السرير، ساد الصمت ثم قرر بعدها هو من  
سيرحل لمرثهم القديم تاركًا زوجته وأولاده بمكافهم، وقبل المغادرة  
أطل على غرفة أبنائه ليقبلهما ويلعن كل لحظة عجز كانت دوامًا  
المحرك لحياته.

\*\*\*

وأخيرًا أتته اللحظة التي كان يرجوها، حين وافق على عرض  
فيروز وهل كان من الممكن أن يرفض؟  
جمعتها الشركة ومكتب فيروز وقد وضعت أمامه ملفات  
موظفيها الأربعة وأردفت: صورهم الشخصية وكل المعلومات اللي  
طلبتها جمعتها لك هنا.



رشف من فتجان القهوة المجاور له ثم سحب ملف مسعود، وقرأه  
وعندها سارعت هي بالتعقيب:

- أنا دائماً شايفاه مش سهل أبداً، هو وعيسوي.  
قالتها بعصبية بينما أكمل هو قراءة الملف دون تعقيب، وما إن  
انتهى حتى قال بترو:

- الشمال.

طالعه وسألت:

- يعني إيه؟

- نط شخصية مسعود، رجل المهمات الصعبة.  
"بنسميه أيقونة القيادة على الأرض، رجل القانون والعدالة،  
إنسان واعى طموح عقلاي، وشاطر جداً في تحقيق أهدافه".  
- يعني خطر.

والسؤال من فيروز تابعتة الإجابة من عارف:

- مش هأقدر أحدد مين فيهم بيمثل خطورة غير لما أشوف كل  
ملفاتهم، أنا دلوقتي بأحلل شخصياتهم وبأحدد نقط القوة والضعف.  
- هتعلمني إزاي أسيطر عليهم؟

سألت بشغف فرض عليه أن يتسم ثم قال دون مبالاة لسؤالها: -  
خلينا ناخذ الملف الثاني، وبعدها هنتكلم باستفاضة أكثر عنهم.

وسحب الملف الثاني حيث ملف عبد الشكور، تابعتة عيون فيروز  
بغيط بات واضحاً لشعورها بخبثه، احتسى قهوته ببرود ثم طالعها وهو  
يحدد:

- تعرفي أنه تقريبًا عكس مسعود في كل حاجة، مسعود النمط الشمالي وهو الجنوبي، مسعود القيادة وهو عضو الفريق الشاطر، أيقونة الحب والسلام".

- وأنا مالي بكل الهرتلة دي أنا عايزة أعرف إزاي أسطر عليهم.  
- اللي زي عبد الشكور ده ميتخافش منه، لأنه شخص غير صدامي، شخصية اجتماعية، ينجح في التسويق، ينجح في أي شغل فيه علاقات عامة، اللي زي ده آخره يأكل وينام ويشغل ياخلاص وبس.

- دكتور عارف حضرتك متأكد أنك فعلًا، بتعرف تحلل الناس صح، أصل أنا أشك.

قالتها وقامت من مكانها تشعر ببالغ الضيق على وقتها الضائع، عادت لمكتبها فقام عارف ولحق بها ليجلس على أحد المقاعد المقابلة لمكتبها ثم عقب:

- ليه؟

- عشان عبد الشكور ده خبيث جدًّا، ومسعود ده وصولي وطماع.

- طيب لما أنت فاهمة موظفينك كده، طلبتي مساعدتي ليه؟  
- عشان تعرفني إزاي أنا ألوي دراغهم ورقابهم تبقى في إيدي، للأسف يا دكتور، أنا شكلي هاكتفي بجلسة الهاردة، لأنك طلعت مش عارف.

قالتها بجدة انتظرت مقابلها غضبه لكن ما قابلها كان ابتسامة ملأت شفقيه تسخر منها ورد ببرود:

- زي ما تحبي.

وقام بعدها ليخرج لكنها استوقفته وقد بدا له أنها تريد التراجع.

- أنا آسفة يا دكتور عارف، بس...

ومع التفاتته ابتلعت بقية ما كانت تنوي قوله وقد اضطربت من هيئته، خطأ نحوها فوقفت أمام مكتبها، جذبا إليه فشهمت بخوف لتجده يُحيط خصرها بذراعه وقد الصقها بالحائط وقبل أن تنطق بكلمة وجدت يده الأخرى تكمم فمها، نظر لعينيها فشعرت أن الخطوة التالية ستكون سحب روحها من جسدها لكن النظرة تحولت شيئا فشيئا لاحتواء أسر انسابت معه كلماته:

"فيروز عز، شمالية شرقية للتخاع، حد التطرف في شخصيتها مستبدة مغرورة غير صبورة وشكاكة، طالباتها كثير جداً، صعبة الإرضاء، مستمعة سيئة على الدوام، جدلية في كل كبيرة وصغيرة ودائماً على حق، متمرزة حولين ذاتها ويس".

صعقتها كل كلمة فأذهلها، نظرة عينه كانت توحي بشيء بينما لسانه تدفق بشيء آخر، ومع ابتسامة طفيفة كان تعقبه:

- وده اللي خلى فيروز عز تبقى مميزة، ده اللي خلاها استثناء في مجتمع الستات فيه بتنفس ضعف وخنوع.

هل يعقل؟ كيف فعلها؟

عيوبها التي ظنته يصدق بها ذمًا أحالها لمديح في اللحظة ذاتها وأكمل:

- فيروز لا فيروزة، فيروزة نادرة، صعب تلاقي اللي يقدرها،  
ويمكن ده سر أنها وحيدة، لأنها لسة ملقتش اللي يفهمها.

ورغم أنها استجابت لكل كلمة وكانت الاستجابة تنهيدة حارة،  
عندها رفع كفه بعيداً عن شفيتها ليتأمل وجهها بعناية فرضت عليها  
الخجل.

فيروز تخجل؟ هل يعقل؟ كيف فعلها؟

هي نفسها ما عادت تدري، وما عادت تملك من نفسها إلا أن  
تسمع وهو يكمل:

"أعترف أني من أول ما شوفتك قررت أستغل الفرصة، وانمادة  
مقولتش كل حاجة أعرفها عن موظفينك، ولا حتى أشوف كل  
الملفات، وده عشان عايز أتواجد في الشركة ومعاكي أطول وقت  
ممکن."

وصدق وهو كذوب، وهي كيف لها ألا تصدق صدقه بعدما  
صدقت كذبه، وآخر ما كان منه قبلة على إحدى وجنتيها، كدليل  
دامغ لصك ملكية وتحقيق لمبدأ يتقنه عارف وقد حدد أول ضحية:  
"أضرب الراعي ..... تتفرق الراعية".

\*\*\*

(10)

### القاعدة العاشرة

("فرق تسد" أو "اضرب الراعي تتفرق"  
الغنم" أو في مواجهة ضحاياك امنح الحكميتين  
معًا).

## Pygmalion

مسرحية لجورج برنارد شو تم اقتباسها لتكون "سيدتي الجميلة"، حين راهن كمال الطاروطي أنه قادر على تحويل "صدفة بعضشي إلى صدفة هانم بنت التفاكشي باشا" والقصة عن أسطورة لنحات اسمه بجماليون، نحت امرأة جميلة وسقط بحبها وآمن أنها ستكون حقيقة وكانت بالفعل، والخلاصة أنه كلما زادت توقعاتك تجاه شيء كانت النتائج تتوافق وما تتوقع، وما دفعها للتفكير بكل هذا لم يكن مطالعتها لأحد فيديوهات دكتورة نانسي على موقع فيس بوك، بل السبب كان بالتعليقات:

"الست دي كنت دائماً باشوفها في بار في الزمالك، وكان اسمها نبيهة".

"دي إنجليزية واتعلمت العربي برة عشان كده بتكلم فصحي".

"فصحي إيه ده أسلوبها بيئة".

"تفتكروا عارف غيرها من نبيهة بقت نانسي، آمال لو حاول مع

حد زينا ده مش بعيد بخليه زويل".

وتوقفت أيتن عند هذا التعليق رغم أن التعليقات لم تتوقف، وتوقفت بدورها سيارة الأجرة التي كانت تقلها جامعة القاهرة، لمقابلة دكتور بغدادي، وبمكتبه سردت ما دار بياها عن عارف أبو العزم، هل يعقل أنه يفكر بنفس طريقتها أو كلاهما استوقفته الفكرة ذاتها، كيف ترسم لدولة بأكملها مستقبلها عن طريق إقناع الناس بأفكارهم أو ربما التحكم في تخيلهم للغد، غداً أسود قائم السواد فلا ينبغي لأحد أن يسعى ليغير، غداً سنكون أضعف فلا تفترضوا في أنفسكم قوة، أو إعلاماً يوجه "كن البلطجي هذا إن كنت تريد القوة".

ومن نانسي لفريد يا قلبي لا تحزن، ولا تلعن التوقيت أو اللحظة.  
"فيلم توتو اللول"، فيلم الموسم وكل موسم، للنجم الصاعد الواعد "فريد أبو العزم".

ذلك الرجل يدرك قيمة كل توقيت بحياته، ولا يضيع وقته أبداً  
"يعني مفيش فايدة".

وكان هذا هو أول سؤال منها حين جلست أمام بغدادي، وزاد استغرابها حينها كانت إجابته:  
- تسمعي عن براغادينو.

وإنصاتها عاد به لذكرى صبا عندما كانت تجلسن على قدمه  
لتسمع ما يسرد:

- زمان قوي، سنة 1570، لما كان فينسيا اسمها البندقية حصل  
أنها فلست بعد ما كانت بلد غنية، الناس مكنتش مصدقة وفضلوا  
فترة منتظرين أن أيام العز ترجع، انتظار على أمل المعجزة تتم، لحد ما  
حصلت المعجزة فعلا، سنة 1589 ظهر راجل كيميائي اسمه  
"براغادينو" قال إنه يقدر يضاعف الذهب عن طريق استعمال مادة  
سرية هو الوحيد اللي عارف تركيبها.

التمعت عيناها ببريق عكس ما بها من فضول وهي تسأل:

- والناس صدقت؟

- طبعاً، لأنه قدر يخلق لنفسه صورة ذهنية تأكد كلامه رغم أنه  
نصاب، براغادينو كان معدم وفقير ومحتلوش حاجة، هاجر من  
البندقية وبقي يعمل عروض وشغل شعوذة باستخدام التفاعلات  
الكيميائية لحد ما كسب مبلغ كويس سافر على ايطاليا وهناك فتح  
دكان يبيع فيه مواده الكيميائية واقتصرت عروضه على عرض واحد  
بس "تحويل التراب لذهب"، الناس اتقربت منه وملوك وأمراء  
وفلوس ملهاش آخر على أمل واحد، يعرفوا السر ويبقوا أغنيا، لحد  
مجلس شيوخ مدينة البندقية ما صوت بالإجماع على رجوعه، صرفوله  
مرتب وبيت وكل طلباته مجابة، بس يحول التراب لذهب، وصاحبنا  
مكانش محتاج لأكثر من إثبات بسيط عمله بمنتهى الإتقان، هيئته، في  
أيده ساعة من ذهب وهدومه الغالية بأزرار من ذهب، قصره الفخم  
فيه كل حاجة من الذهب، وعاش في البندقية ملك ووعد الناس بأمل،



المادة السرية لازم تتحفظ مش أقل من سبع سنين عشان تدينا نتيجة مرضية، والناس فضلت صابرة ومنتظرة، وصاحبنا فضل يأخذ منهم فلوس ومحدث قادر يكذبه، أصل يكذبوه إزاي وكل حاجة جواليه بتأكد أنه فعلاً يقدر وزى ما...

- زى ما حول نانسي يقدر يحولهم.

والهتاف منها قاطعه وفرض عليه الصمت، ضيق بين عينيه وعقب:

- مش فاهم تقصدي إيه؟

- بس أنا كده فهمت يا دكتور.

قالتها بين فتور وحماسة لا تدري أترفح أم تبكي، الآن باتت تشعر أنها فهمت عارف ولكن، لماذا كل ما يفعله؟!

- دكتور عارف ساب الناس تفترض أنه غيرها من واحدة من إياهم لدكتورة نانسي، وده كافي إنهم يصدقوا أنه يقدر يغير حياتهم.

وأمام جملتها صمت وبعد لحظة شرد، وجملة إسماعيل فرضت نفسها يوم عقبوا على معشوق صبا.

"اسمه دعبس وكان في شارعنا صبي قهوجي".

"معقولة؟"

تمتم بها ثم سحب مفاتيحه واعتذر لأيقن عن استكمال كلامهما، وإلى شركة الفيروز انطلق، لو صدق إسماعيل في كلامه فإننا على أعتاب مهزلة، ما الذي يريده بالضبط هذا الرجل؟ ومن وراءه؟ ومن يموله؟ وتوقفت سيارته أمام الشركة ليجد عارف خارجاً منها، جاء

إذا كما أخبرته صبا، جاء بالأمل ليحول الفيروز لذهب، لكن ما فرض عليه الخوف كان ظهور صبا إلى جواره، تتكلم دون انقطاع، وبنهاية المطاف اتجهت لتتركب سيارته.

نادها بعصية فصدمت لوجوده، فخرجت من السيارة لتقابلة وخرج عارف بدوره يُدقق بعلامح الرجل الذي سبق أن قابله بجامعة القاهرة، تصافحا ثم قامت صبا تعريف والدها الذي تحدث باقتضاب ثم ودعه وسحب ابنته ليرحلا.

وبسيارته زفرت صبا وقد تضايقت من مجيء والدها، فقد وعدا عارف بأنه سيصحبها إلى الاستوديو لرؤية تحضيرات فيلم فريد بعد سردها مقدار الإعجاب والاهتمام به، كانت على عتبات رؤية فارسها لكن تلاشت الأمنية.

"آمال بشر فين؟"

والسؤال كان من بغدادى وهما في طريقهما للمترل، التفتت بعد شرود لتجيبه:

— عامل زعلان، أصلنا التخانقنا.

ولم ترد، وهو بدوره صمت مقررًا التحدث معها بهدوء بعدما يتناولوا غداءهما، وصلا لمرلهما واتجهت هي لغرفتها واتجه هو لتحضير الطعام بالمطبخ كمعادته منتظرًا منها أن تأتي لتساعده وبخلاف عادتها لم تأت وآثرت المكوث بغرفتها، فبدأ بتحضير طاولة الطعام، إلا أن رنين

الهاتف استوقفه وكان المتصل "شكري" والذي سخر منه عندما سأله عما يفعله وعرف:

- مش لو كنت اتجوزت كان زمانك قاعد بتتغدا من إيد مراتك دلوقتي ولا أنت صدقت أنك عيان بجدا.

واللعنة على كل وسيلة حديثة تظن بلحظة أنها تساعد وباللحظة التالية تدفع في وجهك بكارثة، سمعت صبا ما قاله شكري عبر مكبر الصوت، لتدرك أكبر صدماتها، والدها كان يكذب، اندفعت لغرفتها دون إعطاء فرصة لوالدها وكل ما يشغلها رسالة واحدة ألزمت نفسها أن تكتبها بلا مقدمات أو مجاملات، بغض النظر عن جدتها وقسوتها وانكسار قلب من ظنها رسالة اعتذار أو تودُّد فأسرع ليقرأها بلهفة فكانت الصفة:

"شوف الميعاد اللي يناسبك إمتى وتعالى خد الشبكة، أتمنى تتفهم إن كل شيء قسمة ونصيب".

\*\*\*

"صبا يا ريت لو نخط النقط ع الحروف، يا ريت تقولي لي إحنا إيه مشكلتنا مع بعض، يمكن نلاقي حل".

"أصلا أنت لو مهتم كنت عرفت، بس كل اللي أقدر اقوله لوك إن الاهتمام مبيطلبش".

"طيب أنا قصرت في إيه؟"

"عايز تعرف فعلاً، أو كي يا بشير، عايزك تدخل كده على أكونت أي واحد خاطب وتشوف يعني إيه خطوبة، أنت عمرك كتبت بوست عبرت فيه عن مشاعرك ناحيتي وعملتلي فيه منشن أو تاج، بلاش عمرك فكرت تدخل إيغينت (قولنا حبتها ليه) وتكتب عني كلمتين زي أي بنت في صاحباتي لما خطبها بيعمل، الاهتمام والاحتواء يا بشير، كلمتين أقوى وأعمق ما في الحب، مينفعيش أطلبهم، أنت اللي لازم تحسني بإني مهمة عندك، مش بس آخرك تعملي لايك ده إن عملت"

وتوقف عقله عن سرد ذكريات آخر لقاء وعاد ليطالع رسالتها، خطوة كان يعلم جيداً أنها القادمة، لكنها صاحبة السبق، هي من قررت أن تضع النهاية لتلك العلاقة التي لا محل لها من الإعراب، هي من قررت أن تعترف أنها لم تكن خطبة بل ادعاء، وأوان الحقيقة قد آن، فما هي الإجابة المثالية الآن؟

أنا على ما يُرام أم عليّ تقديم الاعتذار.

"آسف يا صبا لأن مفردات الاهتمام بيننا معكوسة، آسف لأنني الغبي المتذاكي، المدعي بما ظنه عشقاً واكتشف لتوه، أنه الوجه الآخر للبلاهة".

قذف هاتفه أرضاً وظل يضرب فيه بقدمه حتى حطمه، بشير ما الذي دهاك؟

صعد إسماعيل حين سمع صوته بل عيسوي كونه أتى كي يرافقه  
إسماعيل لمزل شجن.

هيئة بشير فرضت على إسماعيل الاضطراب وبدا واضحاً حزنه،  
منذ الخميس وهو لا يتحدث لأحد ومزرو بغرفته، والآن هشم هاتفه،  
ربت إسماعيل على كتفه فأبعد يده عنوة وهتف:

- أنا مش عايز أصعب على حد، أنا أعرف أعمل زي فريد  
وعشرة زيه، بس أنا للأسف محترم، مش عارف أبقى وقح، مش  
عارف أبقى تافه، أنا كده كده ولا حاجة، هتفرق في إيه إني أبقى  
هايف".

قالها وغادر، وعندها استشعر عيسوي جذبه إسماعيل وقد ترجّاه:  
- روح وراه يا عيسوي، دي أول مرة أشوفه كده.  
فأسرع خلفه يناديه بكل ما يملك عله يستوقفه وعندها التفت  
قائلاً:

- خد جدو وروح مشواركم لبيت شجن.

- طيب، إيه اللي حصل.

- اللي كان لازم يحصل.

ودون زيادة شدّد:

- ارجع لجدو وروحوا مشواركم، أنا محتاج أكون لوحدي يا  
عيسوي، ومتخافش أنا هأبقى كويس.

\*\*\*

"عيسوي إلا عيسوي واد ذوق ومؤدب وأخلاق، ميتخبرش عن عماد".

والكلمات كانت في مكاملة تؤدّد جمعها بأختها، ولم تهدأ فاطمة من تكرار الفعل، سيل من المكالمات تخبر من خلاله جميع الأقارب أن سوق خطاب شجن لم يتأثر بما فعله الحقيير حسام، والدليل... ثم تبدأ في سرد ما فعله العريس السابق لثقتة الجمّة بأخلاق ابنتها التي لا غبار عليها وبناء عليه:

"قراية فاتحة شجن هماردة، أنا بأعرفك بس العزومة بقي في الخطوبة إن شاء الله".

هل اكتفت فاطمة أم أنّها بحاجة لإخبار من هم خارج الكوكب؟ كانت واجهة بعدما أنهت شجارها مع والدها التي سبت ولغت وتوعدت إن رفضت أو حتى فكرت أن يكون لها رأي آخر، وأمام ضيقها لم يملك عبد الغفور إلا المسح على رأسها وهو يؤكد: - أنا مش هاغصبك على حاجة يا شجن، أنا بس عايزك تديله فرصة يمكن يكون شخص كويس.

ولم تملك إلا أن تفعل، حضر عيسوي ومعه إسماعيل وللصالون اتجهها، وبعد الترحاب كان السؤال الأول عن مشيرة التي لم تأت، تحجّج عيسوي بأنّها مريضة كي لا يخبرهم بأنّها رفضت، وعندها جاءه طلب شجن بأنّها تريد التحدث إليه على انفراد، بينما جمعت الشرفة إسماعيل ووالدها.

ساد الصمت وقد تبادل عيسوي النظر وشجن، عقدت ذراعيها أمام صدرها وقد قررت ستفعل المستحيل كي ينتهي الأمر بقراره فبدأت:

— عارف يا عيسوي، مصر تعتبر الأول على العالم في الطلاق.  
صدمه بداية الحوار وشعر أنها ما زلت على عنادها، صمت فتابعت:

— منظومة الجواز عموماً فاشلة، ومفيش أصلاً زوجين عندهم تفاهم، يعني مقدمات تسد النفس عن الجواز.  
انكملت ملاحظه وقد امتعض ونظر لعلبة الشوكولاتة التي أحضرها للمرة الثالثة بحسرة، ثم قرر تخفيف الأجواء فعقب:

— مش يمكن إحنا نبقى استثناء؟  
ردّ أشعرها بإصراره فردت بضيق:  
— واحد اسمه عيسوي هيتجوز واحدة اسمها شجن، أنت مدرك الكارثة.

ضحك رغماً عنه وأجاب:  
— والله هو اسمي وباحبه، إنما لو مش عاجبك فدي حاجة ثانية.  
شعرت أنها أخرجته، فخرجت وعندها تحدثت بنبرة هادئة أو بالأحرى هو لمس خوفها وهي تسأله:  
— إيه اللي تمكّن يخليك تتراجع عن الارتباط بيا يا عيسوي؟  
علت الابتسامة وجهه فأجاب بثقة:

- والله أنا مرتاح جدًا ليكي يا شجن، وحاسس إنك هتبقى نصي  
الحلو.

تنهدت بفراغ صبر فعقب:

- إلا لو...

صمت ثواني ثم سأل:

- أنت رافضاني ليه؟

- أنا مش رفضاك، أنا مش عايزة أتجوز، الموضوع ملوش علاقة  
بيك.

فهم فأدرك أن عليه الرحيل، فقام من مكانه، وقال بمهذوء:

- خلاص يا شجن، ربنا يوفقك.

ثم غادر هو وإسماعيل، بينما انزوت هي في غرفتها مشوشة،  
نجحت فيما نوت لكنها شعرت بالندم، وما عادت تدري أي تصرف  
كان عليها أن تفعله؟

عاد لمزله وانزوى بغرفته، ليجد مشيرة تفتحهم عزله لتزعق  
مؤكدة: - أنا كنت عارفة من الأول وقُلتلك مترووحش، مشيت ورا  
جد بشير الطاق ده وروحت، ماشي يا ابن حافظ.

وما إن نعتته بابن حافظ حتى هتف فيها بضيق، كلما غضبت منه  
ذكرته بوالده وغدره وبأنه بالتأكيد سيكون مثله، يريد الزواج بشجن  
التي لا هتم ولن هتم أبدًا.



وبالنهاية وجد نفسه على عتبات شجار حتمي فقرر أن يترك البيت ويرحل.

\*\*\*

صباح الأحد، جمعتهم الشركة وزعيق فيروز...

لا لم تعد فيروز تزق، بل أتت متأخرة قرابة نصف الساعة عن موعدها، شعرها مصفف بطريقة متدرجة تتم ألها قد خرجت لتوها من صالون التجميل، مكياج، عطر، ملابس منمقة ومختارة بعناية فرضت على مدبولي الاستغراب والاندھاش، وصوت أشبه بكروان عذب قال بهدوء:

— عم مدبولي القهوة على مكيتي، من فضلك.

"من فضلك"؟

فيروز تطلب بأدب!

"الواحد أكيد هيطلع من الشركة دي ع السراية الصفرة، الطف

بيننا يا رب".

وحال فيروز المقلوب رأساً على عقب لم يكن أفضل من حال موظفيها، فمسعود أتى متأخراً يتبعه دخان سجائره، بينما عبد الشكور على العكس أتى مبكراً جداً وانزوى بمكتبه، أما عيسوي فلم يأت بالأساس، بينما بشير لم يظهر بعد.

أيعقل أنه تأخر؟

ولم يكن متأخراً بل ينتظر صبا بمدخل البناية، فهي لن تغيب لأن عارف سيأتي، وبعد عشر دقائق ظهرت واتجهت للمصعد وما إن فتحت بابه حتى وجدت بشير خلفها، استشعرت الرهبة، وساد الصمت ولأول مرة استشعرت الخوف من بشير ما إن نظرت لعينه التي كانت تتطلع لها بتحفز حتى توقف المصعد وتوقفت معه نبضات قلبها حين وجدته يدفع ببابه ويجذبها من ذراعها مبتعداً بها عن باب مقر الشركة ليسأل بغضب:

— إيه معنى الرسالة اللي بعيتها امبارح ؟

والدهشة امتلكتها وهي تتابع نبرة صوته بجوار ملامح وجهه وهي تكاد تهتف فيه؛ أين بشير؟

لكن حتى هذين السؤالين لم تملك لهم فرصة، فبشير التقليدي الخلق جذبها من كلتا ذراعيها حتى صارت بين يديه كدمية، وعلى مقربة من أنفاسه بدى لها كم هي مشتعلة، ربما غيرة ربما غضب أو حب أو خوف أو افتقاد أو كل ما سبق، والرائع لها كان استجابة دقات قلبها، وآه يا بشير لو تكمل المشهد كما الروايات لآخره، بصفعة أو قبلة أو الاثنين معاً، لكنك لن تفعلها أبداً، مهما تتغير سيظل بداخلك فتات رجل محترم، واحترم يا سيدي لا يبهر امرأة.

— عايزة تفسخي الخطوبة يا صبا.

— أنا وافقت عشان بابا اللي صمم يا بشير مش عشان أنا اللي

عايزة.

- في حد ثاني، انطقي

زعي بها فهتفت بعناد:

- أبوة في، أنت من الأول عارف إن في، ومع ذلك محاولتيش

.....

ولم يدعها لتكمل جملتها، دفعها من بين يده ونظر لها شزراً، نظرة احتقار فرضت عليها أن تتألم وهو يكمل:

- كفاية، كفاية لحد كده، أنا معنديش استعداد أبقي تريقة الناس من حواليكى وأنا عارف قبل منهم إن في غيري.

قالها وهو يضع بيدها الدبلة الفضية خاصته وقد تركها واتجه لمكتبه، دون صفحات أو قبالات فتمتعت بهدوء:

- لو فعلاً كنت بتحبني يا بشير، كنت مستحيل تسبني، حتى لو كان حب من غير أمل، لأن هو ده الحب اللي بجد.

"إيه اللي موقفك هنا يا صبا؟"

والسؤال من عارف فرض عليها أن تلتفت لترحب بمجيئه، وبعد الترحاب جاورها ليتجهها لمكتب فيروز.

تلك الحاملة لا تحتاج لأي مجهودات تذكر، لقد برمجتها الأفلام والروايات بما يكفي - وبأليت الجميع مثلها - لا يحتاج لأي مجهود سوى تقدير قناعاته.

- أنا حكيت لفريد عنك وطلبت منه تصريح عشان تحضري البروفات بكرة، هه إيه رأيك.

وأشرق وجهها بل كادت تقفز في مكانها من شدة ما امتلكها من حماس، وأخيرا ستقابل فريد، ستدخل استوديو تصوير سينمائي، ستكتب على صفحتها بالفيس بوك عن ذلك، بل إنها قد تكمل كل ذلك بصورة "سيلفي" بجوار فريد شخصيًا.

- أنا مش عارفة أقول لحضرتك إيه، حضرتك أعظم دكتور في الدنيا.

- قوليلي إن مدبولي هيعملني فنجان قهوة مطبوط، وأنك هتجيبهولي في مكتب مدام فيروز، عشان يومي يكمل بعد ما شوفت ابتسامتك الحلوة دي.

والابتسامة زادت حتى بدت نواجزها، والسعادة كادت ترفعها من كوكب الأرض لتضعها فوق السحاب، بل هي على السحاب حرقًا.

خرجت من مكتبها لتأمر مدبولي بإعداد ما طلب عارف، بينما يشير أسرع بالعودة لمكتبه بعدما انتهى من سماعهما.

\*\*\*

منّت نفسها لو أنه عقب على هيتها ولو من باب المجاملة، لكنه بدأ باحتساء قهوته دون تعقيب على أي شيء سوى طلب ملفات الموظفين مرة أخرى، تطلع إلى الملفين الباقيين ثم سأل:

- تحي نبدأ بعيسوي ولا بشير.

انتهى الضيق من لا مبالاته لكنها أجابت:

- زي ما تحب.

تطلع للملفات في صمت فسألت:

- هي ملفات انمارة صعبة للدرجة دي ولا في حاجة مضايكاك

ولم يعرها أي اهتمام وردّ:

- أبدًا.

وقبل أن تسأل أي أسئلة أخرى بادر هو، أشار لأحد الملفات ثم

قال:

- بشير خليل عبد الجليل، الشرقي.

- سيبك من بشير، بشير مجرد موظف عادي

- إنت متأكدة؟

قالت باستكثار فرض عليها الاستغراب:

- بشير ده.... أكثر واحد لازم تخافي منه.

زادت دهشتها فأردف: اللي عند بشير مش عند حد منهم، أكثر

شخصية بتستخدم عقلها، ودي نقطة مش سهلة، شخصية منظمة

بتحلل كل كلمة وكل فكرة، ممكن يقرى عشرين كتاب بدون ما يمل

عشان بس يتأكد من معلومة واحدة.

- وايه اللي يخوف في كده؟

أجابها بثقة:

- لأنه أكثر واحد ملم بشغرات شركتك، أكثر واحد واصل

لتفاصيلها، ومش بعيد يكون هو اللي كان ورا موقف عيسوي وعبد

الشكور لما قرروا يرجعوا مسعود حتى لو منطّش بكلمة، من الآخر كده بشير يوم ما يقرر يحط خطة، هتكون كاملة، منظمة، تفصيلية.

— والعمل؟

قالتها برهبة فأكمل:

— لازم تضمّني ولاء ده بالذات، صحيح هو بطيء ومتردد لكن في النهاية لو عرف يتغلب على العيين دول هيبقى لعنة.

ومع توقفه عن الكلام قامت من مكانها وتحركت نحو النافذة، زفرت. وقد أولته ظهرها ثم عقبت:

— أنا لما طلبت منك تيجي الشركة هنا مكونتش خايقة من حد قد عيسوي، مكونتش متوقعة أني أخاف من حد تاني منهم وخصوصاً بشير.

"عيسوي حافظ عيسوي".

قالها وهو يطالع ملفه وصورته ويدقق بملاحظته ثم عقب:

— النمط الغربي، المممم.

عادت لجاورته فقال:

— هو صحيح جريء، بس ده ميمنعش أنه متهور جدا واللي زي ده ميتخافش منه بالعكس، اللي زي ده أسهل واحد فيهم يلبس في مصايب لأن تسرعه مش هيخليه يفكر، أهم مميزاته أنه مبدع بس دي حاجة متخوفيش.

زفرت بشدة ثم قامت واتجهت لمكتبها، ترك هو منصدة الاجتماعات واتجه ليجلس أمامها ودون انتظار تعقيبها قال بتحديد.  
"إزاي تسيطر على الأربعة، السؤال اللي كان سبب في أنك تستعيني بيا في شركتك، تعرفي أنك محظوظة جدًا يا فيروز".  
وما استوقفها كان نطق اسمها بدون ألقاب، عندها لانت واستشعرت أن غضبها تلاشى، حركت جملته فيها الفضول فسألت:  
- ليه؟

- لأن الأربعة الاختلافات اللي بينهم كفيلة توقعهم في بعض، لو عرفتي تستغلي الاختلافات دي كويس.

ساد الصمت وبدت حيرتها فتابع بثقة:

- تشيكك تخوين ومش بس كده، تعرفي إزاي وامتق تضربهم ببعض كويس".

ظلت على صمتها دون أسئلة تتطلع لوجهه وللحماسة البادية على ملامحه حتى وقف من مكانه وتحدث بصوت عالٍ يسترعي انتباهها.

"والبداية عند مسعود، الطموح اللي جواه نزعة قيادة، اديله صلاحيات مش من حقه، قوليله أنت اللي هتشرف على شغل الأربعة لأنك أحسن منهم وهو هيصدق، وساعتها أول المتضررين عيسوي، عيسوي اللي هيتمرّد لأنه شايف أن إزاي مسعود يبقى رئيس عليه ويدخل فشغله، بتمرده هيجاول يقلب عليه الباقيين عشان يثوروا

وياخذوا موقف، لكن بشير وعبد الشكور هيتخلوا عنه، عبد الشكور هيعد نفسه عن المشاكل ويتزوي منهم كل همه يستمر في شغله ويحافظ على مكانه ....

صمت ففهمت وهي من عقب يسؤال:

- وبشير؟

تنهد وهو يكمل:

- لازم يحس بالدونية والتقليل منه، الشرقي يحب اللي يقدر نظرتة للأمور، اللي يقدر دماغه، نقاشاته وتحليلاته، أوعي ياخذ الفرصة دي، دايما مسعود يضغطة وعيسوي يضغطة، وساعتها مش هيكره حد قدهم".

"فرق تسد".

لم ينطق بما لكنه فندها بطريقة مثالية بحتة، لاحظ تشتتها وكأها تفكر بكل ما قاله فقرر أن يطرق على الحديد الذي أشعله.

بيبء اتجه ناحيتها حتى جاورها ثم أسند يده اليسرى فوق مكتبها واليمينى فوق ظهر مقعدها وتسلل مباشر لأذنيها وعقب:

- يعني مسألتيش أنت هيكون دورك إيه في كل ده؟

تطلعت لوجهه بريية فانزوت ابتسامة على شفثيه وهو يتطلع لعينيها ويكمل:

- عارفة قصة الملك اللي كان محتاج يسلم ابنه السلطة فقرر يختبره، جاب شوال مليون فيران وطلب منه أنه يخرجهم من الشوال



وبعدين يجمعهم مرة ثانية، الأمير استلم الشوال وبمجرد ما فتحه كل  
الفيران جريت وفشل في الاختبار، تاني يوم جه والده وجاب شوال  
تاني وقرر يعلم ابنه أهم درس في السيطرة، مسك الشوال المليون  
بالفيران وقبل ما يفتحه فضل يحبطه في الأرض والحيطان وبعدها  
فتحه، ساعتها مقيش فار التحرك من مكانه ومسك كل الفيران  
ورجعهم الشوال مرة ثانية، كل ده عشان يعلم الأمير أهم دروس  
السلطة.

"إذا أردت أن تملك زمام القوة، فاسع خلف إنماك ضحاياك نفسياً  
وجسدياً".

وبعد نفس عميق أكمل:

- كل فار جوه الشوال مكانش شايف غير خبط بقية الفيران  
فيه، وكل فار مكانش قادر يقاوم كل الضرب اللي بيتعرضله لوحده،  
لما خرج منهك، مشافش غير اللحظة اللي مناحهاله الملك وهو  
بيخرج من الشوال عشان يتنفس، وساعتها كانت نظرتة الوحيدة  
للملك هي الامتتان والشكر، لأنه خلاه يبعد عن الفيران اللي كانت  
بتضربه ويرتاح ويتنفس، فهمتي".

"ربما".

لم تنطق بها ولكنها كانت لسان حالها، ربما فهمت وربما سيطر  
عليها الآن عجزها، الكلمات واضحة لكنها صدقاً مرعبة، الأمر ليس  
بالصعب ورغم هذا مخيف، ظنوها أنها ستزقق كما اعتادت تلاشت،  
وما رآته بعين عارف كان جملة واحدة.

"آن أوان كل تصرف قدر".

اليويو هم، والخييط بيدك، ولشدّه وإرخائه متعة خاصة لا تضاهيها متعة، أنت السيد وهم العبيد ومكنون أنفسهم رضا، تستعبدهم فيسبب ذلك انتشاءهم، وكأنهم سعداء بأسر عقولهم، بل هم من سيقدمونها على طبق من ذهب.

"فيروز".

والنداء باسمها انتشلها من شرورها لتجده يقرر بعدها:

- القرار ليكي ومن أول بكرة ممكن أقولك اللي هتعمله معاهم بالظبط ومن هنا لبكرة فكري، ولو عايزة تغيري رأيك مفيش مشكلة، أما بقى لو عايزة تكملني فـ.....

أخرج من جيبه الكارت الخاص به وضعه أمامها ثم أكمل:

- ده عنوان فيلتي هاستاكي بكرة الساعة 8 نكمل كلامنا واعتبريه عشاء عمل.

قال جملة وخرج متجهًا للمصعد غير متوقع أن هناك من كان ينتظره وما إن وقف حتى سمع من عقب من خلفه:

"فريد يبقى دعبس ميش كده، صبي القهوة اللي كان شغال في الخلية، اختفى بعد قعدتك في القهوة وكلامك مع الناس عن جهاز يقدر يعمل حاجات كتير لتغيير البشر".

والصوت محمل بالحزن بالكاد يتماسك صاحبه، يرتعش كمن يموت من القهر ويقاوم حد إقرار أن هزيل النفس لديه قوة، صوت

فرض على عارف الالتفاف وعلى ما يبدو لم يخب ظنه به، ذلك  
الضعيف صاحب العقل القوي.

"بشير".

"أيوه أنا بشير يا دكتور عارف".

\*\*\*

## التجربة

## (11)

خرج من مكتب فيروز وهو على يقين بأن ساعات تفصله عن بدء تجربته، ليجد بشير بانتظاره ينظر له بحدة بعدما قال ما في جعبته، وما ظنه بشير بأن عارف سيضطرب من كلماته لكن ما وجدته كان ابتسامة هادئة وهو يمد يده ليصافحه مُعقَّبًا:

- أنا سعيد قوي إني اتعرفت عليك.

لكن حال بشير لم يكن كذلك، نظر ليده الممدودة نظرة ازدراء ثم عقد ذراعيه أمام صدره، فسحب عارف يده واتسعت ابتسامته وهو يكمل:

- على كل حال، فرصة سعيدة.

قالها والتفت ليرحل فهتف بشير:

- مش قادر تواجهني بعد ما كشفتك، بتديني ضهرك وقمشي يا جبان.

ورغمًا عنه تعالت ضحكاته بهستريا فرضت على بشير الغيظ ثم أتاه تعليقته باستهزاء:

- شكلك بتتفرج على أفلام أبيض وأسود كثير، الديالوج ده  
اقهرس من الخمسينات على فكرة.

عاد للضحك رغماً عنه ثم هدأ. ليجيب:

- الحقيقة أنا مش فاهم أي حاجة من كلامك.

- لا فاهم كويس قوي، بس عايزك تعرف إني مش هاسكت  
وهأعرف كل الناس حقيقتك وحقيقة فريد. وابقى وريني هتواجه  
الناس إزاي ساعتها.

عقد عارف ذراعيه أمام صدره ثم أجاب ببرود: شوف أنا كنت  
محتار إزاي أمهد لمسألة فريد، إزاي الناس تعرف إن صبي القهوة بقى  
نجم الموسم، فلو ناوي تعرف الناس بالنيابة عني، أبقى شاكر جداً  
ليك، واهو تبقى وفرت عليا.

- يعني مش فارق معاك إن الناس تعرف الحقيقة.

- هو كان فرق قبل كده، نسيت اللي حصل في المسابقة.

والنظرات من بشير كانت بين تيه وضياح وعارف يكمل:

- ومين قالك إني مش عايز الناس تعرف، إمال هنعمل دعاية

للفيلم والمركز إزاي؟

انزوت الابتسامة على ثغره بانتصار ثم تابع:

- دعبس بقى فريد لما دخل بـ "توقيت جرينتش"، وشوف أنت

ساعتها كام واحد هيدخل الفيلم للفيلم وكام واحد هيدخل الفيلم

عشان يشوف فريد نفسه، وتحيل بقى بعدها لو طلع وقال أنك حقوق

وانتهازي وعازير تشهر بيه، ساعتها هيفتح في وشك طوفان من  
التراس البنات والولاد اللي بيدعموه على فيس، وساعتها هتأكد إن  
الناس بتكره اللي يقولها الحقيقة، لكن ده ميمنعش أنك لو ناوي على  
الخطوة، جو أون، اعمل البوست وأكتب عن عارف النصاب وفريد  
الغشاش وأول ما تتزل البوست ده أعملي منشن، هتلاقي الأكونت  
بتاعي باسم "د.عارف أبو العزم"، ومش هادخل اشتم أو أقول  
كذاب، ده أنا هاعملك لايك وأقولك ميرسي.

وما ظنه بشير فخاً بانتظار عارف رأى انزلاق قدمه فيه، همهم  
بضيق: أنت مين بالظبط وبتعمل كل ده ليه، وجيت الشركة هنا ليه؟  
- فعلاً دماغك استثناء، أنت نفسك استثناء يا بشير، ألف خسارة  
إن الدماغ دي مدفونة في المكان ده.

قالها وهو يشير للشركة ثم التفت راحلاً وهو يُدرك كيف هي  
الحالة التي ترك عليها بشير.

\*\*\*

تبدلت هيئته عن الأمس، بدا وكأنه يحمل هم الدنيا فوق رأسه،  
شارد وبصعوبة يستمع لها حتى منحه ما كتبت ليقرأ.  
تنهّد بضيق ثم مد يده يتناوله منها دون تعليق، ففرض عليها  
التعقيب:

- واضح إن حضرتك متضايق، تحب نأجل كلامنا لوقت تاني.  
- أبداً.

قالها بفارغ صبر وما إن انتهى من القراءة حتى زفر بكل ما يملك  
وقال بحدة:

- وإيه فائدة اللي أنت كتباه ده.

- بس ده مكانش كلام حضرتك إمارح.

"لقد أسمعت لو ناديت حيًّا ولكن لا حياة لمن تنادي"

قالها بيأس صريح ونظرة بائسة، فصمتت ولم تُعقب بينما ترك هو  
مكتبه ووقف بالنافذة التي كانت تطلُّ على ساحة كليته، ناظرًا لجيل  
كامل سيخرج من هنا يومًا ما ليكمل مسيرة الأعلام؛ فهل من أمل؟!  
"تعرف يا دكتور، بيت الشعر ده تم اقتباسه بين الشعراء من أول  
الشعر الجاهلي لغاية الشعر الحديث، وإلى الآن محدش عارف مين اللي  
كتبه، اتكرر واتعاد مش شرط عشان نفهم إن مفيش فائدة، إنما يمكن  
عشان نعرف أنه في كل زمن بيظهر اللي ينادي، حتى لو محدش  
سمعه".

انزوت ابتسامه على ثغره وعاد لمقعده ففكر لشوان ثم سأها إن كان  
يامكانه أن يحكي لها عن ابنته، عن حمل ثقيل كان ولا يزال يؤرقه  
سمعته حتى توقف وزفر بأنين منتظرًا تعقيها، فسألت:

- ليه حضرتك كدبت عليها؟

- كنت مضطر، جايز معنديش نفس مرض والدتها بس مش معنى

كده إني سليم، ودي بنتي الوحيدة، لو جوالي حاجة هتعمل إيه من  
بعدي.



خَفَقَ قلبها لذكرى والديها ووفائهما وشعرت بقلقه فقررت  
الإجابة بتفهم:

- محدش ييموت بموت حد عزيز، وإلا أنا وأختي كنا موتنا بموت  
بابا وماما، بعد الشر على حضرتك طبعاً، ولو كده فكان أي حد من  
اللي اتقدموا، اشمعنى يعني بشير.  
ردّ مؤكداً:

- أهله ناس محترمين، وراجل أقدر أأتمنه على بنتي.  
- ده جواز يا دكتور يعني مينفعيش يجي بالغصب.  
- أنا مفكرتش غير في حاجة واحدة أطمئن على بنتي وبس.  
أجتمعتها الجملة فلم تنطق، محظوظة صبا ولكنها لا تدري، أب  
يخاف وحبيب يسعى ليكسب قلبها، ليتها تستفق قبل فوات الآوان.  
قطع حوارها رنين هاتف بغدادى وقد علمت أن خطيب ابنته  
بالطريق إليه فاستأذنت واتجهت للمكتبة، حاولت أن تقرأ بأحد  
الكتب، ولكنها لم تستطع، فبحثت بحقيبتها عن اللبان الذي اعتادت  
مضغه بنكهة الفراولة، وجدت بالعلبة آخر ثلاث قطع، فالتهمتها  
دفعه واحدة، وانزوت بوجهها لتصنع من اللبان بالونات ثم تقوم  
بفرقتها، فهي لازمة تفعلها رغماً عنها كلما شعرت بالتوتر، حتى  
قاطعها رنين هاتفها باتصال من مديرة الحضانة التي تعمل بها كان آخر  
ما ينقصها، كان هناك مشكلة بخصوص كثري عبد الشكور بحاجة  
لحضورها على وجه السرعة.

قررت قبل رحيلها أن تمر بمكتب بغدادى للاطمئنان عليه وقبل  
طرق الباب استوقفها صوت الزعيق وقد استشعرت إهانة أستاذها:  
- يعني هي كانت رافضة بس حضرتك خلتها توافق بكذبة  
كذبتها، ولما عرفت الحقيقة فركشت، طيب وأنا:

- بشي....

قاطعه محتدًا وأكمل:

- هتعتذر؟!

"سوري أننا مفكرناش فيك يا بشير واحنا بندوس عليك في النص  
عشان الموضوع كان لعبة، ووظ في مشاعرك وكرامتك ورجولتك  
اللي اتبعرت".

- أنا آسف يا ابني أنا...

ولأن نظرة بشير له ملؤها الكبرياء، بُثرت الكلمات بفمه، ابتلع  
بقية جملته وصمت، وطيف ابتسامة ساخرة على شفتي بشير ظهر ثم  
عقب بعدها متهمكًا:

- وفر أسفك يا دكتور بغدادى، يكفي أنك تهتط إيدك في إيد  
صبي القهوة، طالما ده اللي هيسعد صبا، بس عايزك قبلها تسأل عنه  
كويس، ولا يكفيك أنك تهتط إيدك في إيد دكتور عارف، عموما  
أنتم الاتنين لايقين على بعض، واحد نصاب والتاني كذاب.  
قالها بمدة فرضت على أيتن الدخول لرد كرامة أستاذها،  
وكعادتها ستضع نفسها بالمشكلات دون أن تفكر.

"أنت إزاي تسمح لنفسك تتكلم مع راجل في سن والدك بطريقة دي".

"أيتن؟"

قالها بغدادي عليها تسكت، لكنها وقفت قبالة بشير وأكملت:  
مهما كان اللي حصل، دي عمرها ما هتكون طريقة نقاش أبدًا.  
- وأنت مالك.

هتف بها بشير بغيظ فقررت ألا تسكت:  
- لما أستاذي يتعرض للإهانة قدامي يبقى مالي ونص، أيتن فاكربي  
هاخاف منك.

"كفاية يا أيتن، أرجوكي".  
وأمام توسلات بغدادي لم تقلك إلا أن تصمت، وقد هوى الرجل  
على أقرب مقعد بينما بشير طالعه باحتقار مقررًا المغادرة.  
- مسكين.

قالها ما إن رخل بشير وقد نكس رأسه شاعرًا بـ "شاعر" است  
أيتن قبالة وعقبت:

- لا يا دكتور، ده شخص مش محترم، أكيد ربنا لنجا الآنسة صبا  
منه، ثم مين دعبس ده اللي حضرتك ممكن تجوزه لبنتك، ده...  
صمت وكان عقلها في أقل من دقيقة رتب الأمر ففهمت  
وهتفت: معقول؟!

بدا واضحاً أن دكتور بغدادى سرحل، شعرت بالقلق عليه  
فعرضت أن تساعد له لكنه شكرها فغادرت، ثم اتجه بغدادى لسيارته  
وكل ما بات مسيطراً على عقله فكرة واحدة، لن يترك عارف دون  
فضحه.

\*\*\*

عاد من عمله قبل مواعده، اندفع نحو غرفة إسماعيل وكأنه ما عاد  
يُميّز هو بأي شخص ينوي أن ينفجر، والصاعق أن الغرفة فارغة،  
والصادم إعلان السبب.

فقد ذهب مع عيسوي لزيارة والدته بالمشفى.

"عيسوي"؟

قالها بشير بغيظ ثم زعق:

- طبعاً ما عشان مصلحته لازم يجري مع عيسوي.

- أنت اتجننت يا بشير؟

قالتها اعتماد مذهولة من تصرفات ابنها الذي هتف فيها:

- أنتم خليتوا فيا عقل، عيسوي وأمه أخذوا جدو متنا، راح معاه

يخطبله امبارح ورجع مفكرش يسأل عليا عشان سي عيسوي عمل

مشكلة مع أمه وجه بات معنا، ومها وحسن بقوا سمينة على غسل،

وأنا بقى مين حاسس باللي أنا فيه، مين جنبي في لحظة زي دي.

قالها بأسى ثم ضرب أحد المقاعد بقدمه وغادر المنزل كالأمس

وعاد مساء متأخراً.

طرق إسماعيل بابه فتظاهر بالنوم وعندها عاد لغرفته، تردد كثيراً في سرد ما عنده خشية أن يجرح مشاعره، فاليوم قد تم تحديد خطبة شجن وعيسوي بالمشفى.

ولو بدا ذلك غريباً فإنه قد حدث، فمن نقل والدته عيسوي للمشفى كان والد شجن حين توجهها لبيتها هو وابنته برفقة عماد على إثر مكالمته منها لصديق ابنها استشر فيها إعياءها، وطوال الليل لم يرد عيسوي على مكالماتهم واكتفى بالبيت بمزل بشير دون إخبارها، ومع الصباح رد وما إن عرف حتى غادر برفقة إسماعيل، اطمأن على والدته، واعتذر عما فعله، وهناك تبدل حديث شجن معه وقد أعلنت له عن موافقتها على طلبه، بل واعتذرت بدورها على الطريقة التي عاملته بها.

فهل أجبروها؟

بدا واضحاً أن الإجابة لا، حتى مشيرة قد تغير موقفها وباتت سعيدة بما حدث فأنهالت التبريكات على كليهما، عندها قرر إسماعيل بدوره حسم موقفه وإخبار عيسوي بنيتة في الارتباط بوالدته، ولكن هل سيفرح بشير لو علم؟

\*\*\*

أغلق على نفسه باب غرفة مكتبه منذ عودته، لم يشعر بالتشويش يحتاج عقله على مدار سنوات حياته كما يشعر اليوم، ترك ابنته بجوار الروايات لتهرب بها من الواقع وهرب هو لكتبه ودروسه وطلابه.

واليوم تنجلي أمام عينه صورة الواقع دون رتوش، رحلت زوجته وبدلاً من أن يحاول تعويض وجودها دمر بقايا علاقته بابتنته، عادت صبا وهي بدورها ظلت بغرفتها تحلم بالغد، تحلم بمقابلة النجم، فعارف بنهاية اليوم أخبرها أن فريد سينتظرها غداً، لقد عرف اسمها؟ خفق قلبها بقوة وعادت تطالع مقاطع الفيديو خاصته بينما أمسك بغدادي بقلمه مقررًا إعلان الحرب على غريمه بطريقته، تذكر عرض من إحدى الجرائد لكتابة مقالات يومية فاتصل برئيس تحريرها وعرض فكرته.

والثاني رحب، بل شجّعهُ بكل ما يملك، لو صدق بغدادي وكتب مقالات أشعل بها الحرب على عارف فهذا يعني أن الجريدة ستبيع أضعاف مبيعاتها، فالفضائح دوماً جاذبة، أمسك بغدادي قلمه وكتب "براغاديتو عصره ظهر، دكتور يدرس الطب الإيجائي ويغير من حياة البشر بما يملك من علم لا يدري أحد مصدره، أما عن الباطن فحدث ولا حرج، اسألوه من تكون نانسي، اسألوه من يكون فريد، ودعونا نفند معاً أكبر عملية نصب نتعرض لها لنساء من وراءها ومن المستفيد منها".

وما إن انتهى منه حتى أرسله كاملاً عبر بريده الإلكتروني، وتنهّد لأنه سيسبق عارف بخطوة، وبصباح اليوم التالي كانت النتيجة المنتظرة، بدلت صبا ملابسها وتأنقت لتكون الأجل، وتوجهت للاستديو ومن خلال التصريح دخلت، كان يتدرب من أجل فيلمه

القادم يتوسط عدة رجال مفتولي العضلات يضربهم لا بل يوسعهم  
الضرب واللكم بكل قوة:

هيسيسح.

والتمتمة من إحدى الواقفات بجانبها:

"يا اختي عليه!"

وغيره ما كانت تظنها ستظهر لكنها ظهرت بقوة خد أمنية أن  
تقتلع عين كل واحدة منهن لأنها تشاركها مشاهدته، أفي التدريب  
فأمسك بزجاجة ماء ورفعها على فمه ليرشف منها وما تبقى سكه  
فوق رأسه ثم نفذه وتابعت هي قطرات الماء التي تتساق في الهطول  
من شعره لتلامس عضلاته، وقد ناوله مساعده منشفة وقميصاً جافاً  
عوضاً عن ذلك الذي يرتديه.

هل سيبدله هنا؟

لم تنتظر أن يفعل وقد اضطربت كل مشاعرها دفعة واحدة: خجل  
حب، خوف وغيره، عليها أن ترحل من هنا، فاتجهت نحو السلم  
المعدني الذي صعدته من قبل بصعوبة ليزداد أساها لأنها تعثرت  
بالتزل، فكعب حذائها قد انحسر بين درجتين فكان عليها أن تخلعه،  
بكت بشدة فاجأها من نفسها، لم تقابله وانحسر حذاؤها والآن هي  
مضطرة لخلع الزوج الآخر والسير حافية القدمين واللعنة لو رآها  
هكذا.

خطت بسرعة لتخرج من المكان لكنه استوقفها بنداءه فالتفت  
بصدمة لتجده يسأل وهو ممسك بزوج حذائها المحشور بيده:

— بتاعتك؟

هزت رأسها بنفي قاطع وقد حاولت أن تمسح آثار الدموع من وجهها وجوابها فرض عليه أن يضحك وهو يرى الزوج الآخر من ذات الحذاء بيدها فصمت ثم مدت يدها لتناول منه زوج حذاءها لكنه لم يفعل بل جثا على إحدى ركبتيه ليلبسها إياه بيده ولم تصدق أنه فعل، بل تناول منها الزوج الآخر ليكتمل ارتدائها للحذاء، وبعدها رفع يده ليستند عليها ليقف لكنها ابتعدت، فهتف بأسى مصطنع:

— يعني أنا هافضل على كده، الله يسامحك ده بدل ما تساعديني أقوم.

توقفت لحظة لكنها خشيت أن تلتفت فلحق هو بها يهتف:

— سندريلا.

فوقفت وابتسمت والتفتت تطالعه فابتسم ثم تمتمت:

— صبا اسمي صبا.

لكنه رغم معرفة اسمها أعاد النداء والتعقيب:

— يا سندريلا هتروحي إزاي بس بجزمتك بعد ما كعبها اتكسر.

والكلمة استوقفتها فوقفت بمكانها وكأنها لا تجد إجابة، فلحق بها

وقرّر:

— ممكن تيجي معايا، وأكيد في أوضة اللبس هيكون في جزمة

مقاسك، ومتقلقيش مش هادفعك تمها.



ولو لم يتوقف عن مجاملاته واهتمامه فإن قلبها سيقف، أشار لها أن تتبعه فبدت خطواتها غير منتظمة فعقب بجرأة:

- ممكن تتسندي عليا لحد ما نوصل، أنا مش هاضيق على فكرة. احمرت وجنتاها وصمتت خاصة بعدما أتى واحد من مساعديه ليخبره بأمر بدا واضحاً أنه ذو أهمية قصوى، أعطاه إحدى الجرائد وقد قرأ له ما فيها وعندها تغيرت ملامحه، قبض على الجريدة بكل عصبية ثم قذفها أرضاً والتقط هاتفه وابتعد قليلاً ليهاثف أحدهم، حثها الفضول لتعرف سرَّ عصبية فالتقطت الجريدة لتقرأ ما بها، قرأت العنوان وأيقنت أنه من أحد أعداء النجاح الذين استفزهم نجاح عائلة أبو العزم، وقبل أن تقذف الجريدة تتطلعت للصورة والاسم "بقلم: بغدادى أيوب".

## (12)

خطت ببطء متجهة نحو مكتبها وقد تبدّل حالها عن الأمس، وجهها عابس كالعادة، ولكنها ما عادت ترعق، جلست على مكتبها وأخرجت الأوراق التي كتبها عارف والتي أسماها بـ "الجهات الأربع" وقد قررت أن تجتمع بهم فطلبت من مدبولي إخبارهم فاتجه للمقلوب حالهم.

مسعود.

منذ ذلك اليوم ولم يعد هو، بالطريقة ذاتها التي تعامل بها مع حماته تعامل مع صاحب شقيقته، كسر قدمه ثم أرغمه على تمديد عقد الشقة لثلاث سنوات إضافية، تصرفات أيقن بها أن الأخلاق نقمة، وعادت معه درة لكن ثمة شيئاً كُسر بينهما، حد شعور مؤلم بأن درة كرهته. عبد الشكور.

حزين مهموم فزوجته لا تريد الغفران وابنته تأثرت للحد الذي فرض على حضانتها الاتصال به لإخباره أن ابنته "تبول بشكل لا إرادي" نتيجة تأثر نفسياتها وأن الأمر تكرر على مدار يومين، بينما لوللا تلاحقه باتصالها كي يعود للعمل معها.

بشير.

صامت ناظم غير مكترث بأحد، حد استيقاظه ومغادرته المنزل  
ميكراً ليتفادى جده.

عيسوي.

مُرتبك، مُشتت ليس فقط من طلب إسماعيل بل من موافقة  
شجن، لظنه أنها وافقت مرغمة، وماذا لو وافقت والدته على  
إسماعيل، بل أليس من حقها؟

التفوا حول الطاولة وهيئتهم بالمقارنة بما كتبه عارف عنهم زادت  
من تشتتها، فهل ستخسر لو نفذت ما قاله؟

قطعت تردددها وبدأت كلامها بالإعلان عن مشروع جديد  
ستنفذه الشركة، وكان الأمر ليبدو اعتيادياً لو أنها كلفت كل واحد  
منهم بمهامه ككل مرة، إلا أنها قررت إعلان الاستثناء حين نظرت  
لمسعود لتقرر: مسعود سيكون المدير التنفيذي، والمشراف على شغلكم  
كلكم.

وبقية جملتها قالتها وهي تنظر للبقية الذين صدمهم ما سمعوا،  
لكنهم تمهلوا لعلها تكمل كلامها فيكتشفوا أنهم سيألون من إغداقها  
جانب، لكن الصدمة زادت بسحبها من مهام عبد الشكور وعيسوي  
لتوسع صلاحيات مسعود، تصرف فرض على التهور الشعور بالضيق  
ففعقب:

- يعني إيه كل رسم هندسي ارجع فيه لمسعود ويشترط موافقته عليه، هو مدني وأنا عمارة، وفي فنيات كثير مسعود عمره ما هيكون ملم بيها، لأنه مش هيفهمها.

والجملة أشعرت مسعود أنه يتعمد إهانتة؛ ولأنه قد أقسم بعدم التهاون مع أحد لم يفرق بين زميله وعدوه فصاح بغضب:  
- أعتقد في طريقة أفضل من كده للنقاش.

- أنا باتكلم كويس وكلامي واضح، ولا أنت عايز تعمل مدير من دلوقتي.

"عيسوي"

والزعيق منها فرض عليه أن يصمت ثم طالع بشير وعبد الشكور بكل غيظ لأنهما لم يعترضا، ولأنهما أكملت كلامها التفت إليها يسمع:  
- اللي أنا أمرت بيه هو اللي هيتفد، ودلوقتي اتفضلوا كل واحد على مكتبه.

ورغم قهر عبد الشكور فإنه لم ينطق، خرج بينما تبادل عيسوي ومسعود نظرات نارية فالأول مغتاظ والثاني يتسم بتشف، وقبل أن يلتفت بشير للخروج استوقفه نداؤها وهي تحدد:  
- استنى أنت.

وكما أمرت فعل واتجه ليجلس قبالة مكتبها، بدا غير مبال بكل ما قالته وعندها سألت:  
- أخبارك إيه أنت وصبا.

أجاب باقتضاب:

- كل شيء قسمة ونصيب، وأتني أننا نتكلم في الشغل أفضل.  
وطريقته فرضت عليها أن تطالعه وكأنها تراه لأول مرة، كونه  
يُحدّد بحسب إلى أي دفة سيتجه الحوار، فهل عليها بالفعل أن تشعر  
بالقلق منه؟

- بشير لو طلبت منك تقرير مفصل عن ثغرات الشركة ممكن  
تفيدني؟  
"ثغرات".

قالها مندهش وكأنه لم يفهم المقصد فعقبت:  
- قصدي المشاكل المالية أو الإدارية اللي واضحة لك.  
وعيناه التمعت ببريق وكأنه عكس ما دار بعقله، بدا وكأنه  
سيسأل: أهو تقرير سيكتب من أجل عارف أم أنه اختبار لشخصه،  
ودون إفصاح لما دار بخلده جاء رده: تمام، عشر دقائق ويكون على  
مكتبك.

- بس.

- الموضوع بسيط، أنا كل يوم باكتب ورقة وبأرخها بتاريخ  
يومها بإفصل فيها أي مشكلة حصلت وباسجل أي حاجة مهمة  
عشان لو حصل أي حاجة على مدار الأسبوع أرجعلها، ويمكن  
أجيب لحضرتك أوراق الأسبوع ده تراجعها بنفسك.  
عادت تطالعه بشك وبدا وكأنها تختبره حين سألت:

- وإيه أكثر مشكلة موجودة حالياً؟

- أكيد هتغير التعامل مع المفاوض اللي كان في كومبوند مدينة نصر لولا رجوع مسعود كانت هتحصل مشاكل أكثر، الفترة اللي غابها، حصل تهدير في المون، عامل من عنده كان يسرق من الأسمت، والأزمة دي خلصت وهو مشاه، كمان في مناقضة هتطرح كمان أسبوعين تبع هيئة الإسكان هابعت لحضرتك كراسة الشروط تدرسيها ولا أرجع لمسعود بما أنه بقى المدير.

قالها بنبرة ساخرة فرضت على فيروز النظر بحدة ثم ردت:

- أنت تحديدًا يا بشر شغلك هيكون معايا، تقدر تتفضل.

غادر بينما ظلت هي تجوب الغرفة بتوتر ثم اتجهت صوب حاسوبها تتطالع المواقع الإخبارية الخاصة بالصحف التي اعتادت قراءتها للتفاجأ بضجة على إثر مقال للدكتور بغدادى أيوب، وغالبية التعليقات قد قررت أن تدافع:

"عارف أبو العزم لا يمكن يكون نصاب".

\*\*\*

لم يشعر بحياته أن عليه الندم حيال شيء، فعله بقدر الندم على مقاله بحق عارف، تلك الضجة التي حدثت على مدار اليوم فرضت عليه الخوف، وما زاده كان تعليق رئيس تحرير الجريدة:

"المبيعات وهمية يا دكتور بغدادى، أنت كنت فين من زمان يا

راجل!"

مؤكدًا انتظاره مقال الغد بفارغ الصبر.

زفر وأهوى المكالمة وسؤال واحد يثنُّ برأسه؛ هل قرأت صبا ما كتبه؟

والإجابة كانت نعم، قرأت ما بالجريدة ولم تنتظر حتى عودته للمترل فاتجهت لمكان عمله، كان بمكتبه يقاوم فكرة إلغاء المحاضرة، يُمني نفسه أن تأتي آيتن ويتحدث إليها، أو يتحدث لشكري أو إسماعيل.

لِمَ التشتت ما دمتَ على الحق؟ الحق بالنهاية ينتصر.

ورغم التوتر اتجه للمدرج لتصدمه رؤيتها، تركت عملها وأتت بأكية، ممسكة بالجريدة في يدها تطالع به بضجر، خطأ عدة خطوات نحوها فرضت الاندهاش على الطلاب الذين تجمعوا من حولهم، وقد أخرجوا هواتفهم لتصوير مقطع فيديو استثنائي لأستاذهم وابنته. "صبا".

قذفت الجريدة بالأرض وخطت نحوه تدعسها بقدمها حتى وقفت أمامه تعقد ذراعها أمام صدرها وهي تعقب:

— كذب كل كلامك كذب، كل وعودك كذب، كله كذب يا دكتور بغدادادي.

تعقيب قاتل، التفاف أكبر، طلاب أكثر، والهمهمة بينهم مفادها الدكتور بغدادادي كاذب بشهادة ابنته، دليل قوي أن عارف نزيه والأمر سيتأكد حين يتم تداول الفيديو عبر مواقع التواصل الاجتماعي.

"أنا يا صبا، أنا كذاب".

قالها بحسرة، حسرة أب يرى خسارة ابنته ويشهد الأمر طلابه وزملائه وهي لن تتوانى بل ستكمل:

- كذبت عليا عشان تجبرني أتجوز واحد مبحوش ودلوقي بتكذب عشان إيه، بتشهر براجل محترم وعيلته ليه، عشان الشهرة ولا الفلوس، ولا في غرض تاني ومش عايز الناس تعرفه. ولولا المكان والناس لكانت الإجابة صفة تفيقها، لكنه تماسك وهي نظرت شزراً وتابعت:

- لكن لعلمك الناس هتعرف الحقيقة مهما قلت ومهما عملت، عن إذنك.

والتفت راجلة وهو مُسمّر بمكانه دون حراك، هل سالتفت ليعود للمدرج ليبدأ محاضرتة؟ هل سيدافع عن نفسه؟ لا لن يفعل! إذاً هل سيكمل ما بدأه؟ شعر بالتشويش، ولكنه حَسَم أمره، نعم سيكمل.

\*\*\*

خرج من عنمله ودون وجهة هام بالشوارع، يفكر فيها، يتذكرها، ويُمِني نفسه أن ينسى، حتى استوقفه صوت إسماعيل وهو يُنادي باسمه، فالتفت بشير بصدمة:

- أنت كنت جاي لعيسوي.

ضرب إسماعيل كفا بكف وهو يرد:

- آه طبعاً وعشان كده مشيت وراك يمكن ألحقه.



صمت وكأننا شعر بالخيال من نفسه فسحبه إسماعيل من ذراعه  
وسأل:

- إيه رأيك هاعزمك ع الغدا، أعرف واحد بيع كبد في العتبة  
هايل، ثلاثة بس اللي ماتوا معاه لحد دلوقتي.

ضحك وقد شعر براحة ما إن تجاوزا وسارا حتى وصلا لأحد  
المقاهي، ابتاع إسماعيل "سندوتشات الكبد والطعمية والمخلل"  
وطلب المشروب المفضل لبشير "السحلب"، وتناولوا طعامهما ليتفاجأ  
بشير بأن جده قد هاتف بغداددي وعرف، نكس بشير رأسه وصمت  
فرفع إسماعيل وجهه لينظر في عينه ثم عقب:

- أنا متأكد إن جواك كلام كثير يا بشير، إيه رأيك نخلص الأكل  
ونطلب الطاولة ونتكلم للصبح؟

وبعض دموع ترقرت بعينه أوما رأسه بالإيجاب وعلق بندم:

- ربنا يخليك ليا يا جدي.

\*\*\*

دون مقدمات عاد لمزله، ورنّا بالتأكيد لن تعبر وجوده أي اهتمام  
إلا أن كترى سعيدة، هتفت عند رؤيته بفرحة مبتورة، احتضنها بشدة  
وقبلها ومن ثم أخوها ثم اتجه إلى غرفة نومه ليضع حقيبة ملابسه وقد  
قرر أن يغتسل ويبدل ثيابه ثم يعود أدراجه للمكوث بجوار أبنائه وهو  
يمسك بيده كيساً مملوءاً بالخلوى أحضره لأجلهما.

"كترى نفسيتها متأثرة جدًا يا أستاذ عبد الشكور، يا ريت تتعاملوا حضرتك ووالدتها مع الموقف بهدوء، طالما الموضوع نفسي مش عضوي، وربنا يطمئناكم عليها".

تلك الكلمات التي قالتها أيقن له بالأمس عبر مكالمة هاتفية، وكأنها قررت أن تضعه أمام مسؤولية وجوده فقرّر عندها ألا ينتظر وعاد، لظالما كان يعلم مدى تعلق أولاده به وخصوصًا كترى، وربنا هذا ما زاد صدمتها بأبيها الحنون.

"كل الحاجات الحلوة دي عشائي أنا وتيم".

قالتها بانبهار فأجلسها وأخاها فوق قدمه وقال:

- آه يا ستي، كلها عشانكم.

نظرت لوجهه وسألت:

- أنت مش هتيجي تاني.

- ليه بتقولي كده؟

- ماما قالت لتيّة أنكم هتطلقوا، وكلهم زعلانين منك.

طوّقها وأخوها بذراعه وجلس معهم يطالع قناة الكرتون حتى نام تيم بحضنه، دثره بسريره وظن أن كترى ستفعل مثله، لكنها عادت لحوارها:

- هي ميس أيقن كلمتك؟

وقبل أن يرد بكت بشدة، تسرد ما حدث معها، تحكي عن تعنيفها من إحدى المدرسات وزعيق أيتن لأجلها وقد طلبت منهم تفهم ظروفها، ورد فعل والدتها التي كالعادة اهتمتها بالغباء. أجهشت بالبكاء فضمها إلى صدره، ولم تستطع مرة أخرى السيطرة على الأمر، ارتعشت وتبولت وخافت حين سمعت رنا تزعق، وهو من تدخل استوقف زوجته وهذد:

- رنا لو مش هتعرفي تتصرفي صح متدخليش أصلاً.

وكانت تلك أول جملة وجهها لها منذ عودته، تلاها أمر بإحضار ملابس نظيفة لكثري وهو من نظفها وبدّل لها ثيابها، وبقي بجوارها حتى نامت وآثر هو النوم بجوارها.

لم تشعر رنا بالغيط قدر شعورها به اليوم، عاد يفرض وجوده دون اعتذار، عاد مُقررًا تجاهلها، شيء ما دفعها للتفتيش مرة أخرى بهاتفه، ويا لتبجحها! لم يغير كلمة السر التي تعرفها، ربما لتري رسائل الاعتذار والتودّد من لوللا.

"الحقير لسه بيكلمها وتكلمه".

قالتها ووضعت الهاتف والتفت لتصطدم به خلفها يُحدّق بها بأسى ودون أن يعقب بكلمة سحب هاتفه لضبط المنبه، ثم حضّر لنفسه العشاء وأكل وحده وعاد لينجور كثري النوم، والحسرة تأكل قلبه، تبحث عن أي ثغرة تُثير بها المشكلات، دون محاولة استيعاب واحدة له هو.

أوقفت سيارتها أمام فيلا عارف أبو العزم يملؤها التردد، بقدر ما  
فكرت بالجيء بقدر ما فكرت بالألا تراه مرة أخرى، وكان باستطاعتها  
أن تفعل؛ ترسل المبلغ المتفق مع أحدهم وتبتعد عن ذلك الرجل الذي  
يُثير جنونها، لكنها بنهاية المطاف أتت، والخلاصة هي تريد رؤيته.  
طرقت باب الفيلا وانتظرت أن يفتح واحد من الخدم، لثفاجاً به  
يفتح الباب بنفسه وأول تعليق من صاحب الحُلة المنمقة كان:  
- في وقتك.

تقدمت خطوة وأغلق الباب وجاورها وهو يتابع:  
- اتفضلي.

تطلعت للمكان من حولها بريية، بدا هادئاً وغير مُستأنس، شعور  
بالانقباض قابله شعور بالانجذاب لا إرادياً لذلك الغامض الذي أثار  
فضولها حد السعي لسبر أغواره، ربما تريد فرض سطوتها عليه بقدر  
فرض سطوته عليها، فللقوة مذاق خاص لا يدركه كُثر لكن ما إن  
تذوقه مرة حتى يصيبك إدمانه.

- شاي.

قالها وهو يضع على المنضدة التي تقف أمامها صينية موضوع  
عليها فتجانان من الشاي لتكتشف أن الكلمة انتشلتها من قاع  
شرودها، جلس على الأريكة التي تُقابل المنضدة ثم أشار لها بيده كي  
تجلس، وحين فعلت عقب:

- كنت متأكد إنك جاية.

وطريقته استفزت فيها قوة هو بات على يقين من أنها قشرة مهترئة، أكسبت صولها نبرة ثقة وردت:

- أنا بس حبيت أدفعلك حساب الاستشارات بنفسي.

انزوت ابتسامة ساخرة على ثغره، بينما أخرجت هي دفتر شيكاتها لتسجل قيمة حسابه ووضعت فوق المنضدة ليكون في مقابلته، زادت ابتسامته وهو يحسك الشيك بيده ويضعه في جيبه وعندها سألت:

- هو أنت لوحدك؟ اقصد فين فريد ونانسي؟

-- اعتبريهم مش موجودين؟

بدا باردا وهو يمنحها فنجان الشاي وقد بدأ يشرب من فنجانه، شعرت بالغيط وسألت:

- إيه اللي خلاك متأكد إن خططك ممكن تنجح مع موظفيني.

- واضح أنك بدأتي التنفيذ ولاقيتي النتيجة اللي قلتهالك.

وقبل أن هم بالرد تابع هو:

- وإلا مكونتيش جيتي تشكريني بنفسك.

"مغرور".

لم تنطقها ولكنها بدت في عينيها، ارتشفت من فنجانها ثم عقبت:

- مجاوبتش على سؤالي.

ابتسم برود وأجاب:

- شغلي، شغلي اللي خلاني متأكد من النتيجة زي ما كنت متأكد أنك هتيجي.

- لو كنت خليت أي واحد فيهم مدير عليهم ده كان كفيل يفرق بينهم، اختيارك لمسعود مكش فيه أي ميزة.

- تمام، تقدري تغيري الخطة وتنفيذي اللي يريحك أنت، أنا قلت رأيي وخلاص أخذت المقابل.

هدوء وبرود لم تعتده فرض عليها الغيظ فوضعت فتجان الشاي بعصبية ووقفت مقررة الرحيل، وما إن التفتت حتى استوقفها صوته بنبرة تحد وهو يجيب:

- عايزة تعرفي ليه مسعود بالذات.

وقف ثم خطا نحوها ونظر بعينها وكأنه يسأل من منا سيسبر أغوار الآخر، خَفَقَ قلبها ولم تجدد أهو الخوف منه أم أنها مشاعر أخرى، حوط كتفيها بيديه ثم جذبها ناحيته بقوة فشبهت، ثم أدار جسدها لتجد نفسها أمام مرآة وهو يهتف فيها:

- بصي في المراية كويس، مسعود أكثر واحد فيهم يشبهلك، مسعود جواه البذرة اللي لو أتروت هيطلع منها ألغن ديكتاتور، البذرة دي مش موجودة إلا فيه هو، عبد الشكور أطيب واحد فيهم يوم ما هيحكمهم هيغلب الرحمة على قراراته وساعتها هيحبوه جدا، عيسوي هيديهم مساحة حرية يدعوا ويطوروا من أنفسهم تفتكري شخص زي ده ممكن يتكره، أما بشير بقى فبدقة تصرفاته لا توقعي

منه غلطة، لأنه هيقدرهم الصغيرة ويكافئهم عليها قبل الكبيرة، مش معنى كلامي إن مسعود ظالم لكن أنت تقدري تحليه يظلمهم، فهمتي؟ أدارها لتقابل عينيه عيناها وكلما أمعن نظراته شعرت وكأنما يسحبها لجهول باتت لا تدركه فأغمضت عينها، هل ستستسلم ذات العرش لتعلن عن لحظة سقوطها، ظنت قرب أنفاسه سيتوج بقبلة لكنه تركها وابتعد خطوتين لتسمر هي بمكانها تطالعه بعينين ضائعتين، تترجاه إن كان يعرف الطريق أن يعيدها لمسارها لكنه بكل كبرياء لم يبال، آثرت الصمت فحدّق إلى قسماهما وسأل:

- خايفة كلامي يطلع غلط ولا خايفة يكون صح.

- دي أول مرة أثق في حد غير فيروز.

- خلاص متثقيش.

- أنت مفيش حاجة بتفرق معاك أبداً.

قالتها وقد تفرقت بعينيها الدموع ليصدمها هو بإجابته:

- لا.

ثم خطا باتجاهها خطوة وأكمل:

- عارفة ليه، عشان عارف أبو العزم مش محتاج لحد، لكن أنتم

اللي محتاجين له، مش عايزة تثقي متثقيش، عايزة تمشي امشي، عايزة

تصدقي عارف صدقيه ولو عايزة تصدقي مقالة بغداد دي انهاردة

صدقيها، عارف يا فيروز عمره ما هيصع من وقته ثانية يعمل فيها

حساب لحد.

ارتجفت بكت زاد شتاتها، هل ترحل أم تبقى، وكادت تسأل فقط  
لأنها باتت لا تعرف، وكأنها ستعلنها بوضوح، لقد فقدت عقلي، لم  
أجن ولكني عاجزة.

عاجرة عن القرار.

عاجرة عن القرار.

عاجرة عن الاختيار.

أولاهها ظهره فهمست:

- عارف.

لم يرد فاقتربت هي طوقت خصره بذراعيها علّها تعرف وعلى  
شفتيها ملمح ترجّ لم تصرح به رغم شعورها بالضعف وبدأت كلماتها  
وكانها تتعلق ببقايا مقاومة حين قالت:

- أنا عمري ما وثقت في حد، وغصب عني شكيت في كل كلام

بغدادى.

وبكلماتها انتفض جاذباً إياها من ذراعها لمعمله، حتى وصلا وكانا  
وجهًا لوجه أمام جهاز ظنّت ألا وجود له، طالعه فهمس:

- توقيت جرينتش، ده بجد؟

أشار لجهازه وهو يُعقّب بثقة:

- اللي بغدادى بجهله معتبره نصب ده يبقى أقوى اكتشاف في

تاريخ البشرية، بغدادى بدماعه العتيقة متخيل إن نانسي وفريد  
يمثلوا على الناس، لكن الحقيقة أنهم فعلاً اتغيروا.



وبعينها أكمل بقية جملة:

— عارف بجهازه أو من غيره يقدر يغير الكون كله، تفتكري اللي  
القدرة دي عنده ممكن يوقفه حد.

والانبهار نفسه أقر بانهاره بهذا الرجل.

"مَنْ أنت؟"

"عارف أبو العزم"

— أنت.... أنت رائع!

— تقدري تمشي لو عايزة.

ومن علياء التعلق جاءت الجملة لتهوي بها أسفل سافلين، هو لا  
يبالي بقاءها من رحيلها.

— عايزني أمشي.

— أنا قلت لو عايزة.

وبين ضيق وانجذاب زاد التشبت التفتت لترحل فخطت ثلاث  
خطوات ثم عادت إليه، طوّقت خصره بذراعيها وهي من أعلن عن  
المبادأة، والبداية قُبلة.

ظنت أنها ثمن كبير؛ أظنه مراهقاً سيسعد بالفتات منها، الصيد  
الماهر إما أن يحصل على كامل الفريسة وإلا فلا قيمة لما اصطاده.

قُبلة أخرى علّه يرضى، لكنه لا يزال غير مُبالٍ، إذًا ستعلن  
التنازل إن أرادها فلا اعتراض، وتنازل خلف تنازل، وتنازل يتبع

تنازلاً حد الفوز، نال فيروز، وهي من قدمت نفسها على طبق من  
نجاس، حتى انتهى الأمر برمته، أَرْضِيَتْ الآن؟

قام عنها يرتدي ملابسه ويُلقِي لها فستانها ياهمال وهو يُعَقِّب:

- اخرجني من الباب الخلفي عشان مش عايز حد يشوفك.

وكادت تبكي بل هي بكت وكأنه يتعمد إهانتها، ودون اهتمام  
ودَّعها حتى عادت لسيارتها، وكأنها استفاقت حين نظرت لوجهها  
بمرآة السيارة.

والآن...

"من أنت؟"

"لا أدري".

"فيروز عز".

"لا لم أعد بنت عز، فبنت عز اندثرت، ذاك لأنها معه اختارت  
المذلة".

\*\*\*

مقال الثلاثاء.

والإعلان عن المقال يتصدر الصفحة الأولى.

"إلى متى ستترك عقولنا للأكاذيب، أليس منا رجل رشيد؟ لو أنه  
على حق لكان أقدر عليه أن يواجهنا".

كان إسماعيل بالمقهى حين نادى بائع الجرائد بحماسة مُروِّجاً الخبر  
الأهم، اشترى إسماعيل الجريدة ليقرأ المقال وما إن انتهى حتى تمتم:

- وأخيرة اللي بتعمله ده إيه يا بغداداي؟

قلقْ فُرض عليه أن يهاتفه ليكتشف أنه آثر المكوث بمقره بعد ما حدث بالأمس مع صبا، حديث اعتمل صدره ففاض به لإسماعيل الذي قرر أن يتحدث إليها.

فاتجه لشركة الفيروز، التي انقلبت صباحًا لأكثر خبر صادم:  
"مدام فيروز مش جاية النهاردة".

قالتها صبا ببالغ دهشتها بينما ذهل مدبولي متمتمًا:

- دي عمرها ما عملتها، معقول تكون عيانة.

سمعهم عارف كونه أتى لتوه، وما إن رآته صبا حتى نكست رأسها، فهم نظرهما فانزوت ابتسامته، هل تريد الاعتذار نيابة عن والدها؟

فتح باب غرفة فيروز واتجه نحو مقعدها وجلس، تابعه مدبولي ثم صبا وقد شعر الأول ببالغ الغيظ، هل جاء للاستحواذ على مكان فيروز؟

طلب قهوته فخرج مدبولي لإعدادها، فقررت صبا أن تحسم أمرها وتعتذر عن مقالات والدها، والرد كان ابتسامة ودودة وهو يرد: - أنا عمري ما هأقدر ازعل منك، وهتستغري لو قتلتك إني مش زعلان حتى من والدك.

- معقول يا دكتور عارف، بعد اللي عمله؟

- يا صبا، الشجرة المثمرة وحدها التي تقذف بالحجر، وأنا  
اتعودت على كده.

- حضرتك أخرجتني بتواضعك وسعة صدرك، أنا كده بقيت  
متضايقه أكثر من اللي بابا عمله.

كلمات فرضت على عارف أن يزبت على كتفيها بأبوية حتى  
انصرفت.

وبعد خمس دقائق قرر الاجتماع بموظفي الشركة الذين أتوا تباعاً  
بينما اصطنعت صبا الانشغال كي تتفادى النظر لبشير الذي بدوره  
تجاهلها.

وعلى طاولة الاجتماعات كان اجتماعهم:  
عارف VS الأربعة.

مسعود بجوار عبد الشكور وبالجهة المقابلة جاور عيسوي بشير  
بينما عارف على رأس الطاولة.  
ويقدر ما تطلع لوجوههم بقدر ما تطلعوا لوجهه حتى نظر لمسعود  
وقال:

- ألف مبروك يا مسعود على الترقية، الحقيقة أنت الوحيد اللي  
يستاھلها.

وجملة كهذه كفيلة بزرع بذرة كراهية بين مسعود والبقية،  
فمسعود فرح بالمدح وحدث عيسوي بكليهما بغیظ بينما انتابت  
الخنسة عبد الشكور.

- واشتغى بقى الأستاذ مسعود، إيه اللي فيه مش فينا.

والسؤال من عيسوي فرض الابتسامه على عارف وهو يرد:

- الاعتراف بمميزات مسعود مش معناه التقليل منكم، كل واحد فيكم جواه مميزات كتير هيجي الوقت اللي نحتاجها وساعتها هيعرف قد إيه هو مهم.

- معنى كده إن الترقية دي مش ثابتة.

والسؤال من مسعود الذي بدا عليه القلق، كانت إجابته من عارف ابتسامه مع إيماءة رأس لم توضح إن كان يقصد الإيجاب أم الرفض ليتبعه سؤال من عبد الشكور:

- يعني هيبقى فيه ترقيات ومكافآت تانية؟

- أكيد.

ورغم أنها إجابة قاطعة من عارف فلم تكن كافية أو شافية، قيلت لتترك الثلاثة على حيرتهم بينما بشير لا يزال صامتًا يطالعه عارف بهدوء بينما يتفادى هو نظراته.

- على كل حال، مفيش حد منكم هيتظلم، كل واحد فيكم هياخد اللي يستحقه.

قالها عارف بهدوء وبشكل قاطع فرض عليهم الصمت أو للدقة الصبر، وظن هو أن أمر اجتماعهم قد انتهى حتى قرر بشير كسر الصمت فسأل:

- ويا ترى إيه هي المعايير اللي على أساسها هيتم ترقيتنا أو مكافتتنا؟

سؤال راق لعيسوي فصاح يؤكد:

- صح، هو ده السؤال اللي كان لازم نسأله.

انتظر رد عارف لكن مسعود من تولى التعقيب:

- ويا ترى لو دكتور عارف اختارك كان هيفرق معاك تعرف على أي أساس؟

قالها وقد وقف بمكانه بفرض على عيسوي الوقوف بدوره ليرد:

- أظن من حقنا نفهم الشركة هتمشي إزاي، وده ميزعلش ولا إيه.

- وهو ده برضو اللي فارق معاك، ولا الحقد ماليك عشان أنا

أسحق وأنت لا؟

- بعد ما ادخلنا عشان ترجع بقينا حقودين دلوقتي.

- أنا محدش له فضل عليا يا عيسوي، أنا لو مكمل فده

بمجهودي.

"خلاص يا جماعة بقى استشهدوا بالله".

والزعقة من عبد الشكور فرضت على كليهما السكوت جبراً،

بينما نظر عارف للجميع وعقب:

- أعتقد الاجتماع انتهى، تقدروا تكملوا خناق بس في مكاتبكم.

جملة فرضت على مسعود الاعتذار وكذلك عبد الشكور بينما

استشعر عيسوي نفاقهم فقرر الخروج من الغرفة ومن بعده عبد

الشكور وكذلك بشير الذي طالع عارف بغيظ قبل أن يتركه مع مسعود ويغادر، التفت عندها عارف لمسعود ليقر:

- عايزك تكون قد المسؤلية، أنا اللي رشتك لقيروز، عايز قيادة من حديد، مش عايزك تسمح لحد أنه يغلط واللي يغلط عايزه عبرة للباقيين.

- حاضر، أوعدك إني هأكون عند حسن ظنك.

رد زاد من لمعة عين عارف وقد زادت ابتسامته وبخروج مسعود عاد النظر للمفاتيح مرة أخرى، وأمام ملف بشير توقّف، الوحيد الذي سعى أن يفهم فسأل، ولكنه قرّب بفرض سياسة "لغوش لغوش"، وسط ضجيج شجار مسعود وعيسوي تلاشى سؤال بشير ولم تعد له أهمية رغم أنه كلمة سر الأزمة.

عدة طرقات على الباب قطعت شروده فلباها هاتفاً:

- ادخل.

وجاءه من توقّعه، يحمل بيده أوراقا ومسودات أفكار لحملة الدعاية للـ "كميوند الجديد"، طريقة فرضت على عارف الشعور بالانتشاء، عبد الشكور يريد إثبات تفوقه وتميزه، عبد الشكور يريد أن يضع عارف أمام ما يفعله.

- ممتاز جداً.

قالها عارف ففرض على عبد الشكور السعادة بل هو كاد يلمس  
السحاب لإطراءه، شكره وأوشك على المغادرة لكنه عاد يطالعه  
بجدية وبنيته سؤال في هيئة طلب:

- دكتور عارف، هو جهاز توقيت جرينتش ممكن يغير حياة أي  
حد فعلاً؟

- أكيد، بس ممكن أعرف بتسأل ليه؟

- لأني عايز أدخل جهاز حضرتك، عايز أبقى بـ "توقيت جرينتش"؟

\*\*\*



### (13)

نقر نقرات طفيفة على مكتبها ثم همس: صباح الخير يا سندريلا،  
خفق قلبها بشدة وصددها أن فريد قد أتى للشركة فتلعثمت الحروف  
بشفتها وهي ترد:

- أنت هنا بنفسك؟

- أعمل إيه، روحت أتكلم في الفون رجعت لقيت سندريلا  
اختفت، ولولا إن عارف يعرف مكانها كان زمايني بادور عليها في كل  
بيت عشان أعرف أوصلها؟

تنهيدة طويلة مع بعض تلبك، بينما اقترب هو منها ليسألها عن  
حضورها لبروفات عمله، وكلما اقترب شعرت أنها سيغشى عليها،  
فلم تملك ردًا سوى الاستسلام لنظراته حتى قاطعتهما طرقات  
إسماعيل على باب مكتبها، عبست حين رآته وزفرت لظنها أنه جاء  
يتحدث بشأن بشير، وقبل أي تعقيب منها، حذق إلى من جاورها  
هاتفًا: دعيس.

- مين الراجل الخرفان ده.

- نعم!

قالت إسماعيل ثم جذب أذنه يسحبه منها وهو يهتف:

- أنت نسيت نفسك ولا إيه، ده احنا كنا عارفينك من ريجتك.

- أنت أكيد مجنون؟

قالها ودفعه بقوة أشعرت إسماعيل بالإهانة فبدأ زعيقه وقد رفع عصاه مُقررًا أن يضربه على مؤخرته بكل قوة، وصرخات الاستغاثة من فريد فرضت على الجميع الوجود، خرج عارف وعبد الشكور بينما هرول عيسوي وبشير ومسعود، ليتبع صراخ فريد هتاف صبا وزعيقها بإسماعيل دفاعًا عن فريد بينما أمسك فريد بعصا إسماعيل ليرميها مُقررًا سحبه من قميصه إلا أن يد بشير منعتة.

"إلا جدي".

والصدمة ارتسمت على وجوه الجميع حين قرر العادي أن يضرب وحش الشاشة الفضية، أين عضلاته الآن بعدما أوسع بالأمس عدة فتوات ضربًا؟ ولا يدري بشير كيف فعلها، لكنه استفاق حين وجد عيسوي وعبد الشكور يسحبانه سحبًا كي لا يموت فريد بيده، ألا يستحق ما فعله بشير بعض التهديدات من صبا، حدثت به مصدومة بينما هو بادها نظرًا بنظرة احتقار، وصوت فريد وهو يناديها كي يستند عليها انتشلها، وقد مد يده لتلتقطها يدها بينما حاول الوقوف مستندًا على كتفها وهو يزعق:

- إن ما وريتكم يا كلاب مبقاش أنا فريد أبو العزم.

وكاد بشير يضربه ثانية لكن يد عيسوي منعتة قالتف راحلًا لكتبه إلا أن صوت عارف استوقفه وقد تحدث لمسعود:

- أظن موقف رَبي ده لازم تقابله بجسم وإلا دي مبقتش شركة.  
والنفت مسعود حوله وكأنه يتأكد أن الكلام له ثم طالع زملاءه  
ثم نظر لعارف ليجده يأمر:

- خصم لبشير لسوء تصرفه وعازب أمضي الخصم قبل ما أمشي.  
والإجابة من بشير جاءت حادة ومحددة:

- بأي سلطة هتمضي يا دكتور عارف وأنت ملكش أي  
اختصاصات هنا.

ولأن الكلام حق أكمل:

- عشان كده مسعود اللي هيمضيه بنفسه وأشوفه على مكتبي  
قبل ما أمشي.

قالها وعاد لغرفته تاركا مسعود يواجه الثلاثة صامتا تطلع لعيونهم  
بخجل وقد شعر بالارتباك بينما حدق الثلاثة إليه منتظرين رؤية ردة  
فعل مدبريهم الجديد حتى أولاهم ظهره وقال بحدة اجتهد اصطناعها:  
- مخصص منك 3 أيام يا بشير عشان تتعلم تحترم المكان اللي أنت  
شغال فيه.

والنفت راحلا لمكتبه تتبعه نظراتهم وخيبة الأمل.

\*\*\*

حين تكون الرؤية ضبابا والجنون هو المحرك للعقلاء، هل علينا  
توقع التصرفات، أم أن المتوقع سيكون ما تم دفعك إليه؟ والزعقة  
كانت من عيسوي حين اجتمعوا بمكتب بشير:

- واطي ولو سييتوني عليه وربنا...

وقبل أن يكمل قاطعه عبد الشكور عله يهدأ:

- مسعود معذور برضو، بشير أهوز وو.....

ثم لاحظ نظرة إسماعيل وقد التوت شفتاه، فزفر عندها وآثر الصمت، ومن قرر أن يتولى الرد عليه كان عيسوي وقد أكمل زعيقه: - آمال كنت عايزة يعمل ايه مع واحد بيستظرف على خطيته.

- كانت وكل واحد راح لحاله، أنا ضربته عشان مد إيده على جدي ويس.

قالها بشير بحسم فرد عيسوي بغيط:

- أنا مش قادر افهم ازاي ده حصل، أنت وصبا كنتم بتحبوا بعض جداً

- لا يا عيسوي، صبا اتغصبت على الموافقة، فكان طبيعي عند أول فرصة تفسخ الخطوبة، وطالما عرفت أنها رافضة فعند النقطة دي مفيش كلام.

وكلماته صفعت عيسوي واستشعر وكأته يحكي عن شجن وعنه، هتف قلبه شجن ليست صبا، فعقب عقله وما أدراك أنت!

- وحتى لو اتجوزنا بالغصب زي الأفلام والروايات، فمش هتحصل قصة الحب الملهلية، عشان الجواز مش لعبة، ومهما كان في

حب مع اختلافات كبيرة وعقول بتخبط في بعض، أولادنا اللي هيتعبوا.

وكلماته صفعت عبد الشكور واستشعر وكأنه يحكي عن رنا وعنه، هتف قلبه رنا ليست صبا، فعقب عقله وما أدراك أنت! قاطعهم اتصال دكتور بغدادى يسأل إسماعيل عما جرى ولم يملك إسماعيل إجابة، ولم يملك بغدادى إلا الإلحاح بكل رجاء أن يجتمعا بمزله ويتحدثا بشأن بشير وصبا.

وكغريق سعى خلف قشة، منى نفسه لو أنقذته لكن الصاعقة كانت بوصول صبا بعدما قام فريد بإيصالها حتى باب منزلها، وصعدت لتجد والدها بجوار إسماعيل وبشير، فلم تجد إلا المهجوم مبدأ.

"طبعاً قالولك إني كنت مع فريد وخرجت معاه وروحت معاه الاستوديو، ما هو الأستاذ بشير فاكرني طفلة فجاي يشتكيني لبابا عشان أحبه بالعافية، مش كده".

وقف بمكانه وتطلع لعينيها وهي تطلعت بدورها وأردفت:  
- إفهم بقى يا بشير، أنا عمري ما هاحبك، أنا باحب فريد، سامع، باحب فريد.

وصفعة والدها كانت أبلغ رد تسمرت بعدها بمكانها وهي تظالعههم بغضب، وكاد يعيدها لولا أن بشير قرر منعه وسعى لتهدئة الموقف أمراً صبا بتركهم.

هوى بغدادى على أقرب مقعد، تطلّع لصبا ثم عاد بنظرة لبشير ثم هتف فيها:

- فرحك على بشير هيكون بعد شهر من دلوقتي، هتجوزوا معايا هنا لحد ما شقتكم تخلص، وده قرار نهائي.

تركهم واتجهت لغرفتها ناقمة على والدها، بينما شعر بغدادى بالانكسار، من قال إنه هو من صفعها بل هي فعلت، بكل ما ملكت من قسوة وغباء وحدة، لا ليست صفعة بل طعنة.

أغمض عينه عليه يُخفي لوعته ثم ترجى بشير:

- أرجوك أرجوك يا ابني، بلاش تتخلي عنها، أنا عارف أنك معذور، بس....."

وكاد يبكي إلا أن إسماعيل منعه ورد:

- إهدأ يا دكتور، الأمور متتحلش كده أبدًا، ادخل لبنتك واتفاهم معاها، وخرج بشير من الموضوع، أنت بطريقتك دي بتعقدها، حاول مرة وعشرة، لحد ما الأمور تهدأ.

وهذا ما تمناه بينما هي كانت تنهي اتصالها بعارف بعدما طلبت منه مساعدتها لأنها ستترك المنزل وباجة لمكان بديل، ولم يرحب فجسب بل حدد لها ما ستفعله حتى ترحل.

\*\*\*

مساء اتجاه عارف لفيلا فيروز، طرق الباب ففتحت إحدى الخادومات وقد طلب مقابلتها بعدما توجه للصالون، دقائق ووصلت لتستفاجأ بوجوده، ما الذي دفعه للمجيء؟ والإجابة اتضحت حين دار الحديث، إقرار التملك كان بحاجة لإمضائها.

- إيه اللي جابك هنا.

- ده بدل ما ترحي بيأ ترحيب يليق بالوقت اللي قضيناه مع بعض.

"هوووووووش".

هتفت بها وهي تضع يدها على فمه، فإذا به يُقبِّلُها، طريقة فرضت عليها المزيد من الارتباك وقد شعرت بالخوف من أن يلاحظها الخدم، فأوصدت الباب وعاد تقف على مقربة، تجاهد نفسها أن تبدو قوية، وكادت تبدأ كلامها وتهتف فيه أو تزعق:

- انسى اللي حصل بينا.

إلا أنه أجمها، جذبها ل صدره وطالع عينيها بقوة وهمس:

- عايزك تعرفي إن اللي بيدخل عالم أبو العزم بمزاجه يوم ما يقرر يخرج يبقى بمزاجي أنا، أنا اللي أسمح أو لا.

- أنت عايز مني إيه؟

- عايزك، أنت.

- اللي حصل ده كان غلطة، لحظة ضعف مستحيل تتكرر، أنت سامع، مستحيل.

- لا هتكرر ودلوقتي، مش بمزاجك، بأمرى.

والحديث لم يكن زعيق بل فحيحًا فرض على جسدها رعشة، ما عادت فيروز تملك قوة، جاهدت أن تصطنع وفشلت، فبكت عليه يدعها لكنه عاندها، لقد زاد ضعفها من اشتهاها.

قاومت، حاولت، فشلت، انهزمت، انكسرت، سقطت.  
هل اكتفيت الآن؟

"لا".

ودموعها كانت الرد الأبلغ، لكنه لا يبالي الدموع وأصحابها.  
"وآخرها"

- بكرة هتعرفي آخرها، عايزك تعدي عليا بكرة الساعة 8.

- عارف أنا...

وقاطعها بيده وقد مسح بعض الدموع التي تجمعت بعينها  
وأكمل:

- هاكون مبسوط منك لو جيتي في معادك بالظبط، أنا أصلي  
باحترم جدًّا الدقة.

وقالها وخرج لتهوي هي لأقرب مقعد، ضاعت فيروز، ضاعت  
للأبد.

\*\*\*



مقال الخميس.

ألم تكشف بعد يا بغدادادي؟

والسؤال من شكري أجابه بغدادادي:

- مش هارتاح إلا لما أخط الناس قدام الحقيقة.

أهذا بصدق ما يظنه، أن من يقرأ مقالاته يسعى خلف حقيقة يريد.

- كفاية لحد كده يا بغدادادي، سيب عارق في حاله وركز في مشاكلك مع صبا أحسن.

لكن البطل المغوار لم يُعجبه، إن لم يحرر البطل الجميع من الأسر فمن سيفعل؟

وبغرفتها كانت صبا تتحدث لعارف وقد دبّر لها أمر تركها للمترل ستغادر بالغد وتُفاجئ والدها!

\*\*\*

عاد لمترله تسبّقه رائحة تبغ الذي ما عاد يفارقه، البيت على ما يرام وكان درة أو كما يقول هو هازنًا "سوبر درة" قادرة دومًا على فعل كل شيء:  
"ملل".

إنها تحترق كالعادة حتى لا يزق أو يتشاجر وكلما فعلت كل ما هو فوق طاقتها كلما فرضت عليه البحث عن صغائر لا تذكر، تتفادين الشجار، حسنًا.

وجد كوبًا زجاجيًا على مكتبه منذ الأمس فدفعه متعمدًا كسره  
والآن فلنبداً الشجار.

"طبعًا، ولا في دماغك تشيلي الكوباية وأهي اتكسرت بسببك  
وبسبب إهمالك، اتفضلي بقى تعالي لمي اللي اتكسر ده".

والزعيق من قوته باتت الجيران تلعنه وتلعن عشرته أكثر منها  
هي، وعلى إثر الصوت استيقظت إحدى بناته فزاد زعيقه لأن صوت  
بكاء بناته بات يضايقه.

— لمي اللي في إيدك ده وسكتيها، مش ناقص صداع.

— حاضر.

ردّ خانع مستسلم يخرج من فمها وقد اختلط بكل مرارة بات  
يحملها قلبها.

— فين الغدا يا ست هانم؟

— حاضر يا مسعود هأسكت البنت وأحضر الأكل.

قالتها باستجداء باك فزفر هو وظل يزعق:

— نكد نكد نكد، نكدية شبه أملك، دي عيشة تقصر العمر يا

شيخة، الله يلعن اليوم اللي عرفتك فيه يا بنت عطيات.

وبقية اليوم يمر بروتابة أكبر، هو بمكتبه يدخن سجائره، مُنكبًا على

عمله وهي مع بناتها.

واليوم قد ينتهي برغبة تدفعه نحوها تقابلها هي باستسلام جثة

هامدة بين يديه، ربما نائمة من شدة تعبها وربما ما عاد الأمر يعينها

كي تتجاوب، وبالحالتين هو يكره نفسه، هي لا تدري أنها اختارت  
أشد طرق العقاب عليه، كل تصرفاتها تشعره أنها ضحيته، فيزداد  
سوء سلوكه عليها يوماً ما تنور أو تغضب.

\*\*\*

اليوم هو الموعد المتفق لشراء الشبكة، وفرة أخرى يلوح سؤال  
بالأفق، هل تم إجبارها؟

كانوا على عتبات الخروج، حين بدا وجهه متجهماً فاستشعرت  
مشيرة ضيقه، ظنت أن طلب إسماعيل السب فقالت بحسم:

- أوعى تكون فاكّر إني موافقة.

استوقفته كلماتها، وقبل أن تكمل منعها وعقب:

- مين قالك إن موضوع إسماعيل مضايقي، بالعكس أنا باتمنى أنه  
يتم لو هتكوني مبسوطه، الحاج إسماعيل راجل أنا حبيته من قلبي  
وحاسس أنه....

كانت مرتبكة لدرجة أن وجهها تبدل للأحمر القاني ونظرت أرضاً  
عندها ابتسم وهو يكمل:

- عمومًا الحاج إسماعيل قال براحتك، استخيري وفكري ولو  
موافقة أنا موافق، المهم عندي أشوفك مبسوطه.

قالها وقبل جبينها وعندها استوقفته هي لتسأل:

- طيب إيه اللي مضايك؟

واصطنع المزاح وتفادى إجابة سؤالها وبمحل الصائغ لم يشغله إلا متابعة شجن وتصرفاتها.

- في حاجة عجبتيك؟

سأل بانتظار إجابتها ليتفاجئ بردها:

- مش فارقة أي حاجة.

ظلت تطالع المعروضات بلا مبالاة واضحة ثم تابعت:

- تعرف إن المشاوير الرسمية في الجواز دي دمها بيكون ثقيل قوي.

هي قالتها بعفوية وكعادتها "دبش" كما تنعتها فاطمة، زاد ضيقه فتركها واتجه حيث الدبل ووقف يشاهدها وحده، جاورتها وقد وقعت عيناها على ثنائي أمسكته من مكانها وهي تقرر:

- دول حلويين قوي.

- دول لازوردي يا آنسة ضعف التمن من الدبل العادية.

قالت الصائغ فوضعتهم من يدها وهي تقرر:

- تمام.

- لو عجيوكي ناخذهم.

- لا طبعاً، على إيه يعني، القصة مش مستاهلة، خيلنا نجيب أي

حاجة وخلاص.

- هي دي خطوبتنا في نظرك، مش مستهله ومش فارقة.

- لا أنا قصدي...

التفت خلفه ينادي مشيرة وفاطمة ويقرر:

- شوفوا اللي يربحكم وأنا هارجع ادفع.

ثم ترك المحل برمته وخرج، ما الذي ينتظره؟

تلك اللحظة التي ستقذف فيها الدبلة بوجهه وقد جاورها غيره،  
وبعينها هي تفرقت بعض الدموع وقد خشيت أن تكون المرة  
الوحيدة التي وافقت برغبتها قد تسرعت في قرارها، لاحظتها مشيرة  
فقررت تلطيف الأجواء وقد ساعدتها لتختار بينما فاطمة تغلي، لم تختار  
ابتتها شبكة غالية كما تمت.

\*\*\*

ساعة الصفر ستكون عند التاسعة مساء غدا الجمعة، ولحظة  
البداية هي الآن.

فستان أرجواني صارخ حوى جسدها وانساب بنعومة تغوي  
الحجر فما بالك برجل؟

وقور خلوق يتقطر منه الاحترام كحبات المطر، لكن إغواءه ليس  
بمعضلة، فقط ستمايل بغنج بجوار سيارته ثم تسقط أمامه على إثر  
شعور مفاجئ بدوار، عندها سيتوقف عنوة ويهرول من سيارته كي  
يطمن عليها وهو بصعوبة يتحكم في انتفاضة أعصابه، لظنه أنه  
صدمها، وما إن يراها حتى تزداد دهشته:

"مدام فيروز".

قالها متفاجئاً وقد تأكد حين طالعها أنها هي رغم أنه لم يلتقها إلا مرات قليلة لكنه عرفها، تأوهت وهي تستند على كتفه، فساعدها حتى تقف على قدميها ثم سأل:

- أنت كويسة؟

- أنت تعرفني.

- أنا دكتور بغدادى والد صبا يا مدام فيروز.

- آه، آسفة، أنا أصل عربيتي عطلت و....

بدت منهكة فلم تكمل فعقب هو:

- لو تحبي أوصلك في أي مكان أنا تحت أمرك.

وهو المطلوب يا دكتور، جاورتَه ثم أملتَه العنوان وظلت صامتة، تحرك هو حتى وقف عند أقرب مشفى كي يطمئن عليها، وذوقيات كنتك ستستوقف اي امرأة، وطريقته زادت من شعورها بالذنب هل ستسلمه لعارف بالفعل؟

واصل سيره عندما تحججت بأنها فقط مرهقة وقبل الوصول قطعت هي الصمت وسألته:

- لسه مُصر تكمل المقالات اللي بتكتبها يا دكتور بغدادى؟

- بتقريها؟

- أكيد، بس مش كل الناس هيفهم أو يستوعب اللي أنت بتكتبه.

تنهد بضيق ثم أجاب وسط شروده:

- لو: وسط كل مية، واحد بس هيستوعب اللي باكتبه فده مكسب.

- أنت بتأذن في مالطة.

- يبقى كسيت ثواب الأذان، ثم إن الحق ربنا بينصره وبينصر أصحابه دائماً.

- تفتكر؟

قالتها وقد وصلا عند منزل عارف وتوقفت السيارة، فلم يجيبها لأنه لو يدرك الإجابة لقالها، اضطربت لوصولهما ثم طلبت بتردد:

- إيه رأيك في فنجان شاي ونكمل كلمنا بس في بيتي.

- إعفيني مش هأقدر أنا أصلي عندي ميعاد و....  
"أهلاً".

قيلت بصوت أجش وسمعت بصعوبة من خلف نافذة السيارة، فضغط على زر نزول الزجاج أوتوماتيكياً فتجلت الصورة شيئاً فشيئاً:  
- عارف.

- أهلاً بيك في بيتي يا دكتور بغداددي.

صدمة لم تكتمل لأن الرؤية بعدها تشوشت، بأقل من دقيقة انغرس بوريده حقنة خدرته، وأمام فيروز سحبه وعلى جهازه صفده، ولم تحشئه فيروز بلحظة كما باتت تحشاه الآن، فبخلاف بروده كان يندندن وكأن ما يفعله يمتعه.

- أنت هتعمل فيه إيه؟

سألت بخوف فأجابها مبتسماً:

- هأثبتله أن توقيت جرينتش حقيقة مش خيال.

بدأ بتثبيت كل قطع الجهاز حول رأسه بينما ارتعدت هي وانكمشت بأحد المقاعد سائلة:

- هتقتله؟

- لا، هاحدد لعقله اللي هيعمله، هيزني ومن صدمته في نفسه هينتحـر.

قالها بهدوء واقترب منها وهو يؤكد:

- وهيعمل كل ده وهو في كامل وعيه.

- وأنت هستفيد إيه من انتحاره، ثم وارد محدش يصدق إنه انتحر، وساعتها ممكن أي حد يشك فيك.

ردت بتلعثم وهي تبكي وكأنها تستجدي الرحمة لها ولذلك المصفد

- ومين قالك إني عايزه انتحار، أنا عايزها جريمة قتل متكاملة الأركان والقاتل عندي.

- مين؟

- بشير

**"All operations completed successfully"**

وقاطعهم صوت جهازه ليؤكد، كل العمليات التي أضافها لعقل بغدادي نجحت، وآخر حساباته كان زعيقها:



- أنا مش ممكن أساعدك أبدًا في جريمة زي دي، أنا مش ممكن  
أنزل للمستوى ده أبدًا.

قالتها ودفعته لتجري مبتعدة لكنه جذبته من شعرها وإلى قبضة يده  
أعادها وفي أذنيها كان فحيحه:

- طريقك وأنت اللي اختارتيه ولازم زي ما بدأ يكمل، بغدادى  
لما يفوق هيكون معاكى أنت.

- اخرس، مش بنت عز اللي تبقى مومس عشان رغبات مريض  
زيك.

- فات الألوان يا بنت عز، يا أما تنفذي اللي بأمرك بيه يا أما  
بكرة الصبح هيكون في فيديو طريف قوي ع اليوتيوب لصاحبة  
شركة الفيروز اللي قدمت نفسها بمنتهى الرخص لعارف، بس ساعتها  
مش هتكون هي دي الحقيقة، لا!

دار حولها وهو يكمل:

- الحقيقة هتكون صاحبة شركة بتستخدم الدعارة عشان تحسن  
علاقتها وتأخذ شغل لشركتها، وفوق الكلمة عشرة لا مية، وأنت  
عارفة الفضايح في بلدنا، شرارة صغيرة وبعدها الناس هتكمل.

"ارحمي، أبوس رجلك".

قالتها وانكبت أرضًا فوق قدمه تقبلها منهارة، وعندها أقر من  
عليائه بتشف:

- أول ما يفوق هتلاقي منه تجاوب واستعداد لعلاقة تجمعكم،  
هتطلعي بيه الأوضة اللي فوق، وبعد ما أصوركم هاعمل تقويه على  
صورك، وهارفع الفيديو بكرة، وبعدها مفيش بيت في مصر مش  
هيتكلم عن بغداد دي أيوب.

\*\*\*

### مقال الجمعة

ألا يزال هناك من يقرأ، أو حتى مهتم ليعرف؟  
استيقظ من نومه بتململ يجاهد عقله تذكر ما كان بالأمس، يقاوم  
شعوراً قوياً بالخزي فالقديس قد سقط في شباك شهوته، ظل يجوب  
الغرفة بخوف ممزوج برعب وضدمة، كيف باع أخلاقه، بل لم يفكر  
بأبنته، بالأمر خطأ، كيف حدث؟ ربما كان يحلم.

طرقت صبا باب غرفته لتخبره بتحضيرها للفتور وقد بدت  
ودودة فذب الأمل بداخله؛ هل ستقتنع بالعودة للبشير؟

ومع أذان الجمعة اغتسل وبدّل ثيابه وودعها قبل رحيله بقلبة  
فوق جبينها ودعوة أب لا يتمنى إلا صلاح أحوالها، بينما جمعت هي  
كل أغراضها وبدلت ملابسها لترحل وقد قررت أن تترك له رسالة  
مفادها احتقاره على أفعاله كافة، لأنه ببساطة سقط من نظرها.

وطوال وقت الصلاة وحتى بعد خروجه، لا شيء يضاهي الهمز  
واللمز من حوله، نظرات احتقار، سبة دون سبب، بصقة لأنه مر من  
جوار أحدهم وبمدخل البناية اجتمع كل الجيران وراحوا يزعمون

وجوده بينهم، والرجل لا يفهم ما الذي حدث، تتصاعد نبرات الحدة بالهتاف:

"اقتلعوا الشجرة الفاسدة من جذورها، طهروا البناية واقدفوا القمامة بعيداً عنا وعن أبنائنا، وكاد يُضرب من أحدهم فأسرع إلى بيته يركض وقد ارتعدت فرائصه".

ينادي صبا ولا حياة لمن ينادي، فقد رحلت.  
وانهار أرضاً يقرأ جوابها ويكي بكل قهر، ابنته تركته ورحلت  
مستعينة يعارف أبو العزم ولن تعود لأنها على يقين من انحلاله.  
فهل انتصر عارف؟ انتصر على صاحب الحق؟ انتصر على  
صاحب القضية؟

كيف؟ ولماذا؟ ولم؟

أليس من حق الخير أن ينتصر، بل ألم يقسم الله بنصرته؟  
أنا عملت إيه غلط؟

وجاءه اتصال كان يحمل الإجابة؛ هل اكتفيت يا بغداددي؟  
"عارف".

هل حقاً تريد إجابة، إذا أدرك شيئاً واحداً، إذا أردت اللعب مع  
الشیطان فعليك أن تتحمل مزاحه.  
"عارف".

وهذه التمتمة كانت منه لمن وقف أمامه ففرض عليه الخوف وقد  
جذبه من ملابسه ليقف ثم تطلع في عينه ولم يجرؤ بغداددي حتى أن

يسأله كيف دخل إلى شقته، وكأنه بات يعرف الإجابة، لا شيء  
بإستطاعته الوقوف أمام عارف أبو العزم، استنتاج رآه عارف في عين  
بغداددي فتمتم عندها:

- هايل بس يا خسارة، فهمت متأخر، بعد ما خسرت كل  
حاجة.

- فين صبا يا عارف؟

قالها بضعف بينما دفعه عارف ليجلسه على أحد المقاعد ثم استهزأ  
بضعفه وأجابه بسخرية:

- أنا اللي المفروض أسألك، فين بنتك يا صاحب الفضيلة؟

- أنت ضحكت عليها، اقنعها قروب، شوهت صورتي في عينيها.

- وأنت كنت فين وقتها، ليه ملحقتهاش، ليه سيبتها تضيع.

وطالعه بأسى ولم يملك إجابته فأكمل عارف وقد زادت نبرته  
استعلاءً:

- البطل مش لاقى مبرر لسقوط بنته، ولا غروره هيمنعه يعترف  
أنه كان السبب، بكذبه وتحاييله واتهامه للشرفا بالباطل.

زعيق فرض على بغداددي الزعيق: مسير الناس هتعرف حقيقتك،  
أنا عمر اثماني ليك ما كانت بالباطل.

- تبقى بتجلم لو راهنت على الناس، الناس عايزة اللي يلهيها،  
الناس عمرها ما كانت عايزة الحقيقة، أنت أذنت في المألظة زي ما

قلت، بس تفتكر ثواب الأذان ممكن يكون كافي عشان يمحي خطيئة  
أنك زاني.

وهاله ما سمع

"زاني"؟

- أنت كذاب وحقير وضاللي.

والفيديو المصور حين وُضع أمام عينه ألزمه السكوت مصدوماً:

- مستحيل مستحيل، أنا مكونتش في وعيي، أنت أكيد خدرتني،

أنا مستحيل أعمل كده، مستحيل.

- فعلاً، أنت مكونتش في وعيك، كنت تحت تأثير برمجية جهازي

لعقلك، كنت بتوقيت جرينتش.

وتبادلا عندهما النظر بغدادي ناقماً وعارف مستهزئاً، يتطلع من

عليائه بمن أدرك هزيمته.

"لو فعلاً بطل وصاحب مبدأ، اخرج للناس وواجههم، قولهم إن

كل تصرفاتك كانت بسبب إن جهازي حقيقة، وساعتها برضو

هتقول من نظرهم".

ساد الصمت لحظات، نكس فيها بغدادي رأسه فسأله عارف

هازئاً:

- اهزمت.

دار حوله يكمل وقد زاد تهكمه:

- تَو تَو تَو، معقول يكون ده مصير الحق، ومصير الراجل اللي عايز الناس تعرف الحقيقة، طيب إزاي؟

فخّ وعارف أحكم شراكه والضحية ما عادت تملك ما تقوله، وضع على المنضدة التي تقابله مسدسًا وأشار إليه به وهو يُحدد:

- تقدر تقرر اللي جاي بنفسك، إيه رأيك؟

ودار حوله مرة أخرى وهذه المرة كانت جملته الأخيرة:

- لو خسرت كل حاجة كانت تستاهل في حياتك فإيه قيمة أنك تكمل طالما مفيش فايدة، متخيل أنك تقدر تغير الكون، لا فوق لنفسك، إبليس قدر يخرج آدم من الجنة، وطول ما الدنيا ماشية هيفضل الصراع دايّر، بس البقاء يا دكتور عمره ما هيكون للمبدأ، ولا للحق ولا حتى للأقوى، فوق وافهم، البقاء دايماً للأذكى..... يا غبي.

وجثا بعدها بغدادي على ركبتيه وقد نكس رأسه، انهزمت يا بغدادي وانتصر عارف لأنه صاحب الرؤية، لأنه لا يعرف اليأس ولأنه لا يتراجع ولا يتسلم، انهزمت يا ابن أيوب انهزمت، انهزمت.

قالها وتعالّت صرخاته بينما تركه عارف وأوهمه برحيله ليهاتف بشير، رنين فرض على اعتماد سحب الهاتف والإسراع لغرفة إسماعيل لتخبره معقبة:

- رد أنت عليه وقوله يبعد عن بشير ويسيبه في حاله بقي

وحين رد إسماعيل لم يمهله بغدادى أي كلام، سوى رجاء بدى في غاية الإذلال لبشير كي يأتي إليه، وصوته فرض على إسماعيل القلق فقرر أنه سيذهب لبيته ليؤازره وعندها، أنهى عارف التسجيل الصوتي ومن ثم المكالمة، سيأتي بشير، ولكن هل سينتحرر بغدادى؟  
قرر الاختباء والمراقبة بينما بغدادى طالع المسدس شاردًا.  
"بغدادى".

نداه إسماعيل حين وصل، ولكنه لم يسمعه واللحظة مرت أسرع من ظن إسماعيل حين وجد المسدس بيده وهو يهذي باسم صبا ويلعن نفسه ويمدح عارف وذكاءه.  
"بغدادى".

صرخة لم تكن كافية من فم إسماعيل لإيقاف من يئس، لقد مات الأمل بقلب بغدادى وموت الأمل لم تعد للحياة برمتها أهمية، أنهى حياته ولم تكن سرعة إسماعيل كافية حين قرر دفع المسدس من يده أو إسعافه وهو يهتف فيه:

- ليه عملت كده ليه؟

وصوت صراخاته بجوار صوت الرصاص كان كفيلاً لتجمع الجيران والاتصال بالشرطة مع يقين أن إسماعيل هو من فعلها!  
أحقًا انتحر بغدادى؟

والإجابة نعم، هُزم لظنه أن الصبر والاستسلام من الممكن أن يكونا وجهين لعملة واحدة.

لينسج القصة ذاتها وإن اختلفت تفاصيلها، قصة كل بطل اتجه  
لحلبة الرمال قاتل الباطل دون عُدة فصارح حد نزع الروح من الجسد  
وعند الهزيمة سأل؛ أين وعد الله بالنصر، صمت الجميع فزادت  
حيرته، لكنه بموته اختبر، النيات وحدها ليست كافية.

\*\*\*



## (14)

"إن كنت تعلم قدراتك وقدرات خصمك فما عليك أن تخشى من نتائج مائة معركة، وإن كنت تعرف قدرات نفسك وتجهل قدرات خصمك فلسوف تعاني هزيمة ما في كل نصر مُكتسب، أما إن كنت تجهل قدرات نفسك، وتجهل قدرات عدوك... فالهزيمة المؤكدة هي خليفك في كل معركة".

سون تزو.

هل انتحر البطل؟ ترك الساحة فارغة أمام عدوه ويئس!

أم أن الجميع هم من تخلوا عنه؟

هل صدقت نيته أم أنه استحق مصيره لأنه كذب؟

بغدادى لم يكذب على أحد، لا بل كذب على نفسه وتلك هي

المعضلة!

ولم تكن نهايته وحده، فثمة بريء بات خلف القضبان بتهمة قتله،

ولن يصدق أحد لو صرخ ببراءته وعلى رأس القائمة جيرانه.

يقولك.....

يقولوا.....

"إسماعيل كان مبيت النية عشان ينتقم منه بعد اللي عملوه هو وبنته في بشير".

"بغداد دي أصله زبالة، ستات داخلية وستات خارجة وإسماعيل ميعجبوش الحال المايل".

"اللي اسمه بغداد دي ده يستاهل القتل وإسماعيل يستاهل السجن".

ونقطة ومن أول السطر، هي ليست شماتة في الدم إنما هو إعلان بمصير مستحق لكليهما، وبكل عقلانية لو كانوا أبرياء لظهرت براءتهم، لو كانوا على الحق لكان نصرهم.

ولولا الشدائد ما كنا لنعرف حقيقة من هم حولنا، من يناصرنا ومن يتخلى عنا، وذلك ما أدركته مها حين قررت حماها أن تُكره حسن على فسخ الخطبة والحجة لن يتزوج الدكتور من حفيدة قاتل.

وبين عشية وضحاها، تلاشت الأحلام، خطبة تم فسخها وأخرى توجب عليها أن تُقام بجوار بيت مها، ذاك بالطبع مراعاة لعشرة والجيرة، ولكي يتسنى لها أن تتطلع من نافذة منزلهم لترى حسن وقد كسب رضا والدته وعروساً جديدة، ولم تبك كما توقعت بل فرضت على والدتها الدهول حين بدلت ملابسها وقررت أن تهنئ العروستين بنفسها، توجهت بكبرياء وسط المدعويين حتى وصلت إلى والدته لتبارك لها وله ولعروسه رغم كل همهمة وتمتمة، حفيدة إسماعيل أرادت أن تعلن أنها لن تنكسر، موقف فرض على بشير مجاورتها خشية أن يضايقها أحد بكلامه، وما إن رآه حسن حتى كادت

الحسرة تُمزق كيانه، لن تكون مها من نصيبه، أدرکها حين رحلت بجوار بشير، وزاد يقينه بما حين تعالت الزغاريد من والدته عمداً لتؤكد أن غيرها ستكون زوجته.

ولم يبد على المتجاورين في الصمت التأثر، منذ سجن إسماعيل وقد باتت كل تصرفات الناس من حولهم متوقعة، فالأغلبية تأثرت بحوارات "الميديا" وبرامج "التوك شو" التي صورت بغداد دي وإسماعيل على أهما خلاصة الشر بالكوكب ومن لم يصدق كانوا قلة خشيت الإعلان عن موقفها.

- لقيتي شغل؟

سألها بشير فلم تنبه فأعاد السؤال بصوت أعلى كي يقطع شرودها فأجابت:

- من يوم ما صاحب الصيدلية مشاني وأنا لسة بادور.

كانا قد وصلا عند منزلها فتوقف مُقررًا ألا يصعد ثم أكد كي يطمئنها:

- إن شاء الله قريب هتظهر براءة جدو، مش عايزك تتأثري بكلام حد أو ترعلي، ولو احتاجتي لأي حاجة فأنا جنبك.

أومأت رأسها في تفهّم وابتسمت وقد قررت أن تضع النقاط فوق الحروف فقالت:

- أكيد يا بشير، أنت أخويا، أخويا اللي طلعت به من الدنيا.

جدية فرضت عليه أن يفهم، هو لن يكون البديل لحسن وهي لن تكون البديلة لصبا.

\*\*\*

لم تكن تدري أنها ستبكي كل هذا البكاء على رحيله، فالراحل بنهاية المطاف والدها، ربما كان عليها ألا ترحل ألا تتركه وحده لذلك النذل إسماعيل ليقتله.

كانت تمذي وهي تلعن وتسب إسماعيل وبشير واللحظة التي دخلا فيها على حياتهما، بينما عارف وفريد يسعيان لمواساتها، ولن تنكر أن عارف وفريد كانا نعم الأهل بعد رحيل والدها، نعم الرفقة وتعويض القدر لها بعد قرار تقديم استقالتها من شركة الفيروز لأنها لا تريد رؤية ذاك الحقير بشير بعدما قتل جده والدها، ولكن إلى متى ستظل معهما دون عمل أو مسكن، وهنا ظهر "مستر باسم" وكان له دوره وهو يشير إلى هيثم:

- الأمورة اللي مع فريد على طول دي يا ترى إيه سكتها.

والنظرة من هيثم لصبا فرضت عليه بعدما حدّق بتدقيق أن يهتف: - أشوفها لك يا باشا؟

وهنا قد فهم ما يجب عليه فعله.

\*\*\*

رحل وتركها، ولم يتسن لها أن تخبره أنه كان يذكرها بوالدها، لم يتسن له أن يشرف على رسالتها وقد كانت على عتبات فك شيفرة

كل ما يحدث، لنظل الأسئلة معلقة بالهواء دون إجابة تاركة صاحبها في مقدمة طريق بلا وجهة، والنداء من آلاء فرض عليها الالتفات لرؤيتها، فركت وجهها واعتدلت تمسح بقايا دموع لم تعد تفارقها، ففرضت رؤيتها على آلاء أن تجاورها مربتة على كتفها وهي تقرأ:

- مهما كان اللي حصل هيعدي، فاكرة الجملة دي، دي جملتك المفضلة، لا استني وفي كمان واحدة بس عميقة، لعل الخير يكمن في الشر.

وطريقتها فرضت على أيتن أن تبسم وعندها جذبتها من ذراعيها لتخرج من غرفتها وهي تهتف:

- أيوة كده ابتسمي، ده أنا أصلًا حضرتلك الغدا بنفسي. وأمام منضدة تحوي (تونة وبطاطس مقلية وعدد من أرغفة الخبز) وضعتها وقد افتخرت بما صنعت.

جاورتها تحاول نفض تفكيرها في كل ما حدث إلا أن الجملة ظلت تنبُ برأسها على مدار أيام، وكأنها تُمني نفسها لو استطاعت أن تفعل شيئًا، ومع التفكير بدا لها سؤال آخر وجب عليها طرحه.

ما الذي على أصحاب أي قضية أن يدركوه؟

"ربما ألا يظل دورهم محصورًا على الدفاع ضد الهجمات، بل يحتاج ذلك الدور الضعيف إلى التغيير".

كيف؟

وهذا هو السؤال الأصعب، فالكل يريد المخلص والجميع يخشى المبادرة.

ورأسها كاد ينفجر فقامت من مكانها، أعدت كوبًا من الشوكولاتة الساخنة وخرجت للشفرة ظلت تطالع السماء، ومع كل رشفة زفرة وقد تساءلت بحيرة:

لماذا مات من قرر أن يواجه عارف؟

بل لماذا مات بتلك الطريقة البشعة؟!

هل كان الأمر مدبراً؟

غادرت الشرفة وفتحت حاسوبها وكتبت على متصفح "جوجل"

ساخرة من نفسها:

"كيف يفكر عارف أبو العزم؟؟"

وأجابها جوجل بكم صفحات متناثرة عليها مقالاته وكتاباته

ومقاطع فيديو له، هل عليها أن تقرأها:

"لَمْ لَا"

قرأت وسمعت حتى بدا لها أنها قد تقتنع بكل ما يقوله، فالرجل

يملك ملكة إقناع قوية، استمرت تُمني نفسها نهاية لما تفعل، تلوم

نفسها وتؤنبها ورغم ذلك مستمرة حتى توهج عقلها بسؤال، لو أن

كل ما سبق صحيح، فكيف تكون خطط المواجهة؟

أنشأت ملفاً وأسّمته "لمبة" وأنارته فكتبت:

الحرب خدعة؟! ولكن أين هي الحرب؟!

تلك هي الخدعة!

\*\*\*

وطيلة الليلة التي تلت وفاة بغدادى لم تفارقها الكوابيس، فعجزت عن النوم، وعلى مدار عدة أيام بعدها لازمها الخوف وبجواره إدمان الحبوب المنومة والمهدئات، فما إن تغفو حتى تراه قادمًا "إنه عارف لا بل هو بغدادى وعاد لينتقم، لا بل الشرطة وقد كشفت أمرها".

ولم تستطع مواصلة العمل، أفضل شيء فعلته صبا هو تقديم استقالتها لأنها لا تملك القدرة على مواجهتها، لكن رؤية بشير قاتلة، الاستمرار هكذا يعني الموت يا فيروز، ولأنها فشلت قررت أن تنسحب، اتصلت بمحاميتها واتخذت قرارها.

"ستفوض مسعود لإدارة الشركة وتهرب لأي مكان وحين تستطيع العودة ستعود".

"مصائب قوم عند الآخرين فوائد".

وكان هذا هو العنوان الأمثل للقادم، ولم تخبر أحدًا وبمنتهى السرية غادرت فيروز البلاد، وبصباح اليوم التالي كان محاميتها يطلب مقابلة مسعود ليخبره بتوكيل فيروز له لإدارة شئون الشركة في غيابها وبجوار ذلك:

"مفاتيح عريبتها بحكم أنك بقيت رئيس مجلس الإدارة وأكد هتتحرك برة الشركة وهتحتاجها، وفي حساب باسم حضرتك في

البنك بمبلغ مليون جنيه دي كل السيولة المتاحة لمدام فيروز وحضرتك لك حق التصرف فيها لو الشركة احتاجتهم".

ومبلغ مالي آخر تركته له لشراء بدل جديدة للرجل الذي سيصبح واجهة للشركة، وقرابة الساعة كان يحدق إلى الفراغ في غير تصديق منه لما فعلت فيروز، هل تثق به إلى هذا الحد؟

وأول شخص فكر في إخباره كان بالتأكيد عارف، وأول سؤال كان؛ إزاي أقدر أتعامل معاهم من غير ما يعملولي مشاكل؟

كان اللقاء بمركز السراب، أتى من سيحل محل فيروز ليسأل ذات السؤال، وليسير على نفس درب من سبقتة.

- في البداية خليفهم يحسوا أنك مش زي فيروز، أنت واحد منهم وقلبك عليهم والقادم أفضل.

ومع المزيد من الشرح فهم مسعود ومع أول اجتماع بهم بدأ يطبق ما لقنه عارف ليملك عقولهم.

وقف على رأس طاولة الاجتماعات وأمسك بيده صورة ليطالعوها معه وهو يسأل:

- يا ترى فاكرين الصورة دي؟

"سيلفي الموظفين في الأرض".

تلك الصورة التي جمعتهم ومدبولي قبل سفره، بداية محبوبة بالمشاعر هكذا كانت نصيحة عارف.



إذا أردت أن تمتلك سلطة اشحن خطابتك بكل العواطف الممكنة  
لتمر كلماتك إلى عقلهم الباطن مباشرة، فالمشاعر لا يفسرها العقل  
الواعي، والتأثر سيلغي التفكير.

"أنا عمري ما هانسي وقوفكم جنبي وكل اللي عملتوه معايا لحد  
ما بقيت هنا، أنا عايزكم تعتبروني أخ قبل ما أكون مدير، أي حاجة  
تحتاجوها أنا تحت أمركم، أنا عمري ما هأكون زي فيروز أبدًا".

والتصفيق كان من مدبولي الذي اغرورقت عيناه بالدمع فجرى  
ناحيته فاتحاً ذراعيه ليحتضنه، وكاد يبعده خشية اتساخ جلته الجديدة  
الغالية، لكن إشارة عارف فرضت عليه التجاوب، وقد قرر بعدها  
صرف مكافأة للجميع، فرحة فرضت على مدبولي إعداد الشربات،  
رحلت فيروز وجاء الخلق الطيب.

لكن ماذا عن البقية، هل حقاً شعروا بالفرحة؟

لم يملك عبد الشكور إلا الشعور بالزيد من الدنو لكنه هنأ  
مسعود ومنى نفسه أن يصدق عارف في مساعدته لعل حاله يتغير، أما  
بشير فمباركته كانت مقتضية، بينما عيسوي أظهر غيظه رغمًا عنه  
وهو يطالع مسعود وعارف وقد قال:

- مبروك.

ثم ترك الغرفة، ليؤكد لمسعود بما فعله أنه بات عدوه الأول،  
خرجوا جميعهم فبادل عارف ومسعود النظرات، نظرة تقدير أمام  
نظرة عرفان، وقد أكد الأول:

- يرافو عليك يا مسعود، كنت هايل.

إطراء فرض على مسعود أن يطلب من عارف العمل معه  
مستشاراً إدارياً للشركة، نظير أي مرتب يطلبه. وبعد إلحاح كانت  
موافقته، ولكليهما كانت تلك البداية "ولا أروع".

\*\*\*

دماء لطخت كل شيء، الأرضيات الحوائط بل حتى يده  
وملابسه، وبقية الأحداث وازت سرعة البرق، دخول الجيران، إبلاغ  
الشرطة ثم عدة روايات اجتمعت لتدينه وعلى رأسها إتهام مباشر من  
صبا له، وهو كان ولا يزال يدعي الصمود.

- مقتلوش والله العظيم ما قبلته.

- وبصماتك اللي كانت موجودة ع المسدس؟ الجيران شهدوا أنكم  
كنتم بتخانقوا.

- والله ما حصل، صدقوني أنا بريء بريء.

وهل يوجد من سيصدق؟

تحقيقات تتوالى وقضية تحوَّلت لقضية رأي عام، ثغرات يبحث  
عنها محامي الدفاع، وأخرى يتلاعب بها محامي الخصم، وما بين  
الاثنتين، ضاع إسماعيل وانتهت الحياة في غيابات الحب.

زنزانة ضيقة جداً لا تكاد تسعه، وقد تقرر حبسه انفرادياً لأنه  
"خطر"، والمتنفس نافذة صغيرة بالقرب من السقف تحمل دوماً  
بصيص النور لرجل أراد أن يفلسف الحياة بطريقته، يفرض عليها أن

تحمل له رغم أنفها السعادة، تعانده ويعافر، تتمنع ويقاوم، وهو لا يملك سوى أنفاسه وقد قرر رغم كل شيء مر أن يحياها، تتحجر الدموع في عينه فيزداد العناد، لن تكسرك الدنيا مهما فعلت بك يا إسماعيل، لن تفعل ولن تجرؤ

خمسة وأربعون يومًا قد مرت هنا واليوم سيتم العرض على النيابة للتجديد، فهل من شيء يستدعي البشارة؟

"مخيش عليك يا أستاذ بشير، الأنسة صبا مصرة على موقفها من اتهام جدك، وللأسف بصمات جدك على المسدس كفيلة بتأكيد اتهامها".

— البصمات دي لأنه حاول يمنعه لكن مقتلهوش.

— للأسف صعب حد يصدق الرواية دي.

والجملة من الخامي الجاور لبشير وقد كانا بالنيابة بانتظار مجيء إسماعيل، بينما ظهرت صبا بجوار فريد كما العادة يتابعها لقيف من الصحفيين وهي تحاول تفاديهم حتى باتت على مقربة من بشير فقررت الرد على أسئلتهم.

"أقل شيء ممكن يشفى غليلي القصاص، زي ما ربنا قالنا من قتل يقتل ولو بعد حين، إعدام إسماعيل بالنسبة لي أقل حاجة".

تابعت جملتها بنظرة احتقار لبشير الذي ما إن ظن أن احتمال الإعدام قائم حتى هوى قلبه من بين ضلوعه، هل ستركه حقًا لمصير كهذا ويقف ليشاهد وهو عاجز؟

واللحظات الباقية حتى مجيئه مرت كالدهر، حتى ظهر إسماعيل  
فركض بشير لاحتضانه رغم أمر العسكري المجاور بابتعاده.

ظَلَّ على سكونه بحضن إسماعيل غير قادر على الحركة يريد فقط  
أن يطمئن كما العادة بوجوده، والصمت بينهما كانت له السيادة،  
تمالك بشير نفسه كي لا يبكي فيزيد من حزن إسماعيل وتمالك  
إسماعيل نفسه كي لا يبكي فيزيد من حزن بشير فبكي الاثنان.

والتعقيب من إسماعيل كان المزاح وهو يقرص خده لينهاه:

- أنت هتقول عليا ولا إيه، أنا لسه عايش وبصحتي وخاطب  
وعلي وش جواز ولا أنت ناسي.

وجاهد حاله كي يتسم وهو يرد:

- لا مش ناسي، وليك عليا أول ما تطلع هاعملك أحسن فرح  
اتعمل في الحلمية وهاكون أول واحد يرقص للصبح.

- خلي بالك من مها ومن أمك وخالتك أنت مكاني دلوقتي.

- حاضر.

علا النداء باسم إسماعيل، فدخل ومعه الخامي، بينما استند بشير  
على الحائط يسعى للتماسك، أتى عيسوي ومعه عبد الشكور وقد  
أشارا إليه واتجها نحوه يسألانه، والرد كان الصمت لأنه لا يملك  
إجابة، فجاوراه بانتظار رؤية ما ستؤول إليه الأحداث وبعد ساعة بدا  
واضحًا مع خروجه أن القرار كان التجديد واستمرار الحبس على  
ذمة القضية.

"خلي بالك من نفسك يا حاج إسماعيل".

"شدة وتزول يا حاج إسماعيل".

والأولى من عيسوي والثانية من عبد الشكور، بينما بشير لم يستطع رفع عينه لجدّه من شدة شعوره بأنه خذله ولم يفعل من أجله شيئاً.

— خلوا بالكم من بشير وهونوا عليه، قولوه مقدر ومكتوب وبلاش يحمل نفسه فوق طاقته.

قالها وابتعد عنوة حين سحبه العسكري المرافق له حتى خرج من المبنى، تابعه بشير وقد سار خلفه عيسوي وعبد الشكور حتى افترقا، وآخر ما رآه كانت ابتسامة منكسرة من إسماعيل حاول بشير أن يبادلها إياها لكنه عَجَزَ.

\*\*\*

صباح اليوم التالي جمعتهم الشركة وزعيق مسعود، مرة بعددولي لأن القهوة لم تعجبه والأخرى بالهاتف لمقاول الموقع وهو يقرز طرد أحد عماله، عصبية اجتاحتها وزادت حين مر بجوار مكتب بشير فوجد فيه الثلاثي البغيض مجتمعين، أيدعمون بشير من أجل جدّه أم يضعون خطة تمرد محكمة عليه؟ والاحتمال الثاني بدا الأقرب لعقله؛ ألم يتمردوا على فيروز من قبله؟

فتح باب مكتب بشير عنوة ثم سأل بغلظة:

- ممكن أعرف سايين مكاتبكم ومتجمعين هنا ليه؟ ولا هي تكية  
بابا الباشا.

- أنت حد كلمك يا جدع أنت؟

وكما توقع رد عيسوي بجدة وقد جاهد نفسه كي لا يسبه، ف شعر  
مسعود بالانتشاء لأنه استفزه، فاقرب منه وعقب ببرود: اسمي  
باشمهندس مسعود، ومرة ثانية لما تكلم مديرك تكلمه بكل أدب بدل  
ما أضطر أعلمك الأدب.

"مسعود".

والهتاف كان من عبد الشكور بغيظ فرض الدهشة على مسعود؛  
من أين أتته الشجاعة فجأة؟

- نعم.

ردّ وقد عقد ذراعيه أمام صدره فأكمل عبد الشكور:

- يا ريت متسوقش فيها وتنسى أنه وضع مؤقت لحد ما مدام  
فيروز ترجع.

والبقية تطلعت له باستغراب وكأنه أراد أن يقول ما بات يئنُّ  
بصدره وقد طفح كيله، فأكمل غاضبًا:

- أنت ليك شغلك اللي دايماً جاهز على أكمل وجه، ومع ذلك  
مش بتقدره، بقالك شهر مكان مدام فيروز وكل اللي شايفه غلطاتنا  
ويس.

"صباح الخير".

وكان تدجلاً لا يبدو صحيحاً لمن لمح مكاتبتهم فارغة فبحث عنهم  
وحين وجدهم بغرفة بشير قرر أن يقطع حديثهم أو بالأحرى  
شجارهم، تطلع الأربعة إليه وهو فعل بدوره، ثم نظر لعبد الشكور  
وسأل:

- مالكم؟

ولم يعقب سوى مسعود: متشغيلش بالك يا دكتور عارف، أعتقد  
في شغل أهم ورائنا، ويا ريت كل واحد يتفضل على مكتبه، لأن  
الشركة لها شغلها مش مفتوحة للتكافل الاجتماعي.  
وجملته قيلت بصرامة، فرضت على بشير أن يطلب منهم المغادرة  
وعند خروجهم استوقف عارف عبد الشكور قائلاً:

- عايزك تعدي عليا في مكنتي.

وبكل ضيق أجابه:

- حاضر.

وما إن غادروا حتى التفت عارف لبشير ثم اقترب حتى جلس  
على أحد المقاعد المقابلة لمكتبه وسأل:

- جددك عامل إيه يا بشير؟

زفر ورد:

- كويس، وأعتقد الأفضل لحضرتك تتفضل عشان أشوف شغلي  
وإلا الباشمهندس مسعود ممكن يتضايق.

قالها بتهكُّم فرض على عارف أن يقف في مكانه وهو يُعَقَّب:

- أو كي، بس كنت حابب أنصحك نصيحة، حاول تشوف محامي شاطر، لأن المحامي اللي مع صبا دارس ثغرات القضية كويس، وأكد جدك مش هيعدي من تحت إيده.

قالها بكل برود وغادر إلى مكتبه أو بالأحرى مكتب مسعود السابق بعدما تم تجهيزه على أفضل ما يمكن، دقائق وطرق باب مكتبه عبد الشكور ودخل ثم جلس قبالة عارف وعندها سأله:

- هه إيه الأخبار؟

وعندها بدأ عبد الشكور في سرد كل أخبارهم بداية من خطبة عيسوي وشجن وكل المشاكل التي بينهما منذ أن بدأت الخطوبة مروراً بمشكلات مسعود مع زوجته التي لمح لها مرة حين قام بتوصيله وبالتأكيد أخبار قضية إسماعيل وتفاصيل ما حدث بالأمس في منزل بشير مع والدته وابنة خالته.

"هايل".

والتعقيب من عارف لجاسوسه وقد أكمل:

- حقيقي برافو عليك يا عبد الشكور، أنت كده تستاهل فرصة حقيقية بـ "توقيت جرينتش".

"بجد يا دكتور عارف؟"

والتعقيب جاوره شعور بالفرح كونه نجح في تنفيذ ما أمره به عارف؛ بأن يرافقهم ليعرف كل أخبارهم أو بالأدق ثغراتهم وشعور



آخر بالحقارة حاول أن ينفذه عن نفسه وعمًا بقي من ضميره  
واجتهد ولن ينكر أنه لم يستطع.

- طيب امتي يا دكتور عارف، أنا منتظر أي فرصة بفارغ الصبر؟

- خلاص يا عبد الشكور، حدد الوقت اللي يناسبك وأنا تحت  
أمرك.

\*\*\*

مكتبه كان شاردًا يُطالع الحلقة الفضية التي تتوسط إصبعه بضيق،  
يقارن رغم أنفه بينها وبين صبا ويخشى أنها لا تستحق مشاعره، يقاوم  
الابتعاد تارة ويغرق رغم أنفه عدة مرات.

تُرى كيف هو طعم الفراق يا بشير؟ وما الوصف المناسب للغدر  
عندها؟

زفر بشدة ومنى نفسه أن رجاءه بشجن لن يخيب، وعاد وكررها  
دون حماسة:

"شجن ليست صبا".

حتى أتاه مدبولي ببعض أوراق من مسعود مفادها أنه تم تعديل كل  
ما قام به من تصميمات بما يوافق رأي مسعود، بل اعتماد ما تم  
تعديله دون الرجوع إليه.

- وفين مسعود دلوقتي.

- راح الموقع.

وعندها لم يستطع أن يتمالك غضبه وكان ما بات يحدث في تلك  
الشركة الملعونة يحدث عن قصد ليدفعه دفعًا ليشور، وها هو في طريقه  
لمكتب عارف، دفع الباب بيده ودخل صافعًا إياه خلفه، ضرب  
مكتب عارف بكلتا يديه ثم بدأ يزعم:

- لو أنتم متخيلين إني ممكن أسكت عن حقي، أقسم بالله ما  
هيحصل، ما هو مش نتعب ونشقى وبطلع عينا وفي الآخر الفضل  
كله يتنسب لمسعود، المدح لمسعود والمكافأة لمسعود والشكر والتقدير  
لمسعود، واحنا ولاد البطة السوداء .

ثم هدأ لعله يستطيع التقاط أنفاسه، بينما رفع عارف رأسه يطالعه  
مستغربًا وكأنه يجاهد عقله التذكر.

- أنت عدوي مش كده.

- عيسوي.

قالها ببالغ غيظه بينما قام عارف من مكانه ليقف قبالة وهو يكمل  
تظاهرة:

- أه، افكرتلك.

ثم صمت للحظة ثم تابع:

- أنت اللي فيروز كانت عايزة تمشيك يوم ما قررت ترقى

مسعود، بس أنا قولتلها ياخذ فرصة.

"أفندم"؟

والصدمة ارتسمت على ملامح عيسوي وبظهورها آن لعارف أن يكمل:

- الغريبة أنك بدل ما تحترم الفرصة اللي اتوفرتلك بالعافية نتيجة ضعف قدراتك، وتحاول تحسن من نفسك عشان تثبت مكانك في الشركة، كل يوم بتعمل مشكلة، وده عشان أنت مصر تشوف نفسك أحسن من اللي حواليك، مصر متشوفش نقط ضعفك والقصور اللي فيك، وأنك واخذ اللي تستحقه ويمكن أكثر شوية.

- أنت إزاي تتكلم عن شغلي كده، ثم أنت مين أصلًا عشان تقيمه.

والزعيق لم يعد بنفس الحدة، ثمة تراجع خافت بدا واضحًا من نبرة صوته أكد لعارف ظنه:

- ومن قالك إن أنا اللي قيمتك أو فيروز أو حتى مسعود.

والهدوء احتال للزعيق وهو يسحب إحدى الأوراق من فوق مكتبه ثم يهتف وهو يضعها في وجه عيسوي:

- ده تقرير كامل في كل ثغرات شغلك، من أكثر من مهندس متخصص استعانت بيهم فيروز وهي بتقيم شغلك، ده غير كم التعديلات اللي اتعمل على رسوماتك الفاشلة والناس اللي قالت لمدام فيروز بكل صراحة أنها محتاجة تغير مهندس العمارة لأنه ضحل ومش يفهم، ودي مش أول مرة

ثم رمى الورقة من يده بإهمال على المكتب ولم يجرو عيسوي أن يأخذها ليتأكد، ولو فعل لأدرك أنها فارغة ولكن كيف وقد احتلت

كلمات عارف عقله؟ ربما هو يكذب ولكن ماذا لو كان صادقاً؟  
"لوعايز تسبب الشركة وتدور على شغل في مكان تاني تقدر من  
دلوقتي، ده إذا لقيت مكان يقبل بيك".

والجملة قيلت بحدة وقد أمسك بعدها برسوماته الهندسية وقذفها  
بوجهه فسقطت أرضاً أمام قدم عيسوي، فانحنى يلتقطها ومع انحناء  
رأسه ابتسم عارف وقد أدرك، لقد انكسر الثائر وآن له أن يخضع!  
رفع رأسه بكل غيظ والنفت ليرحل وعندها قرر أن يستوقفه:  
"عيسوي".

وقف فاقرب قبالة مقررًا اللعب بأكبر ثغرة في حياته كلها وبنبرة  
هادئة اكتست بحنو قال:

"اعتبرني زي والدك، وأنت زي ابني، تصرفاتك دي ملهاش إلا  
معنى واحد، أنت عندك مشاكل كتير، جايز مع والدتك أو مع  
خطيبتك، احكي لي يا عيسوي، يمكن أقدر أساعدك".  
"معقولة؟"

قالها عيسوي بشك بينما ابتسم عارف وعقب: جرب تفتكر  
هتخسر إيه لو جربت؟

وتلك النظرة الحنونة زادت من شكوكه، هل حقًا كان يظلم  
الدكتور عارف بظنونه؟

"طيب حاول تعيد التصميمات، وأكيد هيطلع منك شغل أفضل،  
وأنا مش هاستعجل على ثقتك فيا، لأن اليوم ده أكيد هييجي.

ثم شمل كتفه برتبة حانية وأكمل:

- ربنا يوفقك يا عيسوي.

وبالتأكيد من خرج من تلك الغرفة كان آخر غير الذي دخلها منذ دقائق، وعندها زادت ابتسامة عارف، أخرج ورقة من جيبه وأمسك بالقلم وجوار اسم مسعود المشطوب واسم عبد الشكور المشطوب تم شطب اسم عيسوي ليبقى بعدها أمام اسم بشير، لن يأتي اليوم وربما لن يأتي غداً لكنه بالنهاية سيأتي إن لم يكن من أجل مصالحه فبالتأكيد من أجل براءة جده.

\*\*\*

## (15)

إذا نزل مؤمن وكافر إلى البحر فلا ينجو إلا من تعلّم السباحة،  
فإن الله لا يجابي الجهلاء.

مصطفى محمود

كانت تطالع سقف الغرفة بضيق، مقيدة ببالغ شعورها بالعجز  
حين طرقت أختها باب الغرفة تحمل بيدها طبقاً كبيراً مملوءاً بالفشار  
وقد أشفقت على حالها، جلست قبالتها تمني نفسها لو استطاعت  
مساعدتها ولكن أختها العنيدة لن تكف عن المحاولة.

- باللمبة!

- ما لها اللمبة؟

- أنا قرئت الملف على فكرة، دكتور بغدادى استايل، كلي فشار  
أحسن.

قالتها وهي تمدُّ يدها لأختها بالطبق فكان رد أيتن إخراجها من  
الغرفة عنوة بطبقها وهي تتمتم:

- بت فصيلة صحيح.

عادت أيتن للتفكير لكنها سئمت فقررت ترك غرفتها وجاورت  
آلاء وقد بدأت تأكل فشار وتتابع معها "المسرحية"، تشرذ فيما  
تسمع وتضحك على نفس المقاطع التي اعتادت الضحك عليها رغم  
تكرارها.

- تفتكري احنا بنضحك عشان فعلا بنضحك ولا عشان اتبرمجنا  
-أنا نضحك؟

ولم تُجبها إلا بمزيد من الضحك وهي تتمتم:  
- تصدقي بالله، أنت بتفكريني بأحد زكي في المسرحية دي، يا  
بنتي كلمينا بالهجايص.  
"هجايص؟"

- أيوة، كلمي الناس بلغتهم.  
فكرت قليلاً ثم ابتسمت وسألت:  
- هتجارب عارف بالهجايص.

- وهو كان فلح مع الناس إلا لأنه بيهجص.  
واستشعرت أن آلاء على حق، والسؤال الذي دار بخلدتها، لماذا  
يجب على المثقفين احتراف العمق، والعمق دوماً هو تعبير الكلمات  
حد التسطيح من كل ما هو بسيط وقادر على الوصول بسهولة  
للجميع.

"البساطة ليست سطحية".

ومن يغلب عارف لا بد عليه أن يفهم ألامه، أن يضعه بحجمه  
الحقيقي دون إنقاص أو تهويل.

علا نور الصباح، اتجهت صوب عملها بالحضانة واجتمعت بأنقى  
صحبة على الأرض، حيث الرسم بالألوان واللعب بالصلصال،  
فوقفت بالمنتصف وهتفت:

- النهاردة عندنا مسابقة كل واحد هيعمل من الصلصال اللي  
قدامه حاجة محدش جرب يعملها قبل كده، يلا وروني شطارتكم.

وتابعهم في شغف وقد شردت في قدراتهم، وعندها تنهدت بحسرة،  
آه وألف آه لو أننا نترك عقولهم على الفطرة، عندها بالتأكيد  
ستزدهر وتبتكر وتبدع، وفي ذلك الخطر الأعظم

بدأ الأطفال في التوافد عليها، من صنع دميته ومن صنع شخص  
آلي قادر على تغيير المستقبل، ومن بدت شاردة على غير عادتها صامته  
تلهو بالصلصال وقد بدا أنها قد تبكي.

- مالك يا كترى؟

- مفيش.

وتلك الإجابة منها لأيتن أقلقيتها فجاورها تنظر إلى ما فعلته  
وتسأل:

- طيب أنت حاولتي عملي إيه؟

لم ترد فنظرت لما فعلته وسألت:

- إيه ده يا كترى، ده لاب توب؟



"تو":

ثم صممت ثم شردت وسألت في أسي:

- هو ممكن اللي باعمله ده يتحول لحاجة حقيقية؟

وبعد نظرة إمعان أجابتها:

- طيب مش لما أفهم الأول إيه ده؟

وبعض حماسة أجابتها:

- ده توقيت جرينتش.

ومن فرط ذهولها نسيت كل شيء من حولها وأجلستها فوق قدمها وكان حوارهما، والد كترى يعمل مع عارف ويريد أن يدخل بتوقيت جرينتش وكذلك والدتها، وشجارهما في كل يوم من أجل ذلك، فلم تملك الصغيرة إلا أن تصنع لهما جهازًا بديلًا عليهما يكفان عن الشجار.

- تعرفي حد يساعدي، نوصله بالكهربا عشان يبقى حقيقي؟

- أنا ممكن أساعدك، هاخذ منك اللي أنت عملتيه ده وأحاول

أعمل واحد زيه بالكهربا، بس هناخد شوية وقت عقبال ما يخلص.

- ماشي، المهم يبقى عندنا جهاز تاني وممكن بعد ما ماما وبابا

يقعدوه عليه، ناس كثير تقعد عليه من غير فلوس ونفرحهم.

- هايل هايل يا كترى، ده أنت طلعتي عبقرية.

قالتها أيتن واحتضنتها بقوة وقد شعرت أن كترى وحدها

استطاعت إضاءة أكبر لمبة.

تمدد على سريريه وضع كلتا ذراعيه خلف رأسه ناظرًا في الفراغ،  
لم يذهب إلى عمله منذ يومين، تحديدًا بعد كلمات عارف له، انكسر  
أو في طريقه للانكسار وهذا الشعور كالعلقم بقمه، لم يكن يريد أن  
يزيد من حزن والدته التي انطوت بعد سجن إسماعيل، فتظاهر طوال  
كل ما مضى بأن كل أموره على يُرام، حتى طفق الكيل عن آخره،  
وقد زاد شعوره بالنبذ؛ من والده وعمله وزملائه وأخيرا خطيبته.

زفر بشدة وعندها طرقت مشيرة بابه لتسأله عن حاله، اعتدل في  
مكانه حينما جاورته وقد تمكن منها القلق فسألت:

- مروحتش الشغل، وشجن مش بتكلمها، مالك يا عيسوي.

زفر ورد:

- هي اشتكتلك؟

ضحك هازئًا فكان ردها:

- بطلت تكلمها ومش عايز تروح لهم، هي مشتكتيش هي بس  
كانت عايزة تطمن عليك.

زفرة ثالثة ثم أغمض عينيه متنهّدًا بضيق، ثم رد:

- أروح عشان أقعد مع باباها ومامتها ونتكلم في اللي عملته  
واللي ناقص والحاجة اللي غليت والآخر أقعد معها نص ساعة تعاملني  
بمنتهى البرود، ولا أكلمها ونتخايق لأننا مش عارفين نتفاهم وشكلنا  
ولا هنعرف.

بدا عصيًّا وقد قام من مكانه مقررًا الوقوف في النافذة، التفت لتراه وقد زاد شروده فقامت من مكانها وجاورته وقد وضعت يدها فوق كتفه وعقبت:

- اسمع يا ابني، بطلوا شغل ناقر ونقير بتاع الأفلام العربي ده، وبطلوا عند ومكابرة، أنت بتحبها وهي كمان، بس كل واحد خايف من الثاني وعازب يحمي نفسه، كل واحد منكم متوقع الوحش من الثاني، ومستني الغدر وكسر القلب، واللي بيستنى حاجة لازم يلاقيها، لأن كل تصرفاته من غير ما يحسن بتبقى رايحة به ناحية اللي خايف منه، ابدأ أنت مفيش ست بتغفل الاهتمام، وانسى أبوك، وسامحه.

"أسامحه؟"

التفت لها وقد اغرورقت عينه بالدموع مُعقِّبًا بانكسار:

- يا ريت كنت أقدر، يا ريت، المشكلة إني كل ما أفكر أنه كمل حياته عادي ولا كأنه داس على حد ميعرفش، باكرهه أكثر، نفسي أوجعه ولما بيتيجي فرصة وأفكر إني عرفت بيصدمني إن تصرفاتي ولا بتفرق معاه.

- وإيه دخل شجن بكل ده.

ولأنه بحاجة للزعيق زعق:

- بتفكرني بيه، ببروده، لو قربت زيادة هاكرها وأنا مش عازب أكرها.

واستوقفته هي برجاء:

- اتأني عشان متظلمهاش، شجن لا هي أبوك ولا هي صبا ولا  
أي حد تاني، شجن هي شجن وبس يا عيسوي، اهدا وبلاش تفكر  
وأنت مضغوط.

أنمت ما قالته والتفتت لتخرج من الغرفة فهتفت عندها:

- أنا ناوي أقدم استقالتي.

وكان يدرك أن فاطمة وعبد الغفور لو عرفا، فذلك سيكون كافياً  
لفسخ الخطبة، ولكن هي هل سترضى؟

\*\*\*

كانت شاردة وقد أصابها القلق وفكرة واحدة سيطرت على  
عقلها، ركض خلفها لأنها صعبة المنال وحين تمت الخطبة استهتر بها.

تطلعت لصور الخطبة بينما أشجان قررت سحب الهاتف منها  
علها تقطع شرودها، وما إن نظرت للصور حتى تنهدت وعقبت:

- شوشو بتسرح يا أم شوشو، اللي اداك يدينا يا سيدي.

زفرت شجن بضيق وأشاحت بوجهها عنها فهتفت عندها  
أشجان: - الحقني يا شجن عيسوي يتصل.

انفضت تسحب الهاتف من يدها لتأكد عندها أن أختها كانت  
تمزح وعندها لم يسع شجن إلا قذفها بأقرب وسادة وهي تطردها من  
غرفتها، خرجت أشجان وجاءت فاطمة.

فزادت زفرهما، بالتأكيد ستسأل عن سبب انقطاع زيارات عيسوي وتحقق كما كونا، بينما فاطمة ستحملها نتيجة ما آلت له علاقتهما وتأنبها، فهل هي مخطئة بالفعل؟ وما إن تركتها فاطمة حتى قررت أن ترسل له رسالة؛ مفادها "ممكن تكلمني؟"

وانتظرت قرابة الساعة ولا استجابة تذكر وعندها بكت وما كانت تظن أنها قد تفعل والوجه الآخر لم يكن كما ظنت، فعيسوي كان ممسكا بهاتفه لا يعرف بما يرد، كتب خمس رسائل وحذفها قبل إرسالها، هل حقاً تبالي أم تتظاهري؟، ما عاد يدري.

\*\*\*

يوم لم يكن اعتيادياً بعمله انتهى منه ثم عاد لمزله يفكر هل لم يعد عارف يثق به؟

بات واضحاً أن عبد الشكور نادم ولا يريد الاستمرار فيما يفعل بل وبدا لعارف أنه بدأ يراوغ ولا يخبره بكل ما يعرف. اتجه إلى خزانة الملابس ليبدل ثيابه لكنه توقف لثوانٍ وأمام المرأة يتطلع لوجهه.

"حقير".

قالها ثم جلس على طرف السرير منكساً رأسه في صمت. بينما كثري جرت لتجلس فوق قدمه وقد قررت أن تحكي له عما دار في

حضانتها اليوم، سمعها بنصف ابتسامة ثم قبل رأسها، كررت آخر ما  
قالته مستفهمة عليه يجيبها فأكدت:

- هو أنت مش مبسوط مني عشان هاعمل الجهاز ده؟

وبعد تنهيدة مريرة أجابها:

- طبعاً مبسوط يا كتري.

شعرت بالراحة فسألت:

- يعني مش هستخائقي أنت وماما تاني؟

سؤال فرض عليه الأسى وأدرك معه معاناة ابنته فأجابها بحسم  
مفتعل:

- لا.

- توعديني؟

زادت ابتسامته وضمها دون تعقيب وعندها أتت رنا، تطلعت  
إليهما قبل أن تأمر كتري بغسل يديها قبل الأكل فاستجابت للأمر  
وخرجت من الغرفة، بينما جاورت رنا عبد الشكور، ليدور الحوار  
المعتاد حول عارف وتلح بسؤالها الدائم؛ متى سندخل جهاز عارف؟  
هتف بضيق:

- شيلي موضوع يدخلنا ده من دماغك، لو هيساعدني أنا ماشي،

لكن أنتِ ليه، ربنا العالم جهازه ده له أضرار ولا لا يا رنا.

- قول أنك عايز تتغير للأحسن لو حدك، ماشي يا عبد الشكور.

قالتها بعدما وقفت قبالتها ولشدة غيظها منه تابعت:

- بس خليك فاكر أنك لو كنت تنفع كان زمانه دخلك، بس هو محرج يقولك أنك مش مناسب.

زاد غيظه فجذبها من ذراعها حد إيلاها وهو يقف أمامها ويرد:  
- يا شيخه حرام عليكي ارحميني بقى.

سحبت ذراعها وقد ترقرت الدموع في عينيها، فشعر بالندم حين  
فركت ذراعها من الألم ثم خرجت من الغرفة.

اجتمعوا على مائدة الطعام دون أن يتفوهوا بكلمة فقررت كترى  
سرد ما فعلت بالخضانة على والدتها وما إن قالت أنها قد تصنع بديلاً  
لجهاز عارف حتى ردت:

- محدش يا كترى يعرف يعمل جهاز بدل جهاز دكتور عارف،  
ميس أيتن كذبت عليكي ومش هتساعدك وهتروح ترمي الصلصال  
في الربالة.

بدا واضحاً كم هي صدمة ابتها وقد هتفت: لا دي قالتلي  
هتساعدني وميس أيتن عمرها ما كذبت

- لا كذابة ولما مامي تقول على حد كذاب يبقى كذاب، فاهمة؟  
لم ترعق ولكنها كانت محتدة، كانت تشعر بالغيظ حيال زوجها  
ونفشت غضبها في ابتها التي تركت الطعام واتجهت لغرفتها واجهة  
بعدما كُسر خاطرها، وبدوره ترك الطعام واتجه لابنته يطيب خاطرها،  
واستمر اليوم دون كلام حتى صباح اليوم التالي، لتأكد كترى أن  
عليها الثقة بمعلمتها، فقد عكفت أيتن على رسم جهاز يشبه ما فعلته

كثري بصلصالها مع إجراء عدة تعديلات وكأنها هي نفسها باتت  
تفكر في تنفيذ الفكرة أو على الأقل ستحاول!

ومع عودة عبد الشكور لمزله عصرًا كانت فرحتها وهي تقصُّ  
عليه ملخص يومها وقد هتفت بسعادة:

- ميس أيتن مش بتكذب عليا، شوفت بقى.

وحين قالتها فرضت عليه سؤالها:

- وأنت فرحانة عشان هتساعدك ولا عشان مش بتكذب.

- عشان مش بتكذب، عشان كده أنا باحبها وبحبك أنت كمان

عشان أنت برضو مش بتكذب خالص، صح؟

بدا الوجوم على وجهه واضحًا وكأن ابنته صفعته بكلماتها، وما  
إن جمعهم مائدة الطعام حتى استشعر أنه ما عاد قادرًا على تناوله،  
تطلع لابنته وابنه وحاله فشعر بالأسى ودون كلمة اتجه ليبدل ملابسه  
وخرج، وأمام منزل بشير وقف وقد شعر بالتردد من الصعود، ربما  
يظن بشير أنه يؤازره كما ظن سبقًا، لكنه سيخبره الحقيقة التي يعلم  
كم هي مؤلمة.

"ممكن أتكلم معاك شوية على انفراد؟"

وجمعهم سطح منزل بشير وكوبان من الشاي وحديث مطول  
انتهى بعلو صوت بشير وشجار وصدمة، وقد وقف أمامه يهتف  
بذهول:

- أنت تعمل كده، ليه؟



قالها بشير بمرارة فنكس رأسه أرضاً، ولم يملك إجابة، فأردف بشير  
بوجع:

- أنت جبان وخاين يا عبد الشكور، خاين.

تفرقت بعض دموع في عينه وحاول الدفاع عن نفسه لكن  
كلماته هربت منه وباغته بشير:

- اطلع برة، اطلع برة يا عبد الشكور.

قالها بجدة وقد أولاه ظهره، وعندها أدرك حجم ما سببه من ألم لمن  
ظن أن ما بينهما أكثر من زمالة عمل، التفت ليرحل فاستوقفه بشير  
بجملة واحدة:

- صعبان عليا قوي إني اعتبرتك أخ واقف جنب أخوه في محنته،  
غمري ما كنت أتخيل أنك موجود عشان تطعني في ضهري، وأنتك  
جاسوس عارف وسطينا عشان تنقله أخبارنا.  
علق بخذلان:

- أنا آسف قوي يا بشير.

بحسرة رد:

- وأنا عمري ما هاسامحك.

وكان هذا آخر ما سمعه، غادر بخطوات مثقلة، وطوال طريق  
عودته جاهل نفسه كي لا ينخرط أكثر في البكاء، وقد حسم أمره  
بأنه لن يستمر فيما يفعله واللجنة على جهاز عارف بل عارف نفسه.

ليستوقفه اتصال من عارف وكأنه عرف ما فعله، لم يتحدث كثيراً فقط قال أنه سيسمح له اليوم بدخول جهازه وقبل أي ردّ باغته، رنا بطريقة للفيلا لأنه طلب منها أن ترافق زوجها.

وطوال طريقها كانت بدورها شاردة، تتخيل المنشورات التي سكتبها بالفيس بوك عن حياتها بعدما تغيرت، سفر لأوروبا، أزياء مميزة بماركات عالمية، قصر وخدم وراحة وسعادة، وأخيراً سيأتي الأفضل.

وصلت واتجهت للفيلا، وطرقت الباب ليفتح عارف عندها، شعرت بالتردد في الدخول حين علمت أن زوجها لم يأت لكنها حسمت أمرها ودخلت لأن عارف مصدر ثقة، جلست على أقرب أريكة وجلس هو قبالتها ثم عقب:

- كويس أنك جيتي الأول.

جملها لم تفهم مغزاها فأردف:

- أنا محتاج أتكلم معاك بصراحة، وفي عدم وجود عبد الشكور،

ممكن.

- آه طبعاً اتفضل.

وبدأ حوار به شكل علمي مبسط عن مواصفات من يجب أن يجلس على جهازه، كلمات أقرب لما قالتها نانسي مسبقاً عن احتمالية أن عبد الشكور غير مؤهل لدخول الجهاز، وها هو عارف يؤكد:

- عبد الشكور حتى لو دخل جريئتش حياتكم عمرها ما هتتغير،  
وده لأنه غبي، آسف بس دي الحقيقة اللي مش هأقدر أحييها عنك.  
بكت ولم تكن دموع مصطنعة بل بكت بانغيار لأن أحلامها  
تخطمت وعندها أردف:

- أنا مش بأقولك الكلام ده عشان تعطي، أنا بأقولك كده  
عشان في حل لكن محتاج منك مساعدة.  
رفعت رأسها تطالعه برجاء فأكمل:

- أنت اللي تدخلي الجهاز مكانه المهم يقتنع بكلامنا.  
وبأسرع ما لديه وصل، دَقَّ جرس باب فيلا الدكتور عارف  
ودخل ليرافقهم وقد بدت ملامحهم متغيرة وبالأخص رنا، طالعهم وقد  
جاور زوجته ثم نظر لعارف وسأل:

- هو في حاجة ولا إيه؟

- أيّدأ، أنا هاجيب الشاي وارجعلكم.

قال جملة وتركهما، عندها هتف عبد الشكور بضيق في زوجته  
المتهورة:

- هو أنت أي حد يقولك تعالى تروحي، ملكيش راجل تستأذنيه  
قبل ما تتولي.

محدد، مغتاظ ورغم ذلك أخفض صوته رغم أنفه بينما هي قررت  
الرد غاضبة:

- كالعادة طبعاً خدوهم بالصوت مش كده، عمرك ما هتغير  
أبدًا يا عبد الشكور، واللي تستنى جنبك تغير تبقى غيبة.  
- رنا لو عايزة تتخانقي لينا بيت نتخانق فيه، ويلا بينا أنا لا  
داخل جهاز ولا عايز من وش الراجل ده حاجة.  
وكان الزيت كان بحاجة للمزيد من النار ليشعل، هتفت بغيظ:  
- أنا مش هامشي من هنا قبل ما أدخل الجهاز.  
"تدخلني؟"

قالها بصدمة فأكدت هي:  
- أيوة، طالما أنت مش عايز تدخل، أنا هأدخل، أنت لو راضي  
بعيشتك وعايز تفضل محللك سر أنا لا، أنا أستحق الأفضل وأنت  
لازم تفهم كده.  
"رنا؟"

"في إيه يا جماعة مالكم؟"  
قالها عارف بهدوء وقد عاد حاملًا بيده صينية موضوعًا عليها  
فناجين من الشاي، وضعها من يده ثم طالبتها بالتوقف عن الشجار.  
"لا يا شيخ!"

زعم بها عبد الشكور وقد وقف قبالة ثم أكمل:  
- أنا دلوقي بس بقيت شايفك كويس يا دكتور، اصحى وفوق،  
وافهم إني خلاص فهمت.  
ابتسم عارف ثم نظر له ببرود ورد:

- كل ده عشان قلت أنك لا تصلح لتوقيت جرينتش، كل ده  
عشان قلت إن مراتك فرصتها أعلى منك؟

والصدمة ارتسمت على ملامح عبد الشكور، بينما نظرت له رنا  
برية ولم يعرف عندها ما هو الرد المناسب، ولم يمهله عارف فرصة  
ليفكر، فطرقَ على الحديد وهو ساخن:

- كل ده غل جواك، للدرجة دي نجاح رنا مخوفك! إيه مشكلتك  
لو احترمت قدرات مراتك وأنها أحسن منك؟  
- أنت بتقول إيه؟

جذبه من ملابسه عله يصمت وما إن صمت عارف حتى تحدثت  
هي: كفاية بقي، أنت إيه يا أخي؟  
"رنا؟"

"بلا رنا بلا زفت، غباء ورضيت، خيانة وعديت فاضل إيه تاني يا  
أخي؟ كفاية بقي لحد كده".

كانت تزعق بكل جدية، كأنها تقر كلام عارف كالمسحورة، لقد  
صدقته، أو ربما قد وافق كلامه هواها وفي كل الأحوال النتيجة  
واحدة.

هتاف يدافع أمام زعيق يهاجم، تدافع كلمات ما عاد يحكمها  
عقل:

"أنت مستحيل تكوني رنا!"

"أنت اللي مستحيل تكون عبد الشكور!"

- أنا باقول تروحوا بيتكم وتفكروا بهدوء وتحاولي تقنعيه يا رنا  
وأي وقت أنا وجهازي تحت أمركم.  
والقى الشيطان بعظته وتركهما.  
عادا إلى بيتهما وقد احتدم الشقاق بينهما، وما عاد باستطاعتهما  
حتى النظر في وجوه بعضهما البعض.

\*\*\*

عدة أيام مرت بدت كتر في فيها منطوية بينما أيقن تسعى خلف  
فكرة مكتملة توازي جرينتش، كانت تراقب صلصال كتر في على  
مكتبها حين تعالت ضحكات أختها وقد نادتها:  
- تعالي شوفي الفيلم ده بسرعة.  
- اطلعي من نفوخي يا آلاء.  
- تعالي بس.

متدمرة قامت من مكانها واتجهت لتجاورها وقبل الزعيق فيها على  
كونها تركت مذاكرتها استوقفها المشهد الذي شاهده، فمدير شركة  
درنجا يرى أن الدعاية السلبية في حق صاحبة الشركة التي سرقت  
مدير التسويق من أولاده إيجابية، لأن الجميع سيتحدث عن شركة  
درنجا ومن ثم ستزداد المبيعات.  
"معقول؟"

جاورت آلاء تسألها:

- اسمه إيه الفيلم ده؟

- اسمه عصافير الجنة ولعلمك بقي، الكلام ده من سنة 55.  
وظلت بمكانها تتابع الفيلم لنهايته، ولم يستوقفها قدر ما فعلوه  
الثلاث بنات بحق شركة "درنجا" حتى خسرت زوجة أبيهم كل ما  
كانت تملك.

"درنجا خلاصة دموع ثلاث صغيرات".

"درنجا يُسبب العمى".

"أوعوا حد يشرب درنجا، كسريا ابني الإزايدي".

"عينايا، عينايا درنجا بتسحب النظر".

"معقولة؟"

هممت بها وقد التمت الفكرة واستشعرت أن عليها المحاولة  
فهتفت:

- عشان كمال يرجع لأمنية، لازم درية تخسر كل فلوسها .

طالعتها آلاء بقلق وسألت:

- أنت كويسة.

اكتسى وجهها بابتسامة نابعة من حماسها وهتفت:

- أكيد، على الأقل لقيت طريقة أخلص بيها من الدرنجا.

واتجهت لغرفتها وكتبت بورقة جانبية:

"بالصور إزاي عملي توقيت جرينتش بمكونات من جوه مطبخك

وأنصف من الجاهز بكثير".

\*\*\*

هي العادة أو هكذا استبدو، هو يزعم وهي صامته هو يثور وهي صابرة، يعود معه بقية أوراق العمل لينهيها في المنزل، يدفن نفسه في العمل لينسى ويصعد، الشركة باتت تنجح بسرعة غير اعتيادية والفضل فعليا يعود لجهوده، والمال بدأ يغدق عليه وحده!

شركات تريد الشراكة وأخرى تسعى خلف استشارته الهندسية، لقد لمع اسمه وهذا احتاج لكل جهده وكان حرفيًا على حساب كل شيء من حوله، ما لم يكن يدركه أن درة كانت تجاوره على أمل واحد، أن يعود مسعود القديم ذات يوم، لكن ما تأكدت منه أنه كلما صعد أكثر كلما دعس مسعود القديم، حتى أيقنت أنه تلاشى حين تركت إحدى بناتها تزحف أرضًا فتوجهت لغرفة مكتبه المفتوح وعشت بأوراقه وعندها اجتاح طوفان غضبه الرضيعة حد أنه كاد يضربها فحملتها درة وهربت من أمام وجهه وأغلقت عليها باب غرفتها بينما زفر هو بشدة وعاد يللمم الأوراق وهو يسب ويلعن وما إن هدأ حتى بدأ يدرك كم تغير، جلس يشغل سيجارة ويدخن بينما صوت بكاء صغاره يزيد من احتراق أعصابه.

هل حقًا وصلنا لنقطة النهاية؟

والسؤال كاد يكون بلا إجابة إلا أن عطيات اتصلت به بصباح اليوم التالي لتخبره أن درة قد غادرت المنزل وتطلب الطلاق ولا تريد الاستمرار، وهذه المرة كل شيء يحمل الجدية في تفاصيله كافة، لا تريد ولا ترغب ولم تعد تملك طاقة.



وأغلق الهاتف ودارت به الغرفة، الملعونة ثارت على جبروته وتريد فراقاً حتمياً، هوى جالساً على مقعده وقد ارتجفت شفتاه بكلمة "طلاق".

لا، مستحيل، درة لا تستطيع أن تعيش بدون هـ لحظة، ستعود مساءً، ستثور وتزعق وقد يعتذر ربما عليه أن يعتذر لكنها أبداً لن تتركه.

وكاد عقله يذهب من فرط التفكير حتى هداه حل واحد؛ الاستعانة بعارف وطلب المشورة وقبل التوجه لغرفته دفع بشير الباب ودخل واضعاً الأوراق التي كانت في يده أمام مكتبه هاتفاً:

- شغل من تحت الترايزة يا مسعود هي حصلت، هي دي الأمانة اللي سابتها لك فيروز، بدل ما تحافظ عليها بتاخـد المشاريع لحسابك. وهالته عصية بشير وزعيقه به فكان الرد زعيق أعنف:

- أنت نسيت نفسك يا بشير، وكمـان داخل تزعق!

- أنت اللي نسيت نفسك يا مسعود، لا ونسيت أننا زمايلك

مش خدامين أبوك.

- لا ده أنت اتجننت رسمي، اسمع يا بشير أنت ملكش عندي إلا مرتبك اللي بتاخـده آخر كل شهر، وأظن من يوم ما فيروز مشيت وأنت حقوقك محفوظة، غير كده بقى فالشركة تحت تصرفي، وأظن إن الكل شايف بعينه إزاي الشركة بقت أحسن ألف مرة لما بقيت أنا المدير.

"أنا اللي طورتها، أنا اللي مفحوت وطالع عيني، أنا.... أنا..."

وآه من الأنا حين تملك منا فلا نرى بعدها إلا أنفسنا!

والزعيق المتبادل كان سيد الموقف حد أن سمع كل من في الشركة شجارهما، لكن لم يعد يعني عبد الشكور أو عيسوي شأن شركة الفيروز، منذ متى كانت تلك الشركة الملعونة عادلة، كل منهما أفنى عمره يعمل ويجتهد لعل حاله يتغير للأفضل، وبالنهاية يأتي من يترأسها رغم أنوفهم، فتسحقهم وترضيه، كفى يا شركة الفيروز! كفى طالما أن خيرك لم يكن يومًا لأهلك.

"كفاية".

قالها عيسوي وقام من مكانه متجهًا لمكتب مسعود لتقديم استقالته غير عابئ بزعيقه وبشئير، سيضع استقالته ويرحل من هنا للأبد.  
"والله اللي مش عاجبه يا بشير يمشي".

وما استشعره عيسوي أنه لو دخل إليه الآن فبالأكيد سيقتله.  
"أنا أعرف أجيب اللي أحسن منكم يشتغلوا وبنص مرتباتكم  
كمان".

وبالكاد تماسك عيسوي كي لا يفتح الباب ويدخل لذلك الحقيق، فقبض على ورقة الاستقالة بيده وعاد أدراجه لمكتبه وقد كورها وألقى بها في سلة المهملات حائقًا، أهذا ما يريد، أن يرحلوا، إذا لن يرحل بتلك البساطة أبدًا.

ثم علا رنين هاتفه باتصال من شجن فقذفه على مكتبه وهو يتمتم:  
- مش وقتك خالص.

ولم تملك إلا إعادة الاتصال بعدما خرجت من محل الهدايا، وقد أعدت ما اتفقت عليه مع مشيرة، لم يرد فزفرت وعندها لم تملك إلا الاتصال بمشيرة لتحكي لها:

- تفتكري كده ينفع أعدي عليه في الشركة.

- لو مش عايز يرد ابعيله رسالة، قوليله أنك رايحاله الشركة.

زفرت بقلة حيلة فأردفت مشيرة:

- أنا عارفة إني تقلت عليكى لما طلبت منك تروحي، بس عيسوي نفسيته وحشة قوي والنهاردة راح عشان يقدم استقالته، وجودك هيهون عليه مع كلمتين حلوين منك، خصوصاً إن النهاردة عيد ميلاده يعني معاكى حجة أهو.

صمتت وقد بدا لمشيرة أنها مترددة فعقبت:

- طيب على كل حال لو مش عايزة تروحي، بلاش.

- لا خلاص هابعطه رسالة واروح، سلام.

وانهت مكالمتها واستوقفت سيارة أجرة وبمجرد ركوبها أمسكت هاتفها وكتبت:

"أنا جايالك الشركة دلوقتى، واهو نخط النقط اللي مضايك طول الوقت ع الحروف، أما أشوف آخرتها معاك يا سي عيسوي".

واللعنة على اختيارها للتوقيت الخطأ دون قصد منها! واللعنة على عقله الذي ترجم رسالتها بأن الملعونة أتت لفسخ الخطبة وإهانته هنا

في الشركة وأمام زملائه، وعلى رأسهم مسعود الذي لن يسعه إلا أن يشمت أو عارف الذي سيتأكد من فشله!

أسرع بالخروج من مكتبه ليرتطم بعم مدبولي، الذي وقف ليحكى:

— الحق يا أستاذ عيسوي، بشير ومسعود ماسكين في بعض.

ولم يملك تعقياً لمدبولي فتركه واتجه للخروج ليستوقفه عند باب الشركة رجل قد وقف سائلاً:

— الأستاذ عبد الشكور رسمي عبد الصبور موجود من فضلك.

والاستغراب علا ملامح عيسوي وفرض عليه فضوله أن يسأل ليخبره أنه محضر من المحكمة.

وما إن سمع مدبولي ما قاله الرجل حتى أسرع لمكتب عبد الشكور ليخبره، وكلماته فرضت على عبد الشكور الانزعاج، فهوّل ناحية الباب ليخبره عندها:

— السيدة رنا أمين رافعة على حضرتك قضية خلع.

"خلع؟"

والصدمة كادت تهوي به أرضاً إلا أنه تماسك وقد أسنده مدبولي بينما ظل هو يتنقل بصره بين عيسوي ومدبولي وبين المحضر الذي التفت ورحل.

"خلع؟"

أعادها عليه يصدق أن ابنة عمته وحببية عمره قد فعلتها حقاً، بل وأرسلت الإنذار إلى محل عمله، وأمام زملائه ودكتور عارف، هل كل ما يهمها هو أن يعرف عارف بما فعلته، لفظته خارج حياتها لأنها تستحق الأفضل.

"عبد الشكور أنت كويس؟"

هو جالساً ولم ينطق بكلمة فقط نظر ليعسوي ولم يعرف بما يرد، فكر بكثري وتيم ومصيرهما، وكان شريط حياته قرر رغم أنفه المرور على عقله، عروسه سبوع ابنته وابنه وكل لحظة مهمة، ألم يكن كل هذا بحاجة للتروي؟

خرج بشير من مكتب مسعود صافعاً الباب خلفه، وأول ما فكر به هو التوجه ليعسوي، وللحظة فكر في عبد الشكور، ولكنه رفض الفكرة، فذلك الحقيق لن يسامحه أبداً.

وعند مدخل الشركة سمع هممتهم وتسمر لرؤيتهم وقد اجتمعوا أمام عبد الشكور فسأل:

- إيه اللي حصل؟

وعندها تبادلوا النظر وعبد الشكور، الكل سيشتت بك يا عبد الشكور وعلى رأسهم بشير لأنه الوحيد الذي يعلم حقيقتك.

قالها في نفسه قهراً ولم ينطق، انتفض من مقعده وخرج مبتعداً عنهم، كفاه طعنات وشروخ وكسور، كفاه أنه كان دوماً "حائطهم المتدني"، الكل يتكئ عليه، وليس من حقه الصرخة.

"سلام عليكم."

والصوت كان لشجن التي وصلت فالتفت لها عيسوي وقد أيقن أنه أخيراً قد عرفها على حقيقتها، شجن هي رنا هي صبا هي كل امرأة حقيرة لا تصون ولا تقدر.

"جاية ليه يا شجن؟"

ولم يصدمها طريقة سؤاله بقدر صدمتها بزعيقه وعصبيته وجذبه لذراعها بعنف فرض عليها أن تتجمد بمكانها.

وفرض على بشير التعقيب:

- بالراحة يا عيسوي أنت التجنت؟

وربما الإجابة نعم فقد سحبها خلفه متجهًا بما لمكتبه ثم أغلق بابه، والتفت لها جاذبًا إياها من كلتا ذراعيها صارخًا:

- جاية تفسخي الخطوبة هنا يا شجن، عايزة فضايح وعلى عينك يا تاجر، ما أصل كرامة عيسوي وشكله وسط زمايله دي هتهمك في ايه، طالما في الأحسن منه يبقى وماله مش كده.

ولأول مرة تستشعر أنها عاجزة حتى عن دفعه، تبكي وتريد الرد ورغم هذا صامته.

"ايه اللي ناقص عيسوي عشان يبقى عريس يليق بالآنسة شجن، أنه يبقى نحنوح مش كده، عيسوي محترم وأنت صنف مينفعش معاه إلا قليل الادب، الواطي تجروا وراه لكن لو شاري مياخودش إلا

بالخدمة، ايه اللي ناقص عيسوي عشان يعجبك، طيب قولي اللي مش  
عجبك، اسمه ولا شكله ولا ظروفه؟"  
"كفاية بقى كفاية".

وبصعوبة صرخت عله يتوقف وصراخها فرض على بشير أن  
يتدخل فطرق الباب وناداه عله يرد لكنه لم يفعل هو بالأساس لم يعد  
يسمع.

ولم يحرك مسعود ساكنًا. لظنه أنهم يتشاجرون بنسبه، ولم يحرك  
عارف ساكنًا لأن أصوات شجارهم جميعًا تمنحه النشوة.  
"يا جماعة استهدوا بالله مش كده".

قالها بشير وهو ينظر باتجاه عيسوي الذي لم يلتفت له، كان فقط  
يطالعه، ببالغ حزنه من نفسه يكاد يسأل وهو الجروح ألم أكن  
أستحق فرصة؟

هل بات عليهما أن يفترقا، ليته يستطيع قبل الفراق أن يخبرها بأن  
عينيها جميلتان جدًا، بل كل ما فيها، لكنه لن يكسر كرامته لن  
يضعف لأجل فتاة مهما تمكن حبها منه.

ابتعد عنها، خطأ خطوتين للخلف ثم خلع خاتمه من إصبعه ووضع  
بيدها، لن يتركها لتبادر كما فعلوا سابقًا.

"ربنا يوفقك في حياتك يا آنسة شجن".

ولم تحكم قبضتها على خاتمه فسقط من يدها، بينما أولاها هو  
ظهره متكئاً على مكتبه.

وأخيراً استجمعت شجاعته لتخبره رغم صوتها المبحوح ببيكائها:  
أنا مكونتش جاية أفسخ خطوبتنا.  
ووضعت أمامه هديته وعقبت:

- كل سنة وأنت طيب، أنا عرفت..... عرفت من طنط إن عيد  
ميلادك النهاردة.

ولم تكمل كلامها بل ركضت منهارة، فالتفت لطيفها الراحل ثم  
نظر لبشير وكأن الصدمة أعجزته عن فهم ما عليه فعله.  
وما أسعفه كان هتاف بشير فيه وهو يسحبه ويهز جسده:

- الحقها يا بني ادم، اجري وراها الحقها.  
وفعل رغم أنه يثق أنه مهما يركض فلن يعد باستطاعته اللحاق  
بها أبداً.

"هو إيه اللي جراكم بس يا ابني، والله دي عين وصابتكم، فينك  
يا ست فيروز ولا يوم من أيامك، كفاية إن الشركة كانت ماشية".  
ولم يصمت مدبولي ظل يتمتم وهو يضرب كفاً بكفاً على حالمهم  
بينما بشير ينظر باتجاه غرفة عارف.  
"عارف".

أي تعويذة ملعونة أتت بك إلى هنا، ونظر لأوراق الحسابات التي  
تلاعب بها مسعود واتجه ناحية غرفته ودخل حتى دون أن يطرق بابه



"وأخيرا يا بشير".

قالها عارف في نفسه ثم نفت دخان سيجاره وسأل:

عايز حاجة يا بشير؟

وبخطوات ثابتة وبصوت هادئ وضع ما بيده من أوراق على مكتبه قائلاً: طبعاً أنت عارف كويس قوي الشغل اللي بيعمله مسعود من تحت التراييزة، أنا متأكد إن مفيش حاجة في الشركة هنا أنت متعرفهاش، لا ده مفيش حاجة في بيوتنا أنت متعرفهاش.

ازدرد لعابه ثم عقد ذراعيه أمام صدره وأكمل:

— مسعود بقى حرامي وعبد الشكور جاسوس، وعيسوي يمشي طالما مش هيبقى تحت طوعك مش كده.

زفر عارف بشدة ثم قام ليقف قبالته، وبدوره طالعه حانقاً، ظل ينتظر مجيئه ليرجوه مساعدته في البحث عن براءة جده، لكنه أتى ليحدثه عن شركة الفيروز وكان جل مشكلاته قد تم حلها.

— أنا مش فاهم أنت عايز تقول إيه.

— أنا اللي مش فاهم أنت هنا بتعمل إيه؟

— باشتغل، زي ما أنتم بتشتغلوا.

— بتشتغل إيه يا دكتور عارف، مستشار إداري لشركة الفيروز،

تقدر تقولي وجودك فادنا بايه، ولا أنت مش حاسس أنك خربتها؟

— لا الحقيقة مش حاسس.

ثم أردف ببرود:

- عارف ليه، لأن كل واحد فيكم كان له حق الاختيار، وكل واحد فيكم هو اللي اختار بنفسه سكتة، مالي أنا بمسعود لو سرق، أو عبد الشكور لو خانكم وجالي يحكيالي اللي يخصكم، أو عيسوي لو عايز يمشي، أنا مش وصي على تصرفاتكم يا بشير، وأظن أنتم كبار كفاية وتقدروا تفرقوا بين الصح والغلط.

- أنت استغليتهم، استغليت الحوجة والضعف وكسر الأحلام.

- ولو أنا مستغل كده مستغلتكش ليه زيه.

واستشعر بشير الريبة من طريقته، هل يريد استدراجه كما استدراجهم، ولم يمهله فرصة، وضع يده على كتفه وأردف:

- أنت معدنك أصيل فمكسرتش، لكن هما فالصو، وورغم قمة عجزك ملجأتش ليا، مع أنك كنت تقدر لكن حتى محاولتش.

واستشعر أن الوسواس يتلاعب بعقله فقرر أن يستدرك نفسه، أبعد يده عنوة ثم عقب:

- أنا مليش دعوة بكل الكلام ده، أنا من بكرة هاروح لخامي مدام فيروز وأبلغه بكل الحاجات اللي بقت بتحصل في الشركة، وهو يطلب منها ترجع وتدير شركتها بنفسها، وساعتها هي اللي تقرر مين يقعد ومين يمشي.

ظَلَّ عارف يطالعه بغيظ متسائلاً؛

أحقاً هو أمام نموذج عليه احترام ذكائه، أولاه بشير ظهره ليخرج فاستوقفه عارف مُعقِباً:

- تفكر فيروز تستاهل منك كل الحرص ده عليها وعلى شركتها.

وقف بمكانه ودون أن يلتفت ردًّا:

- أنا بأعمل اللي عليه عليا ضميري، المال السايب يعلم السرقة.

- ويا ترى ضميرك هيفضل صاحي حتى بعد ما تعرف أنها السيب

في كل اللي حصل لجدك.

واللحظة المثلى للإجهاز على بشير أتت، لإدراكه أن الصدمات

كفيلة بشل تفكير البشر.

التفت يطالعه بريية وسأل:

- قصدك إيه؟

اقترب عارف منه وعقَّب:

- بشير أنت عملت إيه عشان تساعد جدك في محتته، غير أنك

وقفت تتفروح.

- وأنا كان في أيدي إيه أعمله؟

سأل بشير متهكمًا بينما كتم عارف ابتسامة كادت تتراقص على

شفتيه وتابع:

- طيب يبقى على الأقل متاخذتش صف فيروز، وهي اللي كانت

السبب في كل اللي جرا لبغداد.

ولم ينتظر أي رد من بات واضحًا تشويشه، رفع هاتفه ليسمح

لبشير برؤية فيديو، إنه الفيديو الذي قد سبق نشره قبل موت

بغدادى، طالعہ رعم الخجل رعم الخوف والفزع وباللحظة الأخيرة  
ظهر وجهها.....فیروز؟

اتسعت ابتسامة عارف وهو يطالع وجهه، مشتتاً، مضطرباً، عاد  
بشیر لقواعده، والتجربة باتت بأمان دون مقاومة.

\*\*\*

## (16)

"عند الأفراد الجنون هو أمر نادر ولكن في المجموعات الأحزاب،  
الأمم، والعصور الجنون هو القاعدة".

فريدريك نيتشه

بعد مرور أربعة أشهر

كثيرة هي الأفلام التي تتحدث عن حواء، الضحية المظلومة من  
الجميع، وآدم بالطبع على رأس القائمة، هو الظالم والقاسي والملعون،  
بل ربما هو نفسه اللعنة.

أفلام ومسلسلات، برامج وحوارات، كلها لا حديث لديها إلا  
عن تلك التي تعاني الأمرين من تسلُّط الجميع واضطهادها، حتى  
صدقتهم وباتت تتصرف وفق ما تم رسمه، تارة بالندية وأخرى وقد  
تلبسها دور محررة المرأة من قبضة المجتمع الحديدية وبين الاثنين ضاع  
آدم وكما يقولون "في شربة مية"، آدم لو زعق فهو عليه اللعنة كيف  
يجرؤ ويفعلها، ولو قصر فهناك من يفعل الأفضل، ولو أخطأ فيا ويله!  
وما بين نيات حسنة لإنصاف حواء وقضايا تم مناقشتها بمجدية مروراً

بمغلاة واضحة بات الهدف منها التربُّح على حسابها، تم طحن آدم دون تفرقة بين غث وطيب.

فمتى سنتوقف عن تجريد آدم من رجولته؟

"هانت".

فات الكثير ولم يعد ما هو أكثر، فكتالوج الرجولة الحصري قد تبدّل بنجاح، وكل القنوات باتت قابلة للتلاعب، وكأن الحياة لم تكن يوماً "دائرة"، حواء تربي وتضع برأس آدم ما تريد حصده، وآدم قبل أن يكون الند، قد يكون الأب الأخ، السند والمربي.

لكن من يعبأ، وصانعو القنوات كل همومهم هي مكانسهم والميديا على رأس القائمة.

فها هو إعلان توتو اللول قد عاد يتصدر التلفاز، وما إن تطل نجمته الجديدة حتى يتسمر الجميع أمام شاشته فالصاروخ الجديد "أرض جو" أو بالأحرى "سلاح نووي".

"ده كفاية المايوه الوردى".

وإن كان هذا هو حال من يطالعها عبر الشاشات فما بالك بمن يعايشها اللحظة، يراها عن كثب وقد قررت أن تتفرد وتكسر الخطوط بكل ألوانها.

"أكشن".

قالها هيثم لمن وقفت على حافة حمام السباحة ويدها اليمنى ترفع شعرها الأشقر لأعلى بينما اليسرى حوطت خصرها، ثم استدارت

تخلع "بورنس" السباحة وتلقيه ياهمال ثم قفزت لتحتضن المياه جسدها الذي راح يتمايل، بينما الكاميرا تقترب وتبتعد بإتقان مدروس، حتى بدا أنها ستغرق، وهنا سيظهر من العدم "سيد الرجالة" الذي سيركض مسرعاً، يخلع قميصه ليكشف عن عضلاته ثم يلقي بجسده في الماء منقذاً إياها بعد ما يضطره الموقف لاحتضانها ولا بأس من قبلة حياة ليتأكد أنها بخير ثم ينتهي المشهد بصدمة حين يعرف أنها زوجة "الباشا"، ورغم هذا لن يوارى أنه قد اشتهاها بقدر ما اشتتهه.

"استووووووب".

والتصفيق لحالة الإبداع القصوى كان سيد الموقف حد قيام المنتج بالتوجه للفنانة المبدعة وهو يحمل "بورنسا" ويساعدها بنفسه على ارتدائه، بينما يملئ هيثم تعليقاته وينهي كلامه بأهم تعقيب همس به في أذنيها:

"كني هايلة يا صبا".

"عظمة على عظمة يا أستاذة، يا كيداهم يا اللي هتقعديهم كلهم في بيوتهم".

- مش للدرجة يا مستر باسم، ده أنا لسه في الأول.

قالتها بينما لفَّ فريد ذراعه حول خصرها مُعقِّباً:

- بلاش تواضع يا سندريلا.

- لا والله مش تواضع، لكن...

ولم يمهّلها فرصة لترد لأنه طوقها أكثر واضعاً قبلة على وجنتيها  
هامسا في أذنها:

— مفیش لکن۔

فخرجلت وابتسمت وعقبت:

— فرید عیب احنا قدام الناس.

فعقب باسم وقد شعر بالغيرة من مكانة فريد عندها:

— لا خدوا راحتکم، طالما هتبهرونا کده.

وَلَمْ يَمْلِكْ لَهُمْ فَرِيدَ الْوَقْتِ لِيَكْمُلُوا سَجْبَهَا مِنْ بَيْنِهِمْ مَتَجِّهَا بِهَا لَعْرِفَتِهِ  
أَوْ عَرَفْتَهَا؛ لَا فَرْقَ.

بینما تطلع باسم بغیظ:

- حَتَّىٰ تَبْلُوَ وَعَهْدَ اللَّهِ بِسِ يَ خَسَارًا، مَحْجُوزَةٌ.

— عاينزها؟

والسؤال من هيثم فرض على عينيه لمة وهو يسأل:

- إزاي بس والواد الخرع ده ملازمها زي ضلها.

- سييلي الموضوع ده، وليك عليا هي اللي تيجي بنفسها لحد عندك.

قالها بثقة فرضت على باسم التعقيب:

— أوستااذ.

\*\*\*



ولن ينكر أن كلام عارف قد أصابه بمقتل، عاد يومها وعقله وحده يكرر الفيديو الذي جمع بغدادى وفيروز، وألف سؤال يتصارع برأسه

لطالما كان الخجول المتردد العاجز عن المبادرة بأي فعل، وحتى بأحلك اللحظات لم يتغير، ظن أنه لا يملك لجده شيئاً، لكن الصادم أنه بالأساس لم يحاول، استفاق على ورقة حين شرد كتب بمنتصفها بغدادى، ثم شعب منها عدة أسماء على رأسها فيروز وعارف، صبا وشكري.

وعلى مدار أربعة أشهر مضوا قرر أن يجد خيط عله يثبت براءة جده، بدأ بشكري أهم أصدقاء بغدادى وأكثرهم رجاء لمعرفة الحقيقة، ومنه عرف أيتن؛ آخر المقربين له، تذكر أنه قابلها بمكتبه حين نهرته من أجل أستاذها، شكري منحه خيطاً حين قال ما عرفه عن رسالتها التي حدثه عنها بغدادى سابقاً، ثم محامي فيروز الذي رفض المساعدة في البداية ثم بالنهاية تأكد بشير أنه صدقاً لا يعرف مكانها؛ فأين اختفت بل لماذا؟

إجابة البحث عنها استحق مجازفة، فراقب فيلتها، ليكتشف أن خادمتها تتوجه كل جمعة إليها لتنظيفها وترحل عند الرابعة.

فرصة سنحت للتسلل ومع البحث بأرجاء الفيلا انتهى المطاف بغرفة مكتبها، وأمام درج مغلق بمفاتيح بدا واضحاً أنها مع فيروز

وحدها لم يعد هناك مفرٌّ من استكمال ما بدأ، سعى لفتح الدرج بطريقة تعلمها من جده مسبقاً دون كسره ليجد نفسه أمام ما صدمه: ملفاً مكتوباً بخط يد دكتور عارف، كتب فيه أسماءهم وبجوارها تحليل شخصياتهم.

"مسعود شمالي، عبد الشكور جنوبي وعيسوي غربي وبشير شرقي".

ورقة مكتوب عليها خطة تفريقهم.

هل سيعرف الآن إجابة أكثر سؤال حيره؛ ما الذي يفعله عارف بالشرطة؟

(ربما).

لكنه يدرك أن ما عرفه بات أكبر من أن يواجهه وحده، وقف للدقائق وفكر، كيف سيخلق فرصة لتوحيدهم أمام عارف، ولأنه ما عاد يثق بأحد سوى عيسوي قرر أن يبدأ من عنده.

\*\*\*

هو تذوق المنصب ولذلك نكهة خاصة، رغم أنفه امتزجت بخوف أن يزول منه ما يملك.

وكالعادة ككل مرة سيهرع لعارف ويهتف:

- الحقني.

فيفتح له ذراعيه بترحاب:

- تحت أمرك.

"محامي فيروز يقول إن بشير بيدور عليها، عايز يوصل لطريقها بأي تمن، أكيد هيقلوها على اللي بيحصل في الشركة ومش بعيد أخسر كل اللي عملته".

والصوت معباً بارتجافة، يتبعها تبرير يتلوه تبرير، هو لا يسرق هو فقط يقوم بالمشروعات لحسابه الشخصي، ومن ثم فأموالها من حقه، هو مستغل ربما لكنه ليس سارقاً، هو يكدر ويتعب، يسعى خلف طموح تمنى أن يرى النور يوماً، ولكن كل الطرق قد أغلقت بوجهه.

- متقلّش هاساعدك.

وبعدما خرج من مكتبه ظل مشتتاً، ماذا لو عادت فيروز قبل أن يجمع ما تبقى لشراء شقته بدلاً من كونه مستأجراً، وهل سترتب على ذلك فقدان درة؟

وهل حقاً عادت درة؟

حين ثارت وتركت المنزل، استطاع وفق نصيحة عارف وأد ما فعلت، والبداية كانت حين غادر الشركة يومها واتجه لشراء هدية لعطيات وأخرى لها وعلبة حلوى غالية ثم اتجه لمنزل حماته، وما إن رآته عطيات حتى تهللت أساريرها، وجملت عنه ورحبت بحفاوة، وبغرفة الصالون كان عمها بجوار خالها بجوار والدتها، لقد سمعوا منها وآن أوان كلماته.

- يا ماما عطيات صدقيني ضغط الشغل كبير قوي من ساعة الترقية، أنا باشتغل ليل نهار فعلاً، بس ليه.

أخرج من جيبه ورقة عقد ابتدائي وأعلن:

- أنا خلاص هاشتري الشقة وكنت ناوي أكتبها باسم ذرة،  
ودي أقل حاجة أقدر أقدمها لإنسانة كافحت معايا ووقفت جنبي.

وفي زاوية ما من الغرفة كان إبليس يصفق، نظرت عطيات لدره  
بتألف الغيظ، ابتنها تريد الطلاق منه بعدما تحسنت حالته المادية، بينما  
غمها وخالها قاما بتقريغها.

عندها بكّت وبشدة، حركت دموعها بقايا ضميرة، لكنه تشبث  
بصورة الوديع وصمّت بينما انفجرت هي تتحدث عن إهاناته،  
فأجاب مبرراً:

- غصب عني، وأنت يا ذرة المفروض تخلي بالك من البنات،  
الوزق اللي قطعته خور ذه فلوس ناس، إهمالك هو اللي بيتفرقي.

وينتهي هو ليندا غمها وخالها ووالدها بتقريغها مرة أخرى، هو  
محق، هو معذور، هو ملاك بريء وأجنحته تغطي جنبات الغرفة.  
والمباغثة كانت الحل الأمثل اتجه نحوها وجذبها من ذراعها لتقف  
أمامه ثم اعتذر وقبل رأسها فهمت عطيات من مكانها تهتف فيها أن  
تعود معه وإلا...

تهديد صريح بالقطيعة والدعاء عليها ودفعها بالإكراه للعودة، وما  
إن تحركت حتى انزوت على شفتي مسعود ابتسامه شماته بادله إياها  
بنظرة كره صريحة قرصت عليه العبوس، وما إن عادا لترهما حتى  
زغق فيها بكل كيانه:

- الموت أقرب لك من اللي في دماغك، لو انطبقت السما على الأرض أنا مش هطلق.

تطلعت لعينه لتشعر وكأنها تراه لأول مرة، هو رجل آخر غير مسعود الذي أحبه وارتضت أن تعيش معه القادم من حياتها، وأمام زعيقه وحياة باتت مفروضة عليها هتفت بحرقه:

- أنا باكرهك يا مسعود، باكرهك.

وما قالته هي بقلة حيلة كان القشة التي قسمت ظهره، هي ليست ضعيفة كما تظن، يكفيها فقط أن تصرح بكراميته كما فعلت، تتجنبه وتعيش معه كجثة هامدة، فيلعب نفسه عندها في اليوم الواحد ألف مرة، لأنها الحمقاء تناست أن لا مكاسب تضاهي خسارتها.

\*\*\*

ربما هي زيارة متأخرة بعد غياب طويل لكنها بالتأكيد كانت بحاجة إليها، أتت إلى شركة الفيروز وما إن وصلت حتى ظل مدبولي يطالعها بكل استغراب وقد بدا عليه التأثير فلولا قد ارتدت الحجاب، أعني هذا أنها اعتزلت؟!

اختفت لوللا عن الأنظار حين تم استبعادها من فيلم توتو اللول ثم عادت فاجأة بلوك مميز "محجية"، وبالتأكيد خبر كهذا تلقفته مواقع التواصل الاجتماعي، وأجادت لوللا التوقيت بشكل متوازٍ مع من سرقت منها الأضواء "صبا".

- أقدر أدخل يا أستاذ عبد الشكور؟

قالت لها بعدما طرقت باب مكتبه وانتظرت رده، كان شاردًا يعمل دون اهتمام، فلا شيء بات ذا أهمية، ولولا "كثري وتيم" لتمنى نهاية الحياة وفقدانها.

صدمته رؤيتها، والسؤال منها فرض عليه بعض الارتباك قبل أن يسمح لها بالدخول، وما إن جلست حتى سألت:

- يمكن أعرف ليه مكونتش بترد على مكالماتي؟

- أبدًا شوية ظروف.

"رنا".

وذكرى الاسم فرضت مرارة عليه حين سمعه، مرارة عادت به للمحكمة، لحظة الوقوف أمام القاضي ورنا تتحدث عنه، يومها فقط أدرك أنه كان أبشع رجل رآته في حياتها.

"ما رأيك في إتهام مدام رنا لحضرتك".

والصمت يومها كان الإجابة المثلى، وبعدها التفت لها ونظر لعينيها، كان يدرك أن كليهما لم يعد نفس الشخص، لم يُخبي انكساره لكنه حسم أمره، سيحتفظ بأبنائه إن تمسكت بطلاقهما.

ولم ترفض أو تتراجع أو تفكر، ولم ينتظر حكم المحكمة بدوره، نظرة أخيرة منه عينيها امتزجت فيها اللوعة بالحسرة، ثم استجمع قواه وأهدأها ما ترغب.

"أنت طالق".

- ياااااااا كل ده عشان رنا، للدرجة دي كنت بتحبتها.

جملة اقتطعته من شروده، فزفر ثم تظاهر بلامبالته وسأل:

- خير يا مدام لوللا؟

- إيه الطريقة دي يا عبد الشكور؟

قالتها بضيق ولكنها التمسّت له عذراً وقررت أن تكون أكثر مباشرة ووضوح، فما أتت من أجله وعندها قالت:

- أنا مش هالومك عشان حاسة بيبك، وهاقولك أنا جيت ليه على طول، بصراحة كده أنا قررت اسبني خالص من موضوع الإعلانات والتمثيل، عملت شركة دعاية وقررت بما أنك شاطر في التسويق أنك أنت اللي تبقى مديرها، الحقيقة أنا مش هالاقى حد أستأمنه غيرك يا عبد الشكور، قلت إيه؟

والعرض مغرٍ كما المرة السابقة خاصة وقد قرر سيادته بجوار ما يجمع من أموال لمصروفات المدارس أن يدبر مبلغ المؤخر لزوجته، حتى لو تنازلت هي عن حقوقها، لكنه ودون أن يجهل نفسه لحظة ليفكر حسم أمره ورد:

- آسف مش هاقدر.

والضيق بدا واضحاً على ملامحها ورغم ذلك ترجّته:

- ليه بس، ده أنا جياالك رغم كل حاجة عدت، رغم رفضك ليا وكل خوفك على مشاعر واحدة أنت عمرك ما كنت في دماغها.  
"لوللا".

زعىق بها لكي يسكتها لكنها لم تسكت وتابعت:

- متزعزلش مني، بس أنت لازم تفوق وتعرف أنها عايشة حياتها ومبقاش فارق معاها اللي فات زيك، رنا هتشتغل مع عارف في القناة الجديدة بتاعته هيعملها برنامج ودعاية وشهرة، ده غير أنها قريب هتجوز.

"كفاية مش عايز أعرف عنها حاجة".

زعق وأولاهها ظهره بعدما حرك مقعده وعندها قامت هي من مقعدها واتجهت لتكون قبالة، نزلت على ركبتيها وأمسكت بكف يده وقالت:

- أنا مش عايزة أشوفك كده، رنا متستاھلش، بكرة تندم لما تعرف أن كل اللي هي فيه، لمعة من برة ومن جواه حديد مصدي، تعرف يا عبد الشكور، أنا مستعدة أسيب الدنيا كلها ورا ضهري وأكمل معاك اللي جاي مهما كان بس أنت ترضى، عبد الشكور أنا...

ولم تكمل، ظلت تتطلع لمن أغمض عينه ونكس رأسه وكأنه لا يريد أن يسمع المزيد منها وعندها نهضت ببقايا كبريائها وقالت بحدة:

- أنا آسفة، الظاهر أني باشحت منك..

وقاطعها هو ليرد:

- يا زيت تفهميني، أنا مش ناوي أجيب لولادي مرات أب، كفاية اللي كترتي وصلتلته، أنا حياي مبقاش فيها حاجة أقدر أقدمها لحد، ومعنديش استعداد ابقى "جوز الست".



كلمة حاسمة فرضت عليها الشعور بالخزي، هو يدرك مغزى محاولتها ويرفضها، ولم تمهله الوقت ليكمل، حملت حقيبتها ورحلت مسرعة بعدما أيقنت أنه لا أمل لأي روابط بينهما.

\*\*\*

بمكتب مصلحة الجوازات والهجرة مكث قرابة الساعة بانتظار دوره وما إن تم النداء على اسمه حتى قام من مكانه ليتسلم جواز سفره.

وأخيرا اقتربت غالبية الإجراءات من الانتهاء، وما تبقى بات أقل مما مضى، كل ما عليه فعله الآن هو مراسلة الشركة الإماراتية والتأكيد على موعد سفره وبعد فترة سيرسل لمشيخة كي ترافقه، قاطعًا كل صلة بـ "أم الدنيا" وكل من فيها وعلى رأسهم بالتأكيد "شجن".

"وحق كل دمعة نزلت من عين بنتي يا عيسوي، لو أنت آخر راجل في الدنيا مش هتتجوزها".

زفر بشدة وعاد إلى دراجته البخارية، قادها بأقصى سرعة مُمنياً نفسه أنه قد يطير بلحظة ما وعندها سيتنسم معنى ألا يقيدته شيء، لا روابط أسرية ولا قلبية ولا أي شكل من أشكال الانتماء، عيسوي لن ينتمي إلا لعيسوي فقط.

"ليه تعمل كده يا ابني، حرام عليك ده أنا اللي طلبت منها تروحلك عشان تفرحك، تقوم تكسر خاطرها كده".

زاد من السرعة أكثر وأكثر، وكل ما يتمناه ألا ترافق أصواتهم  
أذنه:

"أنا مكونتش جاية أفرکش الخطوبة".

"شجن أنا بجبك".

"الاحترام أهم ألف مرة من الحب".

ضغط مكابح دراجته فجأة وكاد يسقط عنها، توقف عن الطيران  
لكن عقله الملعون لا يتوقف عن التفكير فيها، عاد واتجه لغرفته  
وانزوى بها وباتت هذه عادته، لا يتحدث إلى أحد ولا يخرج وكل  
وقته يمر وهو منغمس في العمل.

"أحضرلك الغدا؟"

سألته مشيرة فلم يلتفت إليها، ظل منعكفًا أمام حاسوبه يكمل  
عمله وعندها جاورته وأكملت:

- مش ترحم نفسك شوية؟

- قربت أخلص.

جلست بجانبه ثم أخبرته:

- اسكت مش عماد اتصل يسأل عليك.

"يسأله على شجن قال...."

"ماما".

قاطعها بحدة كونه لا يريد أن يسمع وعندها رغمًا عنها بكت  
بحرقة، أيعلم أنها تخشى إن سافر ألا تراه مرة أخرى؟!

تركته فشرد رغم أنفه في حالها وقد ألمه إيلاهما، لكنه ما عاد قادرًا على الاستمرار هنا ولو لساعة واحدة، هو يتوق للسفر أو الأحرى الهروب.

وعلى غير المتوقع أتى بشير، زيارة أسعدت مشيرة لظنها أنها ربما تخفف عن ابنها.

وأمام كوبين من الشاي جمعتهما غرفة عيسوي، وقد جلس بشير يسرد عليه مفردات القصة منذ بدايتها حتى انتهى ثم وضع أمامه الأوراق المكتوبة بخط عارف منتظرًا تعقيبه، حدّق بها عيسوي ثم قال:

- أنا مش فاهم أي حاجة من الورق ده.

- أنا هاشرحلك، عارف حلل شخصيتا بعلم البوصلة، ورحط لفيروز خطة لتفريقنا، كان متأكد أننا هنختار اختيارات معينة أو ردود أفعال معينة بس في نفس الوقت كان بيحاول يسبقنا بخطوة عشان نختار اللي هو عايزه، فهمت؟

- بصراحة لا، بس إيه الدافع لكده؟

- مش عارف.

صمت الاثنان وبعد ثوانٍ عقب عيسوي:

- طيب الراجل ده جاب فيديو بغدادى وفيروز مين؟

- برضو مش عارف، واللي مستغربه أكثر معقول يكون

بغدادى كان فعلاً كده.

وكلاهما تأفّف حتى سأل عيسوي:

- طيب تفتكر صبا ممكن تساعدنا، ممكن يكون عندها إجابة على أي سؤال من دول.

واستغوب بشير من نفسه حين ضحك هازئاً وهو يتذكر ما آلت إليه صبا فرد:

- نجمة فيلم توتو اللول، معتقدتش.

ثم تابع:

عارف إيه اللي احنا محتاجينه دلوقتي بجد، محتاجين احنا الأربعة نتجمع ونواجهه بكل اللي عرفناه، احنا الأربعة لو...  
"إيه إيه إيه؟"

وقف عيسوي ثائراً وقد قاطعه وهتف:

- أنت متخيل إن أنا ممكن أخط أيدي في إيد مسعود لأي سبب،  
أنت أكيد بتهزر صح.

وقف بشير قبالة وقد عقد ذراعيه أمام صدره وأجاب:

- أmaal نرجع الشركة اللي بتقع دي إزاي، ونواجهه عارف إزاي،  
أنت متخيل إننا نقدر أنا وأنت لوحدنا.  
"أنا وأنت".

ساد الصمت للحظة ثم تابع:

- ومن قالك إني ناوي أواجهه عارف، أو إني فارق معايا شركة الفيروز، ما تولع الفيروز على فيروز ذات نفسها على عارف، أنا كنت أخذت منها إيه عشان ألحقها ولا أدافع عنها.

وخطا خطوة نحو بشير ثم وضع يده فوق كتفه وأكمل:

- متزعزلش مني يا بشير، أنت بتدور على براءة جدك، بتدور على الحقيقة، لكن أنا خلاص كلها عشر أيام وأسافر وأنسى الفيروز وقرقها، أنا مقدر إن عندك قضية بس أنا يا صاحبي "بعت القضية".  
ولم يُعَقِّب بشير على ما سمعه جمع الأوراق واتجه للخروج تبعه عيسوي وقد شعر بتأنيب ضميره على حاله.  
- طيب استنى بس.

دفع بشير يد عيسوي عنه وقد اتجه ناحية الباب، ثم التفت له يطالعه بضيق فأشاح عيسوي بوجهه فقال:

- طول الشهور اللي عدت كنت بمحاول أدور على الحقيقة مش بس عشان جدي، إنما عشان احساس بيقولي إن الحكاية أكبر من إسماعيل وبغداد، أنا ماشي بس، قبل ما امشي عايز أقولك حاجة، جرب مرة تشوف الناس اللي أنت خذلتهم زي ما أنت دائماً مش شايف غير اللي خذلوك وبس، سلام يا صاحبي.

\*\*\*

اعتادوا الجلوس بشكل يومي بالمقهى المتابعة واحد من أهم البرامج الحوارية وهو: "ساعة مع عارف".

وما إن انتهى تتر البرنامج وظهر الدكتور أبو العزم حتى تحولت كل الوجوه باتجاه الشاشة، يُطبق الصمت على المكان ويتلاشى تماماً عقل الفرد ليحل مكانه عقل جمعي، وما أدراك ما العقل الجمعي!

حالة ذوبان وانصهار لأفكارك أنت ومعتقداتك أنت، لقيمك أنت، بينما الكل من حولك يصدق ما يسمع، يهز رأسه بأريحية ويستمتع، فهل ستشز أنت وتعرض؟  
"يا أستاذ بشير ما تيجي تسمع".

والنداء من صاحب المقهى فرض على العائد لمزله التوقف، فكر أن نداءهم ربما لأجل الاطمئنان على جده، وما إن دخل حتى همهم أحدهم:

"الدكتور عارف يشغل مع بشير في نفس الشركة".

هرول أحدهم لمنحه مقعدا يجلس عليه بينما نادى صاحب المقهى صبيه طالبًا لبشير كوب "سحلب مخصوصًا" وعاد الالتفاف للمتابعة  
دكتور عارف الذي تحدث عن اختراعه ببالغ الصراحة دون تغطية:  
(جهاز اسمه توقيت جرينتش، يعمل على إحلال الأفكار السلبية برأسك بأخرى إيجابية، يغير مجرى حياتك، يكسبك المال والشهرة والنجومية، وقد يحيل العجوز إلى صبية).

عارف وآه من الاسم وصاحبه، عكفت فتاة جرينتش على نشر فيديوهات على مدار ثلاثة أشهر فرضت على الجميع السخرية والتقليل من جهازه، بل خسائر أدركها عارف حين زهد الناس مركزه فاستدرك الأمر برمته مقررًا فتح قناة تلفزيونية وإظهار طيبة

قلبه كونه سيساعد الناس ويشرح لهم عبر برنامجهم بالبحر، وليس برنامجهم وحده، بل هي قناة شاملة كاملة.

(برامج دينية واستشارات أسرية وطريقة عمل الأرز بالمهلية والمتعة حصرية).

فإعلان افتتاح القناة كان للمتألقة "صبا".

"خليك معنا وأوعى تغير الخطه، فأنت معنا بالتوقيت العالمي، بتوقيت جرينتش".

بدأت التعليقات فور انتهاء الحلقة بين إعجاب ورجاء، فلم ينتظر ليسمع أكثر، رَحَلَ مسرعًا لمترله يَحْتَبِي منهم، نَحَه حسن فتمنى لو استطاع أن يستوقفه فهروول خلفه ونادى ولكنه لم يلتفت.

شعر بخيبة أمله فجلس على أحد مقاعد المقهى زافراً، رآه صاحب المقهى فجواره يسأله عن حاله وعما يضايقه، والإجابة كانت زفرة أخرى وضيقاً وحزناً ومطالعة بلا أمل للشارع المؤدي لمترل مها، فهم منها صاحب المقهى ما يجول بخاطره فعقب:

- يمكن جدها يطلع قريب.

- هو بشير قالكم حاجة.

سأل بشغف ولكنه توقف حين أدرك أن طريقته قد كشفته فصمت وعندها ابتسم صاحب المقهى وأكمل:

- طيب هو يعني اللي خلقها مخلّش غيرها، وبعدين ما أنت كنت خاطب ولو مفيش نصيب شوف غيرها.

والإجابة كانت زفرة ثالثة دون تعقيب فرضت على صاحب  
المقهى أن يفهم وعندها اقترب منه يهمس:

- طيب ما تروح للمركز بتاع اللي اسمه عازف، يمكن يطلع عنده  
حل أو يتوسطلك عند بشير، كلام في شرك يقولوا راجل واصل  
وفيه حاجة لله، عمره ما حط دماغه في موضوع إلا واتحل.

- عارف أبو العزم.

- غير كده شغال مع بشير وعارفه يعني مساعدة مضمونة فيه في  
المية؟

ولم يبدِ حسن أي اعتراض، ببساطة عاجز يريد حلًا، وعارف  
ملكه، فلم النقاش إن كان ما يريد. قد يحصل عليه!

\*\*\*

أن تنتصر على الباطل في جولة فتظن أنك قد حققت انتصارك  
المطلق هو الوهم الأكبر.

وضع تلك الكلمات بعقلك وأدرك وأعرف، بالحياة لا مكاسب  
دائمة ولا خسائر مستمرة، إنما هي جولات يحددها أصحاب القضية

"أقوياء بوعي"، فتكون النتيجة نصر، أو "غناء سيل"، فتكون  
النتيجة خزيًا، حتى يأتي يوم ينتصر الشر بلا رجعة لحق أو خير فتكون  
نهاية الكون الأبدية، الكون سينتهي يوم ينتهي الخير.



"لذا لا تبكي أيتن؛ لا تبكي لأن الجولات لم تنقض بعد، لقد حققت شيئاً، انتصرت حد إدراك عارف أنه بحاجة للمزيد من الدعاية واللهو، علّ الناس تنفض عنك وتركض إليه.

"بالصور إزاي عملي توقيت جرينتش بمكونات من جوه مطبخك وأنصف من الجاهز بكثير".

وعلى مدار ثلاثة شهور كانت تلك الملعونة، كالصداع الزمن لعارف.

من هي؟

لا يعرف ولو عرف لقتلها، ولن يختلف مصيرها عن مصير يغدادي أبداً، لكنها الملعونة تقدم فيديوهات ساخرة دون ظهور لوجهها، مستخدمة فقط أذاءها الصوتي.

وقد أدركت تماماً كيف يكون الإمساك بخيوط اللعبة؟ قررت تعرية أسلوبه باستخدام أسلوبه نفسه بداية من "الصدمة"، بأسئلة تثبت أن الجهاز وهمي، وعندها ما كان ألتراس أبو العزم ليسكت:

(بوستات تويتات تعليقات مفادها الدفاع عن الرمز للعلوم والتطور، ويا مرحي بدعاية سلبية لكنها بنهاية المطاف دعاية استفادت منها لنشر صفحة أعدتها على الفيس بوك وأسمتها

"القرد بيتنطط ولا بطل تنطيط؟"

لا تفعل شيء سوى كتابة منشورات ساخرة وعمل صور ساخرة  
والتراس عارف أبو العزم يقوم بنشرها مع اللعن والسباب لأن  
رمزهم يُهان.

(شكرًا التراس أبو العزم لحسن تعاونكم معنا).  
"أغيبا"

قالها عارف وهو يسب ويلعن بدوره، هي ترمي الطعم وهم  
يركضون خلفه وحين أدركت التأثير حان دور الخطوة الثانية.  
"التخويف".

يقولك....

يقولوا....

"يقولوا في ناس دخلت ع الجهاز وجالها سرطان".

"الزهايمر كل اللي جربوه برة في ناس منهم فقدت الذاكرة".

"أصلًا برة رفضوا يعملوا الجهاز عشان في قرد مات".

بوستات بوستات بوستات، تويتات تويتات تويتات، ألا أوننا.. ألا  
دوي... ألا تري.

أليس من حق أصحاب الحق أن يفتحوا المزاد؟!

ثم كانت الخطوة الأخيرة: "التسفيه".

فيديو لدمية صغيرة أرادت مصاصة فجلست على الجهاز وجلبها  
ثم فتحها فكانت بالونة صغيرة وانفجرت، وفيديو آخر لدمية عجوز  
دخلت جرينتش وخرجت منه باربي.

والآن هل اكتفت؟

- أيتن تعالي شوفي بسرعة.

وما إن وقفت أمام التلفاز حتى أدركت، قناة جديدة وهو من  
سيقوم بتمويلها، وإعلان عن قناته ومن قامت بأدائه ابنة الدكتور  
بغدادى التي تخلت عن حجابها واتجهت للتمثيل والعمل معه!  
وعادت لغرفتها دون كلمة فقط زفرة وشعور مرير مفاده:

"مفيش فايده"

وتلك هي سرُّ الأزمة.

- نفسنا قصير قوي، وبنياس بسرعة.

قالتها آلاء ولم تُعقَّب هي لإدراكها أنها محقة، وانتابها الحسرة،  
وآه يا دكتور بغدادى لو أنك ما زالت حيًّا، ربما وفاتك كانت لك  
رحمة.

ومع صباح اليوم التالي أتها فكرة أو للدقة كانت رغبة بأن تزور  
قبر أستاذها، هي بحاجة إلى وجوده حتى لو بشكل ضمني بحاجة أن  
تستشعر أنها ليست بمفردها.

ولأن اليوم هو يوم إجازتها، كان هو بالأسفل ينظر لساعة يده  
وينتظر خروجها، تلميذة الدكتور بغدادى التي كانت باستمرار معه  
قبل وفاته، ويوم قابلها بمكتبه انتفضت لأجله، أيعقل أن كل ما جمعها  
ببغدادى كان فقط دراستها؟

لو صدق عارف بأن هذا الرجل سيئ السمعة، فبالتأكيد ستملك تلك الفتاة دليلًا أو أكثر على حقارته، وربما هي عشيقته، تصرفاتها لا توحي بأنها لعبوب فيوم إجازتها في الغالب تقضيه بالمكتبة، لكنها اليوم لم تفعل ركب سيارة أجرة وقد اختلفت وجهتها وهو تابعها حتى وصلت للمقابر، وأمام قبر بغدادي أيوب قرأت الفاتحة ووقفت تدعو، ثم التفتت لترحل، فهتف باسمها ليستوقفها فتجمدت بمكانها:

- آنسة أيتن أنا بشر، اتقابلنا قبل كده في مكتب دكتور بغدادي

بدا أنه سيكمل حوارهم إلا أنها نظرت حولها فلم تجد أحدًا، خافت من وجوده، بالتأكيد كان يراقبها، وعندها أيقنت أن عليها التصرف فالتفت عنوة وضربته في وجهه بحقيبتها فسقط وسقطت حقيبتها بجواره، فركضت هي مسرعة وأوقفت أول سيارة أجرة بطريقها حتى وصلت لبيتها فطلبت من حارس عقارها أن ينادي أختها لدفع حساب السائق، بدت شاحبة تنتفض من شدة خوفها، سعت آلاء لتهدئتها ثم جلبت لها كوب ماء لتشرب، ثم سردت ما كان وقد عنفتها آلاء وبشدة: حد يروح المقابر والصبح كده، أنت إزاي تتصرفي بالتهور ده.

وقبل الرد قاطعهم الطريق على باب منزلها، حيث البواب وقد مد يده بحقيبة أيتن قائلاً:

- حد جاب الشنطة دي ويقول بتاعة الآنسة أيتن.

أخذتها وأغلقت الباب واتجهت لغرفة أختها لتعطيها إياها، ثم عَقَبَتْ:

— على الله ميكونش أخذ منها حاجة.

أسرعت بفتحها وأفرغت كل محتوياتها فوق السرير لتأكد وعندها وجدت ورقة بدا واضحاً أنه هو من وضعها وقد كتب فيها: "أنا محتاج أتكلم معاك ضروري، لو يناسبك هستاكي بكرة بعد شغلك في المكتبة اللي متعودة تروحي فيها".

بشير

\*\*\*

على مدار أربعة شهور كان يتابعهم، ردود أفعالهم، تصرفاتهم، ما آلت إليه حياتهم.

هل نجحت التجربة؟

والإجابة؛ أوشكت!

عارف قاب قوسين أو أدنى من كلمة النهاية، بحث عن العاديين ووجد العاديين وأعد الطعم باستخدام "دعس ونيهة" وابتلعه العاديون، وها هي حياتهم تسير وفق المرسوم لها، وها هي شركتهم تسير وفق المرسوم لها، وها هي علاقتهم تسير وفق مخططاته، إلا استثناء بسيط بالتأكيد عارف سيتداركه:

"فتاة جرينتش والأستاذ بشير".



ثم بحث في الحاضرين حتى وجد بُغيته في رجل سمين وقصير وأسمر البشرة.

"لبسهولي دقن وحواجب، وجلابية بيضا وهاتوه عندي".

وعاد لفريد وصبا يتحدث إليهما ويشرح ثم نادى الرجل وعلا صوته ليكمل:

- صبا نازلة من عند فريد هيعاكسها ثلاثة من فتوات الحنة، عايزك تلعلها حواجبك وتقول "تبارك الخلاق فيما خلق" "الواحد بيدخل بيته يقول أعوذ بالله من الخبث والخبائث" بس تقولهم بالفصحى.

أوما رأسه ثم عاد لفريد ليكمل بقية المشهد ففريد سيغار ويضرب الفتوات ومن ثم سيقف أمامه "الشيخ" مذعوراً يهتف فيه:

"إن كنت كبيراً فالله أكبر".

- هتقولها وتكررها وبعدين فريد يضربك والآخر تقول: "لعنة الله عليك"، تمام؟

والمشهد كوميدى حد ضحك الجميع إلا مسعود الذي تساءل: ما الذي يجري هنا بالظبط؟

سؤال تجلت إجابته حين التفت لرؤية من ناداه، وقد قررا أن يتوجها معاً لمركز السراب حيث موعد هام بانتظار عارف، رغبة وافقت من شعر بالضيق من وجوده هنا فرحلا لمكتب دكتور عارف، ليجمعهما فنجانين من القهوة وحديث مطول، بدا مسعود عصبيًا،

دخن أكثر من أربع سيجارات زفر بكل قوة ثم أنهى حوارهِ بكلمة  
أطربت أذن عارف حين سمعها:

"خايف".

والخوف وقود جُل الخطايا كما الشهوة.

"خايف أخسر اللي وصلته، خايف أخسر شغلي، خايف من

رجوع فيروز، وخايف قووي أخسر درة".

والجملة الأخيرة قيلت بتشديد أقرب للرعب، حد ابتسامة واسعة

ملأت وجه عارف وهو يعقب:

- للدرجة دي بتحبها؟

ولأن الحب ضعف عاد مسعود يتكلم وقد ارتدى قناعاً واهياً من

القوة:

- دي مراتي يا دكتور عارف، أنا معنديش في الدنيا غيرها، طول

عمري كنت لوجدي، معنديش استعداد أخسرهما.

ثم زاد قلقه وهو يكمل:

- عطيات لو حسيت إن ظروفِي ساءت أكيد هترجع تزن عليها

على الطلاق، ويمكن المرة الجاية أرتكب جريمة بسببها، الناس مش

بتحترم الضعيف يا دكتور عارف ولا الطيب ولا المؤدب.

ظل عارف يسمع ولا تزال ابتسامته حاضرة حتى دعس مسعود

سيجارته الأخيرة وسأل بتوتر:

- هتساعدني؟



- أكيد

- طيب قولي أعمل إيه، إزاي أخلي فيروز محتاجة لي ودرة إزاي  
تحبني من تاني بس من غير ما أمها تحس للحظة إني ضعيف؟  
والرغبة بعينه كانت مثيرة للشفقة، هو بلحظة استثنائية، قد يفعل  
أي شيء.

"أي شيء!"

والنصائح بسيطة، في الخيانة يكمن الحل.

"الخيانة"

- استخدم كل الصلاحيات اللي سابتها لك فيروز ضدها، فك  
وديسة الشركة وانقل القلوس لحسابك، ألوي دراع فيروز حتى لو  
وصلت أنك تخلص منها.  
والوجل تمكن من الخائف، اعتاد الدوران حول الخطأ مبرراً لنفسه  
أفعاله، أما الآن فالخطأ مباشر، سرقة لفيروز واضحة وصريحة أو...

- ودرة؟

- ما أنا قولتلك الخيانة هي الحل المثالي.

هز رأسه نافيًا الأمر فتابع عارف بتأكيد:

- الست لما بتحس أن بيتها هيتهد بتفوق يا مسعود، شوف  
بنفسك أي صفحة من صفحات المشاكل لما ست بتكتب أن جوزها  
خانها، كل الناس وأولهم الستات بتكون ردودهم إزاي، الراجل دايماً  
معذور لو خان، وهي اللي دفعتك لكده.

- أبوة بس...

- وأبسط نصيحة هتفتلها ألها هتم بنفسها ويك عشان تحافظ عليك، درة محتاجة لصدمة تفوقها، اصدمها، ومفيش أسهل من أنك تجيب ست وتقضي معاها ليلة وهي تعرف "زنا؟"

"إيه الأوفر ده، وبعدين ما هي السبب".

والخيرة كانت سيدة الموقف، فكلمات عارف تتلقف عقله، خياله شرد في درة وهي تسعى للتودد، تخشى الطلاق.

"تخشى الطلاق".

أعادها ضميره وكأنه يقيقه، كيف لها أن تخشاه وقد طلبته بل ولعنت لحظة عودتها؟

وهاتف عارف قطعه من شروده حين علا بالرنين، فكان رده:

"دقيقة واحدة وهكون معاك".

جملة فرضت على مسعود أن يستأذن ليرحل، وعندها عاد عارف لمكالمته وسأل:

- وصلت لفين؟

- هيقابل أيتن بكرة، أنا استيت لما اتأكدت أنه مشي وطلعت ورا البواب ولحقته قبل ما يدي الشنطة لأيتن، خد مني فلوس ابن اللذينة عشان أفتحها وقدهم مرتين عشان ميحيش سيرة.

- ولقيت حاجة مهمة؟

- لقيت حاجة أستاها عليها مكافأة، لقيت اللي كنت بتدور عليه.

- مش فاهم.

- مش كنت عايز تعرف مين اللي بيترل الفيديوهات اللي بتتريق على جهازك يا دكتور، أنا في شنطة أيتن لقيت الدليل اللي يأكدا أنها اللي ورا الفيديوهات دي.

\*\*\*

## (17)

هو الآن على مشارف أقسى اختبار بحياته، أقارب للتوسط، عمته تريد أن تعتني هي بالأبناء لأنها تدرك أنه لن يستطيع أن يفعل، وزوجة تنجح بالفعل بعدما ابتعدت، حد الشهرة بالميديا ومواقع التواصل الاجتماعي

"شيخة رنا".

أو دعك من تلك التسمية القديمة وأتنا بالجديد؛ إذا لنقل الداعية الإسلامية "رنا أمين"، واللوك الجديد كاف لإثبات كم كان عبد الشكور شخص "مفترًا"، فهذا هي زوجته تطل بإطلالة راقية وقد استطال حجابها "نوعًا ما" وقد استبدلت ملابس المحجبات العادية بعبايات أكثر أناقة، "وارد تركيا".

ووفق الرؤية لما آلت إليه أوضاع كليهما، قرر من حولهما تحليل الأمر، لو عبد الشكور رجل صالح ما كانت الأمور ستبدو هكذا لأن رنا "رنا نصفها".

كان بالمطبخ يقشر البطاطس من أجل قليها بينما كُتري تلاعب  
تيم حين صدح صوت كُتري فجأة بهتاف:  
"ماما في التلفزيون".

ولا يدري لما ترك البطاطس متناسيًا أمرها وهزول ليشاهدها:

- ومعانا اتصال تليفوني ونقول آلو:

- مساء الخير، أكلتم الشريحة رنا لو سمحتي؟

- أه طبعًا اتفضلي يا قمر.

- شريحة رنا أنا بجد بحب حضرتك جدًّا وعازية أقولك كل  
عباياتك وهم ومش ممكنة.

- جزاك الله خيرًا يا قمر، قولي سؤالك.

- بصي هو أنا محرجة بس هسأل..... أنا للأسف حصل بيني وبين

البوي فريند بتاعي موقف كده، ومش عارفة يعني...

- قولي متحرجيش.

- هو الحقيقة يعني كانت بوسة كده، بوسة والله مش أكثر.

- وبعدين كملي.

ورغمًا عنه ابتسم هازنًا بينما لم يأت رنا من المتصلة سوى الصمت

وعندها لم تملك إلا أن تسأل هي:

- طيب قوليلي هي كانت بتملِّك ولا عابرة؟

- كانت بتملِّك حضرتك، سوري.

- طيب حوط خصرك بذراعيه ولا ملحقش.



دفن وجهه في كفيه وتهد بحسرة وعندها وضعت كتری قبلة على  
خده و همست:

- ممكن ناكل أي حاجة ثانية؟

نظر لها وقد جاهد وجهه الابتسام وسأل:

- تحبي تروحي تعيشي مع ماما يا كتری؟

ومتى نفسه رفضها، فهو أول من يعرف أنه يجتهد فقط لأجلهما.

- أنت مش عايزنا؟

قالتها حزينة فأجابها:

- أبداً بس...

ولم يكمل احتضنها واحتضن تيم ضمة طويلة سيستمد منها قوته

ليقف ويكمل ما بدأه، مسح على شعرهما بخنان ثم سأل:

- ناكل بيض وجينة.

ابتسمت وقالت:

- ماشي وأنا هساعدك.

وفعلت؛ اتجهوا للمطبخ، جهز العشاء وتناولوه، ثم ساعدته كتری

من أجل تغيير حفاض تيم ثم تجاوز الثلاثة في سريرته، نام الصغيران

بينما جافى النوم عينيه.

"هل من الممكن أن تأتي إليه نادمة على فراقهم بعد كل تلك

الأضواء والنجاح والمال؟

"ربما".

يغلبها الاشتياق لترى أطفاهما، وقد تشتااق له بقدر اشتياقه لوجودها، لو عادت لن يسامحها بسهولة، سيعنفها كي تتعلم الدرس، وربما يصفعها أو يسبها من باب التأديب، لا لن يصفعها هو فقط سيزجرها كي تتعلم ثم يحتويها بصدرة، ويخبرها أنه متفهم أنها لم تكن تقصد أو تتعمد كسر قلبه.

اقتطعه من شروده دق جرس الباب فاتجه لفتحه وحين ظهرت تسمّر بمكانه:

"رنا؟"

"ممكّن أدخل؟"

هل يعقل أنها قد تعلمت الدرس بكل تلك السرعة، سعل وحاول أن يعدل من هيئته وهو يتعد قليلاً كي يسمح لها بالدخول، طالعت الفوضى من حوها باشمزاز وقد أكد لها حال الشقة أن عبد الشكور اقترب من عبات الانهيار وقریباً سيعود لها معترفاً بخطئته ونجاحها، انتظر جلوسها لكنها لم تفعل، فتحت حقيبتها وأخرجت منها رزمة مالية بدا واضحاً أنها ليست بمبلغ قليل، وضعتها على الطاولة أمامه ثم سألت بهدوء:

- الولاد كويسين؟

نظر للمال ثم لها ثم رد:

- آه، تمام.

أمسكت بالمال ووضعت يده ثم قالت:



- خلي دول معاك، دي فلوس كثير، هات للولاد كل اللي  
نفسهم فيه، وأي فلوس تحتاجوها مترددش تعالى واطلبها مني.  
ولم تكمل كلامها، أجمتها نظرة عينه التي عجزت عن تفسيرها،  
ثمة شيء ما انكسر لتوه بداخله، أو بينهما، هو لا يدري هو عاجز  
عن التحديد، عاجز حد الرمش بعينه وكأنه يريد التأكد أنه مستيقظ  
ولم يغط في النوم بجوار أولاده.  
"انسى أننا انفصلنا، يابا ناس اطلقت واتعاملت برقي عشان  
بينهم أولاد".

"برة".

قالها وقد دفعها واتجه ليفتح باب شقته ثم جذبها من ذراعها  
وأخرجها وهو يعيدها:

- اطلعي برة، برة.

ثم ألقى بالمال في وجهها وهو يؤكد بمجدة:

- مش عايز أشوف وشك تاني، فاهمة؟

صفع الباب بوجهها وقد اخترقت أذنه تمتمتها:

- هتفضل طول عمرك غبي يا عبد الشكور.

وصفعة أخرى هوت ولكن لكيانه كله، قلبه عقله ونفسه، هي لن

تستفيق بل ستمادى حد الغرق، تمامًا كما فعلت صبا.

وعندها تجلت صورة عارف في الأفق، عارف!

"عارف لا بد أن يدفع الثمن".

ذلك الوجه المتجهم هي لا تعرف سببه، صفف شعرها كعادة كل يوم لكن بدون كلمة مزاح واحدة كما عودها، جهز حقيبتها وحقيبة أخوها ثم توجه بهما للحضانة حتى دون كلمة "صباح الخير"، كانت أيتن بانتظارهم عند الباب كعادتهما مؤخراً، منذ علمت بأمر انفصال والديها وهي توليها وأخاها الاهتمام، بداخلها خوف من أن تنطفئ كثرى على إثر ما طال حياة أبويها، وملاحظة أخرى استشتها عن أخيها الصغير ولقت والده لها.

"منطو ومتأخر بالكلام".

وكان هذا ما كان ينقصه.

"صباح الخير".

قالتها أيتن وقد فتحت ذراعيها للصغيرين لتستقبلهما، دخل تيم ولكن كثرى عادت لوالدها، احتضنته ومنحته قبلة على خده ثم عقت: صباحك فل يا شيكو، أوعى تتأخر.

وطريقتهما فرضت عليه وعلى أيتن أن يضحكا، بينما أوما هو رأسه بالإيجاب ورد:

- حاضر.

وكعادة كل يوم سأل عن أحوالهما وبعد إجابتهما نفت ليرحل كادت تستوقفه وبداخلها تريد أن تسأله بشكل مباشر عن "بشير" خطيب بنت دكتور بغدادى السابق إلا أنها تراجعت بآخر لحظة، فبالأكيد هي لن تملك تفسير لاستفسارها عن زميله، ولو أرادت

التأكد من كون بشير يعمل بذات الشركة التي يعمل بها عارف  
فالأمر ليس بالصعب عليها، ولأول مرة تستشعر أن عقلها يساعدها  
كونه يسترجع لها عدة صور على رأسها طيف شاب يراقبها،  
بالمواصلات، المكتبة

هل حقاً هو بشير؟

أم من الممكن أن يكون شخصاً آخر؟  
ولو هو حقاً بشير فلماذا، ولو غيره فلماذا أيضاً؟

هل عليها أن تقلق كونها "فتاة جرينتش" التي تحدث عنها عارف  
مرة بإحدى حلقاته وهو يسيء إليها كونها تحاول تشويه صورته، هي  
لا تظن أبداً أن باستطاعته فعل شيء، لذا ستنفض عنها كل الأفكار  
وقرارها الأخير، لن تقابل بشير، ولن تثق بشخص هي ببساطة لا  
تعرفه.

\*\*\*

عاد لسيارته فأتاه اتصال من أحد المقاولين الذين تم التعاقد معهم  
مطالباً إياه بالجميعة لموقع البناء للضرورة.

فاضططر لتغيير وجهته وما إن وصل ونظر للمكان حتى أدرك مدى  
الفوضى التي وصلت إليه، قابله المقاول وقد بدأ يحكي عن المهازل  
التي تعم المكان.

"مون بتسرق، حديد بيتسرق، وأي غش هيحصل في المباني  
هتبقى خسارة كبيرة، العمال بطلوا يشتغلوا، محدش بقى في دماغه،

نكلم باشمهندس مسعود يقول مش فاضي، نكلم باشمهندس عيسوي  
ميردش، وأخيرا كلمنا حضرتك، الوضع لو فضل كده هتحصل  
كارثة، لازم حد يبقى على إيد العمال يا بيه، الناس حطت شقى  
عمرها في العمارات".

"أنا هتصرف".

قالها عبد الشكور وقد رحل والغيط يتلقفه، هل حقاً عليهم ألا  
يبالوا حتى النهاية، أم على أحدهم أن يستفيق ويفرض الاستفاقة على  
الجميع؟

وصل الشركة ثم اتجه صوب مكتب مسعود، دفع الباب ودخل  
يزعق سائلاً بكل حدة:

مكن أعرف أنت بقيت بتعمل إيه هنا بالظبط؟

والطريقة الهمجية فرضت على مسعود ضرب المكتب بيده  
والهتاف في عبد الشكور كونه دخل عنوة دون استئذان..

لكن عبد الشكور لم يدعه يكمل، جذبه من قميصه ليخرجه من  
مقعده وهو يدفعه ناحيته زاعقاً:

- خربتها يا مسعود، خربتها لما حسيت إن فيروز راجعة، خايف  
على المنصب ومش خايف من تضييع الأمانة، ناوي تعمل إيه أكثر من  
كده؟

دفعه مسعود بقوة حد سقوطه على أحد المقاعد وقد ردَّ هازئاً:

- مين اللي بيتكلم عن الأمانة، عبد الشكور؟! ده على أساس  
أنك مكونتش بتتجسس علينا وتنقل أخبارنا لعارف ولا أنت فاكرني  
مش عارف؟

أراد أن يقلب الطاولة، فاجذب عبد الشكور من قميصه وأكمل  
زعيقه، وهو يكيل التهم له وللبقية كونهم يغارون من تفوقه وترقيته،  
والرد من عبد الشكور كان لكميتين، ثم دفعة ثم سبة، تصرف فرض  
على مسعود أن يعتدل ليرد الضربات وكلاهما كان يدفع الآخر حد  
خروجهم من مكتب مسعود إلى الرواق المؤدي لمكاتبهم، حالة فوضى  
فرضت على عم مدبولي أن يضرب كفاً بكفٍّ، بينما الاثنان ما عاد  
أي منهما يستشعر الزمان أو المكان، حتى أنهكهما شجارهما فسقطا  
أرضاً وأمام قدم عارف توقفاً.

"معقول، ده أنتم كده ممكن تقتلوا بعض!"

قالها بشماتة فرضت على عبد الشكور الوقوف ومطالعة بغلٍ وقد  
قرر أن يهتف فيه:

- اطلع أنت منها وهي تعمّر.

"حلوة التمثيلية الجديدة دي يا عبد الشكور".

والتعقيب كان من بشير الذي وقف على مقربة منهم يتابع  
شجارهما هازناً، من المصطنع هذه المرة ولم؟

واستهزاؤه فرض على عبد الشكور أن يزعم فيه:

- أنا لو بمثل للدرجة إني أخسر كل اللي خسرتة، يبقى أنت أعمى  
النظر يا بشير.

والتعقيب عقلاي لكن من يضمن، ربما كل ما مضى كان خدعة،  
فكرة أطلت على عقل بشير ففرضت عليه أن ينظر لعبد الشكور  
باحترار

نظرة احتقار تلقاها عبد الشكور في كرامته ففرضت عليه أن  
يدفع بشير في صدره من فرط غيظه:

- يا أخي أفهم أنا مش عدوك.

- ومين يضمن، تفتكر أنا ممكن أثق فيك بعد كل اللي عملته، أو  
أثق في مسعود؟

"وليه أنت اللي مفروض تكون مصدر ثقتهم يا بشير؟"

والجملة قيلت بتحد، نظرة خبيثة مفادها - آت ما عندك - هذا  
إن كنت تملك حجة.

ولللحظة استشعر بشير أن عارف يريد استفزازه والمواجهة، يريد  
أن يعرف خبايا بشير، دقيقة تفكر وإقرار من نفسه - استخدم عقلك  
- غموضك الآن بات مصدر قوة.

"واضح إن معندكش حاجة تقولها".

تابع عارف فأجابه بشير:

- لو ده يريحك يا دكتور عارف، فالإجابة أيوة.

ثم وقف أمامه وجهًا لوجه، والوقوف في وجه الشيطان صعب  
لكنه ليس بالمستحيل، وعندها أردف بحسم:

- ومين قالك أن ثقتهم فيا تفرق معايا؟

- ليه مش كان نفسك تبقوا إيد واحدة، صف واحد لحد ما  
فيروز ترجع.

- وليه متقولش أنا كنا محتاجين كل اللي حصل، عشان نتمايز  
وبيان معدنا الأصلي، مش ده كلامك عنهم، مشعود انتهازى وعبد  
الشكور خاين وعيسوي مبيهموش إلا نفسه.

والجملة استوقفت عيسوي الذي جمع ما بقي من أغراضه ليرحل  
دون رجعة.

طالعهم وعلى وجهه قسمات تردد: هل يرد على ما قاله بشير أم  
يصمت؟

صمت امتد لدقائق تطالع فيها كل العيون بعضها البعض.

مَن الخائن؟

ومَن الأمين؟

مَن الكاذب؟

مَن الصادق؟

"ربنا يرجعك بالسلامة يا ست فيروز".

- فيروز هربت وسابتنا لمسعود وعارف يا عم مدبولي، خافت  
على نفسها من الفضايح وهربت.

والرد من المتهور أدركه عارف ففهم أن بشير بالتأكيد أخبره،  
ودون انتظار تعقيب من أحدهم أردف:

- فيروز مش راجعة، ولا شركة الفيروز هترجع، أنا ماشي ولو  
عايزين رأيي أنتم كمان امشوا، سيوها لمسعود مش هو عايز المنصب  
خلوه يحكمها خرابة.

- عايزنا لما نشوف المركب بتغرق نكون أول من ينط منها.

- مش أحسن ما تغرق وتغرقنا.

وتبادلا النظر للحظة.

عيسوي VS بشير.

- وأنت كده فرقك ايه عنهم.

- أنا مأذيتش حد يا بشير عشان اتساوى بيهم.

- وهروبك مش أذى.

- مش كل القضايا تستاهل البطولة، القضية دي خسرانة، فبلاش  
تضيع وقتك.

"وليه متكونش تصرفاتكم قدامنا دلوقتي هي اللي تمخيلة".

والهتاف كان من عبد الشكور بينما مسعود قرر أن يعقب بدوره

فصقق، صقفة، اثنتان، ثلاث ثم هتف:

- لا برافو، هایل قوي دور البطولة المزيّف ده، دلوقتي مسعود

بقي الحيلة المائلة اللي عايزين تشيلوها خيبتكم، دلوقتي شركة

الفيروز بقت خرابة يا سي عيسوي.



"أنا ماشي".

قالها عيسوي والتفت ليرحل فهتف مسعود:

- في داهية.

"واطي يا مسعود والرد عليك مفيش منه فائدة".

"وأنت مش زيه".

والسؤال من بشير والصدمة تمثلت في رده:

- أنا، أنا يا بشير.

- أيوة أنت، هو ده رد الجميل للحاج إسماعيل اللي فتحلك بيته

يوم ما اتخانقت مع مامتك، رد الجميل للراجل اللي راح معاك عشان

يخطبك واعتبرك زيي، يوم ما الراجل ده احتاجلك قبل شركة

الفيروز عملت إيه عشان تساعده.

- قولتلك مش قضيتي يا أخي أنت إيه مش بتفهم.

- لا بافهم، بافهم لدرجة أن معادن الناس مش بتبان غير لما

نحتاجهم.

والنظرة الأخيرة كانت من نصيب عارف، وهو من صفق بحرارة

ثم قال بتأكيد:

- مبروك عليك وقوع شركة الفيروز يا دكتور، خطتك اللي

رسمتها نجحت، يمكن أنا معرفش هدفك، بس مش هنكر، أن الجول

حلو وملعوب باحترافية.

"أنت كسبت يا دكتور".

قالها بشير ثم طالعهـم، نظرة أخيرة لرفقاء ما عاد يجمعهم إلا  
الفرقة، والقرار هو أول من سيرحل.

\*\*\*

كلهم غادروا وبداخل كل واحد منهم غصة لما آل إليه المشهد،  
وبطريق عودته دمعت عينه، وهو يفند بعقله، للنصر مذاق من يذوقه  
قد يركن له حد التبلد دون حركة، ومن هنا تأتي هزيمته.  
فكر فيها مسعود وقد عاد لمزله، بدا واضحاً إعياءه، لكن أتراها  
تبالى؟

لن يناديهـا لن يتوسلها ليستند عليها طالما ما عادت تعباً، ارتقى  
بجسده على الأريكة بغرفة مكتبه يتأوه، فاتحته هي مسرعة لتحضير  
الطعام لتفادى زعيقه، وما إن وضعتـه حتى نادى.

لكنه لم يحرك ساكناً، عادت تستأنف إطفام بناتها بغرفة النوم وقد  
انتظرت أن تسمع صوته يتوجه لطاولة الطعام لكنه لم يفعل، شعرت  
أنه يعتمد الانتظار حتى يبرد الطعام فيزقق، أو انشغل في أوراقه أو  
ربما غفا ولو تركته فبال تأكيد سيزقق، كل الخيارات بنهايتها سيزقق  
فهو ما عاد يملك فعلاً آخر ليفعله.

كررت نداءها ثم زفرت لاضطرارها للتوجه إليه، وقفت عند  
الباب وهتفت باسمه، كان متمدداً على الأريكة يضع ساعده الأيمن  
فوق وجهه، خطت حتى باتت على مقربة، وعندما رآته شهقت  
بفزع، وانزعاجها فرض عليه أن يقف فجأة محاولاً إظهار أنه على ما

يرام، حركة فجائية زادت من ألم أحد ضلوعه، لكنه القوي الذي يجب أن يراه الجميع دوماً بكامل قوته، قررت سؤاله وهي تشير بيدها:

- وشك وهدومك، قصدي...

وقطع هو كلامها بتأكيد:

- أنا كويس.

وتركها متوجها لغرفة النوم ليبدل ملابسه، طالع جسده بالمرآة فوجد كدمة زرقاء تتوسط صدره، تأوه ثم صمت حين وجدها قد أتت خلفه، تطلع لوجهه فأدرك لما شهقت، جرح بجوار شفثيه وبقايا دماء سالت من أنفه، كدمة قوية بعينه اليسرى وآثار جرح بجبينه.

هل ستسأل عن السبب؟

لكنها لم تفعل تركت الغرفة دون كلمة ثم عادت وقد جلبت طبق به ثلج وشاش وقطن، كان قد تمدد على السرير حين وجدها قد جاورته لتمسح جروحه، فقرر إقرار أنه سليم بزعة وأدقاً لمسه يدها لجبينه، صمت فوضعت خلف رأسه وسادة كي يرتاح لتباشر عملها، وعندها قال بإعياء:

- مش عايز منك شفقة يا درة.

نظرت بعتاب ثم أكملت ما تفعل دون أن تعقب، وكاد يعيد جملته أو ربما أخرى إلا أن لمسه يدها بجوار شفثيه فرضت عليه أن يصمت، بل بدا بعد دقائق أنه يطالعه مستمتعاً.

(ما زالت مهمة وتعباً لأمله).

غادرت الغرفة وعادت ويدها كوب ماء وقرص مسكن، تناوله منها ثم دثرته وسألت:

- تنام ولا أجبك الأكل؟

- مش عايز أكل بس ممكن تفضلي جنبي.

- البنات هيزعجوك.

- لا أبداً.

قالت وساد الصمت وتجهّم وجهه ولم تدرِ لماذا، لكنه يكره لحظات عجزه، تذكره بفشل سفره وماضي اعتاد فيه وحدته. تبادلوا النظرات، هل نحن بصدد عتاب؟

علا رنين الهاتف وكان الدكتور عارف، تجهّم وجهها وهي تناوله له وما إن أمسكه ورد حتى أدرك أن عليه الخروج ومقابلته.

"أنت هتزل عشان تقابل الراجل ده".

سأله درة بأسى فأجابها وهو بيدل ملابسه:

- لازم أنزل.

وقبل خروجه استوقفته هي بالنداء:

- مسعود أنا محتاجة أتكلم معاك.

وقف والتفت وعقب:

- لما أرجع يا درة.

- لا دلوقتي.

قالتها بحسم فرض عليه الاستغراب، هي ظنته ضعيف فقررت أن تعود لطلب الطلاق، بينما ما استشعرته هي أن الكيل فاض، كل ما مضى من جفاء جعلها تظن أنها غير عابئة لكن ما اتضح لها الآن عكس ما ظنته.

"وأخوة الطريق ده إيه؟ لحد إمتي هتفضل مكمل وتندوس من غير ما تفرمل، من غير ما تشوف اللي ممكن تخسره، أنا تعبت".  
ورغم أنه اعتاد بكاءها فإن هذه مرة اختلفت، فصوتها الباكي كان أشد عليه من ألف طعنة وهي تكمل:  
- أنا كنت خائفة تسافر عشان مكوثنش غايزاك تبعد، لكن دلوقتي أنت جنبي وخلص بعدنا.

تمنى لو استطاع أن يزقق لتصمت لكنه لم يجزؤ، قرر أن يظهر جلده تجاه دموعها، لكنه تردّد وبعد فراغ صبره أجابها:  
- أنت ليه مش عايزة تفهمني، مسعود القديم مش هيرجع يا درة، مسعود الضعيف اللي الكل كان يبيع ويشترى فيه خلاص انتهى.  
"يعني مفيش فايده، مفيش فايده".

وهذه المرة هي من زعقت من فرط يأس يكاد يحطمها، والأسوأ أنه قرر ألا يجيبها والتفت ليخرج فقالت بحدة:  
- طيب سجل اللحظة دي كويس، وابقى افكرها وأوعى تندم، أنا صبورة بس مش قليلة الحيلة.

وهي ليست بحاجة لتؤكد هو يدرك ويعرف لكنه يكابر لظنه أنها  
مهما حدث ستظل معه.

\*\*\*

هل باتت التجربة على الحك؟

لم يتأكد بعد، لكنه يتابعهم منذ رحيلهم من الشركة والأمور قد  
توشك أن تخرج عن سيطرته لكنه دوماً قادر على إعادتهم لدائرتة أو  
هذا ظنه، فبشير خرج يومها من الشركة واتجه للمكتبة لينتظر أيتن  
ولكنها لم تأت، ربما هذا جيد لكن لا ضمانه من أنهم لن يجتمعوا،  
ولأنه قرر معرفة أخبارها من البواب هاتفه وعندها أخبره بأنه أتى  
لأيتن ولكنها رفضت مقابلته، وهذا يعني أن بشير على عتبات إحباط  
من كل جهة، فأيتن قالتها له صريحة وواضحة: لن تساعد.

أما عبد الشكور فهناك قبيلة بانتظاره اقتربت أو أوشكت أن  
تنفجر بوجهه، ويتأكد سينكسر بعدها للأبد

لكن الأزمة أو الصدمة تمثلت بمسعود، يوم أتى إليه بأحد الملاحى  
الليلية كما اختار هو وحدد، وأمام بائعات الهوى كانت تعقيه:

"شايف الستات مش تقولي درة".

زفر بشدة ثم سأل بجدية مُحوّلاً دفة الحوار:

- حضرتك كنت عايزني ليه؟

بدأت طريقته تفرض القلق على عارف، ما الذي أصابه، هل  
بدوره ستفلس زمامه:

- تفكر هقولك تيجي ليه؟

ثم أشار حوله وقال:

- نقي الست اللي تعجبك، وبكده ابقى ساعدتك في موضوع

درة، ويفضل موضوع فيروز وده أنت اللي هتعمله بنفسك، أنا

اتكلمت مع محامي أعرفه ولقيت مخرج لو فيروز رجعت هایل.

أشار لفتاة كي تتوسطهما وقد ابتسمت لمسعود فغضب وأشاح

بوجهه فأشار لها لتتركهما وهتف:

- معقول خايف من مراتك.

بحسم أجابه:

- مش هقدر أخون درة، وعندي أسباي، وبالنسبة لموضوع

الشركة أعتقد ممكن نتكلم فيه وقت تاني.

ومنذ ذلك اليوم رَحَلَ بلا رجعة.

وآخرهم عيسوي، فالهارب تراجع وكان قراره باللحظة الأخيرة،

لن يسافر، وباليوم التالي كانت يده فوق كتف بشير الذي كان

جالسًا كما عادته بسطح منزله، ليتسمر عندما يجده أمامه.

ساد الصمت وقد تبادلا النظر وبعد تنهيدة راحة من بشير تمللت

أساريه، احتضنه بقوة فعَقَّب عيسوي:

- مش هقدر أقول غير منك لله، صحيت ضميري، الله يسامحك.

رغمًا عنه ضحك ورد:

- أنا مش مصدق أنك رجعت.

- ولا أنا والله، المهم دلوقتي هنعمل ايه يا حضرة المناضل؟

- طالما مع بعض ده كفاية.

"مسافرش؟"

"لا"

والدفع يا حدى المزهريات لتهشيمها كان المنفس لغيظه وهو

يتمتم:

- ماشي.

توعدُّ بدا واضحًا بعده اضطراره لأي شيء حتى لو كانت ضرباته

التالية "تحت الحزام".

\*\*\*

للترباط قوة من يعرفها قد تعينه حد اكتمال الفكرة، ومن هنا تأتي

نصرتة.

كانت البداية ورقة وقلمًا، ليسجلا لكل معلومة عرفوها،

واستقراء لكل السيناريوهات الممكنة، وبين ما فعله عارف والتائج

المرتبة باتت الخطوة التي يرجونها تكمن في سؤال سأل به بشير وهو

يدور في غرفته.

(إزاي ندخل لمعمل عارف أبو العزم؟)

(إزاي ندخل لتوقيت جرينتش؟)

وبدا الاستغراب على وجه عيسوي وهو يسأله:

- عايز تقعد على الجهاز.



- لا يا حديق، عايز أشوفه وجهًا لوجه، بس إزاي ندخل معمله  
والفيلا مؤمنة وكل هفوة بتحصل في الفيلا متوصلة بتليفون عارف؟  
زَقَر وجلس بينما عيسوي ظل يتطلع لوجهه المتجهم ثم نظر  
للأوراق التي كتبها بشير وبعد دقيقة عقب:  
- نسرق تليفونه.

- طيب ما الكاميرات هتصورنا واحنا داخلين يا ناصح!  
- طيب ما هو أكيد الراجل مأمّن معمله وأجهزته وحتى لو دخلنا  
ولا هنعرف نوصل لحاجة.  
زفرا بضيق، جلسا قبالة بعضهما البعض، سَحَبَ بشير كوب  
الشاي بالنعناع، سحب عيسوي كوب الشاي يلبن وتبادلا النظر،  
كيف سيتمكنان من اختراق عالم هذا الرجل؟  
(الواد حماسة بتاع وصلة النت).

قالها بشير ببالغ سعادته وكأنه وجد بُغيته مما فرض على عيسوي  
أن يرد هازئًا:

- هنقتحم فيلا عارف بحماسة، هو ده آخرنا في الأكشن.  
- عندك حد تاني يساعدنا؟

والإجابة بدت نعم حين انزوت على شفتي عيسوي ابتسامة  
انتصار وقد همهم باسمه:  
- عماد.

\*\*\*

وللغدر صفة من ينالها قد توجهه حد اتضح الرؤية، ومن هنا تأتي استفاقته.

"ستزوج".

والقصة مثيرة لمواقع الفراغ الاجتماعي حد الثروة حول قصة رومانسية، وكجوعى ظنوا برغيف خبز فاسد الشبع كانت مشاركة المنشورات على أشدها، وفي خضم التشويش توهجت صورة تم السعي ليكون لمعانها خاطفًا.

"عن نظرة عينه وهو يبصلها بكل حب وأمان، مقالش مطلقة، مقالش كسر، لا عززها وحبها من قلبه، وقرر يعوضها عن كل اللي فاتها، رنا أمين / هيثم مذكور مبروك من كل قلبي، عن أجمل داعية وأحسن مخرج ربنا يسعدكم ويوفقكم".

بوستات، بوستات، بوستات، تويتات، تويتات، تويتات، إنه ذات المزاد".

والزوج السابق لا يملك وقتًا لمتابعة الترهات، فهو من يراعي الأولاد، يطبخ، يكتس، يغسل، ويغير الحفاضات.

لكن هيثم لم ينس دعوته، رغبة حمة في أن يأتي بأي ثمن، لذا أرسل له دعوة وهاتفه وأكد عليه الحجيء وأمام إلحاح كثري لحضور المناسبة لم يملك فرصة للرفض.

وحل مساء الخميس وتوجه وأطفاله للفرح، ليتابع عن كذب سيارات فارهة يركبها نجوم المجتمع، حفل صاحب بأحد أكبر فنادق

القاهرة، وما إن بدأ العرس حتى توسط العروسان القاعة، ذراعه حوط خصرها والآخر ضم يديها، ورقصا.

وأخيرا انفض الزحام حد استطاعة دخول عبد الشكور للقاعة، وما إن رآته لوللا حتى شهقت وسألت بقلق:

- ليه جيت يا عبد الشكور؟

لم يرد فتابعت:

- أنت عارف مين العروسة؟

وابتسم هازناً كون الأمر لا يعنيه، إلا أن العريس قد رفع عروسه وحملها من خصرها ودار بها وسط صفير الحاضرين وتصفيقهم وصياحهم. فلمحها وعندها فهم، لم يخبره أحد من أقاربه، أخوفاً منه أم خوفاً عليه؛ لا يهم، تعددت الأسباب والموت واحد.

وأنزلها هيثم مقررًا إنهاء المشهد بطريقة احترافية، ولحظة رومانسية قبله حميمة تعالى معها التصفيق وعندها التفت لتراها كترى: "ماما"!

كلمة ضاعت وسط ضجيج الحفل، فرضت على الطفلة أن تقترب، لتأكد وفرضت عليه أن يهتف باسمها ليستوقفها، وما بين اللحظتين توقف كل شيء، تلاشى كل شيء إلا دموع صغيرة اهتمرت وقد علقّت بالوسط، نظرات تبادلاها هو وهي، تساءلت معها عينيها أنادم؟ فأجابها قلبه: بل مستفق.

وكلّل عارف وجوده بنظرة شماتة منحها له بابتسامة متشفية فلم يملك إلا أخذ طفليه والمغادرة.

ساعة الصفر موعد مغادرة عارف لفيسته لحضور حفل زفاف  
المخرج هيثم مذكور والمهمة تبدأ بدور عماد الرئيسي بعد معاناة من  
عيسوي من أجل إقناعه بالعودة لهوايته التي يحترفها سرّاً دون علم  
أحد باستثناء عيسوي، كونه مهندس خاسبات ومعلومات بأحد أهم  
شركات الاتصالات وهاكر سري ومدمن أفلام أكشن

ومن يظن أن عماد جاء بمحض إرادته وأهم فحين فشلت كل  
سبل إقناعه قرر عيسوي إخراج - سيديهاته - فكانت الموافقة.

وكانت خطوته الأولى تثبيت الإشارات الصادرة من كاميرات  
المراقبة لهاتف عارف ثم تعطيلها ثم تعطيل الإنذار وقد قفزوا من فوق  
السور إلى الحديقة، دار بشير حول الفيلا من الداخل حتى بدا واضحاً  
أن مدخلهم لمعمله سيكون عبر الصعود لإحدى الشرفات المفتوحة  
والمرور عبرها للداخل، كانوا بالطابق العلوي فقرروا البحث لمعرفة  
مكان معمله، وبعدما تفقروا علا هتاف بشير بإشارة إلى مكانه ببيروم  
الفيلا، فتجمعوا ودخلوا ليكونوا وجهاً لوجه بما يملك وعلى رأس  
القائمة جهازه "توقيت جرينتش".

هتف عماد وهو يتفرسه بعناية:

- هو ده الجهاز اللي عامل عليه قلبان أنه بيبغي مجرى حياة  
البشر.

وجملته استوقفت بشير فطالعه بدوره وقرر أن يتلمسه ويسأل،  
أحقاً جلس دعبس على هذا الجهاز.

"شوفت الورقة دي يا بشير".

جملة قالها عيسوي وقد أمسك بيده ورقة كانت مثبته بدبوس معدني بلوحة كانت معلقة بالحائط المقابل للجهاز، أمسكها بشير، ليجد فيها أسماء مسعود وعبد الشكور وعيسوي مشطوبًا عليهم بينما اسمه هو محوطة بدائرة بجواره. اسم أيتن وقد حوطته دائرة أيضًا.

"هو الراجل ده عايز منكم إيه بالضبط؟"

قالها عماد فكانت إجابة بشير بثقة:

- عايز تجربته تنجح.

فعقب عيسوي:

- واحنا مالنا ومال تجربته؟

وبنظرة عامة للمكان قال بشير ما استشعره:

- التجربة مش هي بتوقيت جرينتش، الجهاز ده تغطية على حاجة أكبر.

ثم نظر الثلاثة لحاسوب عارف الشخصي، ففهم عماد ولكن قبل فتحه ثمة صوت سيارة توقفت أمام بوابة الفيلا، فبدا واضحًا أنه ربما قد عاد أحدهم!

\*\*\*

وما إن ركب سيارته حتى استشعر أنه ما عاد يملك السيطرة على جنونه، أراد هيثم إيلامه أو جرحه، ولكن لماذا كانت اللعبة رخيصة حد إيذاء أطفاله، لحقت به لوللا لتطمئن عليه وما إن رآها حتى خرج من سيارته وقد طلب منها مرافقة أطفاله.

عاد مسرعًا للقاعة وكل ما يريده رؤية عارف، دخل ودار بعينه وسط الحاضرين فلم يجده وقد استوقفه أحد المسؤولين عن الأمن مطالبًا إياه بالخروج، فالتفت وقد تبادل النظرات مع رنا مرة أخرى ثم خرج وعندها لمح عند المدخل وقد بدا عصبيًا بجوار أحدهم وقد أسرع الخطى ليتبعها عن الجميع قدر استطاعتهما فلحق عبد الشكور بهما واقترب ليتيقن من رافق عارف، وعندها كانت صدمة غير متوقعة كونه "حسن"!

ما الذي يفعله خطيب ابنة خالة بشير بجوار عارف؟

والإجابة عرفها حين اختبأ وحاول أن يسمعهما.

– غبي قولتلك أنا اللي أكلمك وأنا اللي أحدد امتي وفين نتقابل،

اية اللي جابك؟

– بشير وعيسوي في فيلتك.

وما إن قالها حتى فتح هاتفه واختبر التواصل مع منزله، ومن ثبات الصور أدرك أنه ربما يكذب، وهذا يعني أن عليه التأكد، فانطلق بسيارته لمواجهةهم بمنزله:

"وقعوا ولا الهوا رماكم؟"

قالتها وأوقف سيارته فهتف عماد فيهم:

- هنعمل إيه دلوقتي؟

سَحَبَ بشير حاسوب عارف وقال هو يهرول للخروج من  
المعمل:

- بنفس الطريقة اللي دخلنا بيها.

أسرع عارف للدخل وركض نحو معمله وما إن طالعه بنظرة  
سريعة حتى أدرك أنهم قد سرقوا حاسوبه والورقة التي كانت معلقة لا  
أثر لها، فأسرع لينحث عنهم بالفيلا حتى استوقفه صوت دراجة  
بخارية تنطلق مسرعة فركض نحو البوابة ومنها للخارج ولكنهم قد  
رحلوا.

"أغبيا".

وثن الغباء لن يكون هينًا.

\*\*\*

هل عليه أن يقلق لرؤية حسن برفقة عارف؟

دار بالغرفة وطوال ليلته عجز عن استكمال نومه، بداخله شيء يحثه  
على مهاتفة بشير لكنه يدرك أنه لن يصدق، تقلب في سريره يريد  
نفض الأمر عن عقله لكنه لم يستطع ومع الصباح أوصل أطفاله إلى  
الحضانة ثم توجه لمركز عارف وأمامه انتظر بداخل سيارته، وعند  
العاشرة ظهر عارف وقد نزل من المركز ومعه حسن وركبا سيارة  
عارف وانطلقا حيث الطريق المؤدي لفيلا عارف.

وبنفس التوقيت جاءها اتصال تليفوني اقتطعها من أعمال المطبخ،  
اتصال يحمل أسوأ خبر من الممكن أن تسمعه، إسماعيل بالمشفى ويود  
رؤيتها، وبشير بالطريق فهل ستأتي هي؟  
دون تفكير أسرع وأستوقفت أول سيارة أجرة وجدتها، وكانت  
السيارة تدرك وجهتها.

"أنا عند وعدي، ساعدتني واديني هساعدك وبعد دقائق مها  
هتكون عندك حلال عليك تعمل فيها ما بدالك"  
والجملة فرضت على حسن الاستغراب فسأل:  
- مش فاهم؟  
بنبرة هازئة أجابه عارف:

- مش فاهم، ولا خايف أكون فعلًا قاصد اللي في دماغي؟

- دكتور عارف مش أنا اللي أأذي بنت حتي.

قالها بجدة فرضت على عارف الضحك ثم الرد ساخرًا:

- حسن، أنت أذيت ولاد حتتك فعلًا.

شعر حسن بالغيط فهتف مُدافعًا:

- أنت وعدتني تساعدني إذا ساعدتك؟

والرد ضربة تلقها فوق رأسه من فريد فأغشي عليه، وعندها

ركله عارف بقدمه ليكومه جانبًا، ثم توجه للخارج حيث السيارة التي

وصلت لتوها:

"أهلاً أهلاً"



قالها عارف وهو يفتح لها باب السيارة، وقد جذبها من ذراعها وإخراجها عنوة وإدخالها لفيلته بينما هي تحاول دفعه عنها بكل قوتها وهي تزعق فيه:

- أنت عايز مني إيه بالظبط.

ولن ينكر دهشته أمام ثبات حفيذة إسماعيل التي لا يعرفها، لكنه لم يبال فقط أشار لحسن المكوم جنباً ورد:

- هو اللي كان عايز، بس تعري أنها مش هتفرق حسن من فريد ظالما المتعة واحدة.

أهو تهديد صريح بالنيل منها، من عرضها وشرفها، صفعته بقوة على وجهه وصرخت:

- على جثتي.

أمسك يدها بغيظ ثم جذبها ناحيته وزعق محتدًا:

- واضح أنها مش هتبقى مهمة سهلة، بس تعري أنا معنديش مشكلة أبعت لبشير جثة بنت خالته.

- أنت فاكِر الدنيا سايبة.

- أنا مش فاكِر، أنا متأكد.

والجذبة أشد وأعنى، ومن هي لتقاوم ولكنها ستفعل، دفعت يده وركضت نحو باب مغلق لن يُفتح أبدًا، لتأتيها الجذبة من فريد والدفع بها أرضًا وهو يعرف ما الذي ينبغي عليه فعله وهي ستقاوم وعارف سيضحك.

ضحكات، ضحكات، ضحكات.

صرخات، صرخات، صرخات.

إلا أن ضربة لم يحسب حسابها باغتتهم، حين دفع عبد الشكور الباب، وضرب فريد فوق رأسه بالذات العصا الملقاة بجوار حسن وقد جذب مها لتقف خلفه وتحتمي بظهره هاتفاً:

- مها هتمشي من هنا وإلا هيكون التمن حياتك أنت.

ورؤية عبد الشكور أمامه صعقته، فجذبه من قميصه وهو يصرخ فيه:

- وأنت مالك بيها؟

الغبي الفاشل، مَنْ يظن نفسه لحمايتها، دفعه عبد الشكور ولم ينتظر فهروا بها خارجاً، ليدرك عارف عندها أن الوقت المزاح قد انتهى، ركض خلفه وقد أخرج مسدسه وهتف:

- سيبها يا عبد الشكور، وأمشي وأوعى توهم نفسك أنك تقدر تكون بطل، عارف أبو العزم بينفذ مش يهدد.

استوقفهما قبل الخروج من بوابة فيلته ثم لوح لعبد الشكور بسلاحه والعجب كل العجب أنه لم يعد خائفاً، وهذا الشعور جد رائع.

- قدامك تلت ثواني، اختار يا تمشي يا تموت، وبيا ريت وأنت بتفكر تفكر ولادك كويس.

تذكرة ليست بالهينة قد تفرض عليه التراجع لكنه حسم أمره،  
وبالثانية الأولى هتف:

- على جثتي تمس منها شعرة.

وبالثانية الثانية كان الضغط على الزناد هين، وقبل الثالثة احترق  
الرصاص جسده فهوى أرضاً، إلا أنه ظلَّ مُمسكاً بيد مها دون  
إفلاتها، لن يسمح لعارف بإيذائها مدام في كل الأحوال ميت،  
صرخت باسمه وقد انهارت باكية، بينما اتسعت ابتسامة عارف وهو  
يطالعهما بقوله:

- اختيار موفق.

ثم وقف أمام جسده المُسجى وأردف:

- عاش عادي ومات غبي.

لكن استفاقة الغبي أفرعته حين ركل بقدمه سلاحه فأسرعت مها  
وأمسكته، ثم قذفه بحفنة رمل بعينه:

- مين اللي غبي دلوقتي؟

قالها وقد استند على مها ووقف، ضغط بيده على جرحه  
وبالأخرى أمسك المسدس وكل ما فكر به خروجهما، لن يركض  
خلف بطولة قد لا يشبهها أو هذا ظنه، فأسرعا حتى وصلا لسيارته،  
قادها بصعوبة بينما استشعر أن عارف سيلحق به فاختر الابتعاد عن  
الشوارع الرئيسية، ساعدته هي بالضغط على جرحه كي توقف  
التريف وقد قالت:

- لازم نطلع على أقرب مستشفى:  
لكنه لن يستطيع أن يكمل السير فوقف، وعندها نظر لها وتمتم  
بحفوت:

- كترى، تيم.

قالها بخوف فسألته من بين دموعها:

- ليه عملت كده؟

- أي راجل مكاني كان هيعمل كده؟

- مفتكر يش يا أستاذ عبد الشكور

قالتها وقد شهقت ببكائها، فأجابها مؤكداً:

- عشان أطمئن على كترى، عشان ميحيش اليوم اللي يكون فيه  
التفريط في الأعراض هين.

- وحياتك وأولادك؟

- أوعديني إن بشر هيتخلي باله منهم، مش عايزهم يتربوا مع  
طليقتي.

قالها وصمت ولم يكمل بعدها، لأن طيف غيمة سوداء قد سحبه،  
ليري فيها أطفاله يركضون نحوه فيفتح ذراعه لهما ليتعلقا برقبته،  
وشياً فشيئاً تتلاشى الرؤى ليصدق معها سؤال بالأفق  
أحقاً فعلها العادي؟

بل فعلها العاديون، العاديون لم ينهزموا، بل للدقة لا يوجد  
عاديون، يوجد بشر والمواقف وحدها تختبرهم.

## (18)

وما بين الأمس والآن، قررنا أن نتخذ القرار بإعادة صياغة الحكاية. ولكن من زاوية أخرى، حيث إن راوي... إنسان. أدرك الفرق بينه وبين سائر المخلوقات حين ميزه الله.... "بالإدراك وملكية الاختيار".

"عرفت فالزم".

ولكن أحقاً عرفت حد إدراك المعرفة؟

وما المعرفة؟

هي الوعي!

وما الوعي؟

أحقاً تريد الإجابة؟

إذاً دعك من السفسطة، من كتابة تعريف وسرد أجوبة، وافتح عينيك وأترك لها العنان لترى، واستيقن بما وقر في القلب وصدقته العمل، استيقن بأنك أنت أنت وأنتك لست بحاجة لمحاضرات تُعيد لك صياغة نفسك.

"أنت يوم خلقت رُزقت قدرًا من المعرفة".

لكنهم وأعد الضمير على أي مما تشاء لإدراكهم عظمة وعيك  
قررُوا إلهائك.

ركض خلف لقمة عيش، مستقبل أفضل، طموح وأحلام  
وأهداف وعند نهاية المارثون فأتك ما كان عليك إدراكه.

بالحياة الحقيقة الأبطال ليسوا أصحاب قوة خارقة بل اختيارات  
صادقة حسمها يكمن بال لحظة الفارقة وأنت وحدك من يحدد، بأي  
طريق تسلك.

وهو حين قُدر له الاختيار أهرهم، حد ذهول فرض نفسه وقد  
تجاوزا بجانب سريريه في المشفى بانتظار استفاقته.  
"كثري تيم".

قالها بصوت خفيض جاهدًا خروجه ثم بدا لهما أنه يفتح عينيه  
فهتف كلاهما باسمه: عبد الشكور.

فتح عينيه ثم طالعهما بدهشة وهو يتمتم:

— هو أنا لسة عايش؟

— أكيد طبعًا، ما أنت لو في قبرك كان زمانك بتلسوع دلوقتي.

قالها عيسوي مازحًا ثم أردف:

— حمد لله ع السلامة يا عم، خضتنا.

ثم قالها بشير وهو يضع يده فوق يد عبد الشكور، بينما أردف

عيسوي:

- يا أخي ده أنت صفت دمنّا.

- آسف والله مكونتش أقصد أخض حد.

- تخض مين، احنا اتبرعنا لك بدمنا، حاول ترتاح بقى لحد ما الشاي بلبن يشتغل.

قالها مبتسمًا فزادت ابتسامة عبد الشكور وقد استوقفه أنهما تبرعا بدمائهما لإنقاذه، ثم بلهفة سأل:

- كترى وتيم...؟

وقبل أن يكمل طمأنه بشير بأنهما برفقة مها بمقرها منذ الأمس، وقد قرر وشدد أنه في حال خروج عبد الشكور من المشفى بأنه سيخرج لمزله ويقيم عنده حتى إتمام شفائه، وقبل أي اعتراض منه كان الإصرار من بشير والتأكيد من عيسوي: بعيدا عن أنك هتحتاج لحد معاك خلونا نفكر أن عارف دلوقتي بقى حاططنا كلنا في دماغه ومش بعيد يحاول يأذيك مرة ثانية.

والجملة فرضت على الثلاثة أن يتطلعوا لبعضهم البعض وقد قرر عبد الشكور أن يُعَقَّب:

- أنا مبقتش قادر أفهم الراجل ده عايز ايه بالظبط؟ أنا مش عارف احنا عملنا له ايه عشان يبقى كل همم يحرب حياتنا بالشكل ده؟ "كشفناه".

قالها بشير ثم أردف:

- عرفنا هو عايز ايه وبيخطط لايه، وده كفيل أنه يعمل أي حاجة عشان منوصلش المعلومات اللي في إيدنا للناس، صدقوني عارف ضعيف ويمكن خايف منّا أكثر ما اخنا خايفين منه، الراجل ده ضيع شركتنا ومن قبلها حياتنا ومعادش ينفع نعمل من بنها. كلمات فرضت على الثلاثة القلق وعلى من قالها الخوف، هو ليس بتلك الشجاعة وكل سعيه كان لإثبات براءة جده.

- طيب هنعمل إيه دلوقتي؟

سأل عيسوي فأجابه بشير بابتسامة متحدية:

- هنقلب السحر ع الساحر.

عارف VS العاديين

وقد بدأت الجولة الأخيرة أو أوشكت.

لكن ماذا عن البقية؟

سؤال كاد كل واحد منهم أن يسأله لكن قبل المبادأة بإجابة انتصر صمتهم.

\*\*\*

منذ وجودها هنا، تنتظر بالشرفة لساعات، تُمني نفسها قدومه ولا يأتي حتى ينتهي اليوم، فتيأس؛ أحقًا سافر دون إخبارها؟  
"خلاص يا ستي أبشري بابا راجع أماردة".  
قالتها مها فقفزت كتر من مكائها وركضت نحوها تسأل بلهفة:  
- بجدة؟



اشتياق بدا واضحاً في عيون الصغيرة فرض عليها التأثير وقد  
تذكرت إسماعيل بدورها، فربت على كتفها وردت:

- بجد والله، بابا راجع. وهيقعد في بيت عمو بشير عشان تعبان  
شوية وبعد ما يخف هتروحوا على بيتكم، إيه رأيك بقي؟

عناقته بفرحة ثم جلبت فرشاة شعرها وجلست مطالبة إليها  
بعمله جدائل وقد عقت:

- أنا فرحانة جدًا إنه راجع، عارفة يا طنط مها بابا ده أصلًا  
أحسن راجل في الدنيا دي كلها، أنا افكرته زعل لما لاقى ماما  
أخوزت أونكل الوحش وهيسينا ومش هيجي تاني، بس طلع حلو  
ومش هيسينا، هو عمره ما هيسينا مش كده:

ورد مها كان دموع وقد احتضنتها وأكدت:

- أكيد يا حبيبي هو فعلاً بحبكم قوي.

- طيب يلا بقي عشان لما يوصل نكون هناك.

قالتها وهي تجذبها من ذراعها فاستوقفتها وهي تضحك وقد

عقت:

- طيب مش نغير لتييم وبعدين نروح.

- يوووووووووه.

قالتها بتملل ولكنها لم تملك إلا مساعدة مها حتى أنهت هندامهم  
وقبل الخروج نظرت لكليهما ثم قالت:

- تعرفي يا كترى إني أكيد هاتضايق جدًا لما تروحوا.

- أنا كمان حبيتك قوي.

- افهم من كده أنا ممكن نكون أصحاب.

- لا مش هينفع، أصل أنت كبيرة عليا قوي، بس ممكن ابقى  
أجي أزورك وأنت وطنط أمينة تبقوا تيجوا تزررنا.

ولم تملك إلا الضحك على طريقتها وقد اتجهوا لبيت بشير، عندها  
كان عبد الشكور قد وصل وتمدد على السرير بغرفة بشير ودون  
سابق إنذار قفزت هي فوقه ما إن رآته، كاد يتأوه ولكنه كتم شعوره  
بألم واحتضاها وتيم، وقد أصرت كتري بدورها ألا تتركه وهو بدوره  
شدّد على نومهما إلى جواره رغم إلحاح الحطّين على الاهتمام بهم،  
وبالنهاية غرق الثلاثة في سبات عميق، ودثّرهم بشير وأغلق عليهم  
باب غرفته، واتجه ناحية سطح منزله، أيعقل أن يذكره عبد الشكور  
بجده، أو ربما هي لهفة كتري وهي تحتضن والدها فرضت عليه أن  
تترقق عينه بالدموع وهو يتمتم:

- والله ليك وحشة يا جدي، أنا من غيرك مقطوع قوي.

نام هو وهي استيقظت شاردة، عقلها لا يفكر إلا فيما حدث،  
عجيب هو حال البشر يوما ما أحببت بشير ولكنه لم يحبها ويوما ما  
أحبت حسن ولكنه غدر.

أحقًا ما مضى كان حبًا أم أن الحب الحقيقي قد يظهر مستقبلًا؟

ثم ابتسمت وهي تخط شفتيها حين تذكرت لهفة لوللا على عبد  
الشكور بالمشفى، واتصالات طليقته وكلام كتري المستمر عن أيتن.

"أمال لو تاמר كان هيعمل إيه؟"

قالتها وزفرت وقد وضعت رأسها على الوسادة ونامت هي واستيقظ هو، تطلع إلى صغيراه وابتسم وقد تذكر كلماتها:

"متخافش أنا هاتصرف لحد ما نوصل لأقرب مستشفى، متخافش أنا جنبك هتعيش والله هتعيش".

وما بين امرأة خانت وغدرت وتخلت وأخرى يبحث عن مصالحها بدا له أن هناك أخريات يُقدَّرن التضحية.

تنهّد بقوة ثم مسح على رأس كترى وابتسم وزواده سؤال أحبطه: هل سيقدر على خوض القادم معهما وحده؟

---

صباح جديد على شركة الفيروز، دون زعيق من أحد، فمسعود أصبح وحده، ظل يعبث بالأوراق والغيظ يكاد يأكل قلبه من تحدّ واضح قد وضعوه فيه، فرشف الباقي من قهوته دفعه واحدة ثم هتف: - ماشي إن ما ورتكم مبقاش أنا مسعود.

قالها ثم نادى بأعلى صوته على مدبولي ليحضر له فنجان قهوة آخر بدلًا من الفارغ، أعده واتجه به إليه وحين رأى حيرته عقب على ما بات يفعله، ثم حثه على مهاافتهم.

- هو أنا كنت قلت لحد يعيش؟

- قوللهم في ستين داهية ويحي غيركم، بس لا أنت عارف  
تشوف غيرهم ولا عارف تحملها، يا ابني الشركة دي أنتم الأربعة  
بتنوها سواء، كلمهم يا ابني الله لا يسيئك.  
والرد خرج بكل عصبية وكبر:

- لا، هما فاكريني هاغرق من غيرهم، أنا هاوريهم.  
- يا ابني أنت غرقان فعلًا، عوضني على الله.

قال جملته الأخيرة بفراغ صبر وتركه، وحاول هو فهم الخطأ في  
محمل الحسابات ولم يستطع وبتهاية اليوم رحل وهو صدقًا لم يعد  
يدري، إلى أي طريق ستجّه الشركة غدًا أو بعد غد، بل إلى أي  
طريق ستجّه حياته كلها وعلى رأس الأولويات درة.  
وصل منزله ودخل ليجد الصمت مسيطر عليه، شعر بالقلق فاتجه  
لغرفة النوم فلم يجد أحدًا فنادى بأعلى صوته:

- درة.

ولكن لا رد.

أعادها وكررها وهو يبحث في كل مكان دون جدوى فأدرك أنها  
رحلت وفوق حاسوبه تركت خطابًا أدرك من قبل أن يفتحه أن  
تهديدها لم يكن هزل، وحين قرأه استيقن أنها ما كانت قليلة حيلة بل  
على النقيض.

"أنا هابعد بولادي عشان من حقهم يتربوا بفلوس حلال، ومع  
أب خايف عليهم، وبما إني عارفة رد ماما وكل اللي حواليا أحب



كان يستجديه بعيون دامعة فابتسم عارف باستهزاء وهو يعيد:  
أي حاجة

أشار له أن يتبعه، حيث معمله ثم أشار له بالجلوس وعندها أخرج هاتفه ليطلعه على صورة فتاة ثم قرر بعدها:

- أنا عايز أرتاح من زن البنت دي.

طالع الصورة ولم يفهم فأردف عارف:

- اسمها أيتن، وهي اللي كانت بتعمل الفيديوهات ضدي.

أمسك الهاتف من يده يتطلع لوجهها فقام عارف من مكانه ودار حوله هامسًا بأذنه:

- خبطة بعرييتك، تقع متقومش.

وما قاله فرض عليه أن يقف مُحتدًا ليهدف فيه:

- اقتلها.

- مش عايز أمشي، وغيرك هينفذ، أنت مش مجبر بالعكس تقدر تختار اللي أنت عايزه.

والجملة فرضت عليه أن يجلس بحية أمل يطالع صورة أيتن التي لا يعرفها ولا تعني له حياتها أو موتها شيئًا، ثم صمت لدقائق قبل أن يرد بتردد:

- موافق.

- برافو، وليك عليا أعرفلك درة راحت فين وأساعدك لحد ما

تلاقيها، اتفقنا؟

صمت ولم يعقب وقام من مكانه ليخرج وعندها استوقفه ليؤكد:  
- هتفد بكرة الصبح.

قالها وهو يُمده بعدة أوراق مكتوب فيها كل ما يخصها، فاستلمها  
مسعود ورد:

- تمام.

ثم غادر وعندها ساور عارف الشك في كونه سيفعل فأمسك  
بهاطفه ليطلب من أحدهم أن يضع مسعود تحت مراقبته.

\*\*\*

ليلة طويلة دون درة وبنتيه، وضع فرض عليه تذكر الماضي، يوم  
طرده عمه للشارع والحجة أنه كبير وبات يخشى منه على بناته، يوم  
قرر تحدي ظروفه كي يحقق حلمه، حزن مرات ويئس مرات أكثر  
حتى عرفها، كان قد أيقن أنه متعوس حتى أحبته فنال من اسمه  
نصيب.

تنهد بمرارة وكل ما مضى بينهما يمر بعقله، حتى حين ظن أن  
الأيام ستمنحه رغباته ضنت عليه بالأمان معها، حين خشي أن يخسر  
ما امتلكه خسرها.

دعس سيجارته وأمسك بالعلبة المجاورة له ليجلدها فارغة، لقد  
دخن كل ما بها.

فرك عينه بيده وقبل أن يقوم عن مكتبه أمسك بالأوراق التي أعطاه إياها عارف ساخرًا، المهندس سيصير قاتلًا، ويا لها من نهاية عادلة لحياة بطلها مسعود ولقبه أبو السعد!

"طلقها وغرك يتجوزها، مش عايز الترقية غرك يأخذها، مش عايز تدخل الجهاز غرك يدخل، مش عايز تنفذ غرك ينفذ".

وفي كل مرة يضعون له الاختيار بين السيئ والأسوأ ورغم كل هذا تحمل، تحمل لعل غدًا يأتي بالأفضل وها هو غد قد أتى خالي الوفاض من كل شيء حتى بقايا أخلاقه قد تخلت عنه.  
"أيتن".

اسم توسط الأوراق وبين السطور بدت له قصة مشابهة، الفتاة التي مات عنها والديها وليس لها إلا أختها الصغرى، مستوى مادي مشابه، تعمل بحضانة متسوري لتدبر أمر نفاقاتها وأختها بجوار معاش صغير تركه والدها.

وتلك هي من يريد قتلها عارف، فأحلاقها تؤرقه وإيجابيتها تؤذيه، وأمثالها لا مكان لهم في هذا العالم. ومع الصباح ظل بالسيارة بانتظار قدومها، هل حانت اللحظة يا مسعود؟

"إمشي وغرك هينفذ".

وقبل دخولها علا صوت طفلة نادتها فالتفت وقد علت الابتسامة وجهها وهي تعقب:  
- كترى.



"بنت عبد الشكور".

قالتا وقد اعتدل ليتأكد، ثم دقق نظره وهو يحاول تذكر أين رأى  
من رافقتهم.

"بنت خالة بشير".

كان قد رآها بصور خطبة بشير، وبدا واضحاً الود بين الاثنين  
وقد تجاوزتا واتجهتا إلى الحضانة ثم تصافحتا وقد ودعت ابنة خالة  
بشير الصغيرين ورحلت.

وعندها نزل من سيارته وقد قرر الاتجاه نحو باب الحضانة وكأنه  
يريد استكمال مراقبتها حتى بعدما اختفت فوقف عند النافذة المفتوحة  
يتطلع للداخل، استوقفه بكاء رضيع كانت تُهدده إحدى العاملات،  
فتذكر حور ونور.

تنهد بأسى وعاد للسيارة وقد دفن وجهه بين كفيه ولا تزال  
كلمة عارف تردد في أذنه.  
"إمشي وغيرك هينفذ".

\*\*\*

تطلع مدبولي إلى المكاتب الفارغة، لم يأت للشركة أحد، ما عاد  
أحد يعبأ لأجل الفيروز.

استوقفه صوت أحد المقاولين وهو يسأل بحدة عن المسؤول عن  
هذه الشركة والإجابة من عم مدبولي كانت ضرب كف بكف وهو  
يرد بقهر:

- مفيش يا ريس، خلاص الشركة خربت.

والمقاول بدوره ضرب كفًا بكفٍّ وعَقَبَ:

- وفلوس الناس والعمارات اللي معدتش حد متابعتها.

ولم يملك إجابة سوى الرحيل وهو ينظر بحسرة للمكان وقد أغلق بابَه ثم نظر لليافطة الكبيرة وفرت من عينه دمعة لم يملك بعدها إلا الرحيل.

\*\*\*

وقف يجمع أغراضه وعندها عقب بشر بضيق:

- طيب استنى حتى لحد ما مها تجيب ولادك من الحضانة، بدل ما تروح مشاورين.

- أنا تعبتكم معايا بما يكفي ومها أولكم.

قالها عبد الشكور وأكمل تحضير حقيته ثم نظر لبشر وسأل بقلق: لسة حسن مظهرش

- هو يقدر؟

ثم زفر وأكمل:

- من يوم اللي حصل وهو محاولش يرجع الحتة ولا يورينا خلقتة.

- مسكين.

وتعقيب فرض على بشر الدهشة، هل يعقل أنه يدافع عن حسن؟، لكن الحقيقة أنه يدافع عن نفسه التي كادت أن تسقط في فخ عارف لولا استفاقة ضميره.

تجاورا بالشرفة المطلة على الحارة تطلعا لثوانٍ في وجوه المارين ثم  
أردف عبد الشكور عندها:

- عارف يا بشير لو سألت أي حد يا ترى ممكن تسرق أو تقتل  
أو تخون هتلاقيه يقولك بكل حسم مستحيل، عارف ليه؟  
لأن دائما بين الخير والشر شعرة، شطارة الشيطان أنه يسيك  
تعيدها من غير ما تحس، وده اللي عمله عارف معانا، دي الطريقة  
اللي استدرجنا بيها.

- بس ربنا أدنا عقل فميز الغلط من الصح.

- تفتكر العقل لوحده كفاية؟

تعقيب فرض على بشير التفكر، بينما علا صوت عيسوي من  
الشارع وهو يناديهم:

- طابحين إيه انهاردة وأوعى تقولي قلقاس.

وعلى وقع كلماته ضحك كلاهما وقد عقب بشير:

- اطلع وهنعملك شاي بلبن.

وعلى مقربة من بيت بشير كان هو، أوقف السيارة ونزل منها  
ليسأل عن بيته، ليفاجأ الثلاثة بوجوده وهو يسأل والدته بشير عنه.  
"مسعود"

وخطوة كذلك كانت كفيلة أن يدرك عارف أن علاقته بمسعود  
باتت على الخك، ذهب مسعود للثلاثي البغيض، ولا شك هو ذهب  
ليحذرهم أو على الأرجح هي بداية تعاون.

جمعهم سطح منزل بشير، ساد صمت طويل بعدما انتهى مسعود  
من كلامه حتى قطع عيسوي الصمت ليقول:  
- أنت متخيل بعد كل اللي عملته معانا أننا ممكن نصدقك أو  
نثق بك.

لم يرد فزادت حدة عيسوي وهو يكمل:  
- أنت مش طردتنا جاي ليه دلوقتي، ولا دي لعبة جديدة منك  
عشان تستدرجنا لفخ من أفخاخ عارف.

كان مسعود يدرك كم الشروخ بعلاقتهم لكنه ردّ بحسم: يا بني  
آدم اسمعني لو معندكش ثقة فيا فكر في حاجة واحدة، أنا إيه  
مصلحتي في إني أخاف أنه يأذي أيتن وأنا معرفهاش أصلاً.

تطلع الثلاثة لوجهه ولم يعقب منهم أحد فأردف:  
- على العموم أنا عملت اللي عليا وأتمنى فعلاً تصدقوني، ولو  
على افتراض واحد في المية إن كلامي صح.

ظَلَّ الصمت بل أولاه الثلاثة ظهورهم، فشعر أن عليه الرحيل  
لكنه قبل المغادرة قال بترج:

- يا ريت لو نتجمع كلنا بكرة في الشركة، يا ريت ترجعوا لإني  
فعلاً مش عارف أعمل حاجة لوحدي، ومش هاكذب عليكم أنا  
خايف الشركة تقع، أرجوكم ارجعوا يمكن نقدر نلحقها.

رحل فتهتف عيسوي عندها:  
- ده كذاب وأكيد عارف اللي بعته.

وقبل الرد كانت مها أمامهم تنادي بشير بينما بدت ملامحها مضطربة، جاهدت نفسها التقاط أنفاسها ثم قالت:

- عربية عدت بسرعة من قدام الحصانة واضح جداً أنها كانت تقصد أيتن، لولا إني في آخر لحظة شدتها ووقعت قبل العربية كان زماها راحت في خبر كان.

- معنى كده إن كلام مسعود صح.

قالها عبد الشكور فعقب عيسوي من دون تفكير:

- مش معنى إن كلامه صح إن ده كله مش ممكن يكون فخ.

- وهي فين دلوقتي؟

سألها بشير فأجابته:

- أنا وصلتها بيتها لأنها كانت مخنوضة وقلقانة واطمنت كمان إن أختها معاها.

- وبعدين هنعمل إيه؟

والسؤال من عبد الشكور لهم فرض عليهم النظر لبعضهم البعض ثم أدرك من كان يوماً ما متردد أن ثمة لحظات لا تحتاج إلا الحسم فقرر التحرك، الآن.

\*\*\*

كان عليهم الذهاب لبيت أيتن لإقناعها بالكوث مع مها بيتها عدة أيام كي يضمّنوا ألا يتعرض لها عارف بأذى، ورغم عناد أيتن

فإنها لم تملك إلا الموافقة على عرضهم فلم تعد تقدر على مواجهة الأمر وحدها.

بنفس التوقيت قرر عيسوي مراقبة مسعود ربما يتسنى له معرفة خطواته.

كانت وجهته الأولى محامي فيروز، لو كان هدف عارف ضياع الشركة فأخر خيط تبقى هو أن يتمكن أحدهم من الإدارة، فلننقذ ما يمكن إنقاذه، منح الخامي أوراق التوكيل بجوار ذلك نقل الأموال الموجودة بحسابه لحساب الشركة ثم عقب:

- بلغ مدام فيروز تنقل الإدارة مني لأي حد من الموظفين، أنا هأفضل في الشركة لحد ما المشاكل تتحل ويتواجد مهندس بدالي وبعدها هاستقيل، قولها ترجع تشوف مالها، وقولها المال السايب لازم يعلم السرقة.

قالها مسعود وقام من مكانه ليستوقفه الخامي بقوله:

- ومن قالك إن فيروز صاحبة المال.

عقب الخامي ثم وقف قبالة وأكمل:

- يا باشمهندس الشركة في الأصل كانت ملك زوج مدام فيروز السابق ومدام فيروز أخذتها بالتحايل والسرقة، ويمكن لو دورنا هنلاقي الشركة دي من أول ما اتفتحت كل اللي أداروها كانوا حرامية.

كلمات فرضت على مسعود الاستغراب فأردف المخامي عندها:  
- لو الشركة فارقة معاكم أرجعوا وقفوها على رجلها واختاروا من  
بينكم اللي يديرها وحطوا في دماغكم أن كل واحد فيكم له دور،  
وإن الرئيس والمرؤوس الاتنين موظفين في الشركة.

- تفتكر هتلقق؟

- أكيد هتلققوا، لو فعلاً الشركة فارقة معاكم يبقى أكيد  
هتلققوا.

كانت تلك الكلمات آخر ما قاله المخامي، رحل بعدها عائداً  
للسيارة، مكث فيها لدقائق في شروء والخوف يساوره، هل فعل  
عارف بدرة وبنيته مكروهاً أما أنها رحلت يارادتها وتركه، أمسك  
بيده ورقة وقلماً وشرع في الكتابة وقد ترقرت عينه بالدموع.  
"حبيبي درة.."

واحتار فيما يكتبه، هل عليه أن يعتذر أم فقط يوضح موقفه:  
لم أتعمد إخافتك، بل الأمر ببساطة أنني كنت الخائف من  
ضياحك..

"مش هاقول آسف وسامحيني، مش كبير أو غرور قد ما هو  
إحساس إن الاعتذار عمره ما هيكون كافي، كل اللي أقدر أقولهولك  
إن مسعود القديم انتصرلك في النهاية، وإن هو اللي آسف على كل  
حاجة حصلت مش أنا".

والوجهة التالية كانت بيت عطيات التي إلى الآن لا تعرف عنها شيئاً بدورها، وكلاهما تبادل النظر وقد شعرا بالخوف ثم مد يده بالخطاب وعقب:

- إذا جت كلميني وأنا هأنزل أدور عليها تاني يمكن ألاقبها، أنا متأكد أنها راحت عند حد من قرايبها، متقلقيش.

نكست رأسها وهي تمسك بخطابه ثم عقت:

- أول ما تلاقبها طمني يا ابني، وأنا لو جت هاكلمك.

لكن ماذا لو أنها لم تعد، أو أن هناك شخصاً ما قد أذاها أو...

أمسك بماتفه وقرر الاتصال به، وما أشبه الليلة بالبارحة! بالأقس كان بغدادي واليوم مسعود.

- فين ذرة يا دكتور عارف؟

وصوته هادئ ومتزن، وكأنه لا يخشى ضياعها، وكأن بين السطور تأكيداً؛ أن سيناريو بغدادي لن يكتمل، لكن عارف لا يعرف اليأس.

- عايزها، طيب لو كده منفذيش ليه.

- أنت عارف طريقها.

- لا؛ معرفش.

- متخيل إني ممكن أصدقك.

- متخيل أنه يفرق معايا.

وساد الصمت وبعدها أردف عارف:



- أنت مش انتصرت للحق، برافو، خليه ينفعك، خليه يرجعك درة، خلي عيسوي وبشير وعبد الشكور ده إذا فرضنا أنهم ممكن ينشقوا فيك يدوروا معاك يمكن تلاقيها، بس أنا عايزك تعرف حاجة، الشركة اللي متخيل أنك تقدر تحميها أنساها. ومصيركم أنتم الأربعة بقى محتوم، مهما قاومتوا أو حاولتوا تصلحوا.

"it's too late"

- أنت عايز مننا إيه بالظبط؟

- سؤال ملهوش إجابة عندي، بس لو مُصّر تعرفها تعالى وأنا أجابك.

وكانت الجملة الأخيرة التي بعدها، انقطع الخط، وقد ترك مسعود في خضم احتمالات ما عاد يدرك أي منها في نهايته الحقيقة.

\*\*\*

وصدقت توقعاته حين رآه وقد صف سيارته بجوار منزل عارف وفتح البوابة ودخل، فصف عيسوي دراجته البخارية وتحرك بهدوء وقد اختبأ خلف الأشجار التي كانت تحوط منزل عارف وعندها، رأى عارف وقد أطلق رصاصة من مسدسه بأحد إطارات سيارة مسعود أو تلك التي كانت لفيروز، ثم اتبع من دخل قبل دقائق وقد جلب من حديقة منزله عصا ثقيلة ثم تابع عارف سيره خلف من وقف في منتصف الردهة وقد دخل كونه وجد باب الفيلا مفتوحًا:

"أهلاً".

سمعها من عارف فالتفت ومع التفاتته كانت الضربة منه بكل قوة فوق رأسه وعلى إثرها أغشي عليه.

وانزوت ابتسامة على شفثيه وهو يسحبه لجهازه، يوماً ما قد سبقك بغدادى لنفس المصير، وكانت نهايته بيده. والسيناريو بسيط يقتل الثلاثي البغيض بيده ثم ينتحر وتبقى التجربة بمأمن:

" now, the operation is ready"

— باي باي باشمهندس مسعود.

وهي ضغطة زر واحدة وبعدها سينال ما يريد، لكن صوت تكسير زجاج إحدى النوافذ حال بينه وبين كبسها، هل يوجد بالفيلا أحد عاده، لقد تأكد صباحاً من خروج نانسي وفريد والوجود بالمحطة التلفزيونية، فمن هنا؟

كاميرا المراقبة بتأكيد ستظهر ولكن لا أثر لدخول أحد، ربما هو طائر وقد كسره خطأ، تنفس مهدوء ولكن مرة أخرى سمع صوت كسر زجاج نافذة أخرى، ومرة أخرى لا أحد بكاميرات المراقبة، ولم يملك بُدّاً إلا الخروج من معمله للبحث، خرج للرددة ولا أثر لأحد، أيعقل أنه مجرد حادث يتكرر، والصوت مرة أخرى لنافذة أخرى فلم يملك إلا الصعود للغرف وعندها قرر عيسوي الدخول للفيلا بينما عارف صعد للطابق العلوي هاتفاً:

— مين هنا؟

ولم يجد أحد فعاد للردهة وقد أخرج مسدسه، ليجد عيسوي قد  
تأهب لضربه بالعصا فشحذ مسدسه ثم توقف كلاهما وقد تبادلوا  
النظر، زفر عارف ثم قال بحدة:

- ارمي اللي في إيدك دي يا شاطر، وافكر اللي حصل لعبد  
الشكور، عارف مبيهرش مع الرصاص، وأظن مش مسعود اللي  
يستاهل تضيع نفسك عشانه، ولا إيه؟  
ابتسم هازئاً ثم رد بتأكيد:

- تصدق معاك حق.

ثم ألقى العصا بجواره ورفع كلتا يديه لأعلى وهو يعود بخطواته  
للخلف وفي بغتة سحب طرف السجادة ليفرض عليه السقوط وقد  
سقط مسدسه بدوره فأسرع وركله بقدمه ثم التقطته وهو يعقب  
باستهزاء:

- لا أنت تشوفلك حل في المسدس ده، أقولك حاجة أنتم تربطه  
في الخزام بتاع البنطلون، بس أوعى يقع منك في الحمام.  
- هات المسدس ده يا عيسوي.

قالها عارف بزعيق وقد جحظت عيناه بغضب فكان الرد:

- لا.

فعلا هتافه بعدها:

- أغبيا أغبيا أغبيا، هتعيشوا أغبيا وتوتوا أغبيا، إيه اللي يخليك  
تحاول تساعد واحد باعك وغدر بيلك؟ إيه اللي يخلي عبد الشكور

ينسى أولاده ويقرر يحافظ على مها؟ إيه اللي يخلي مسعود يرفض ملكية الشركة مع إنه مكش يحلم بربع ده من سنة؟ إيه اللي يخلي بشير مسلميش ويقاوح لحد آخر لحظة، غير أنكم أغبيا، أغبي أربعة قابلتهم في حياتي.

والجملة الأخيرة قلت بكل غيظ وهو يمسخ وجهه بيده ثم يتوعد:  
- لو التجربة فشلت وكان التمن حياتي أنا مش هاموت لوحدي، هادفعكم التمن معايا، هاوجعكم في أعز ما عندكم، وابقوا خلوا البطولة تنفعكم.

قال ما عنده ثم ترَّجَّح وسقط ليظهر مسعود خلفه وقد ضربه فوق رأسه، وعندها تبادلوا النظر دون كلام ثم نظرا كليهما لعارف.  
وكاد مسعود أن يسقط بجواره إلا أن يد عيسوي قد أسندته وعندها تتم:

- إحنا لازم نمشي من هنا.

- أكيد.

استند عليه ثم خطوا نحو الخارج لكن قبل رحيلهما التفت مسعود ثم نظر لعارف ثم قرر أن يعود له وقد سحب هاتفه مقررًا الحصول على ذاكرته.

\*\*\*

فتح عينيه ببطء ليجد نفسه بالأرض وصوت أقدام تدور حوله، حاول أن يرفع رأسه لينظر وعندها أدرك بصدق أين وصلت التجربة.

"آدم".

- هل نجحت التجربة؟

والسؤال من آدم فرض عليه القيام من مكانه ليقف قبالة، بدا مضطربًا وكأنه قد تم تجريده من كافة أشكال الثقة.

- دكتور آدم.

قالها مضطربًا وقد استشعر الصدمة من وجوده وصدمة أخرى سيعرفها الآن، أنه منذ أول يوم وهو تحت المراقبة.

- ربح العاديون يا عارف، ربخوا حد سرقة حاسوبك وذاكرة هاتفك.

- أنا....

- دعك من التبريرات، معك ثمان وأربعون ساعة لإصلاح الوضع، وبعدها لا تلم إلا نفسك.

ثم قال جملته وغادر أو للدقة اختفى وكأنه بالأساس ظهر من العدم.

\*\*\*

جمعهم بيت بشير وقد توسط حاسوب عارف المنضدة وقد تمكن عماد من فتحه، وفتح ملف التجربة الرئيسي وبدأت أيقن بقراءته

"Clinical death of nations"

قرأت عدة سطور وترجتها وبدأ واضحًا مردود ما يسمعون على وجوههم، حتى هتف بشير ببالغ الضيق:

- كفاية.

- ليه يا بشير؟

سأله عيسوي فأجابه:

- لحد هنا ولازم نستوعب احنا بنواجه مين، دي مش لعبة ولا

فسحة، دي أسرار تخصهم لو حاولنا نحكيها محدش هيصدقنا.

- أنت متخيل إننا هنتراجع.

قالها عيسوي فرد هو:

- يا جماعة الموضوع مبقاش براءة الحاج إسماعيل ولا إنقاذ شركة

الفيروز، دول بيتكلموا في أمم.

- يبقى الأولى أنا نكشفهم، مش نخاف ونتراجع.

تعقيب من أيتن جاوره تعقيب من مها:

- لو سكتنا هيكون في مليون إسماعيل ومليون شركة زي

الفيروز.

- ولو هما قاصدين يخوفونا، يبقى مينفعيش نخاف.

قالها مسعود ثم تابعه عبد الشكور:

- أنت الوحيد اللي فينا فهم عارف ورفض يسلم دماغه، أوعى

تراجع دلوقتي.

"احنا مش مطلوب مننا نحارب".

"لكن لازم نحاول".

"خوفنا مش هو الحل".

"ولا استسلمنا هينجينا".

"أوعي تبيع يا بشير".

وكان هذا آخر ما قيل، ومن بعدها قرار بإعادة التفكير ثمة قواعد  
بحاجة لأن ترى النور وعلى رأسها: قاعدة ذهبية  
"أن على أصحاب القضية ألا يبعوا القضية مهما كلفهم ذلك من  
ثمن".

\*\*\*

## (الختام)

حصاد القواعد العشر

(لا تُحارب الخير فتستدع الضمائر لمواجهتك، بل اسع لتلبس الباطل ثياب الحق، اسع لتفريغ الخير من محتواه وتلك هي أعلى مراتب الإجهاز، فلا شيء يُضاهي الموت الإكلينيكي لشيء، فلا هو حي ولا هو ميت).

"الموت الإكلينيكي للأمم".

وذاك هو الاسم الأساسي للفكرة الرئيسية، ولكن ماذا عن توقيت جرينتش أهي تجربة أخرى؟  
والإجابة: لا، هي ذات الفكرة، ولكن لكل عالم أهدافه، ولكل عالم طريقته؟

ما فكر به عارف كانت خلاصته كيف تمحو هوية فرد؟  
وما فكر به آدم كانت خلاصته كيف تمحو هوية مجتمع؟  
وحين اجتماعا قررا مزج الفكرتين معاً، أو هذا ما ظنه عارف،  
وكان النموذج حين وفرت فيروز شركتها وموظفيها. وكانت التجربة والتطبيق.



فهل نجح عارف فيما نوى أو نجح آدم حين وكل لعارف مهمته؟  
والإجابة: ما زالت دون أدنى حسم لأن الجهات الأربع حين  
جمعهم توقيت جرينتش وتلاشت حدود كل شيء بقي الإنسان  
وفطرته.

فكانت تلك العضلة، محو الهوية لم يكن هيئًا، لأنهم لم يتنازلوا،  
وتذكروا أنهم حتى لو باتوا بـ "توقيت جرينتش" فثمة توقيت آخر  
سينتصر، هو ببساطة توقيتهم

ألا يستحق ما فعلوه التصفيق؟

بل التصفيق كان من نصيب غيرهم، حيث آخر يوم تصوير لفيلم  
توتو اللول، وقرار باحتفال خاص جمع البطلة والبطل في أجد فنادق  
القاهرة، غرفة خاصة ليلة خاصة كلمات حب وهيام وشغف، تستحق  
السندريلا كل ما كانت تسمعه والثنى تم دفعه مُتَعًا، حتى علا  
الصباح واستفاقت شهرزاد بعدما سقط الكلام المباح وليلة واحدة  
تبعها ليالٍ ملاح.

حتى أتت الجميلة بالبشارة، والبشارة جملتان:

"فريد احنا لازم نتجوز".

"فريد أنا حامل".

فرك رأسه وزفر ثم أقر بترق:

— حمل إيه يا صبا، البيبي ده لازم يزل، أنا مش بتاع جواز.



أوقف الشغل عشان أقولك عيطي واتسحتفي، ده مبقاش برنامج ديني  
أبدًا، أوووووف.

شعرت ببالغ الضيق ولكنها لا تملك من أمرها حيلة، ستجهد كي  
تبكي قدر استطاعتها وهو لم يترك لها مجالاً كونه نادى:

- فين الميكياج هنا؟

وأنت إليه واحدة منهن فحدد طلباته:

- حطيلها قطرة في عينيها وعائز الكحل ييوظ على قد ما  
تقدري، تمام.

وفعلت ما طلب وعاد هو لمكانه وهتف:

- أكشن.

وقمت إعادة المشهد وبكت، ولكنها لم تكن تفتعل، هي فقط  
تذكرت ما مضى.

تذكرت حياة تركتها لكي تحقق أحلامها، تذكرت بيتاً كان دافئاً  
دون حاجة لمكيفات غالية الثمن، وتذكرته هو وقد اجتاحت صدرها  
القلق، لم يرد ولو مرة واحدة على مكالماتها وهي كل ما أرادته أن  
تطمئن على حالته، أيعقل أنه كرهها؟

وما بين رجل كانت إجاباته: "حاضر"، رغم قلة حيلته وقد تابعها  
بترجٍ بسيط مفاده صبرها حتى يستطيع، وآخر لا يوفر شيئاً إلا صور  
"السيلفي" زعمًا للجميع عداها أن حبهم أبدي، ولن يتكرر في عالم  
البشر. كانت هي وحيدة نادمة، باعت النفيس ورجبت البنفس.



فهمت حين بدأ يتحدث عن فيلمه وتأكدت حين ذكر اسم صبا،  
وضاحت حين حدد ما يريد:

- أنت عايزني أبرر الزنا للناس؟

- مقلتش تبرير، إنما هي مكتش واعية فمش متعمدة.

- عشان سكرانة.

- أم الأفورة بقي، ما تفتحي مخك معنا كده، ولا أنت صدقتي

أنك داعية بصحيح؟

أهي لحظة مكاشفة مبكرة؟

- أنت ليكي دور قرزه دكتور عازف يوم ما فتح القناة، ومش

شطارة منك تعيشي الدور وتنسي اللي المفروض تعملية، فهماني؟

قال جملته ثم ضمها وقبل وجنتها وعقب:

- صبا مظلومة يا حرام، ولا إيه؟

ولم تملك ردًا فقط ترقرت عيناها بالدموع وقد أيقنت أن

الكومبارس لا يعترض على المخرج إذا أمر.

\*\*\*

وكان صباح اليوم التالي استيقظ بشير مبكرًا أو ربما هو لم ينم

صعد لسطح منزله وقد أعد كوب شاي بنعناع وظل يطالع المكان

ومزروعاته والكتب ثم استند إلى السور ليطلع حارته والمقهى المجاور

وشرد.

اليوم باتت كل الحقائق بين يديه كاملة، ومن حاسوب عارف بات يعرف حقيقة ما حدث لدكتور بغدادي، بعدما شاهد فيديو جمع عارف وفيروز وبغدادى بفيلا عارف، بعدما صرح عارف بقمه أنه سيدفع بغدادى للانتحار بيده.

قطعه من شرود يد وضعت فوق كتفه ونداء من بشير بأن يحضر لأنهم قد تجمعوا معاً بمزله، وقبل نزوله سأله عيسوي:

— قلقان؟

أوما رأسه نافيًا، ثم نرلا ليجدا والدته بشير قد أعدت الفطور، تجمعوا حول الطاولة وبدؤوا نقاشهم بصورة أخبرهم مسعود بأن عارف قد وضعها على صفحته الشخصية، وما إن رآها أيتن حتى استشعرت ارتجافة ولن تنكر خوفها.

الآن فهمت كيف عرف عارف بقصة فيديوهاتما، لأن عارف قد أخذ الدمية التي كانت بحقيبتها وهشمها ورفع الصورة على صفحته كإشارة لما ينوي فعله، نظر بشير للصورة وفهم وعندها عقب:

— إحنا فاهمين إن اللي هيحصل أصعب بكثير من توقعتنا.

تهددت أيتن وردت:

— هو بيلعب على مخاوفنا، بس بالطريقة دي هنوصل للحظة اللي هنكون فيها على أرض الموت.

ومن استغربت واستفسرت كانت مها وعندها أردفت أيتن:

- ده مصطلح كان في كتاب سان تزو، مبدأ الأصل فيه أنك لو قائد في معركة وعازية جنودك يحاربوا بكل شجاعة ساومهم على حياتهم، لما تكون عارف أنك مهدد. هتتحارب بكل طاقتك. عشان مفيش قدامك حلول تانية.

"أتمنى".

تعقيب من عبد الشكور تابعه سؤال من عيسوي مفاده: من أين سنبدأ اليوم؟

سؤال كان عليهم التركيز في إجابته، خاصة وهم يدركون أن الطرق القانونية قد لا تفيدهم، فما الضامن أن القضية لن يتم التلاعب بها لصالح عارف، أو تتدخل جهات سيادية؟

"لازم تبقى قضية رأي عام، الناس تشوف كلها في التلفزيون الفيديوهات دي".

عقبت أيتن فتابعت آلاء:

- ممكن نحاول ناخذ بث قناة ونبث الفيديوهات من خلالها.

رد مسعود:

- الموضوع مش هيكون بالسهولة دي.

- نتجمع في ميدان ونذيعهم من خلال بروجيكتور.

والفكرة من مها رد عليها عبد الشكور: ساعتها الأمن هيلمنا

احنا ومش بعيد يلبسوننا قضية.

"ممكن نرفعها على القناة بتاعتي على يوتيوب، في عدد كبير بيتفرج عليها ده غير الشير".

قالتها آيتن فكان التعقيب من بشير:

- بس هما دلوقتي بقوا عارفين إن القناة بتاعتك، واحنا بمنضمناش رد فعلهم، فبلاش حاجة ممكن يكون فيها أذى مباشر خصوصاً عليكم أنتم.

تحدث بصيغة الجمع حين ذكر عارف، وبنفس الصيغة ليقصدها وأختها الصغرى.

"طيب هنعمل إيه دلوقتي؟"

قالها عيسوي وصمتوا ثم قرر بشير الرد:

-إحنا نفكر في....

وقاطعهم صوت هاتف عيسوي فصمت بشير بينما رد هو وقد بدا واضحاً على وجهه أن الأمر جلل:  
"شجن".

قالها وقد شحب وجهه، وما إن عرف مكان المشفى حتى أنهى المكالمة وانطلق حتى دون أن يشرح هو فقط وضح وهو يهتف بغضب:

- عربية ضربت شجن وهربت بسرعة وهي في المستشفى دلوقتي.



ثم ركض وقد لحقه مسعود ليدرك بعدها بشير والبقية أن عارف  
كالعادة استبقهم.

\*\*\*

خطوبة تم فسخها، ثم خطوبة تم فسخها، ثم عريس جديد، ولن  
تتوقف فاطمة عن إلحاحها، زفرت بشدة وقد اتخذت قرارها هذه المرة  
بالرفض القاطع مهما يكلفها الأمر، لقد اكتفت من المواربة  
لإرضائهم، أو للدقة تعلمت الدرس، تعلمت أن الحياة الحقيقية تُبنى  
على الحسم، ونقطة أخرى حسمتها بداخلها؛ هي ما زالت تحب  
عيسوي.

غادرت منزلها باتجاه عملها، كانت التاسعة صباحًا حين مرت  
سيارة مسرعة دهستها ثم هرب سائقها مسرعًا وآخر ما لُحِه من سحوا  
أن يعرفوا هوية من فعل الحادثة رؤية السيارة وقد طُمست أرقام  
لوحتها المعدنية

ولم يتوقع من نفسه كل هذا الغضب والحزن وهو يطالعها نائمة  
بعد خروجها من غرفة العمليات، شعر بعجز امتلاكه كون عارف قرر  
إيذاؤه فيها وهو لم يستطع حمايتها أو منعه، خوف وقلق اجتاح مسعود  
وهو يراقب اللفظة في عين عيسوي على خطيبته ويتذكر درة ويخشى  
أن يكون عارف قد آذاها أو تعرضت لمكرهه وهو لا يدري.

أسى جثم على صدر بشير وهو يتذكر إسماعيل، وضيق فرض  
على عبد الشكور الترقب.

ما القادم معك يا عارف؛ لا ندري، لكنك لم تترك لنا الخيار،  
فكان قرارنا؛ لن تستسلم أبداً؟

وقبل أن يفكروا كانت المباحثة الثانية حين أتى مدبولي لمزل بشير  
يرجوه الخيء معه علّه يستطيع فعل شيء حيال تلك الكارثة.

- العمارات كلها وقعت فماردة الصبح، والناس مملومة عند  
الشركة عايزين يكسروها.

وحين وصلوا لمقر الشركة أدركوا حجم الكارثة التي وقعوا فيها  
ولم يستطيعوا الصعود للشركة كون الناس قد هاجموا وأضرموا النار  
فيها، والتالي كان قرار القبض عليهم بتهمة النصب والاحتيال  
وتشميع شركة الفيروز بالشمع الأحمر.

لا وقت لالتقاط الأنفاس، الرباعي البغيض جمعهم عربة الشرطة،  
فساد الصمت وهم يتبادلون النظرات.

الباطل لن يهدأ، الباطل لا ينتظر، الشياطين حين تباغت لا تترك  
فرصاً، والنهاية الحتمية لمن تحررت عقولهم بالتأكيد أسرهم.

وهو تنفس الصعداء حين وجدهم يدخلون القسم، تنفس كونه  
انتهى من أمرهم، وداخل القسم كانت تتوافد شهادات المقاتلين  
والعاملين بالمشروع:

"لقد تلاعبوا بالناس، حصلوا على أموال وقاموا بالدعاية لمباني  
واهية"

لذا جاء القرار بحبسهم أربعة أيام على ذمة التحقيق وبطريقهم للحبس انتظرهم عارف، وقف أمامهم وقال:

- أظن كده وصلنا للنهاية، هه مين فينا اللي انتصر.

- الشاطر اللي يضحك في الآخر.

قالها عيسوي بتحدى فعقب عارف هازئاً:

- إحنا فعلاً وصلنا للآخر، وأنا اللي باضحك دلوقتي.

- يبقى الشاطر هو اللي يخلق آخر يضحك عنده، حتى لو الطريق

خلص.

قالها بشير مبتسماً فجاوره عارف وقال:

- التجربة خلصت وتمت ونتيجتها أعلنت، كمل بس متزعش

لأن النتيجة واحدة، آمن إن مفيش فايدة.

- مش هيجصل.

دفعهم العسكري ليتحركوا وعندها تبادل عارف وبشير النظرة

الأخيرة ولكنه لن يعأ، سيتجه صوب مركزه ليعد حفلاً ويسعى

خلف تكريم وجائزة ولن يستوقف ما حدث للرباعي البغيض أحد،

دُفع بهم في الزنزانة الواحد تلو الآخر، فوقفوا بأماكنهم من دون

حول ولا قوة وقد نكسوا رؤوسهم ثم كان حديثهم بمرارة، وقد

ارتقوا أرضاً وتجاوروا.

"يعني مفيش فايدة".

"أبوة".

"معقول مفيش فايدة".

"لا".

وصوهم كان مألوفًا حد أنه استوقف أحدهم، فقرر أن يقترب  
ليؤكد، وحين أتى وقف يتطلع بوجوههم، ورغم ظلام الزنزانة فإن  
قلبه قد رجف فهتف باسمه:

- بشر.

فرفع الأربعة رؤوسهم لينظروا لمن وقف أمامهم وعندها علا  
هتافهم:

"حاج إسماعيل".

"جدي".

\*\*\*

قراءة ستة أشهر من العتمة والمتهم بريء، ولكنه لا يملك دليلًا  
ليثبته، حتى بشارة محاميه بالمرة السابقة قد تبخرت، فحكم أن قضيته  
جنائية لا يجوز أن تزيد مدة حبسه الاحتياطي عن خمسة أشهر ولذا  
سيخرج وكاد يفرح، إلا أن المحكمة المختصة بقضيته قد أمرت قبل  
انقضاء المدة بمد حبسه والتجديد لمدد أخرى، انقضت الأولى منها  
فأتى إسماعيل اليوم ليتم عرضه على النيابة عند صباح اليوم التالي أو  
ربما هو قُدر له أن يقابلهم.

اجتمعوا حوله وكانت لحظتهم الاستثنائية، هل عليهم أن يأسوا  
بعد كل ما مضى؟

- تبقوا هبل ولا مؤاخذه.

- الشركة خلاص وقعت، التجربة خلاص نجحت

- وإيه يعني.

قالها محتدًا ثم أردف:

- ثم مين اللي قالكم إنه نجح، بقى شركة موظفينها سابوها لحد ما

وقعت يبقى مين اللي وقعها عارف ولا أنتم.

صمتوا وقد نظروا لبعضهم البعض، وعندها عادوا ينظرهم

لوجهه، لم يتأثر إسماعيل بأسره، بل زاد يقينه وثباته بربه ونفسه

وعندها أكمل:

- عارف مكش أذكى منكم، بس عرف إزاي يلهيكم، كل

واحد فيكم مكش شايف غلطاته عشان مركز مع زمايله، صح ولا

لا؟

صمتوا ولم يردوا وقد نكسوا وجوههم فرفعها بيده وهو يعقب

بقوة:

- بصولي وأنا باكلمكم، أنا لا سمح الله مش بأنبكم بالعكس أنا

فرحان ببيكم وعهد الله فرحان ببيكم ونفسي أقوم أرقص في الزنزانة

دي وأقول تربية إسماعيل محييتش وتربية مشيرة محييتش ولو أعرف

مين اللي ربى الاتنين اللي معاكم أقول برضو، أنما سييكم من اللي

فات، واخلونا في دلوقتي، عارف نجح؟

- آه. "هاوووووووووووو".

قالها إسماعيل هازناً ثم أردف:

- لو نجح عمره ما كان هيجي لحد عندكم برجيله ويقولكم أنا كسبت، من إمتى القوي بيروح للضعيف، جديدة دي.

- قصداً إنه خايف مننا.

- طبعاً، أنتم عارفين إيه أكثر لحظة لازم القائد الشاطر يعملها ألف حساب.

- إيه؟

- اللحظة اللي بيفرحوا فيها جنوده بأنهم كسبوا، اللي يتلهوا فيها بجمع الغنيمة، وياما حروب كان حسمها في آخر لحظة، مجرد بس ما القائد وجنوده ركزوا، عارفين في إيه؟

- إيه؟

وقيلت جماعية ليكمل بعدها:

- إن الفرص احنا اللي بنخلقها بإيدينا ومينفعش نستناها يا تيجي يا متجيش، فاهم ياض منك له؟

والإجابة نعم، فهموا وفكروا واستوعبوا.

استوعبوا في لحظة فارقة الفارق...

بين المخلص والقائد

\*\*\*

مناسبة كبرى وحفل كبير ينتظره الجميع، فالكل مدعو، حفل سيتحدث فيه عارف عن جهازه المعجزة القادر على تغيير واقع أي

شخص للأفضل، والدليل فريد ونانسي، فماضيهما اليوم لو عرفه الجميع لن يستوقف أحداً، ولا حتى الـ "single mother".

رغم أنها قررت التخلي عن طفلها، ليس لأنه ابن ضبي المقهى ولكن لأن هناك عرضاً أفضل من المنتج، وهو عقد زواج عرفي بجوار عقد فيلم جديد، وبمنظرة متأنية وافقت على العرض، لكن أخبار صبا لم تستوقف مواقع التواصل لأن هناك ما هو أقوى.

"خلعت لوللا حجابها".

وستعود مع فيلم استغراضي غنائي راقص بجوار احتمالية كونه تاريخياً جغرافياً حريئاً بميزانية قد اقتربت من المئة مليون كون أجرة لوللا وحده قد تخطى المليون جنيه.

وحالة إلهاء أخرى فرضت نفسها كون الشيخة رنا قد أصدرت ببرنامجهما فتوى عن أن الزانية لن تكون زانية أو يحسب لها الزنا لو لم تكن بوعيتها، فتوى أثارت حفيظة الأزهر لكن ثمة غلظة كبيرة من المثقفين والمفكرين قد أثنوا عليها، فالفاقة لوعيتها لا تملك نية التعمد لذا سقط عنها التكليف.

وجمل كتلك فرضت عليها أن تكون ضيفة في عدة برامج "توك شو" لتحدث عن فتواها، يهاجمها عدد من المشايخ فتترفع عن الرد فيتصل بها آخرون ليحيوها على جرأة مواقفها وعدم خوفها من الإرهاب الديني، هي مثال جيد للإسلام الوسطي اللذيذ، وليت كل الدعاة مثلاً.

وفي خضم الفوضى أترى ذلك العالم من الممكن أن يستوقفه أن  
هناك خمسة رجال عالقين في غيبات السجن؟  
والإجابة حتى لو صاروا مئة أو ألفاً أو عدة آلاف هم لا شيء  
حتى يستوقفوا أحداً، هم العاديون والعاديون.....كثير.

\*\*\*

ليلة بالتأكيد قاسية، وأقسى ما فيها حين تتلفك البرامج الإعلامية  
لتحدث عنك كمذنب ومجرم عتيد الإحرام بينما أنت البريء.  
لكن من سيصدقك أنت ويكذبهم هم، والإعلامي المخضرم حين  
يبدأ بالحديث عنهم سيؤكد أن ما يقوله هو الحقيقة، وكل الضيوف  
أو المتصلين لن يتحدثوا إلا عن طرف واحد، طرف يؤكد أنهم  
المذنبون والعزاء كل العزاء للمهنية والحيادية وعرض الرأي والرأي  
الآخر.

"الحقيقة حاولنا نكلم أي حد من طرف الأربعة لكن الكل رفض  
يظهر معانا".

وها هو عذر كاف.

استفاقت شجن لتجد مشيرة بجوارها، تبكى وهي تتذكر آخر ما  
طلبه منها عيسوي قبل أن يغادر المشفى، بأن تطمئن على شجن ولو  
أمكن تطمئنه.

- طنط مشيرة.

- حمد لله على السلامة يا بنتي.



ودموعها فرضت على شجن الاستغراب، بالتأكيد هي لا تبك بسببها، لأنها لا تظن أن حالتها حرجة، وإن كانت مشيرة قد أتت أيّني هذا أن عيسوي قد أتى بدوره؟ ولم تحتجْ لردود كون والدها قد دخل للغرفة مقررًا تشغيل التلفاز الموجود بها وهو يسأل مشيرة بقلق:

- في أي جديد عن عيسوي؟ عماد متصلش يطمنا.

أجابته مشيرة بالنفي، ولم يكن قد التفت لاستفاقة ابنته التي اضطربت حين شاهدت صورة عيسوي بجوار الأربعة بالتلفاز وقرأت ما كتب عنهم وعندها فهمت، فلم يسعها إلا أن ربت على يد مشيرة من دون أن تعقب بكلمة وبدورها ربت مشيرة على يدها، علّهم يستقون ببعضهم البعض.

\*\*\*

وبيت عمها انزوت بغرفتها تبكي بحرقة، عارف أبو العزم قد تمكن من زوجها حد تدميره، وها هي نهايته، مسجون بتهمة نصب، وها هي المسؤولية التي ظنها هينة، واصلت بكاءها حتى قاطعها طرق الباب على غرفتها وكان الطارق والدّها، عرفت عطيات من عم درة أنّها قد أتت إليه وترجته المكوث عنده دون أن يخبر أحد وحين استشعر أن عطيات كادت تُجن من القلق أخبرها، وما إن رأها وقد جلست أمامها حتى دفنت رأسها بصدرها وقد زاد بكاءها وهي تعقب:

- مسعود اتسجن يا ماما، مسعود خلاص ضاع، يا ريتني كنت فوقت من زمان وفوقته، أنا سكت وسيت الفرعون يتفرعن، أنا لو كنت اتحركت كان ضميره هيتحرك.

- مش لوحذك، المهم دلوقتي ادعيله، قادر ربنا يفك كربه.  
ثم قدمت خطابه لها وهي تؤكد:

- عايزة أقولك إني يمكن كل اللي كان شغلني هو مصلحتك، دايماً كنت شايفة أنك تستاهلي اللي أحسن منه، لكن أنا كنت طول الوقت باضغط، أنا من هنا ورايح مش هأدخل، والقرار بعد ما تقري جوابه بإيدك أنت.

\*\*\*

بالكاد توقفت اعتماد عن البكاء وهدأت ثورتها وهي تتحدث أمامهم ألما لو رأت عارف سوف تأكله بأسناتها، ومر يومان حاولوا قدر المستطاع تجاوز الأمر على الأقل من أجل الصغار ورغم ذلك عادت الصغيرة لشرودها، وحين أرادت مها تلطف الأجواء قررت أن تجاورها على الأريكة ليشاهدا معاً أحد برامج الرسوم المتحركة بالتلفاز، كانت مها تتقل بيدها عبر القنوات حتى جاءت صورة رنا وعندها أشاحت كترى بوجهها كي لا تراها، موقف فرض على مها القلق حيالها فقربتها وأجلستها فوق ساقها وضمتها إليها وهي تسأل:

- زعلانة منها.

فأومأت رأسها بإيجاب وهي ترد:

- سابتنا وراحت عند عمو الوحش، أنا زعلانة عشان هي مش بتحبنا.

ولأول مرة تستشعر مها أنها التي اعتادت التخفيف عن الجميع عاجزة عن فعل أي شيء لتلك الصغيرة، ولم تملك إلا عدم إظهار حزنها ومحاولة المزاح معها كي تُخرجها من حالتها تلك.

- باقولك إيه، تعرفي إن أوضتي فيها كيس كبير مليان حاجات حلوة، أنا جيتة وخبيته أحسن آلاء تشوفه وهتدخل أنا وأنت دلوقتي نأكله في الخبائة.

- مين جاب سيرة آلاء؟

قالتها آلاء وقد قررت بدورها المزاح من أجل التخفيف عن كترتي التي أخيراً ابتسمت، فشعرا ببعض الراحة.

لكنها تلاشت عندما طرق أحدهم باب مترهم، اتجهت أمينة لتفتح لتجد حسن أمامها.

كانت مها بغرفتها حين سمعت صوته وهو يسأل عنها، وكادت والدتها تطرده، لكنه أصرَّ على مقابلة مها التي حين خرجت وقفت أمامه وعقدت ذراعيها أمام صدرها وسألت بحدة:

- جاي عايز إيه تاني يا حسن؟

- أنا عارف أنك...

ولم تمهله فرصة ليكمل، صفعته بقوة فصمت ثم تابعت هي:

- لو لسة جواك ذرة رجولة متورنيش وشك ولو صدفة، ولو  
فاكر إن بعد ما بشير وجدي اتسجنوا ظلم إني دلوقتي ضعيفة يبقى  
أنت متعرفش مها كويس، وأوعى تكون فاكر إن مش عارفة أنك  
لسة مع عارف لحد دلوقتي، فاطلع برة يا دكتور، كمل الطريق اللي  
اختارته لنهايته، وأوعى تظن للحظة إن ممكن أغير نظرتي عنك بعد ما  
شوفتك على حقيقتك.

رَحَلْ فاتجهت لغرفتها باكية تابعتها أيتن وآلاء وجاورها كترى  
تمسح دموعها وتضع قبلة على خدها وهي تربت على كتفها، فلم  
تلك إلا أن تبسم وعندها مسحت دموعها وعقبت:  
- أنا كويسة متقلقوش عليا.

ثم سألت أيتن عما سيفعلونه بالصباح مع محامي شركة الفيروز  
ومحامي جدها، فكانت إجابتها بشارة، فرما بالغد قد تثبت براءتهم  
ويخرجون ومن ثم تبدأ خطتهم.

- ومن هنا لميعاد حفلة عارف يوم الخميس هنكون جاهزين.

\*\*\*

صباح الإثنين

بدأت التحضيرات ليوم الخميس بحجز أحد أكبر قاعات  
المؤتمرات، بينما وقف محامي شركة الفيروز أمام الضابط ليضع بين  
يديه أوراق ملكية الشركة والتي تحمل فيروز المسؤولية كوها هربت  
وتركت فقط مسؤولية الإدارة على الموظفين.

دعوات لشخصيات سيادية ودبلوماسية بارزة، بالإضافة لعدد كبير من نجوم المجتمع وعلى رأسهم فريد وصبا.

ظهور أدلة جديدة قد تدين آخرين في قضية انتحار الدكتور بغدادي أيوب، والإدانة تطال أسماء حساسة على رأسها اسم عارف أبو العزم.

تدخل جهات غير معلومة لوقف النشر والتحقيق بقضية بغدادي أيوب، والاكتفاء بإخلاء سبيل إسماعيل الفولالي بكفالة مالية.

لتعالى الزغاريد عندها وتعالى بيت بشير بل الحلمية برمتها، الحاج إسماعيل على الأسفلت، فرحة عمت شارع فرقص الجيران وعلى رأسهم صاحب المقهى المجاور بينما حسن وقف من بعيد يراقب.

من المفترض أن جميعهم قد خرج بكفالة إلا أن الرباعي البغيض لم يظهر بعد، اختفوا ولم يعد يعرف أحد مكانهم.

\*\*\*

صباح الخميس

هي المرة الأولى في حياته كلها التي يستشعر أن الأمور قد قلت من يده، أين ذهب الرباعي البغيض؟

لا يعلم أحد!

لا رجاله ولا آدم ولا حتى حسن، والسبب ليس أنهم اختفوا بل أنه ما عاد يدرك فيما يفكرون، ما عاد بإمكان أبو العزم التوقع

بخطواتهم التالية، فهل اختفوا لأنهم يخشوه، أم اختفوا لأنهم أرادوا أن يبتغوه بضربة قاضية؟

ومن بين حيرته تطلّع لآدم الذي يراقب ما يحدث في صمت دون تعقيب واحد، فيما الذي بات يتوهمه هو وشركاؤه المنتظرون للنتائج؟  
فالنتائج مرفوعة لأن العاديين لا يزالون يقاومون.

ورغم هذا تقدم إلى القاعة وقد علا التصفيق بقدومه، ثم نظر بجواره لشاشة العرض والتي وُضع أمامها منضدة كبيرة وضع هو عليها جهازه وجوارها جهاز بروجيكتور لعرض التعريف بالتجربة، وقد وقف هو على منصة يعلوها ميكروفون ليبدأ حديثه:

"ladies and gentlemen"

تحدث هو بالإنجليزية بينما بدا صوت المترجم أعلى بعض الشيء عبر التلفاز

"أيها السيدات والسادة، إننا اليوم بصدد يوم استثنائي في تاريخ العلم والعلماء، يوم سيتحدث عنه التاريخ لاحقاً، حيث خروج جهاز توقيت جرينتش إلى النور، أعلم أن الجهاز قد دارت حوله الأقاويل منذ أن جئت إلى القاهرة، شائعات لطالما طالت شخصي وطالت مركزي وقناتي الفضائية وجهاز قد عكفت لسنوات أعمل عليه كي يُبدد الجهل الجاثم فوق العقول".

ثم تنفس لدقيقة وبعدها أكمل:

- وأنا أدرك أننا جميعاً نقاوم التغيير حتى لو كان للأفضل، فطرة النفس البشرية تميل إلى الراحة، وتطوير الذات كان ولا يزال معضلة كثر، لكن بعدما بات عندنا جهاز كهذا، أفخر أنا عارف أبو العزم أننا غلّك مثله".

رشفة ماء ثم البقية:

- لن نعد بحاجة إلى بحث ودراسة وقراءة، فقط جلسة واحدة تسحب من عقلك كل ما لوّث أفكاره، ليعود لك أبيض ناصع البياض، ومن ثم تضع أنت السيناريو الذي تريده، وعندها ستجبر نفسك على النجاح والتطور والغنى وبالتأكيد كل ما سبق هو إكسير السعادة".

تعالى التصفيق فأنحنى لتحية جمهوره، قلت حدة القلق بعض الشيء، حد ثقته بأنهم لن يورقوه لحوفهم، وعندها قرر أن يبدأ عرضه.

فقام بتشغيل جهازه ليرى الحاضرون كيفية عمله لكن الصدمة كمنت فيما سمعه، ما إن بدأ بتشغيله حتى صدحت منه صوت لوللا وهي تصدح بأغنية إعلانه، صدم عارف وتطلع لجهازه ولم يفهم ما الذي حدث، بينما تعالت الهمهمات الساخرة والمستهزئة وتعالى معها ضحك الناس بالقاعة وبالتأكيد من كان يشاهد ما يحدث عبر التلفاز. بدا الضيق يتلقف آدم وهو يطالع عارف فقرّر عندها عارف تدارك الأمر فأوقف جهازه ثم طالع الحاضرين معتذراً على ذلك الخطأ وقد قرر استكمال العرض بتشغيل فيديو سيشرح كيفية عمل جهازه.

زَفَرَ بشدة ثم ضغط زر التشغيل ثم برقت عيناه حين رأى،  
اللحظات الأخيرة بينه وبين فيروز وبغدادى أيوب على الهواء  
مباشرة.

\*\*\*

المدخل الوحيد كان عن الطريق المبنى المجاور للمبنى الموجود به  
القاعة.

توقيت الدخول كان عند الساعة صباحًا، كيفية الدخول للداخل  
دون أن تكشفهم كاميرات المراقبة، كانت بمساعدة عماد ورشوة  
واحدة من المسؤولين عن أمن القاعة.

هم لا يريدون إلا القاعة المنوط بها حفل عارف، والغرفة التي  
وضع فيها عارف أجهزة العرض وجهازه، حصلوا على مفتاحها  
وقاموا بتبديل جهاز عارف بجهاز مُحاكٍ له قد صنعوه خصيصاً لتلك  
اللحظة ثم خبئوا جهاز عارف معهم واختبئوا بدورهم.

\*\*\*

"هأبتله أن توقيت جرينتش حقيقة مش مجرد خيال".

"هأحدد لعقله خط سيره من الهاردة لبكرة".

"هو هيقول نفسه بنفسه".

وكلماته التي قالها فرضت على الجميع الوقوف والصدمة، أهذا  
هو الجهاز الذي سيغير حياة البشر للأفضل؟



وعلى رأس المصدومين "صبا" حين وقفت واقتربت للتطلع  
بالشاشة أكثر ثم استدارت لتنظر لعارف وهي ترعق:  
"أنت اللي قتلته".

قالتها بصدمة وقد شعرت بالخزي من نفسها لحظة لكنها سرعان  
ما اجتازتها، مات بغدادى أو قُتل، رحل وكفى، ومن الآن فصاعدًا  
هي باتت النجمة صبا لا صبا بغدادى أيوب فهي قبل الجميع "قتلته".  
"الفيديو ده متفبرك وأنا هأثبت أنه متفبرك".

صرخ بها عارف وقد بات واضحًا من نبرة صوته خوفه، عندها  
منحه آدم نظرة أدرك منها أنه ورقة واحترقت وسيسهل عليهم  
التضحية بها.

"كل ده مُدبّر لإحراجي وهز صورتي، أنا هاؤديكم كلكم في  
داهية، ومش هاسكت على اللي حصل، وهأبلغ البوليس بنفسى".  
(مش ده لو لحقت يا دكتور عارف).

والصوت لهم، والظهور لهم، إنهم هنا، وهم وراء ما حدث،  
التفت ليراهم وقد تجاوزوا وما إن هموا ليقترب منهم حتى انقطع  
التيار الكهربى وكان للظلام كلمته العلا من همهمات وصراخ وخوف  
وفزع وما إن عادت الإضاءة حتى وجد نفسه مُقيّدًا على أحد المقاعد  
وأمامه جهازه، والأربعة وهمسة بشير في أذنه ونظرة آدم لرجاله كي  
يتركوه يواجههم وحده.

"شوفت بقى إنه كان لسة في آخر".

تبادلا النظر فحاول فك يده إلا أنه عجز، وضع عيسوي يده على كتفه قائلاً:

- عموماً أوعدك إن لو كان نفسك تضحك في الآخر فاحنا معانا فقرات حلوة قوي هتضحك معها.

وأول ما فعلوه هو إظهار جهاز كان مماثلاً لجهازه وضعوه بجوار جهازه وعقب مسعود:

- إيه رأيك تجرب جهازنا إحنا؟

وعبد الشكور من قام بتشغيله ثم التفت ناحية عارف وقال:

- بس يا رب تكون مؤهل لدخول الجهاز ومتكونش غبي.  
"كفاية".

زعم عارف فيهم لكنهم ضحكوا وتبادلوا معه النظر.

"مصيب الدكتور بغدادي".

"إيه رأيك؟"

"طباخ السم لازم يدوقوا يا دكتور".

"جاهز".

(الأجهزة دي مش بتاعتي، الأجهزة دي مزيفة).

صرخ عارف وقد زادت حدة صوته ثم أردف:

- أنا هأحاسبكم على لعب العيال ده.

- معقول تقول كده على أعظم اكتشاف عرفته البشرية.

- ده مش جهازي.

دار بشير حوله وأكد:

- يا دكتور ده جهازك فعلاً، معقول مش عارف شغلك.

- خايف؟

سأله عبد الشكور ثم أتبعه عيسوي:

- ولا مشوش؟

- ولا خايف تدخل الجهاز ومتأثرش وتبلك أنه جهازك، أو يآثر

فيك فتبلك بعدها إنه النسخة المقلدة منه؟

وتعقيب مسعود ببالغ السخرية فرض عليه أن يصمت.

هل فشلت التجربة؟

وهل كُتب لها يوماً أن تنجح؟

انقطع التيار الكهربى ولكن هذه المرة لم يكن هم من فعلوها بل هو، هو افترض وجودهم فوضع خطة هروب بديلة حيث آدم وهو تنتظرهم طائرة هليكوبتر صغيرة عند سطح المبنى، ركضوا بأقصى سرعة وحين وصلوا، لَوَّح بيده ليتأكدوا أنه قد هرب.

كان الجميع قد ركضوا خلفهم ليروا عارف وقد حلق في السماء، بينما الجهازان قد تم التحفظ عليهما من أجل إعدامهما.

وقف الأربعة بمكانهم وتطلعوا لبعضهم البعض.

هل عليهم أن يفرحوا؟

ربما.

هل سيعود عارف يوماً ما؟

"ربما".

هل حقًا انتصروا على الدجل؟

"ربما".

ومن بعيد كانت رنا بجوار صبا بجوار حسن، يطالغونهم وقد أكلت  
الحسرة قلوبهم، لكنهم لن يتراجعوا.

تقابلت عين رنا بعين عبد الشكور فاقتربت منه وقد مدت يدها  
لتصافحه، لكنه تركها معلقة ورحل دون كلمة واحدة فنكست هي  
وجهها توارى الدموع، كونهما تعرف أن زواجهما من هيثم لم يكن يوماً  
مزاح، خاصة بعدما حملت في أحشائها جنينه.

نادت صبا على بشير فالتفت، ليجد النجمة تبكي، أهى دموع  
من أجل بغدادى أم من أجل ما طرأ على حياتها هي؟  
استدركت دموعها وابتمت ثم عقيت:

- أنا فرحانة بـيك قوي يا بشير، أنت حقيقي طلعت بطل، أنا  
الظاهر مكونتش شايفاك كويس.

- بجد.

قالتها هازناً وشعور بالدهشة يملكه، لم يتأثر برؤيتها ولا دموعها ولا  
مدحها، وكأن كل ما كان يـكنه لها لم يكن.

- إيه رأيك لو ننسى اللي فات ونبدأ صفحة جديدة سواء، بشير

أنا...

قاطعها ورد:

- مينفعيش يا نجمة، لأن طريقنا عمره ما هيكون واحد.
- هو على يقين أنها أتت لأنه لخصها وسط الحاضرين، خرج من القاعة يلتفت حوله يسعى أن يجدها، نادى بأعلى صوته حين لخصها وركض حتى لحق بها فاستوقفها، وما إن وصل أمامها حتى التقط أنفاسه وقد أمسك بوجهها بين كفيه، ثم نظر لها بعتاب وقال:
- وأخيراً ظهري؟
- وأخيراً فوقت؟
- أنا عارف إني الوقت أتأخر، بس جوايا عشم متخليش عني.
- بعد إيه يا مسعود، بعد ما حاجات كتير اتكسرت جوانا وأختنا اللي كسرتها يايدنا.
- مسح يده دموعها وعاد ليكمل:
- هنصلحها، هنحاول مرة واثنين وعشرة وأنا مش هاستعجل، المهم نرجع.
- هتقدر؟
- هحاول.
- اللي اتكسر صعب يتصلح، اللي اتكسر ثقة وعشرة.
- هحاول، وعمري ما هأجرك نرجع، سبي بس الباب قوارب، سبي فرصة ممكنة، وبعدها ليكي حق الاختيار، ومهما كان أنا راضي يا دة.

والعرض مع نهايته فرض على الرجال بالمقهى التصفيق، خلصوهم  
الأربعة من عارف، فاستوجب ذلك فرحتهم، الكل يريد المخلص، ها  
هم الأربعة قد فعلوا ما كان يستوجب على الجميع فعله نيابة عنهم.  
وما فكر به إسماعيل هو استغلال الموقف ليتحدث إليهم بعقلانية  
وكانه تناسى أن العقل الجمعي لا يعرف المنطق، الناس دومًا ستركض  
خلف ما يثير مشاعرهم.

"مش آن الاوان نفوق بقى يا أخوانا، ومش كل كلمة نسمعها تودينا  
وتجيبنا، احنا اللي بنعمل الدجالين اللي زي عارف لما بنسمعهم، أو  
نعمل لهم دعايا حتى لو كنا بنشتمهم أو بنتريق، الباطل يموت لما  
الناس تبطل تتكلم عنه، مش لما يزيطوا عليه ويخلوا الدنيا كلها  
تشوفوه، هه فهمتوا ولا لسة؟"  
"فهمنا".

قالوها بأعلى صوتهم ولكنه عقب: وعهد الله شكلكم هتضيعونا  
"ليه بس يا حاج إسماعيل، ده احنا فرحاتين إن اللي خلصنا من  
عارف كان ابن حتنا"  
"قولوا ورايا يا رجاله".  
ثم علا الهاتف.

"يا بشير يا بشير احنا وراك وأنت الكبير".  
"يا بشير يا بشير احنا وراك وأنت الكبير".  
"إسماعيل يا إسماعيل قول كمان ده أنت الأصيل".

"إسماعيل يا إسماعيل قول كمان ده أنت الأصيل".

"مفيش فائدة!"

قالها إسماعيل وهو يقلب كفًا بكف، بينما أهل الحارة قد رفعوه على أكتافهم وقرروا، استكمال الهتاف:

فتعالت ضحكات أيتن وأختها ومها كوكهم كانوا يتابعون من الشرفة، وحين اتجهت مها للدخول جلست على سريرها وقد تنهدت وشردت، بالتأكيد سيرحل الجميع الليلة إلى منازلهم وعلى رأس القائمة كزى وتيم، فهل ستشتاق إليهم؟

- عارفة يا مها، الأربعة دول لو بس كانت أساميهم روضة شوية وبعد إلى عملوه الفاردة كان ممكن يتعمل منهم أساطير.

- أساطير؟

ردت مها على آلاء باستغراب فرض على آلاء أن تكمل:

- جمع أسطورة يا ستي.

- مالها أساميهم مش فاهمة؟

سألت أيتن فأجابتها: هزلية، تحسي كأن أساميهم بتطلع عليهم لسانها، بتقولوهم أنا والزمن عليكم، بالذات عبد الشكور، هو لسة في راجل اسمه عبد الشكور أصلًا.

- ماله عبد الشكور بقى.

قالتها مها وقد عقدت ذراعها أمام صدرها ثم أردفت:

- معقول إحنا وصلنا للكده، حُكنا على الناس بقى شكلهم  
واسمهم وعدد الفلوروز بتوعهم، عبد الشكور بالذات أطيب واحد  
فيهم، طيب لعلمك بقى ده بي فكرني بجدي إسماعيل معانا واحنا  
صغيرين، تصرفاته مع ولاده، صبره على مراته، أنه يدافع عن واحدة  
ميعرفهاش، هو في حد في الزمن ده زيه أصلًا.

واستشعرت ابتسامة انزوت على شفقي آلاء فقررت أن تستدرك  
كلامها فأردفت:

- اللي عايزة أقوله إننا من غير ما نحس بقينا بنتسحب من  
إنسانيتنا في حُكنا على اللي حوالينا، وبقي الفِصل حاجات ملهاش  
لازمة

- معاكي حق، وللأسف، بقى بينا مشاهير اسمًا بدون تعب أو  
نجاح أو أي محاولة جادة أنهم يعملوا حاجة عدلة.  
وكان الرد من أيتن يعقبه الرد من آلاء:

- بس بشير قدامه فرصة كويسة للشهرة، أعتقد أظرفهم اسمًا،  
ومش بعيد لو اتشهر يرجع لصبا.

- لا والله.

والمعقب كانت أيتن كون الجملة استفزتها وعندها زادت ابتسامه  
آلاء، فأدركت مها وأيتن أن الحوار كان لأغراض أخرى، وعندها  
زادت ضحكة آلاء، وعندها سحبوها لتوسط سرير مها، ثم بدأتا في  
قذفها بالوسائد بينما هي تَهْتَف:



- نيتي بريئة أقسم بالله.

\*\*\*

جمعهم الطائرة التي كان لا يُعرف وجهتها، وعندها قرر أن يوضح:

- اللي حصل ده مش معناه إن التجربة فشلت، صدقي في أقرب فرصة هأرجع وهأدور على مكان تاني وأبدأ من جديد.  
لم يرد آدم فاستشعر عارف أنهم بالتأكيد يدبرون له مكيدة فأردف:

- مينفعش تشوفوا السليبات من غير ما تحطوا في اعتباراتكم إن الشركة وقّعت إن الجهاز فعلاً حول نبيهة للنانسي.  
وبابتسامة هازئة نادى آدم:

- سوزان، تعالى من فضلك.  
وعندما أتت كانت الصاعقة، هي نبيهة هي نانسي هي سوزان، عميلة قد تم دسها لمراقبته وأما عن جهازه الذي ظن أنه باكورة أفكاره العلمية فجميع من عمل بالتجربة الفعلية كان يعلم أن الجهاز معطوب وغير قادر على فعل شيء.  
- ليه؟

- كي تصدق نفسك، وتكمل ما كنا نريدك أن تكمله، ولن ننكر كنت ورقة رابحة والآن قد تم حرقك، وما يُحرق يا عارف يستلزم على الجميع أن يتخلصوا منه.

وعندها أخرج مسدسه من جيبه ليهتف عارف بخوف:

- فريد! ده على الأقل.

- قد قمنا بشرائه وتدريبه قبل أن يذهب لبيتك.

نفض عنه الذهول وقال باستجداء:

- دكتور آدم، التجربة الرسمية كانت الموت الإكلينيكي وتمت،

شركة الفيروز كانت النموذج المصغر لأي كيان يفقد توقيته الرسمي

وهويته وكيونته عشان يكون تابع للتوقيت العالمي، توقيت جرينتش؟

- مهمتك انتهت دكتور عارف، أعتقد أن الجحيم بحاجة إليك

الآن أكثر.

- دكتور آدم أنا...

أطلق الرصاص عليه دون أن يمنحه فرصة لكلمة أخرى ثم نظر إلى

جثته وسأل:

- إدوارد، هل وصلنا فوق البحر المتوسط؟

وحين أجابه بالإيجاب فتح باب الطائرة وألقى جثته ثم عقب

بعدها:

- عد بنا حيث وجهتنا.

- وماذا عن التجربة دكتور آدم؟

سألت سوزان فأجاب:

- سنكملها يا سوزان، حتى نصل إلى بُغيتنا، الثغرة الوحيدة هذه

المرّة أن الأربعة لم يستسلموا رغم انكسارهم، بالمرّة القادمة ستكون

مهمتنا نحو الأمل حتى إذا انكسروا عجزوا وعندها سنعود وستنجح التجربة.

أيعقل أن يكون الخلاص من عارف هكذا سهلاً؟

والإجابة: لا.

كونه سعى حتى رفع رأسه عن الماء ثم تنفس، ولولا القميص الواقى من الرصاص، والمادة الحمراء اللون الشبيهة بالدم لما ضمن أنهم سيصدقون موته، سيعود عارف يوماً ما، ولكن بالتأكيد ليس الآن، هو لن يحتاج إلا لمكان جديد وأناس جدد ومحاولة جديدة لإلهاء غيرهم.

"شوفت القرد".

نعم ولكن بمكان جديد وأفراد جدد واسم جديد، فمن العبث أن يضع وقتَه بالركض خلف الأربعة، أو "ربما" هو سيعود ولكن بالتأكيد ليس الآن.

لكن ماذا عن الأربعة؟

خرجوا من قاعة المؤتمرات ومشوا، وسؤال تلقفته عقولهم، هل بصدق انتصروا على عارف؟

تجاوزوا الجلوس بالحسين ويبد كل واحد منهم كوب من "الحليسة"، ومن قطع الصمت كان عيسوي وهو يسأل:

- تفتكروا فيروز هترجع؟

- معتقدتش، لأنها لو رجعت وازد تتسجن.

- المشكلة مين هياخد مكانها؟

- تفتكروا هتفرق؟

والسؤال من بشير للبقية فرض عليهم التفكير، هل حقًا لو جاء إلى الفيروز مدير يشبه من سبقته، سيكونون قد عادوا إلى نقطة الصفر، أم أن تجربتهم مع عارف غيرهم؟

"طيب هنعمل إيه دلوقتي؟"

سؤال من مسعود كان هو أول من يدرك صعوبته.

- هندور على القرص أو هنتخلقها.

قالها عبد الشكور وقد فكر، أحقًا هو وبكل ما ألت إليه ظروفه

قد يملك فرصة؟

"بعد ما خياتنا انهارت، بعد ما تجاربنا احنا فشلت".

والرد من مسعود لازمه تعقيب من بشير:

- مفيش تجربة بتفشل، لأن الآخر مش بييجي إلا لما أنت تقف

مكانك وترفض تتحرك.

- هينفع أنا وشجن نرجع.

- حاول لحد ما تقدر.

والصمت ساد بينهم، حياهم، غداً والقادم برمته، هل باستطاعتهم

إصلاحه؟

"ربما".

أم

"بالتأكيد"

الأمر يتعلق بهم؟

قطع حديثهم اتصال كان من إسماعيل، وما إن رد عيسوي حتى هتف إسماعيل بعصبية:

- أنتم فين يا ض منك له.

- في الحسين.

- حسنين إيه، أنا مش قايل تيجوا على البيت عشان عايزكم في موضوع مهم.

- ما هو يا جدي...

"جدي إيه وزفت إيه، المأذون قريب يحمض".

"مأذون؟"

قالها الأربعة بصوت جماعي، وعندها هتف عيسوي:

- مأذون إيه؟ ولين؟

- هيكون لمين يا سي عيسوي؟ ليا أنا ووالدتك طبعًا.

والصدمة ارتسمت على وجوههم، إسماعيل قرر أن يحسم القادم من حياته دون انتظار لمن اتخذوا من "ربما" مسلكًا.

"اقفل التيلفون ألاقيكم قدامي، فاهمين؟"

"فاهمين".

ثم وجه كلامه لبشير وقد شدّد:

- تجيب معاك علبتين جاتوه، وإياك تسترخص وصندوق حاجة  
ساقعة، فاهم؟

- طيب مش كنا استتينا لبكرة ورتبنا نفسنا أحسن؟  
- يا عالم ببكرة يا ابن بنتي، خيلنا في الهاردة، اللي تملكه واللي في  
إيدنا.

وعلى شفقي بشير ارتسمت بسمه وكأنه فهم المغزى، بل الأربعة  
قد فهموا، وعندها قال بشير قبل أن يختم مكالمته:  
- أنا قولتلك قبل كده إني بحبك قوي يا جدي.  
- انجز بقى يا أخى مش فاضلك.  
فلم يملك إلا الضحك وهو يقرر:  
- حاضر.  
وعندها همس إسماعيل بحب:  
- ربنا يخليك ليا.

وما إن أنهى المكالمه حتى التفت لهم هاتفاً:  
- عندنا فرح.  
قالتا بسعادة بينما توجهوا جميعهم بالمباركة العيسوي، وغادروا  
الحسين إلى الحلمية، وبغرفة مها كانت مشيرة برفقتها شجن وآلاء  
وأيتن بينما بغرفة الصالون كان اجتماع البقية، لتعالى زغاريد اعتماد  
وأمنية بجوار تصفيق كترى وضحكاتهم وقد تم إسماعيل زواجه.

وأما عنهم فثمة تجربة قد تمت ونجحت، تعلموا منها؛ أنهم يملكون  
وحدهم منح أنفسهم الأفضل بأيديهم وسعيهم وإدراكهم، وحسم  
أول قرار بحياتهم بالتخلص من "ربما" بشكل أبدي.

\*\*\*

شكر خاص لـ:

سامية أحمد

منى سلامة

د. أحمد سعيد مراد

منى غيضان

هاجر حمدي





لا يحتاج أي إنسان إلي اليأس من كسب أتباع  
لأغرب الغرضيات، إن كان لديه ما يكفي من  
الغن لعرضها في ألوان ملائمة".

حكمة قالها ديفيد هيوم بينما هو آمن بها  
فكانت موهبته سبر أغوار البشر، وغايته تجربة  
قد تقلب مصائرهم رأساً على عقب، لكن  
معضلة لم تكن بمن سيدخل إلى عالمه، بل  
من سيختار بإرادته أن يتبعه، من سيقدم  
التنازلات برضا، من سيقبل بكامل وعييه أن  
يصير مغيباً، فيكون...! "توقيت جرينتش".



9789774385706



للتسليم والتوزيع

دار الكتب

12 شارع عبد الهادي الطحان من بين الشيوخ منصور المرح الغوري - القاهرة - مصر

E-mail : daroktob1@yahoo.com

01111947957